

Ա. Ս. ԵՂԻԱԶԱՐՅԱՆ

ԱՐԱԲԱԿԱՆ ԽԱԼԻՖԱՅՈՒԹՅԱՆ ԱՐՄԻՆԻԱ ՎԱՐՉԱԿԱՆ ՇՐՋԱՆԸ

(ՊԱՏՄԱՆՇԽԱՐՀԱԳՐԱԿԱՆ ՈՒՍՈՒՄՆԱՍԻՐՈՒԹՅՈՒՆ)

ԵՐԵՎԱՆ
ԵՊՀ ՀՐԱՏԱՐԱԿՉՈՒԹՅՈՒՆ
2010

ՀՏԴ 941 (479.25)
ՊՄԴ 63.3 (23)
Ե 381



FUNDAÇÃO CALOUSTE GULBENKIAN

***Հրատարակվում է ԵՊՀ պատմության
ֆակուլտետի հայոց պատմության
ամբիոնի երաշխավորությամբ***

Եղիազարյան Ա.

Ե 381 Արաբական խալիֆայության Արմինիա վարչական շրջանը: Պատմա-աշխարհագրական ուսումնասիրություն / Ա. Եղիազարյան. - Եր., ԵՊՀ հրատ., 2010, 192 էջ:

Աշխատության մեջ քննության են առնվել Արաբական խալիֆայության Արմինիա վարչական շրջանի սահմանները, վարչական բաժանումը, գործող առևտրական ճանապարհները և էթնիկ կազմը: Կատարվել են Արմինիա վարչական շրջանի մեջ մտնող իշխանությունների և ազգագավառների, ինչպես նաև ճանապարհային կայարանների տեղադրություններ:

Այն կարող է օգտակար լինել հայագետների, կովկասագետների և արևելագետների համար, ինչպես նաև Հայաստանի և հարևան երկրների՝ միջին դարերի պատմությամբ և պատմական աշխարհագրությամբ հետաքրքրվող ընթերցողների համար:

ՀՏԴ 941 (479.25)
ՊՄԴ 63.3 (23)

ISBN-978-5-8084-1269-9

© ԵՊՀ հրատարակչություն, 2010 թ.
© Եղիազարյան Ա., 2010 թ.

ՆԵՐԱԾՈՒԹՅՈՒՆ

VII դ. 30-ական թթ. արաբները, միավորված ռազմատենչ կրոնով՝ իսլամով, անցան արտաքին նվաճումների: Շուրջ մեկ հարյուրամյակի ընթացքում նրանք ստեղծեցին մի հսկայածավալ կայսրություն, որը կոչում ենք Արաբական խալիֆայություն:

Արաբների ճանապարհին կանգնած էին դարաշրջանի երկու հզոր տերությունները՝ Սասանյան Պարսկաստանն ու Բյուզանդիան, որոնք երկարատև պատերազմներում հյուծվել էին և արաբների առաջխաղացումը կասեցնել ի վիճակի չէղան: Արաբներին հաջողվեց 640-ական թվականների սկզբին կործանել Սասանյանների տերությունը, իսկ Բյուզանդիան կարողացավ գոյատևել ու շարունակել պայքարը: Շուրջ կեսդարյա պայքարից հետո արաբները նվաճեցին Բյուզանդական կայսրության արևելյան տիրույթները, Հայաստանը, Վիրքը, Եգիպտոսը և Աֆիսագը: Վերջիններս, ինչպես նաև Ադվանը, մեծ մասամբ ընդգրկվեցին արաբների ստեղծած Արմինիա վարչական միավորի մեջ, որի արաբ կառավարչին՝ ամիրային, հայ պատմիչների կողմից տրված «ոստիկան» անվանումից այն կոչում ենք ոստիկանություն: Ստեղծվելով VIII դ. հենց սկզբին՝ այդ վարչական միավորը գոյատևեց ավելի քան մեկուկես հարյուրամյակ, մինչև Հայաստանի քաղաքական անկախության վերականգնումը:

Արաբական տիրապետության ժամանակաշրջանն առանձնահատուկ տեղ ունի Հայաստանի և Այսրկովկասյան երկրների¹ պատմության մեջ: Ուստիև Արմինիա ոստիկանության պատմական աշխարհագրության համակողմանի ուսումնասիրությունը մեծ կարևորություն է ներկայացնում ինչպես հայագիտության, այնպես էլ կովկասագիտության համար: Այդ ուսումնասիրությունը նաև իր արժեքավոր ներդրումն ունի հայ, վրացի և այլ ժողովուրդների քաղաքական պատմության ուսումնասիրության մեջ:

¹ «Ամրկովկաս» անվանումը գործածության մեջ է մտել XVIII դարից սկսած՝ Ռուսական կայսրության կողմից: Այն ընդգրկում էր ներկայիս Հայաստանի, Լեռնային Ղարաբաղի, Վրաստանի ու Ադրբեջանի հանրապետությունների տարածքները: Հետագայում այն պաշտոնական բնույթ ստացավ: Մեզ՝ Կովկասյան լեռներից այս կողմ բնակվողներիս համար, այդ անվանման ճիշտ ձևը «Այսրկովկաս»-ն է: Տես **Թ. Հակոբյան և Ուրիշներ**, Հայաստանի և հարակից շրջանների տեղանունների բառարան, հ. Ա, Ե., 1986, էջ 260:

Արմինիա ոստիկանության պատմական աշխարհագրության ուսումնասիրությունն ունի ոչ միայն զուտ գիտական, այլև կարևոր քաղաքական նշանակություն: Թուրք, ադրբեջանցի ու վրացի պատմաբանները՝ հետապնդելով հեռու գնացող քաղաքական նպատակներ, փորձում են նենգափոխել շատ պատմաաշխարհագրական իրողություններ: Հետևաբար, Հայաստանի և Այսրկովկասյան երկրների պատմական աշխարհագրությանը և վարչական բաժանումներին նվիրված ամեն մի անաչառ ուսումնասիրություն կարևոր ներդրում է մեր հարևան երկրների պատմաբանների նենգափոխումների և քաղաքական նկրտումների բացահայտման գործում:

Խնդրո առարկա թեման, ընդհանուր առմամբ, մեզանում դեռևս հատուկ ուսումնասիրության չի արժանացել: Թեև Արմինիա ոստիկանության մեջ մտնող երկրների պատմական աշխարհագրության որոշ հիմնահարցեր ուսումնասիրվել են դարձել մի քանի հայ և օտարազգի ուսումնասիրողների կողմից, բայց խալիֆայության այդ վարչական միավորի կազմավորման, վարչական բաժանման, առևտրական ճանապարհների և էթնիկ կազմի վերաբերյալ ամբողջական ուսումնասիրություն ցայսօր հրապարակի վրա չկա:

Սույն ուսումնասիրությունն այդ հիմնահարցերի համատեղ քննության փորձ է:

Մեր առջև նպատակ ենք դրել կատարելու Արմինիա ոստիկանության չորս վարչական շրջանների պատմաաշխարհագրական քննությունը, որոշելու Արմինիա մտնող և նրա տարածքով անցնող առևտրական ճանապարհների ուղղությունները և քննության առնելու Արմինիայի էթնիկ կազմը:

Այդ նպատակի իրականացման համար խնդիր է դրվել.

- ա. անդրադառնալ Հայաստանում և Այսրկովկասյան երկրներում պարսկա-բյուզանդական տիրապետության վերջին շրջանի պատմությանը՝ դրանով իսկ հստակեցնելով այն պատճառները, որոնք հիմք են հանդիսացել Արմինիա ոստիկանության վարչական բաժանման համար,
- բ. չորս Արմինիաների քննությունը կատարել հերթականությամբ և հստակեցնել դրանցից յուրաքանչյուրի սահմանները, ինչպես նաև վերջինների փոփոխությունները տասնամյակների ընթացքում,
- գ. կատարել Արմինիա ոստիկանության կազմի այլևայլ, դեռևս առանձին ուսումնասիրության թեմա չդարձած երկրների և իշխանությունների տեղադրությունը,

դ. տեղադրել Արմինիայում գտնվող Ճանապարհային կայարանները, որոշել Արմինիա ոստիկանության առևտրական կապերի ուղղությունները,

ե. հերթականությամբ քննության առնել Արմինիա ոստիկանության չորս վարչական շրջաններում գոյություն ունեցող էթնական պատկերը, դրանցում արաբ վերաբնակիչների հաստատման հիմնահարցը՝ հատուկ ուշադրություն դարձնելով այն խնդրին, թե չորս Արմինիաներից յուրաքանչյուրի կազմում հատկապես որտե՞ղ և ո՞ր արաբական ցեղն էր հաստատվել:

Արաբական տիրապետության ժամանակաշրջանում Հայաստանի և Այսրկովկասյան երկրների պատմության ուսումնասիրության համար առաջնակարգ նշանակություն ունեն հայկական սկզբնաղբյուրները:

Հայաստանում և Այսրկովկասյան երկրներում պարսկա-բյուզանդական տիրապետության վերջին շրջանի և արաբական առաջին արշավանքների մասին մանրամասն տեղեկություններ են պահպանվել Սեբեոսի «Պատմութիւն» աշխատության մեջ¹: Հեղինակը ներկայացնում է տարածաշրջանում VII դ. առաջին կեսին ստեղծված քաղաքական իրավիճակը, որը հնարավորություն տվեց արաբներին արագորեն մեծ հաջողությունների հասնելու, կործանելու Սասանյանների տերությունը և Բյուզանդական կայսրությունից խլելու ընդարձակ տարածքներ: Սեբեոսը նկարագրում է Թեոդորոս Ռշտունու քաղաքականությունը արաբ նվաճողների նկատմամբ, վերջիններիս վերաբերմունքը Հայաստանի և Այսրկովկասյան երկրների հանդեպ, արաբա-բյուզանդական պատերազմներն այդ երկրներին տիրելու համար, 652 թ. հայ-արաբական պայմանագիրը և այլն:

Արաբական տիրապետության ժամանակաշրջանի վերաբերյալ կարևոր սկզբնաղբյուր է Ղևոնդ վարդապետի երկը՝ «Պատմութիւն»-ը²: Ղևոնդը, Սեբեոսի նման, իր պատմությունը սկսում է արաբական առաջին արշավանքներից, սակայն, նրա «Պատմութիւն»-ը հիմնականում նվիրված է VIII դ. իրադարձություններին: Ղևոնդն իր երկում մանրամասնորեն նկարագրում է արաբական տիրապետության հաստատումը՝ բերելով հավաստի վկայություններ: Ղևոնդի աշխատության մեջ, ինչպես այս շրջանին վերաբերող բոլոր հայ պատմիչների երկերում, ման-

¹ «Պատմութիւն Սեբեոսի» (այսուհետև՝ Սեբեոս), աշխատասիրությամբ Գ. Աբգարյանի, Ե., 1979:

² «Պատմութիւն Ղևոնդեայ մեծի վարդապետի Հայոց» (այսուհետև՝ Ղևոնդ), Ս. Պետերբուրգ, 1887:

րամասնորեն նկարագրված են երկրում տիրող տնտեսական ծանր վիճակը, հարկային կեղեքումները և ժողովրդի անմխթար վիճակը:

Թովմա Արծրունին, հիմնական նպատակակետ ունենալով Վասպուրականի Արծրունյաց իշխանության պատմության շարադրությունը, իր «Պատմութիւն տանն Արծրունեաց» երկում¹ հաճախ անդրադառնում է նաև Արմինիայի մյուս շրջանների պատմության և աշխարհագրության որոշ կարևոր հիմնահարցերի: Թովմա Արծրունու տեղեկություններից պատկերացում ենք կազմում նաև Վասպուրականում հաստատված արաբական ցեղերի գրաված տարածքների մասին:

Արաբական տիրապետության ժամանակաշրջանի Հայաստանի և Այսրկովկասյան երկրների մասին կարևոր տեղեկություններ են պահպանվել Հովհաննես Դրասխանակերտցու «Պատմութիւն Հայոց»-ում²:

Կարևոր աղբյուր է նաև Ստեփանոս Տարոնեցի Ասողիկի «Պատմութիւն տիեզերական» աշխատությունը³: Այն հայտ է, որ հեղինակն իր երկի՝ VII-VIII դդ. պատմության մասին հատվածները շարադրելիս մեծապես օգտվել է Ղևոնդի «Պատմութիւն»-ից:

Խնդրո առարկա ժամանակաշրջանի շատ հիմնախնդիրների պարզաբանման համար մեծ արժեք է ներկայացնում Մովսես Դասխուրանցու (գրականության մեջ նաև Կաղանկատվացի կոչված) «Պատմութիւն Աղուանից աշխարհի» երկը⁴: Այս աշխատությունը հիմնականում վերաբերում է Հայոց Արևելից կողմերի երկու աշխարհների՝ Արցախի և Ուտիքի պատմությանը, սակայն, կարևոր տեղեկություններ է պահպանել նաև Հայաստանի մյուս շրջանների և Այսրկովկասյան երկրների մասին:

Կարևոր է նաև Վարդան Արևելցու «Հաւաքումն պատմութեան» աշխատության նշանակությունը⁵: Հեղինակի տեղեկությունները լույս են սփռում Կղարքքում, իսկ այնուհետև նաև Վիրքում հայ Բագրատունիների ծյուղի հաստատման, Հայաստանում արաբական ցեղերի վերաբնակեցման ու տարածման և այլ կնճռոտ հարցերի վրա:

¹ Տե՛ս Թովմա Արծրունի և Անանուն, Պատմութիւն տանն Արծրունեաց (այսուհետև՝ Թովմա Արծրունի և Անանուն), բնագիրը Վ. Վարդանյանի, Ե., 1985:

² Տե՛ս «Հովհաննու կաթողիկոսի Դրասխանակերտցոյ Պատմութիւն Հայոց» (այսուհետև՝ Հովհաննես Դրասխանակերտցի), ծանոթագրությունները Գ. Թոսունյանի, Ե., 1996:

³ Տե՛ս «Ստեփանոսի Տարոնեցոյ Ասողկան Պատմութիւն տիեզերական» (այսուհետև՝ Ասողիկ), հրատ. Ստ. Մալխասեանց, Ս. Պետերբուրգ, 1885:

⁴ Տե՛ս Մովսես Կաղանկատուացի, Պատմութիւն Աղուանից աշխարհի (այսուհետև՝ Մովսես Կաղանկատվացի), քննական բնագիրը և ներածությունը Վ. Առաքելյանի, Ե., 1983:

⁵ Տե՛ս «Հաւաքումն պատմութեան Վարդանայ վարդապետի» (այսուհետև՝ Վարդան վարդապետ), Վեներիկ, 1862:

Մեծ Հայքի և հարևան երկրների վարչաքաղաքական բաժանման համակարգի, գավառների տեղադրության և պատմաաշխարհագրական այլ հարցերի վերաբերյալ ստույգ և արժեքավոր նյութեր են պարունակում Փավստոս Բուզանդի, Մովսես Խորենացու, Եղիշեի, Ղազար Փարպեցու և Հովհան Մամիկոնյանի երկերը¹:

Պատմաաշխարհագրական և այլ կարգի հարցերում մեծ է նաև Անանուհ Ջրուցագրի կամ կարծեցյալ Շապուհ Բագրատունու, Կիրակոս Գանձակեցու, Մատթեոս Ուռհայեցու, Սամվել Անեցու և Ստեփաննոս Օրբելյանի աշխատությունների դերը²: Այդ հարցերում մեծ կարևորություն ունի նաև «Աշխարհացոյց»-ը³:

Արաբական տիրապետության շրջանի Հայաստանի և Այսրկովկասյան երկրների պատմության և պատմական աշխարհագրության ուսումնասիրության համար կարևոր նշանակություն ունեն նաև արաբական աղբյուրները:

Արաբ հեղինակներին մենք պայմանականորեն բաժանում ենք երկու խմբի: Առաջին խմբում ընդգրկում ենք այն հեղինակներին, որոնք հիշատակում են Արմինիան որպես խալիֆայության կազմում առանձին վարչական միավոր, իսկ երկրորդ խմբում՝ այն հեղինակներին, որոնք Արմինիա անվան տակ նկատի ունեն Հայաստանը:

Արաբ հեղինակների առաջին խմբում նախ և առաջ պետք է դասել Բալազուրիին, որի աշխատությունը կոչվում է «Գիրք երկրների

¹ Տե՛ս «Փաստոսի Բիւզանդացոյ Պատմութիւն Հայոց» (այսուհետև՝ **Փավստոս Բուզանդ**), բնագիրը Բ. Պատկանյանի, Ե., 1987, «Մովսիս Խորենացոյ Պատմութիւն Հայոց» (այսուհետև՝ **Մովսես Խորենացի**), քննական բնագիրը Մ. Աբեղյան և Ս. Հարությունյանի, Ե., 1981, Եղիշե, Վասն Վարդանայ և Հայոց պատերազմին (այսուհետև՝ **Եղիշե**), ծանոթագրությունները Ե. Տեր-Մինասյանի, Ե., 1989, «Ղազարայ Փարպեցոյ Պատմութիւն Հայոց, թուղթ առ Վահան Մամիկոնեան» (այսուհետև՝ **Ղազար Փարպեցի**), քննական բնագիրը Գ. Տեր-Սկրտչյանի և Ստ. Մալխասյանի, Ե., 1982, **Յովհան Մամիկոնեան**, Պատմութիւն Տարօնոյ (այսուհետև՝ **Հովհան Մամիկոնյան**), աշխատությամբ Ա. Աբրահամյանի, Ե., 1941:

² Տե՛ս «Պատմութիւն Շապիոյ Բագրատունոյ» (այսուհետև՝ **Շապուհ Բագրատունի**), ի լոյս ածին Գ. Տեր-Սկրտչեան եւ Մեսրոպ Եպիսկոպոս, Էջմիածին, 1921, «Պատմութիւն Հայոց արարեալ Կիրակոսի վարդապետի Գանձակեցոյ», Թիֆլիս, 1909 (այսուհետև՝ **Կիրակոս Գանձակեցի**), Ե., 1909, «Մատթեոսի Ուռհայեցոյ ժամանակագրութիւն» (այսուհետև՝ **Մատթեոս Ուռհայեցի**), գրաբար բնագիրը Մ. Մելիք-Արամյանի և Ն. Տեր-Միքայելյանի, Ե., 1991, «Սամուելի քահանայի Անեցոյ Հաւաքմունք ի գրոց պատմագրաց» (այսուհետև՝ **Սամվել Անեցի**), յառաջաբանով, համեմատութեամբ, յաւելուածներով եւ ծանօթութիւններով Ա. Տեր-Միքելեանի, Վաղարշապատ, 1893, «Ստեփաննոսի Օրբելեան արքեպիսկոպոսի Սիւնեաց Պատմութիւն նահանգին Սիսական» (այսուհետև՝ **Ստեփաննոս Օրբելյան**), Թիֆլիս, 1910:

³ Տե՛ս Արրահամյան Ա., Անանիա Շիրակացու մատենագրությունը, Ե., 1944, **К. Патаканов**, Армянская география VII века по П.Х. Гипписывавшаяся Моисею Хоренскому, Санктпетербург, 1877, «Աշխարհացոյց Մովսեսի Խորենացոյ յաւելուածովք նախնեաց», հրատ. Ա. Սուքրեան, Վենետիկ, 1881:

նվաճման [մասին]»¹: IX դ. հեղինակը մանրամասնորեն նկարագրում է Հայաստանի, Վիրքի, Աղվանից աշխարհի և Սերձկասայան շրջանների նվաճումը, տալիս Արմինիա ոստիկանության վարչական բաժանումը: Ըստ Բալազուրիի՝ Արմինիան բաժանված էր չորս մասերի՝ Առաջին, Երկրորդ, Երրորդ և Չորրորդ Արմինիաների: Արմինիա ոստիկանության վարչական բաժանման մասին նմանօրինակ հիշատակություններ են պահպանել համարյա բոլոր արաբ հեղինակները, որոնք անդրադարձել են Արմինիայի վարչական բաժանմանը: Բալազուրիի երկում արժեքավոր տեղեկություններ կան նաև Արմինիայում հաստատված արաբական ցեղերի մասին:

Միակ արաբ հեղինակը, որը Արմինիայի վարչական բաժանման մյուսներից տարբերվող տեղեկություն է տալիս, IX դ. հեղինակ Յակուբին է: Նրա գրչին են պատկանում «Պատմություն»² և «Գիրք երկրների [մասին]» աշխատությունները³: Ըստ Յակուբիի՝ Արմինիան բաժանված

¹ Տե՛ս . ۱۹۵۶-۱۹۵۸، القاهرة، ۱-۳، كتاب فتوح البلدان، (այսուհետև՝ بلانري): Գոյություն ունեն Բալազուրիի երկի հատվածների տարբեր թարգմանություններ: 1919 թ. Վիեննայում Բ. Խալաթյանը հրատարակել է «Արաբացի մատենագրեր Հայաստանի մասին» ժողովածուն, որտեղ, բացի Բալազուրիի աշխատանքի հատվածների թարգմանություններից, տեղ են գտել նաև թարգմանություններ Իբն Մասկավայի, Տաբարու, Յակուբիի և Իբն ալ-Ասիրի երկերից (տե՛ս «Արաբացի մատենագրեր Հայաստանի մասին, Վիեննա, 1919»): Բալազուրիի երկի «Արմինիայի նվաճումը», «Աղաբբայջանի նվաճումը», «Խարաջային հողերի օրենքների մասին» և «Դրամի մասին» զլուխների արաբերեն տեքստերը և դրանց թարգմանությունները հրատարակել է կովկասագետ Պ. Ժուլեն (տե՛ս Из соч. Баладзори "Книга завоевания стран", текст и перевод П. Жузе, Баку, 1927). 2005 թ. լույս տեսավ IX-X դդ. արաբ 18 մատենագիրների (Աբու Յուսուֆ, Վահբ իբն Մունաբբիհ/Իբն Հիշամ, Վակիդի, Խալիֆա իբն Խայյաթ, Իբն Կուտայբա, Դինավարի, Բալազուրի, Յակուբի, Խորեզմի, Ջահիզ, Իբն Խորդադեհ, Իբն ալ-Ֆակիհ, Իբն Ռուստեհ, Ֆարդանի, Կուդամա իբն Ջաաֆար, ալ-Իսթախրի, Իբն Հաուկալ, ալ-Մուկադդասի) աշխատությունների՝ Հայաստանին, ինչպես նաև երկրան և հեռավոր շատ երկրների վերաբերող հատվածների Ա. Տեր-Ղևոնդյանի թարգմանությունը (տե՛ս «Օտար աղբյուրները Հայաստանի և հայերի մասին», 16, «Արաբական աղբյուրներ», Գ, Արաբ մատենագիրներ, Թ-ժ դարեր, ներածությունը և բնագրերից թարգմանությունները Ա. Տեր-Ղևոնդյանի, Ե., 2005), որը մեծաթիվ ներդրում է հայագիտության և արաբագիտության մեջ: Բալազուրիի երկի հատվածների թարգմանությունը տե՛ս անդ, էջ 224-312:

² Տե՛ս . ۱۹۷۰، بيروت، ۲، تاريخ اليعقوبي، (այսուհետև՝ يعقوبي): Յակուբիի «Պատմության»՝ Հայաստանին վերաբերող հատվածները քաղել ու թարգմանել են Բ. Խալաթյանը (տե՛ս «Արաբացի մատենագրեր Հայաստանի մասին»), Զ. Աղամյանը (տե՛ս «Յագուպի արաբ պատմագիրը և հայերը», «Բազմավեպ» 1957, թիվ 11-12, 1958, թիվ 3-5) և Ա. Տեր-Ղևոնդյանը (տե՛ս «Օտար աղբյուրներ...», 16, էջ 332-399):

³ Տե՛ս "Kitāb al-Boldān auctore Ahmed ibn Abī Jakūb ibn Wādhīh al-Kātib al-Jakūbī" (այսուհետև՝ **Jakubi**).-Bibliotheca geographorum arabicorum (այսուհետև՝ BGA), editio II, p. VII, Lugd. Bat., 1967. Այս երկի՝ Կովկասի վերաբերող հատվածները քաղել ու թարգմանել է Ն. Կարաուլովը (տե՛ս **Н. Караулов**, Сведения арабских писателей о Кавказе, Армении и Азербейджане.-«Сборник материалов для описания местностей и племен Кавказа» (այսուհետև՝ СМОМПК), вып. 32, Тифлис, 1903, с. 56-61),

էր երեք մասի, որոնք հաջորդաբար կոչվում էին Առաջին, Երկրորդ և Երրորդ Արմինիաներ: Այս հեղինակը երիտասարդ տարիներին ապրել էր Արմինիայում, ուստի և քաջաժանոթ էր այնտեղ գոյություն ունեցող վարչա-քաղաքական իրավիճակին:

Արմինիա ոստիկանության վարչական բաժանման և առևտրական ճանապարհների վերաբերյալ հարուստ տեղեկություններ են պահպանվել IX դ. հեղինակ Իբն Խորդադեհի «Գիրք ճանապարհների և թագավորությունների [մասին]» աշխատության մեջ¹: Իբն Խորդադեհին Արմինիա ոստիկանության ժամանակակիցն է, ուստի և հետագայի շատ արաբ հեղինակների համար նրա երկն արժեքավոր տեղեկությունների աղբյուր է համդիսացել:

Արմինիա ոստիկանության մասին արժեքավոր տեղեկություններ են պահպանվել նաև IX-X դդ. աշխարհագետ Իբն ալ-Ֆակիհի «Գիրք երկրների [մասին]» երկում²: Սեզ համար հատկապես կարևոր են այս աշխարհագետի տեղեկությունները Կովկասյան լեռների արևելյան հատվածի իշխանությունների և Արմինիայի հարստությունների մասին:

XIII դ. հեղինակ Յակուտ ալ-Ֆամավին իր «Աշխարհագրական բառագիրք»-ը³ կազմելիս ի մի է բերել նախորդ շրջանի արաբ հեղինակների հիշատակությունները: Սակայն, Յակուտն իր աշխատության էջերում ոչ միայն պարզապես տալիս է այս կամ այն հեղինակից վերցրած տեղեկությունները, այլև հաղորդում իր տեսածը կամ լսածը տվյալ երկրի մասին:

Առաջին խմբի մեջ պետք է դասել նաև X դ. աշխարհագետ Կուդա-

իսկ Չայաստանին և հարևան երկրներին վերաբերող հատվածները՝ Ա. Տեր-Ղևոնդյանը (տե՛ս «Օտար աղբյուրները...», 16, էջ 460-476):

¹ Տե՛ս **Ibn Khordādhbeh**, Kitāb al-masālik wa'l-mamālik (այսուհետև՝ Ibn Khordādhbeh).-BGA, editio II, p. VI, Lugd. Bat., 1967. Իբն Խորդադեհի երկի՝ Կովկասին վերաբերող հատվածները քաղել ու թարգմանել է Ն. Կարաուլովը (տե՛ս CMOMIK, նշվ. աշխ., ԿԵՄ. 32, c. 4-19), իսկ Չայաստանին և հարևան երկրներին վերաբերող հատվածները՝ Ա. Տեր-Ղևոնդյանը (տե՛ս «Օտար աղբյուրները...», 16, էջ 433-454):

² Տե՛ս **Ibn al-Fakih al-Hamadani**, Kitāb al-buldān (այսուհետև՝ Ibn al-Fakih).-BGA, editio II, p. V, Lugd. Bat., 1967. Այս երկի՝ Կովկասին վերաբերող հատվածները քաղել ու թարգմանել է Ն. Կարաուլովը (տե՛ս CMOMIK, նշվ. աշխ., ԿԵՄ. 31, Труды, 1902, c. 4-41), իսկ Չայաստանին և հարևան երկրներին վերաբերող հատվածները՝ Ա. Տեր-Ղևոնդյանը (տե՛ս «Օտար աղբյուրները...», 16, էջ 480-504):

³ Տե՛ս Jacut's Geographisches Wörterbuch aus den Handschriften zu Berlin, St. Petersbourg und Paris herausgegeben von Ferdinand Wüstenfeld (այսուհետև՝ Jacut), Leipzig, 1924 (in sechs Bänden). Յակուտի երկի՝ Չայաստանին և հարևան երկրներին վերաբերող հատվածները քաղել և թարգմանել է Յ. Նալբանդյանը (տե՛ս «Արաբական աղբյուրները Չայաստանի և հարևան երկրների մասին», Յակուտ ալ-Ֆամավի, Աբուլ-Ֆիդա, Իբն Շադադ, Ե., 1965):

մային՝ իր «Գիրք խարաջի [մասին]» աշխատությամբ¹: Կուդամայի հայրն անձամբ ծանոթ է եղել Իբն Խորդադեհին, ուստի և զարմանալի չէ նրա որոշ տեղեկությունների նմանությունն այդ հեղինակի տեղեկություններին:

Արժեքավոր են նաև IX-Xդդ. արաբ աշխարհագետ Իբն Ռուստեհի հաղորդած տեղեկություններն Արմինիա ուստիկանության մասին: Հեղինակի երկը կոչվում է «Գիրք թանկարժեք քարերի [մասին]»²:

Արաբական սկզբնաղբյուրների երկրորդ խմբի մեջ իր տեղեկությունների հարստությամբ աչքի է ընկնում X դ. ալ-Իսթախրիի «Գիրք թագավորությունների ծանապարհների [մասին]» աշխատությունը³: Մեծ է Արմինիայի տարբեր իշխանությունների, ինչպես նաև առևտրական ծանապարհների և դրանց կայարանների մասին ալ-Իսթախրիի պահպանած տեղեկությունների արժեքը:

Իբն Հաուկալն իր «Երկրի համայնապատկեր» երկի⁴ որոշ հատվածներ շարադրելիս օգտվել է ալ-Իսթախրիի վկայություններից: X դ. հեղինակի տեղեկությունները արժեքավոր են Հայաստանի և Այսրկովկասյան երկրների առևտրական ծանապարհների ուղղությունների որոշակիացման և կայարանների տեղադրության համար: Իբն Հաուկալը կարևոր տեղեկություններ է պահպանել նաև Արմինիայի քաղաքների մասին:

Արաբ աշխարհագետների մեջ իր ուրույն տեղն ունի X դ. հեղինակ ալ-Մուկադդասին: Նա գրել է «Լավագույն բաժանման գիրքը՝ կլիմանե-

¹ Տե՛ս "Excerpta e Kitāb al Kharadj auctore Kudama-ibn Dja'far" (այսուհետև՝ Kudama).-BGA, editio II, p. VI, Lugd. Bat., 1967. Այս երկի՝ Կովկասին վերաբերող հատվածները քաղել ու թարգմանել է Ն. Կարաուլովը (տե՛ս СМОПІК, вып. 32, с. 24-33), իսկ Հայաստանին և հարևան երկրներին վերաբերող հատվածները՝ Ա. Տեր-Ղևոնդյանը (տե՛ս «Օտար աղբյուրները...», 16, էջ 544-564):

² Տե՛ս "Kitāb al-a'lāk an-nafisa auctore Abū-Ali Ahmad-ibn-Omar ibn Rosteh" (այսուհետև՝ Ibn Rosteh).-BGA, editio II, p. VII, Lugd. Bat., 1967. Իբն Ռուստեհի երկի՝ Կովկասին վերաբերող հատվածները քաղել ու թարգմանել է Ն. Կարաուլովը (տե՛ս СМОПІК, вып. 32, с. 36-51), իսկ Հայաստանին և հարևան երկրներին վերաբերող հատվածները՝ Ա. Տեր-Ղևոնդյանը (տե՛ս «Օտար աղբյուրները...», 16, էջ 510-527):

³ Տե՛ս al-Istakhri, Kitāb masālik al-mamālik (այսուհետև՝ al-Istakhri).- BGA, editio III, p. I, Lugd. Bat., 1967. Այս երկի՝ Կովկասին վերաբերող հատվածները քաղել ու թարգմանել է Ն. Կարաուլովը (տե՛ս СМОПІК, вып. 29, Тифлис, 1901, с. 2-55), իսկ Հայաստանին և հարևան երկրներին վերաբերող հատվածները՝ Ա. Տեր-Ղևոնդյանը (տե՛ս «Օտար աղբյուրները...», 16, էջ 572-578):

⁴ Տե՛ս Abū 'L-Kāsim Ibn Haukal al-Nasībī, Kitāb surāt al-ard (այսուհետև՝ Ibn Haukal).-BGA, editio III, p. II, Lugd. Bat., 1967. Իբն Հաուկալի երկի՝ Կովկասին վերաբերող հատվածները քաղել ու թարգմանել է Ն. Կարաուլովը (տե՛ս Н. Карацов, Изд. ашх., вып. 38, Тифлис, 1908, с. 81-118), իսկ Հայաստանին և հարևան երկրներին վերաբերող հատվածները՝ Ա. Տեր-Ղևոնդյանը (տե՛ս «Օտար աղբյուրները...», 16, էջ 583-642):

րի¹ ճանաչման համար» երկը²: Մուկադդասին մանրամասն տեղեկություններ է պահպանել Հայաստանի և Այսրկովկասյան երկրների քաղաքների և առևտրական ճանապարհների մասին:

Հայաստանի և Այսրկովկասյան երկրների աշխարհագրությանը մանրամասնորեն անդրադարձել է նաև X դ. արաբ աշխարհագետ Մասուդին իր «Ոսկու մարգագետիններ և գոհարների հանքեր» աշխատության մեջ³: Նրա գրչին է պատկանում նաև «Հադդոդումների և իմացությունների գիրք»ը⁴:

Արաբական պատմագրության նշանավոր ներկայացուցիչ է Իբն ալ-Ասիրը (XII-XIIIդդ.): Իր բազմաշառիտ «Լիակատար պատմություն»⁵ աշխատության մեջ հեղինակն ընդհանուր պատմությունը շարադրել է սկզբից մինչև 1231 թ.: Իբն ալ-Ասիրի երկն արժեքավոր աղբյուր է Արմինիա ոստիկանության պատմության շատ հիմնահարցերի լուսաբանման համար:

Արաբական մատենագրության մեջ կարևոր տեղ են զբաղեցնում նաև Թաբարիմ⁶, Իբն Մասկավայը⁷ և ալ-Քուֆիմ⁸:

¹ Հայտնի է, որ արաբական աշխարհագրությունը բնակելի աշխարհը բաժանում էր 7 կլիմաների կամ երկրների խմբերի (տե՛ս Ibn Rosteh, էջ 97-98):

² Stū al-Moqaddasi, Kitāb ahsān at-tākasim fi ma'rifat al-akālim (այսուհետև՝ al-Moqaddasi).-BGA, editio III, p. III, Lugd. Bat., 1967. Այս երկի՝ Կովկասին վերաբերող հատվածները քաղել ու թարգմանել է Ն. Կարաուլովը (տե՛ս СМОМПК, вып. 38, с. 3-19), իսկ Հայաստանին և հարևան երկրներին վերաբերող հատվածները՝ Ա. Տեր-Ղևոնդյանը (տե՛ս «Օտար աղբյուրներ...», 16, էջ 650-659):

³ Stū ۱۹۴۸، القاهرة، ۱-۲، مروج الذهب و معادن الجواهر، مسعودي (այսուհետև՝ مسعودي): Հայտնի են Մասուդիի այս երկի Կովկասին վերաբերող հատվածի 4. Միմոսկու և Ն. Կարաուլովի թարգմանությունները (տե՛ս В. Митроفسкий, История Дербенда и Ширвана IX-XI вв., Москва, 1963, էջ 188-215, և Н. Караулов, СМОМПК, вып. 38, с. 37-61):

⁴ Stū "Kitāb at-tanbih wa'l ischrāf auctore al-Masūdī" (այսուհետև՝ Masūdī).-BGA, editio II, p. VIII, Lugd. Bat., 1967. Մասուդիի այս երկի՝ Կովկասին վերաբերող հատվածները քաղել ու թարգմանել է Ն. Կարաուլովը (տե՛ս СМОМПК, вып. 38, с. 31-37): 2007 թ. լույս տեսավ Մասուդիի երկու աշխատությունների՝ Հայաստանին և հարևան երկրներին վերաբերող հատվածների հայերեն թարգմանությունը (տե՛ս Արու ալ-Հասան Ալի իբն ալ-Հուսայն իբն Ալի ալ-Մասուդի, Ոսկու մարգագետիններ և գոհարների հանքեր, Ցուցումների և դիտարկումների գիրք.-թարգմանեց և հրատարակության պատրաստեց Ա. Եղիազարյանը, Ե., 2007):

⁵ Stū ۱۹۶۷، بيروت، ۱-۹، الكامل في التاريخ، ابن الاثير (այսուհետև՝ ابن الاثير): Արաբ հեղինակի երկի՝ Հայաստանին վերաբերող հատվածները քաղել ու թարգմանել են Բ. Խալաթյանը (տե՛ս «Արաբացի մատենագրեր Հայաստանի մասին», էջ 124-147) և Ա. Տեր-Ղևոնդյանը (տե՛ս «Օտար աղբյուրները Հայաստանի և հայերի մասին», 11, «Արաբական աղբյուրներ», Բ, Իբն ալ-Ասիր, թարգմանություն բնագրից, առաջաբան և ծանոթություններ Ա. Տեր-Ղևոնդյանի, Ե., 1981):

⁶ Stū ۱-۹، بيروت، تاريخ الطبري (այսուհետև՝ طبري): Թաբարիի երկի՝ Հայաստանին վերաբերող հատվածների թարգմանությունը տե՛ս Բ. Խալաթյանը, նշվ. աշխ., էջ 79-102:

⁷ Stū Բ. Խալաթյանը, նշվ. աշխ., էջ 77-79:

⁸ Stū al-Kufi, Kitāb'l-futūh (այսուհետև՝ al-Kufi), I-VIII, Hyderabad, 1968-1975. Ալ-Քուֆիի երկի՝ Ադրբեջանին վերաբերող հատվածները թարգմանել է Զ. Բունիաթովը (տե՛ս

Բացի հայկական և արաբական սկզբնաղբյուրներից կարևոր են նաև պարսկական, վրացական և բյուզանդական աղբյուրները: Առաջիններից մեզ համար օգտակար է եղել պարսկական աշխարհագրական երկը՝ Դուդուդ ալ-Ալամը¹, իսկ երկրորդներից՝ «Քարթլիս ցխովրեբա»-ն², «Քարթլիի մատյան»-ը³ և Վախուշտի Բագրատունու «Վրաց թագավորության պատմությունը»⁴: Վրացական աղբյուրների՝ Հայաստանին վերաբերող հատվածների թարգմանությունները կատարել է Լ. Մելիքսեթ-Բեկը⁵: Վերջինները մեզ համար օգտակար են եղել Վիրքի պատմաաշխարհագրական որոշ հիմնահարցերի պարզաբանման համար:

Բյուզանդական աղբյուրներից մեզ համար կարևոր է Թեոփանես Խոստովանողի «Ժամանակագրություն» երկը⁶: Թեոփանեսը մանրամասն տեղեկություններ է պահպանել VII դ. երկրորդ կեսի արաբ-բյուզանդական պատերազմների և արաբների կողմից Հայաստանի և Այսրկովկասյան երկրների նվաճման մասին:

Կարևոր աղբյուր է նաև Կոստանդին Ծիրանածնի երկը⁷:

Օգտագործել ենք նաև հույն աշխարհագրագետ Ստրաբոնի և հռոմեացի պատմիչ Պլինիոսի աշխատությունները⁸:

Մեր ուսումնասիրության համար կարևոր են նաև ասորական աղբյուրները: Մենք օգտվել ենք ասորական աղբյուրների Ն. Պիզուլևսկա-

Абу Мухаммад Ахмад ибн А'сам ал-Куфи, Книга завоеваний (извлечения по истории Азербайджана VII-IX вв.), перевод З. Буниятова, Баку, 1981):

¹ St'u Hudūd al-'Ālam, «The regions of the world», A Persian geography 372 A.H-982 A.D. (այսուհետև՝ Hudud al-Alam), translated and explained by V. Minorsky, London, 1937.

² «Քարթլիս ցխովրեբայի կամ վրաց պատմության հին հայերեն թարգմանությունը», լույս ընծայեց Ի. Աբուլաճեն, Թիֆլիս, 1953:

³ St'u «Матиане Картლისа», перевод, введение и примечания М. Лордкипанидзе, Тбилиси, 1976.

⁴ St'u **Вахушти Багратиони**, История царства Грузинского (այսուհետև՝ **Вахушти Багратиони**), перевод Н. Накашидзе, Тбилиси, 1976:

⁵ St'u Լ. Մելիքսեթ-Բեկ, «Վրաց աղբյուրները Հայաստանի և հայերի մասին», հ. Ա-Գ, Ե., 1934-1955:

⁶ St'u «Օտար աղբյուրները Հայաստանի և հայերի մասին», «Բյուզանդական աղբյուրներ», Դ, Թեոփանես Խոստովանող (այսուհետև՝ **Թեոփանես Խոստովանող**), թարգմ. բնագրից, առաջաբան և ծանոթ. Հ. Բարթիկյանի, Ե., 1983:

⁷ St'u «Օտար աղբյուրները Հայաստանի և հայերի մասին», «Բյուզանդական աղբյուրներ», Բ, Կոստանդին Ծիրանածին (այսուհետև՝ **Կոստանդին Ծիրանածին**), թարգմ. բնագրից, առաջաբան և ծանոթ. Հ. Բարթիկյանի, Ե., 1970:

⁸ St'u **Страбон**, География, в 17 книгах (այսուհետև՝ **Страбон**), перевод, статья и комментарии Г. Стратановского, Москва, 1964, Pliny Natural history (այսուհետև՝ Pliny), with an English translation by H. Rackham, in ten volumes, vol. II, Great Britain, 1947.

յայի կատարած թարգմանությունից¹:

Ամիրաժեշտաբար օգտագործել ենք նաև մի շարք աշխարհագրական ու ազգագրական ուսումնասիրություններ և ուղեգրություններ²:

Մեծապես օգտվել ենք նաև Ցարական Ռուսաստանի բանակային շտաբի հինգ և տասվերստանոց քարտեզներից, ինչպես նաև նախախորհրդային ժամանակաշրջանում հրատարակած տարբեր մասշտաբների այլևայլ քարտեզներից:

Ամրադառնալով հարցի ուսումնասիրության պատմությանը՝ ընդգծենք, որ հրապարակի վրա կա միայն մեկ պատմաաշխարհագրական ուսումնասիրություն Չայաստանի մասին: Խոսքը Ս. Շելպյանի «Արաբական խալիֆաթի վարչական քաղաքականությունը Չայաստանում (7-9 դդ.)» աշխատության մասին է³: Ս. Շելպյանը մանրամասնորեն ամրադարձել է արաբական տիրապետության շրջանի Չայաստանի և համառոտակի՝ Այսրկովկասյան երկրների պատմաաշխարհագրական հարցերին, արաբ վերաբնակիչներին, երկրի տնտեսությանն ու այլ կարևոր խնդիրներին:

Ծավալուն է արաբական տիրապետության ժամանակաշրջանի Չայաստանի և Այսրկովկասյան երկրների քաղաքական պատմության

¹ Стів Н. Пягулевская, Сирийские источники по истории народов СССР, Москва, 1941.

² Стів Ղ. Ինճիյան, Ստորագրութիւն իմն Չայաստանեայց, Վենետիկ, 1822: Ս. Զալալեանց, ճանապարհորդութիւն 'ի մեծն Չայաստան, մասն Բ, Տփլիսի, 1858: Ղ. Ալիշան, Այրարտ, Վենետիկ, 1890, նույնի՝ Սիսական, Վենետիկ, 1893: Ս. Բարխուտարեանց, Աղուանից երկիր եւ դրացիք (Միջին Դաղստան), Թիֆլիս, 1893, նույնի՝ Արցախ, Բաքու, 1895: Յ. Դյուրշման, Դիմ Չայոց տեղոյ անունները, թարգմ. Գ. Պիլեզիկեան, Վիեննա, 1907: Ն. Աղոնց, Չայաստանը Գուստինիանոսի դարաշրջանում, թարգմ. ճուսերենից Ա. և Է. Խոնդկարյանների, Ե., 1987: Ս. Երեմյան, Չայաստանը ըստ «Աշխարհացոյց»-ի, Ե., 1963, նույնի՝ «Աշխարհացոյցի» սկզբնական բնագրի վերականգնման փորձ, «Պատմաբանասիրական հանդես» (այսուհետև՝ «ՊԲ»), 1973, թիվ 2: Ա. Մնացականյան, Աղվանից աշխարհի գրականության հարցերի շուրջը, Ե., 1966: Թ. Դակոբյան, Չայաստանի պատմական աշխարհագրություն, Ե., 1984: Թ. Դակոբյան և ուրիշներ, Չայաստանի և հարակից շրջանների տեղանունների բառարան (այսուհետև՝ ԴԴԿՏԲ), հ. 1, Ե., 1986, հ. 3, Ե., 1991: Բ. Դարությունյան, Մեծ Դայքի վարչա-քաղաքական բաժանման համակարգն ըստ «Աշխարհացոյց»-ի, Ե., մաս Ա (Արևմտյան և հարավային աշխարհներ), 2001: Н. Марр, Кавказские племенные названия и местные параллели. «Труды комиссии по изучению племенного состава населения России», N 5, Петроград, 1922. «История, география и этнография Дагестана 18-19 вв.», архивные материалы, Москва, 1958. «Народы мира», этнографические очерки, «Народы Кавказа», т. I, Москва, 1960. М. Артамонов, История Хазар, Ленинград, 1962. В. Минорский, История Дербенда и Ширвана IX-XI вв., Москва, 1963. Н. Волкова, Этнонимы и племенные названия Северного Кавказа, Москва, 1973.

³ Стів Ս. Շելպյան, Արաբական խալիֆաթի վարչական քաղաքականությունը Չայաստանում (7-9 դդ.), պատմ. գիտ. թեկնածուի գիտ. աստճանի հայցման ատենախոսություն, Ե., 1954:

ուսումնասիրությունը: Դետագոտողներն իրենց աշխատանքներում որոշ տեսակետներ են հայտնել նաև հիշյալ երկրների պատմական աշխարհագրությամբ վերաբերող հարցերի մասին:

XVIII դարում Մ. Զամչյանցն իր եռահատոր «Պատմութիւն Հայոց»-ում մի ամբողջ գլուխ էր նվիրել արաբական տիրապետության ժամանակաշրջանի հայոց պատմությանը, որը կրում է «Ժամանակ իշխանութեան ոստիկանաց» վերնագիրը¹: Այս գլուխը կազմելիս հեղինակն օգտագործել է հայկական սկզբնաղբյուրների հաղորդած տեղեկությունները՝ որոշ լրացումներ կատարելով բյուզանդական աղբյուրներից:

Արաբների կողմից Հայաստանի նվաճմանը, այնտեղ արաբ վերաբնակիչների հաստատմանը և հայ ժողովրդի հակաարաբական ապստամբություններին անդրադարձել է Ղ. Ինճիճյանն իր ուսումնասիրություններից մեկում²:

Մ. Ղազարյանն առաջին ուսումնասիրողն է, որը լայնորեն օգտագործել է արաբական աղբյուրները: Դրա հիման վրա նրան հաջողվել է վեր հանել ժամանակաշրջանի շատ հիմնահարցեր և կազմել Արմինիայի ոստիկանների ցուցակը: Աշխատանքի հավելվածում («Աշխարհագրական») Մ. Ղազարյանն անդրադարձել է արաբական աղբյուրներում հիշատակվող և Հայաստանին ու Այսրկովկասյան երկրներին վերաբերող աշխարհագրական անունների ստուգաբանությանը³:

Ժ. Լոռանը հատուկ ուշադրություն է դարձրել արաբական տիրապետության օրոք Հայաստանի ներքին ինքնուրույնությանը և երկրի ֆեոդալական իշխանություններին: Հայաստանի ներքին ինքնուրույնությանը էլ նա պայմանավորել է հայ-արաբական և հայ-բյուզանդական հարաբերությունների բնույթը: Աշխատանքի հավելվածում տրվում է Արմինիայի ոստիկանների ցուցակ⁴:

Հայաստանի արաբական տիրապետության շրջանի պատմությանն անդրադարձել է նաև Լեոն⁵: Հեղինակը մանրամասնորեն քննության է առել այդ ժամանակաշրջանի պատմությունը՝ հպանցիկ խոսելով նաև Արմինիա ոստիկանության վարչական բաժանման, տնտեսության, առևտրական ծանապարհների և այլ կարևոր հարցերի մասին:

¹ Տե՛ս Մ. Զամչյանց, Պատմութիւն Հայոց, հ. Բ, Ե., 1984, էջ 376-453:

² Տե՛ս Ղ. Ինճիճյան, Զմախօսութիւն աշխարհագրական Հայաստանեայց աշխարհի, Վենետիկ, 1835, հ. Ա, էջ 319-325, 422-449, հ. Գ, էջ 228-231, 323-325:

³ Տե՛ս Մ. Ghazarian, Armenien unter der arabischen herrschaft bis zur Entstehung des Bagratidenreiches, Marburg, 1903.

⁴ Տե՛ս J. Laurent, L'Armenie entre Byzance et l'Islam depuis la conquete arabe jusqu'en (Nouvel édition revue et mise a jour par M. Canard), Lisbonne, 1980.

⁵ Տե՛ս Լեոն, Հայոց պատմություն, միջին դարեր, -երկերի ժողովածու, հ. Բ, Եր., 1967:

7. Դարությունյանն իր աշխատության մեջ փորձ է կատարել վերարտադրելու արաբական տիրապետության ժամանակների Հայաստանի քաղաքական պատմությունը¹: Նա որոշ տեսակետներ է արտահայտում նաև Հայաստանի վարչա-քաղաքական իրավիճակի վերաբերյալ:

Հայաստանում արաբների վարած վարչական ու հարկային քաղաքականությամբ զբաղվել է Դ. Նալբանդյանը²: Նա իր ուսումնասիրության առաջին մասում քննության է առել արաբների կողմից Հայաստանի վարչական կազմակերպման և վարչական պաշտոնների խնդիրը: Ուսումնասիրության թեմա են դարձել նաև արաբների կողմից Հայաստանի տնտեսական շահագործման խնդիրը, նրանց սահմանած հարկերը և այլն:

Արաբական արշավանքների, արաբ նվաճողների դեմ հայ ժողովրդի մղած ազգային-ազատագրական պատերազմների և խնդրո առարկա ժամանակաշրջանի պատմաաշխարհագրական որոշ հիմնահարցերի վերաբերյալ արժեքավոր ուսումնասիրություններ է կատարել Դ. Մանանդյանը³: Ուսումնասիրողը քննության է առել դեպի Հայաստան արաբների կատարած առաջին արշավանքների թվականները, որոնց մի մասն էլ մենք գործածել ենք մեր ուսումնասիրության մեջ: Մեծ արժեք են ներկայացնում նրա կողմից Հայաստանն արտաքին աշխարհին կապող առևտրական ճանապարհների ուղղությունների պարզաբանումն ու կայարանների տեղադրությունը⁴:

Արաբական տիրապետության ժամանակաշրջանի Հայաստանի մասին է Ստ. Մելիք-Բախշյանի «Հայաստանը VII-IX դարերում» ուսումնասիրությունը⁵: Այն հատկապես կարևոր է VII-IX դդ. Հայաստանի քաղաքական պատմության և տնտեսությանը վերաբերող հարցերի համար:

Հայաստանի արաբական տիրապետության շրջանի պատմության հիմնահարցերի ուսումնասիրության մեջ մեծագույն վաստակը պատկանում է Ա. Տեր-Ղևոնդյանին: Այդ և հետագա շրջանի մասին նա գրել է երեք

¹ Տես Դ. Դարությունյան, Հայաստանն Արաբական խալիֆաթի տիրապետության ժամանակ (640-856), Ե., 1946:

² Տես Դ. Նալբանդյան, Արաբների վարչական և հարկային քաղաքականությունը Հայաստանում, պատմ. գիտ. թեկնածուի գիտ. աստճանի հայցման ատենախոսություն, Ե., 1950:

³ Տես Դ. Մանանդյան, Արաբական արշավանքները Հայաստանում, -Երկեր, հ. Բ, մաս Ա, Ե., 1978, ժողովրդական ապստամբությունները Հայաստանում արաբական տիրապետության դեմ, Ե., 1939:

⁴ Տես Դ. Մանանդյան՝ Դին Հայաստանի գլխավոր ճանապարհները, Ե., 1936, նույնի՝ Բագրատունյաց դարաշրջանի գլխավոր առևտրական ճանապարհները, -Երկեր, հ. 2, Ե., 1985:

⁵ Տես Ստ. Մելիք-Բախշյան, Հայաստանը VII-IX դարերում, Ե., 1968:

ծավալուն աշխատություն¹ և բազմաթիվ հոդվածներ²: Դրանք անչափ կարևոր են VI-Xդդ. Հայաստանի, ինչպես նաև Այսրկովկասյան երկրների պատմության, պատմական աշխարհագրության, տնտեսության, էթնիկ կազմի և այլ կարևոր խնդիրների ուսումնասիրության համար:

Արաբական առաջին արշավանքներին անդրադարձել է Է. Դանիել-յանը՝ ճշտումներ մտցնելով նախկինում այդ արշավանքների թվականների և ուղղությունների վերաբերյալ արտահայտված կարծիքների մեջ³: Ուսումնասիրողի այդ ճշտումները մենք օգտագործել ենք մեր ուսումնասիրության մեջ:

Արաբական տիրապետության ժամանակաշրջանի վերաբերյալ աշխատանքներ են հրատարակվել նաև Ադրբեջանում: Դրանցից է Զ. Բունիաթովի ուսումնասիրությունը⁴: Ադրբեջանցի պատմաբանը, չնայած, որ լայնորեն օգտագործել է արաբական և հայկական սկզբնաղբյուրները, դիմել է կեղծարարության ու պատմության նենգափոխման:

Արաբական տիրապետության ժամանակաշրջանին է մասամբ վերաբերում Ս. Աշուրբեյլու ուսումնասիրությունը, որի հեղինակը ևս հաճախ դիմել է փաստերի խեղաթյուրման և պատմության նենգափոխման⁵:

Վրաստանում հրատարակված աշխատություններից կարևոր են Ա. Բոգվերածեի, Դ. Մուսխելիշվիլիի, Ս. Լորդկիպանիձեի և այլոց աշխատությունները⁶: Այստեղ ևս երբեմն նկատվում է պատմության նպատակադիր կեղծարարություն:

¹ Տես Ա. Տեր-Ղևոնդյան, Արաբական ամիրայությունները Բագրատունյաց Հայաստանում, Ե., 1965, նույնի՝ Армения и Арабский халифат, Ереван, 1977, նույնի՝ Հայաստանը VI-VIII դարերում, Ե., 1996:

² Տես Ա. Տեր-Ղևոնդյան, Արաբական սահմանային ամրությունների գոտին (Սուղուր), «ՊԲՀ», 1981, թիվ 2, էջ 134-149, Դվին քաղաքի ժամանակագրությունը 9-11-րդ դարերում, ՀՍՍՀ ԳԱԱ «Տեղեկագիր», 1957, թիվ 10, էջ 85-98, Հայաստանի վարչական բաժանումները ըստ արաբ աշխարհագիրների, ՀՍՍՌ ԳԱԱ «Տեղեկագիր», 1961, թիվ 5, էջ 63-72, «Հայոց իշխան»-ը արաբական տիրապետության ժամանակաշրջանում, «ՊԲՀ», 1964, թիվ 2, էջ 121-134, Սասունի 749-752 թվականների անհայտ ապստամբությունը խալիֆայության դեմ, «ՊԲՀ», 1971, թիվ 3, էջ 196-202, Քուստ-ի Կապկոհ վարչական միավորի վերապրուկները խալիֆայության ժամանակ, ՀՍՍՌ ԳԱԱ «Տեղեկագիր», 1958, թիվ 9, էջ 73-77 և այլն:

³ Տես Է. Դանիելյան, Հայաստանի քաղաքական պատմությունը և հայ առաքելական եկեղեցին (VI-VII դարեր), Ե., 2000: Տես նաև հեղինակի «647 թ. արաբական արշավանքը Հայաստան» հոդվածը, «ՊԲՀ», 1982, թիվ 2:

⁴ Տես Զ. Бунятов, Азербайджан в VII-IX вв., Баку, 1965.

⁵ Տես Ս. Ашурбегли, Государство Ширваншахов, Баку, 1983.

⁶ Տես «Очерки истории Грузии», т. II, Тбилиси, 1988.

ԳԼՈՒԽ ԱՌԱՋԻՆ

ԱՐՄԻՆԻԱ ՈՍՏԻԿԱՆՈՒԹՅԱՆ ԿԱԶՄԱՎՈՐՈՒՄԸ

Սասանյան Պարսկաստանի տիրապետության օրոք կազմավորվել էին Հայոց, Վրաց և Աղվանից մարզպանությունները, որոնք ընդգրկված էին Պարսից տերության հյուսիսային վարչական մեծ շրջանի՝ Քուստ-ի Կապկոհի(Կովկասյան քուստակ) մեջ: Վերջինի մեջ մտնում էին նաև Ատրպատականը, Գիլանը, Շամհանը, Դմուսքը, Տաբարստանը և այլ երկրներ¹: Սասանյանները հիշյալ երեք մարզպանությունները կազմավորել էին խառը ազգային կազմերով: Նրանք Մեծ Հայքը վտանգագերծելու նպատակով մասնատել էին: Նախկինում նրա մաս կազմող Գուգարքի բղեշխությունը միացրել էին Վիրքի(Վարջան) մարզպանությանը², իսկ Արցախն ու Ուտիքը՝ Աղվանից մարզպանությանը³: Այս քայլերը նպատակ ունեին նաև թուլացնելու Վիրքն ու Աղվանքը՝ նրանց միատարր հայ բնակչությամբ երկրամասեր կցելով: Վրաց մարզպանության կազմում ընդգրկված էին Վրաց թագավորությունը և Գուգարքի բղեշխությունը⁴, իսկ Աղվանից մարզպանության կազմում, բացի Մեծ Հայքի աշխարհներից, ընդգրկված էին նաև «Աշխարհացոյց»-յան Բուն Աղվանից աշխարհը, Կուր գետի ստորին հոսանքից մինչև Դարբանդ(ճորա պահակ) ընկած մերձկասպյան երկրները և Կովկասյան լեռների արևելյան հատվածը⁵: Հայոց մարզպանությունն ընդգրկում էր Մեծ Հայքի Այրարատ, Տայք, Տուրուբերան, Մոկք, Վասպուրական, մինչև 571 թ. ապստամբությունը նաև Սյունիք աշխարհները⁶, ինչպես նաև Կործայքի Կորդիք և Տմորիք գավառներն ու Պարս-

¹ Տե՛ս «Աշխարհացոյց Մովսեսի Խորենացոյ», էջ 40: Տե՛ս նաև **Ս. Երեմյան**, Երկրորդ համաժողովրդական ապստամբական շարժումը և դրա հետևանքները Հայաստանի համար V դ. վերջում-VI դ. սկզբում, -«Հայ ժողովրդի պատմություն», ՀՍՍՀ ԳԱԱ հրատ., հ. II, Ե., 1984, էջ 212:

² Տե՛ս «Աշխարհացոյց Մովսեսի Խորենացոյ», էջ 34-35: Տե՛ս նաև **Ս. Երեմյան**, Հայաստանը ըստ «Աշխարհացոյց»-ի, էջ 119-120:

³ Տե՛ս «Աշխարհացոյց Մովսեսի Խորենացոյ», 28-29, 33:

⁴ Տե՛ս **Բ. Հարությունյան**, Մեծ Հայքի Գուգարք աշխարհը ըստ «Աշխարհացոյց»-ի, -«ՊԲՀ», 1977, թիվ 2, էջ 187-188

⁵ **Ս. Երեմյան**, Հայաստանը ըստ «Աշխարհացոյց»-ի, էջ 119-120:

⁶ Անդ., էջ 118:

կահայքի հյուսիսային հատվածը¹: Դատելով սկզբնաղբյուրների տեղեկություններից՝ Հայոց մարզպանությունը վարչականորեն կազմված էր երեք շրջաններից՝ Տանուտիրական Գնդի երկիր² կամ Տանուտիրական երկիր³, Սեպհական կամ Վասպուրական Գնդի երկիր⁴ և Սյունիք⁵: Սեօ Հայքի արևմտյան աշխարհները գտնվում էին Բյուզանդիայի տիրապետության ներքո⁶:

Հայաստանի և Վիրքի 591 թ. բաժանումը Սասանյան Պարսկաստանի ու Բյուզանդիայի միջև փոխեց իրադրությունը: Պարսկաստանում Վահրամ Չուբինի ապստամբությունը սպանված արքա Որմիզդի որդի Խոսրովը կարողացել էր ճնշել Բյուզանդիայի կայսր Մորիկի(Մավրիկիոս) օգնությամբ: 591 թ. կնքված պարսկա-բյուզանդական պայմանագրով Խոսրովը տարածքային մեծ զիջումներ կատարեց կայսրությանը: Ինչպես վկայում է Սեբեոսը, Խոսրով արքան «ետ նոցա(իմա՝ բյուզանդացիներին-Ա.Ե.) զՍրուստան զամենայն մինչև ցՄծբին, և զերկիրն Հայոց, որ ընդ իւրով իշխանութեամբն էր, զտունն Տանուտերական մինչև ցգետն Յուրագդան, և զգաւառն Կոտէից մինչև ցաւանն Գառնի և ցեզր ծովուն Բզունեաց, և ցԱռեստաւան և ցԳոգովիտ գաւառ մինչև ցՀացիւն և ցՄակու: Եւ կողմն Վասպուրական զնդին էր ի ծառայութիւն Պարսից արքային: Եւ ի նախարարացն Հայոց բազումք ի Յունաց կողմանէ և սակաւք՝ ի Պարսից: Ետ և զմեծ մասն Վրաց աշխարհին մինչև ցՏփիսիս քաղաք»⁷: Հետագայում, Խոսրովը, սպանված Մորիկի վրեժը լուծելու պատրվակով, արշավեց Բյուզանդիա, բայց հակահարձակման

¹ Տե՛ս **Б. Арутюнян**, Административное деление закавказских владений Сасанидского Ирана согласно труда Елишэ, «Кавказ и Византия», вып. I, Ереван, 1979, с. 19-35.

² Տե՛ս **Հովհաննես Դրասխանակերտցի**, էջ 70. Մորիկը, ի հատուցումն ցուցաբերած օգնության, Խոսրովից պահանջեց «ի Հայոց զայն աշխարհ, որ Տանուտիրական Գունդն անուանէր...»:

³ Տե՛ս **Սեբեոս**, էջ 76. Պարսից Խոսրով արքան, օգնության դիմաց, Մորիկին խոստանում էր «յերկրէն Հայոց՝ զաշխարհն Տանուտերական իշխանութեանն մինչև ցԱյրարատ և ցԴուին քաղաք, և մինչև ցեզր ծովուն Բզունեաց և ցԱռեստաւան», էջ 84. Խոսրովը կատարեց խոստումը և Մորիկին հանձնեց «զերկիրն Հայոց, որ ընդ իւրով իշխանութեամբն էր, զտունն Տանուտերական մինչև ցգետն Յուրագդան...»:

⁴ Սեբեոսը հաղորդում է, որ Հայաստանի 591 թ. բաժանումից հետո միայն «կողմն Վասպուրական զնդին էր ի ծառայութիւն Պարսից արքային» (տե՛ս **Սեբեոս**, էջ 84):

⁵ Տե՛ս **Բ. Հարությունյան**, Սեօ Հայքի Վասպուրական աշխարհը ըստ «Աշխարհացոյց»-ի, «Բանբեր Երևանի համալսարանի» (այսուհետև՝ «ԲԵՀ»), 1983, թիվ 3, էջ 131-132:

⁶ Տե՛ս **Հ. Բարթիկյան**, Բյուզանդական Հայաստանի քաղաքական և սոցիալ-տնտեսական դրությունը նախքան Հուստինիանոս Ա-ի ռեֆորմները, «Հայ ժողովրդի պատմություն», ՀԱՍՏ ԳԱԱ հրատ., հ. Բ, էջ 216-218:

⁷ Տե՛ս **Սեբեոս**, էջ 84: Տե՛ս նաև **Թովմա Արծրունի և Անանուն**, էջ 140:

անցած Յերակլ կայսեր կողմից ծանր պարտություն կրեց: Խոսրովին փոխարինած Կավատ արքան որոշեց «հաշտութիւն առնել ընդ կայսեր, և ի բաց թողուլ զամենայն սահմանս թագաւորութեան նորա»: Հաշտության առաջարկը Յերակլ կայսրն ընդունեց, և 629 թ. կողմերի միջև կնքվեց հաշտության պայմանագիր: 591 թ. բաժանման սահմանագիծը մնաց անփոփոխ¹:

591 թ. բաժանումից հետո, երբ Տանուտիրական Գնդի երկիրն անցավ Բյուզանդիային, իսկ Սյունիքը նախքան 571 թ. ապստամբությունն առանձնացվել էր Հայոց մարզպանությունից², վերջինից պարսկական տիրապետության ներքո, փաստորեն, մնացին միայն Վասպուրական Գնդի երկիրը («կողմն Վասպուրական գնդին էր ի ծառայութիւն Պարսից արքային»), որի մեջ մտնում էին Վասպուրականը, Մոկքը, Պարսկահայքի ու Կործայքի հյուսիսային հատվածները և նախկինում Տանուտիրական Գնդի երկրի մաս կազմող Այրարատի Մասյացոտն, Արածու կողմն և Ոստան Դվնա գավառները³: Դատելով Սեբեոսի վկայություններից՝ 591 թ. բաժանումից հետո Հայոց մարզպանությունը, որի մեջ մնացել էին միայն Այրարատի վերոհիշյալ գավառներն ու Վասպուրական Գնդի երկիրը, պաշտոնապես սկսեց կոչվել վերջին անունով⁴: Պարսկական տիրապետության ներքո մնաց նաև Վրաց մարզպանության արևելյան մի փոքրիկ հատվածը՝ Տփղիս քաղաքով: Իսկ Աղվանից մարզպանությունն ամբողջությամբ մնաց պարսկական տերության սահմաններում:

Այսպիսին էր վարչա-քաղաքական իրավիճակը խնդրո առարկա տարածաշրջանում, երբ VII դ. 30-ական թթ. արաբական ցեղերը միավորվեցին իսլամի դրոշի ներքո և անցան արտաքին նվաճումների:

Արաբ նվաճողները պետք է հաղթահարեին դարաշրջանի երկու մեծ տերությունների՝ Սասանյան Պարսկաստանի ու Բյուզանդիայի ար-

¹ Տես Սեբեոս, էջ 128:

² Անդ, էջ 67-68:

³ Տես **Б. Аргутин**, նշվ. աշխ., էջ 19-35, նույնի՝ Մեծ Հայքի Վասպուրական աշխարհը..., էջ 137: Պետք է նշել, որ, փաստորեն, Տանուտիրական և Վասպուրական Գնդի երկրների միջև սահմանագիծը համարյա նույնական էր Հայաստանի 591 թ. բաժանման սահմանագծին: Դատելով 591 թ. սահմանագծի վերաբերյալ Է. Դանիելյանի ճշգրտումից, երկրի՝ Պարսկաստանին մնացած հատվածի մեջ էր մտնում նաև Այրարատի Մազազ գավառը (տես **Է. Դանիելյան**, Արևելյան Հայաստանի վարչատարածքային բաժանումը (591-629), «Լրաբեր (հաս. գիտ.)», 1986, թիվ 8, էջ 56): Այն փաստին, որ Պարսկահայքի և Կործայքի հյուսիսային գավառները մնացել էին Հայոց մարզպանության կազմում և, հետագայում, մտել Արմինիայի մեջ, դեռ կանոդադառնա՞նք:

⁴ Տես Սեբեոս, էջ 84, 166 և այլն: Տես նաև **Ն. Աղոնց**, Հայաստանը Հուստինիանոսի դարաշրջանում, էջ 262, **Բ. Հարությունյան**, Մեծ Հայքի Վասպուրական աշխարհը..., էջ 132-133:

գելքը: Վերջինները երկարամյա պատերազմների պատճառով զգալիորեն թուլացել էին, ինչն էլ մեծապես նպաստեց արաբների հաղթարշավին: Արաբական զորքը 636 թ. Յարմուք գետի(Հորդանան գետի վտակը) ափին ջախջախեց բյուզանդական բանակը¹, իսկ 637 թ. Կադիսիայի ճակատամարտում՝ պարսկական բանակը, որի կազմում կռվում էին նաև հայկական զորամասեր՝ Մուշեղ Մամիկոնյանի և Գրիգոր Սյունու հրամանատարությամբ²:

Այս հաղթանակներից հետո արաբները շարունակեցին իրենց արշավանքները դեպի հյուսիս և 641 թ.՝ Չերակ կայսեր (640-641) մահից հետո, Կոստանդին Գ կայսեր օրոք (641 թ.), մի մեծ արշավանք կատարեցին դեպի Չայաստան³:

Այս արշավանքի մախօրեին վարչա-քաղաքական իրավիճակը երկրում փոխվել էր: Բյուզանդիայի կողմից ճանաչվել էր Չայոց իշխան Թեոդորոս Ռշտունու իշխանությունը նաև արևմտահայկական հողերի վրա⁴: Այդ իրադարձությունը, Սեբեոսի հաղորդմամբ, տեղի էր ունեցել Կոստանդին Գ կայսեր օրոք (641 թ.)⁵: Ուսումնասիրողներից ոմանք կարծում են, թե այն տեղի է ունեցել 641 թ. արաբական արշավանքից հետո միայն⁶: Պետք է նշել, սակայն, որ Չորա պահակ լեռնանցքը 591 թ. բաժանումից հետո մնացել էր Չայաստանի՝ Բյուզանդիային անցած հատվածում, իսկ այն փաստը, որ, ինչպես կտեսնենք, ստանալով 641 թ. արաբական արշավանքի լուրը, Թեոդորոս Ռշտունին շարժվել է փակելու այն, պարզորոշ ցույց է տալիս, որ նրա իշխանությունն այդ ժամանակ պետք է տարածվելիս լիներ նաև Չայաստանի բյուզանդական հատվածի վրա: Այս տեսակետի օգտին է խոսում Սեբեոսի այն վկայությունը, թե այդ իրադարձությունը տեղի է ունեցել «ի ձեռն այնր պատերազմի»⁷: Այսինքն, ըստ պատմիչի՝ դրա պատճառն արաբների արշավանքն է եղել: Մինչ այդ, Թեոդորոս Ռշտունին իշխում էր Չայոց

¹ Տե՛ս «История Византии», т. I, Москва, 1967, с. 367.

² Տե՛ս Սեբեոս, էջ 137: Տե՛ս նաև Ա. Տեր-Ղևոնդյան, Չայաստանի քաղաքական ինքնուրույնությունը VII դարի 30-90-ական թթ.,-«Չայ ժողովրդի պատմություն», ՀՍՍՀ ԳԱԱ հրատ., հ. Բ, էջ 306:

³ Տե՛ս Սեբեոս, էջ 138:

⁴ Տե՛ս Ա. Եղիազարյան, Արաբների արշավանքը Ատրպատականի վրայով դեպի Չայաստան,-«Տարեգիրք», 2005, էջ 93-94:

⁵ Տե՛ս Սեբեոս, էջ 139:

⁶ Տե՛ս А. Тер-Геворядян, нзл. աշխ., էջ 26, Է. Դանիելյան, Չայաստանի քաղաքական պատմությունը և հայ առաքելական եկեղեցին (VI-VII դարեր), էջ 161, Վ. Իսկանյան, Չայ-բյուզանդական հարաբերությունները VII դարում՝ արաբական առաջին արշավանքների ժամանակ,-«ԴԲՀ», 1971, թիվ 4, էջ 73-74:

⁷ Սեբեոս, էջ 139:

մարգպանության՝ 591 թ. բաժանումից հետո պարսկական տիրապետության տակ մնացած հատվածում, այսինքն՝ Վասպուրական Գնդում¹, ուստի՝ Բյուզանդիայի կողմից նրան «գաւրավարութիւն» և «պատրկութեան պատիվ» տալը² նշանակում էր նրա իշխանության ճանաչումը նաև բյուզանդական տիրապետության ներքո գտնվող հայկական հողերի վրա: Դա պետք է տեղի ունեցած լիներ 641 թ., բայց նախքան արաբների ներխուժումը Հայաստան: Արաբական զորքերը տարբեր ուղղություներով հարձակման էին անցել, ուստի Թեոդորոս Ռշտունուն իր կողմը գրավելը մեծ կարևորություն ուներ Բյուզանդիայի համար: Այդ ժամանակ էլ պետք է Հայաստան ուղարկվեր նաև բյուզանդական զորագունդը՝ Պռոկոպ զորավարի հրամանատարությամբ³:

Նոր էր միայն Թեոդորոս Ռշտունու իշխանությունը ճանաչվել Բյուզանդիայի կողմից, երբ «եւ զաւր ապականիչ յԱսորեստան կողմանէ ընդ ճանապարհս Ձորոյ յաշխարհն Տարաւնոյ»⁴: Թեոդորոս Ռշտունին փորձեց զբաղեցնել Ձորա Պահակ լեռնանցքը՝ արաբների մուտքը դեպի երկիր փակելու համար, բայց ուշացավ⁵: Գրավելով Տարունը՝ արաբներն «առին...զԲզնունիս և զԱղիովիտ: Եվ ճանապարհ կալեալ ի Բերկոյ ձորն ընդ Որդսպոյ և ընդ Գոգովիտ՝ թափեցան յԱյրարատ»: Արաբներին հաջողվեց գրավել Դվինը⁶: Նրանք ավարի առան ու ասպատակեցին երկիրը, կոտորեցին 12հզ և գերեվարեցին 35հզ մարդու⁷: Դատելով Հովհան Մամիկոնյանի մի վկայությունից՝ արաբական զորքերն այդ ժամանակ արշավել են նաև Վիրք⁸: Արաբների արշավանքն Ատրպատականի վրայով դեպի Հայաստան⁹, ամենայն հավանականությամբ, տեղի ունեցավ հենց այդ նույն ժամանակ¹⁰:

642 թ. միջազգային իրադրության մեջ տեղի ունեցավ մեծ կարևորության մի իրադարձություն: Նեհավենդի ճակատամարտում արաբները ջախջախեցին պարսկական բանակը և տապալեցին Սասանյանների

¹ Անդ, էջ 138:

² Անդ, էջ 139:

³ Տես Ղևոնդ, էջ 7:

⁴ Սեբեոս, էջ 138:

⁵ Տես Ղևոնդ, էջ 9:

⁶ Տես Սեբեոս, էջ 138:

⁷ Անդ: Տես նաև Ղևոնդ, էջ 9, Սամվել Անեցի, էջ 80:

⁸ Տես Հովհան Մամիկոնյան, էջ 286: Տես Ասողիկ, էջ 98:

⁹ Տես Ղևոնդ, էջ 6-7, Սեբեոս, էջ 146:

¹⁰ Տես Ա. Եղիազարյան, Արաբների արշավանքը..., էջ 88-98:

տերությունը: 647 թ. նրանք կրկին ասպատակեցին Հայաստանը, որտեղից անցան Վիրք և Աղվանք¹:

Արաբական առաջին արշավանքները հետախուզական և ավարառուական նպատակ էին հետապնդում: Արաբները թեև Հայաստանում և Այսրկովկասյան երկրներում չէին հաստատվում, բայց դրանց ընթացքում նրանք ծանոթանում էին տարածաշրջանի վարչա-քաղաքական իրավիճակին: Նրանց մեջ արդեն որոշակի պատկերացում էր ձևավորվում երկրի ապագա վարչա-քաղաքական բաժանման վերաբերյալ, որը նրանք նյութականացնելու էին 652 թ. հայ-արաբական պայմանագրով, 653 թ. Հայաստանի և Այսրկովկասյան երկրների վրա Թեոդորոս Ռշտունու իշխանության ճանաչումով և ավելի ուշ՝ Արմինիա ոստիկանության ձևավորումով:

Ըստ Սեբեոսի՝ Կոստաս Բ կայսրը (641-668), 650-ական թթ. սկզբին գտնվելով անչափ ծանր դրության մեջ, «լաւ համարեցաւ տալ [արաբներին-Ա.Ե.] սակ, և առնել հաշտութիւն պատգամաւորաւք»²: Ասորիքի և Միջագետքի կառավարիչ Մուավիայի մոտ Դամասկոս ուղարկվեց Պռնկոպը: Կողմերը հաշտության պայմանագիր կնքեցին, որտեղ որոշված էր արաբներին Բյուզանդիայի կողմից տրվելիք հարկի չափը, ինչպես նաև արաբա-բյուզանդական սահմանագիծը³:

Թեոդորոս Ռշտունին, լինելով շրջահայաց քաղաքական գործիչ, արագ կողմնորոշվեց ստեղծված իրավիճակում: Սեբեոսը վկայում է, որ այդ ժամանակ Հայոց իշխանն ու նախարարները «[ի] բաց կացին ի թագաւորութենէն Յունաց և հնազանդեցան ի ծառայութիւն արքային Իսմայելի»: Հայոց իշխանը մեկնեց Դամասկոս՝ Մուավիայի մոտ: 652 թ. կնքվեց հայ-արաբական պայմանագիրը⁴, որում ասված էր, թե դրա տևողությունը կախված է հայերից: Արաբ զորահրամանատարը խոստանում էր, թե «ոչ առնուն ի ձէնջ սակ զերեան մի. ապա յայնժամ տալիք երդմամբ, որչափ և դուք կամիջիք»: Այնուհետև, կողմերը պայմանավորվում էին, որ հայերը պետք է պահեին 15հզ հեծելազոր և հոգային վերջինի կարիքները՝ արաբներին վճարվելիք հարկի մի մասի հաշվին: Մուավիան պարտավորվում էր հայոց այրուծին Ասորիք չկանչել, սա-

¹ Պատմագիտական գրականության մեջ այս արշավանքի թվականի վերաբերյալ կան մի քանի տեսակետներ, սակայն, Է. Դանիելյանը հիմնավորում է, որ այն տեղի է ունեցել 647 թ. (տե՛ս Է. Դանիելյան, 647 թ. արաբական արշավանքը Հայաստան, «ՊԲՀ», 1982, թիվ 2):

² Սեբեոս, էջ 147:

³ Անդ:

⁴ Տե՛ս Բ. Առաքելյան, Ժամանակագրական դիտողություններ, «Տեղեկագիր» ՍՍՍՐ ԳԱ Հայկ. ֆիլիալի, Ե., 1941, թիվ 1(6), էջ 62:

կայն, այլ վայրեր մեկնելու համար այն պետք է պատրաստ պահվեր, նա հայոց բերդերում ամիրաներ չպետք է նշանակեր և արաբ զինվորներ չպետք է ուղարկեր: Մուսավիան խոստանում էր, թե՝ «թնամի մի՛ մտցէ ի Ռայս. և եթէ գայ Ռոռում ի վերայ ձեր՝ արծակեն ձեզ զաւրս յաւգնականութիւն՝ որչափ և դուք կամիջիք»¹: Ինչպես դեպքերի հետագա ընթացքից կհանդգնենք, արաբները ճանաչել էին Թեոդորոս Ռշտունու իշխանությունը նաև Այսրկովկասյան երկրների վրա:

Կոստաս Բ կայսրը՝ բյուզանդական բանակի գլուխն անցած, պայմանագրի կնքումից անմիջապես հետո, նույն թվականի աշնանը², ներխուժեց Ռայաստան և կարողացավ գրավել Դվինը: Դվինից Կոստաս Բ-ի ուղարկած զորքերը գրավեցին նաև Վիրքը: Աղվանքը և Սյունիքը (առանձին է հիշատակվում այն պատճառով, որ դեռևս չէր միացվել Ռայաստանին) նվաճել բյուզանդացիներին չհաջողվեց³: Սեբեոսը վկայում է, որ այդ ժամանակ «էին ընդ նմա(իմա՝ Թեոդորոս Ռշտունու-Ա.Ե.) միաբան Վրացին և Աղուանն և Սիւնին, որք ըստ հրամանի նորա գնացին յիրաքանչիւր աշխարհս և ամրացան ի նմին»⁴: Այսինքն՝ բյուզանդական արշավանքն ուղղված էր նաև Վիրքի, Աղվանքի և Սյունիքի դեմ, ինչն էլ պետք է լիներ այն իրողության հետևանքը, որ խալիֆայությունը Թեոդորոս Ռշտունու իշխանությունը Ռայաստանից բացի ճանաչել էր նաև այդ երկրների վրա: Իզուր չէ, որ վերջինները գործում էին նրա հրամանի համաձայն: Պարզվում է, որ արդեն այդ ժամանակ արաբները որոշակի պատկերացում ունեին Ռայաստանում և Այսրկովկասյան երկրներում ուժերի հարաբերակցության վերաբերյալ:

Կայսեր հեռանալուց հետո Թեոդորոս Ռշտունին վճռական քայլեր ձեռնարկեց: 653 թ. գարնանը, նա, օգնական արաբական զորախմբի հետ միասին, անցավ հակահարձակման: Ռայ-արաբական զորքը, հետապնդելով նահանջող բյուզանդական զորամասերին, Տայքի կողմից ներխուժեց Սև ծովի ափերն ու գրավեց Տրապիզոնը, որից հետո մեծ ավարով ու բազմաթիվ գերիներով վերադարձավ: Թեոդորոս Ռշտունին մեկնեց Դամասկոս, և Մուսավիան նրան «իշխանութիւն ետ զՌայս և զՎիրս և զԱղուանս և զՍիւնիս, մինչև ցԿապկոհ և ցՊահակն ճորայ: Եւ

¹ Սեբեոս, էջ 164:

² Ամենայն հավանականությամբ, այս արշավանքը տեղի է ունեցել 652 թ. աշնանը, քանի որ բյուզանդական զորքի համար Ռայաստանում ձմեռելու անհրաժեշտություն էր առաջացել (տես Սեբեոս, էջ 166, տես նաև Վ. Իսկանյան, Ռայաստանը IV-VII դդ., Ե., 1991, էջ 495): Կայսրը, սակայն, անձամբ Ռայաստանում ձմեռել չկարողացավ, քանի որ շտապ վերադարձավ Կոստանդնուպոլիս (տես Սեբեոս, էջ 168):

³ Տես Սեբեոս, էջ 166:

⁴ Ամդ:

նորա պայման էր եղեալ նմա՝ ածել զերկիրն զայն ի ծառայութիւն»¹: Պատմիչը, այստեղ, «Աղվանք» ասելով, փաստորեն, նկատի ունի նախորդ շրջանի Աղվանից մարզպանությունը: Դուրս է գալիս, որ Մուսավիան Թեոդորոս Ռշտունու իշխանությունը ճանաչեց բոլոր այն երկրների վրա, որոնք արաբական աղբյուրներում միասնաբար հանդես են գալիս Արմինիա անունով:

Պետք է ընդգծել, որ, փաստորեն, հայ-արաբական պայմանագրում որոշակիորեն արձանագրվեց գոյություն ունեցող վարչա-քաղաքական իրավիճակը: Հանձնայնդեպս, այդ ժամանակ առկա վարչա-քաղաքական մի շարք իրողություններ, ինչպես կտեսնենք, արտացոլվեցին հետագայում ձևավորված իրավիճակում:

654 թ. արաբներն անցան վճռական գործողությունների, քանի որ Թեոդորոս Ռշտունին, հիվանդության պատճառով, հեռացել էր քաղաքական ասպարեզից: Եթե նախկինում նրանք մեծ տեղ էին հատկացնում Թեոդորոս Ռշտունու հետ հարաբերություններին ու փորձում նրա իշխանության տակ միավորել Հայաստանն ու Այսրկովկասյան երկրները, ապա այժմ նրանք պարզապես անցան այդ երկրների նվաճմանը: Արաբական զորքերը Հաբիբ իբն Մասլամայի գլխավորությամբ 654 թ. ներխուժեցին Հայաստան և, Սեբեոսի վկայությամբ, «կալան ի ծագաց ի ծագս զերկիրն ամենայն»²: Վիրքը շարունակեց մնալ բյուզանդական զորքի վերահսկողության ներքո, որը 654-655 թթ. ծնունդ Մավրիանոսի գլխավորությամբ ներխուժեց Հայաստան ու գրավեց Դվինը: Բյուզանդական զորքը՝ շարունակելով արաբներին դուրս մղել Հայաստանից, իջավ հարավ ու պաշարեց Նախճավանը, որտեղ, սակայն, հակահարված ստացավ արաբներից և նահանջեց դեպի Վիրք³:

655 թ. գարնանը, երկու ուղղություններով, սկսվեց արաբական զորքերի նոր արշավանքը: Առաջին զորախումբը, որն արշավում էր դեպի Հայաստան և Վիրք, գլխավորում էր Հաբիբ իբն Մասլաման, իսկ երկրորդը, որն արշավում էր դեպի նախկին Աղվանից մարզպանության

¹ Անդ, էջ 169:

² Սեբեոս, էջ 173: Պետք է նշել, որ Բալագուրին Հաբիբ իբն Մասլամայի գլխավորությամբ միայն մեկ արշավանք է հիշատակում, իսկ Սեբեոսը՝ երկուսը: Մեզ առավել հավաստի է թվում Սեբեոսի վկայությունը, քանի որ նա այդ դեպքերի ժամանակակիցն է: Սեբեոսի վկայությունը հաստատում է նաև արաբ պատմիչ Թաբարիի հաղորդումը, ըստ որի՝ Հաբիբը Հայաստանը նվաճել է հիջրայի 31 թ. (651-652) (տե՛ս ظهري, III, էջ 71) և հաջորդ անգամ Հայաստան է արշավել մյուս տարի՝ հիջրայի 32 թ. (652-653) (անդ, էջ 77-78), ըստ որում՝ հիջրայի 32 թ. արշավանքը համընկնում է Բալագուրիի հիշատակած արշավանքին, երբ Հաբիբը Հայաստան ներխուժեց Վերին Միջագետքի (Ջաղիրա) կողմից՝ Ասորիքի արաբներից բաղկացած զորագնդով (տե՛ս بلاذري, I, էջ 234):

³ Տե՛ս Սեբեոս, էջ 174:

տարածքները, գլխավորում էր Սալման իբն Ռաբիան¹: Արաբները նվաճեցին Հայաստանն ու Այսրկովկասյան երկրները և գերեվարեցին շատ իշխանների՝ նրանց ընտանիքներով: Թեոդորոս Ռշտունին ինքնակամ միացավ գերյալներին ու նրանց հետ գնաց Միջագետք, հավանաբար, կորցրած իշխանությունը Մուավիայից հետ ստանալու նպատակով, բայց այնտեղ վախճանվեց ու, բերվելով հայրենիք, թաղվեց իր հայրենի Ռշտունիքում²:

Թեոդորոս Ռշտունու մահից հետո Հայոց իշխան դարձավ Համազասպ Մամիկոնյանը (655-662)³: Վերջինիս իշխանությամբ Հայաստանի և Այսրկովկասյան երկրների քաղաքական կյանքում նոր փուլ սկսվեց: Օգտվելով այն նպաստավոր իրադրությունից, որ Մուավիան պայքար էր սկսել Ալի խալիֆայի դեմ (656-661), իսկ այդ պատճառով ակտիվացած Բյուզանդիան էլ բավարարվեց իր գերիշխանության ձևական ընդունումով⁴, հիշյալ երկրները սեփական գործերում ինքնուրույնություն ձեռք բերեցին: Համազասպ Մամիկոնյանն այդ ժամանակ կարողացավ Սյունիքը վերամիավորել Հայաստանին⁵:

Մուավիան, հաղթելով Ալի խալիֆային, բազմեց գահին (661-680): Նա Բյուզանդիայի դեմ մեծ արշավանք էր նախապատրաստում, որից առաջ որոշեց կարգավորել գործերը Հայաստանում ու Այսրկովկասյան երկրներում: Նա հայոց իշխաններին մի հրովարտակ ուղարկեց, որ «եթե ոչ հարկեսեջիք ինձ և ոչ անկջիք ընդ լծով ծառայութեան իմոյ՝ ի սուր սուսերի մաշեցից զամենեսեան»⁶: Հայ նախարարներն ընդունեցին Մուավիայի պահանջը, և Դամասկոս ուղարկվեցին երկրի ազդեցիկ նախարարական տներից երկու պատանդ՝ Գրիգոր Մամիկոնյանին ու Սմբատ Բագրատունուն⁷: Անկասկած, Մուավիայի պահանջը պետք է ուղարկված լիներ նաև Այսրկովկասյան բոլոր այն քաղաքներին ու իշխանություններին, որոնք Հաբիբ իբն Մասլամայի ու Սալման իբն Ռաբիայի արշավանքի ժամանակ ընդունել էին արաբական գերիշխա-

¹ Տե՛ս بلاذري I, էջ 234-240:

² Տե՛ս Սեբեոս, էջ 174: Հաբիբ իբն Մասլամայի և Սալման իբն Ռաբիայի արշավանքների մասին մանրամասնորեն տե՛ս Ա. Եղիազարյան, Հաբիբ իբն Մասլամայի և Սալման իբն Ռաբիայի արշավանքները Հայաստան և Այսրկովկասյան երկրներ, -«Լրաբեր(հաս. գիտ)», 2008, թիվ 2, էջ 68-77: Տե՛ս նաև Է. Մինասյան, Ա. Եղիազարյան, Հայ դիվանագիտությունը VII դարում, -«Լրատու» Մեսրոպ Մաշտոց Համալսարանի, Ստեփանակերտ, 2008, էջ 6-24:

³ Ստողիկը Համազասպ Մամիկոնյանի իշխանության սկիզբը դնում է հայոց ճԻ թվականին, որ է 655 թ. (տե՛ս Ասողիկ, էջ 99):

⁴ Տե՛ս Սեբեոս, էջ 175:

⁵ Անդ:

⁶ Տե՛ս Ղևոնդ, էջ 14:

⁷ Անդ:

նությունը: Համաձայն Ասողիկի՝ Մուավիան իր իշխանության երկրորդ տարում՝ 662 թ., Գրիգոր Մամիկոնյանին նշանակեց Հայոց ու Վրաց իշխան և ուղարկեց Հայաստան¹: Կարելի է կարծել, թե Ասողիկի հաղորդումն իր ժամանակների իրողության ազդեցության արտահայտությունն է, երբ IX-Xդդ. Հայոց իշխանները կրում էին «իշխան Հայոց և Վրաց», իսկ հայ Բագրատունի թագավորները՝ «թագավոր Հայոց և Վրաց» տիտղոսը²: Սակայն, դատելով Ղևոնդի ներքոբերյալ հաղորդման տրամաբանությունից, Գրիգոր Մամիկոնյանի իշխանությունն արաբների կողմից ճանաչվել էր այն սահմանների վրա, ինչ Թեոդորոս Ռշտունու իշխանությունը, այսինքն՝ նաև Այսրկովկասյան երկրների վրա: Ղևոնդը հաղորդում է, որ Գրիգոր Մամիկոնյանի իշխանության վերջում, «ի ժամանակի պատերազմին, որ ի մեջ Տաճկաց՝ դադարեցին ի հարկատուութեն նոցա Հայք, Վիրք, Աղուանք, ծառայեալ նոցա ամս Լ»³: Փաստորեն, պատմիչի հաղորդումից հետևում է, որ Հայաստանը և Այսրկովկասյան երկրները գործում էին համատեղ. նրանք թե՛ հարկատվական պարտականությունն էին ստանձնել ու կատարում միասին և թե՛ միասին հրաժարվեցին այդ պարտականությունից: Ուստի, ամենայն հավանականությամբ, Ղևոնդի «Հայոց իշխան»-ը պետք է հասկանալ «Արմինիայի իշխան» իմաստով:

Ինչպես տեսնում ենք, արաբների մոտ հստակորեն նկատվում է Հայաստանն ու Այսրկովկասյան երկրները Հայոց իշխանի գլխավորությամբ մեկ վարչական միավորի մեջ ներառելու միտումը: VII դ. երկրորդ կեսին արաբներն այդ երկրները միավորեցին Հայոց իշխաններ Թեոդորոս Ռշտունու և Գրիգոր Մամիկոնյանի գերիշխանության ներքո: Այդ հանգամանքը բխում էր արաբների կողմից տարածաշրջանի ուժերի հարաբերակցության ճիշտ ըմբռնումից, քանի որ Հայաստանը, չնայած, որ նրանից անջատվել էին նրա ծայրամասային շրջանները, իրենից ազդեցիկ քաղաքական ուժ էր ներկայացնում, իսկ հայ ժողովուրդը, չնայած օտար իշխողների կողմից նրա տարբեր հատվածների միջև առաջացրած արհեստական անջրպետներին, տարածաշրջանի բնակչության ամենամիատարր և մեծաթիվ հատվածն էր:

Գրիգոր Մամիկոնյանի իշխանության ժամանակ(662-685թթ.) Հայաստանի և Այսրկովկասյան երկրների քաղաքական կյանքում ունեցած

¹ Անդ: Տե՛ս նաև Ասողիկ, էջ 122:

² Տե՛ս Ասողիկ, էջ 158. Աշոտ Ա թագավորը նախապես «իշխան և իշխանաց իշխան եղեալ Հայոց և Վրաց», էջ 161. «Սմբատ թագաւորեալ՝ տիրէ բոլոր հայրենեաց իւրոց, Հայոց և Վրաց» և այլն:

³ Ղևոնդ, էջ 15:

ինքնուրույնությունը պահպանվեց, բայց մի տարբերությամբ: Եթե Համազասպ Մամիկոնյանի օրոք այդ երկրները ձևականորեն ընդունում էին բյուզանդական գերիշխանությունը, ապա այժմ ընդունեցին արաբականը, ինչն այդ ժամանակ տեղի ունեցող արաբա-բյուզանդական կատաղի պատերազմների պայմաններում, երբ Հայաստանն ու Այսրկովկասյան երկրները երկու ախոյաններին այնքան էլ չէր հետաքրքրում, միայն անվանական բնույթ ուներ: Ճիշտ է, ըստ Ղևոնդի՝ նրանք շարունակում էին հարկ վճարել խալիֆայությանը, սակայն, շուտով հրաժարվեցին նաև այդ պարտականությունից:

685 թ. Այսրկովկաս արշավեցին խազարները: Նրանց դեմ ճակատամարտում զոհվեց Գրիգոր Մամիկոնյանը, իսկ խազարները շատ գավառներ ու ավաններ գրավեցին, կողոպտեցին ու ավերեցին, իսկ հետո ավարով ու գերիներով հեռացան¹:

Այնինչ, արաբա-բյուզանդական պատերազմներն ընթանում էին փոփոխական հաջողություններով. 685 թ. խալիֆայության զահին է բազմում Աբդ ալ-Մալիքը (685-705), իսկ բյուզանդական զահին՝ Յուստինիանոս Բ-ն (685-695, 705-711): Վերջինների զահակալությամբ նոր փուլ է սկսվում Հայաստանի ու Այսրկովկասյան երկրների քաղաքական կյանքում: Նոր տիրակալները սկզբում ճիշտ համարեցին կնքել հաշտության պայմանագիր: Կնքված հաշտության պայմանագրի՝ Հայաստանին և Վիրքին վերաբերող հատվածում որոշվում էր, որ այդ երկրներից ստացվող հարկերը խալիֆայության և Բյուզանդիայի միջև բաժանվելու էին հավասարապես²: Կարելի է կարծել, թե Հայաստանն ու Վիրքն ինչ-ինչ պատճառներով կրկին ընդունել են հարկատվական պարտականություն հայտնի չէ, թե ո՞ր կողմի նկատմամբ: Ավելի հավանական է, որ այդպիսի բան տեղի չի ունեցել, իսկ արաբա-բյուզանդական պայմանավորվածությունը վերաբերում էր ապագային: Եվ, բացի այդ, ինչպես ցույց են տալիս հետագա իրադարձությունները, Հայաստանում և Այսրկովկասյան երկրներում այդ ժամանակ չկային օտար զորքեր:

Բյուզանդիան շուտով Հայաստանը և Վիրքը գրավելու մի քանի փորձ կատարեց³, սակայն, հավանորեն, անհաջողության մատնվեց, քանի որ, երբ 689 թ. Հայաստան ներխուժեցին արաբները, նրանց ընդառաջ ելան ոչ թե բյուզանդական, այլ հայկական զորքերը՝ Հայոց իշխան Աշոտ Բագրատունու (685-689) գլխավորությամբ, որոնց հաջող-

¹ Տե՛ս Ղևոնդ, էջ 15-16:

² Տե՛ս Թեոփանես Խոստովանող, էջ 74:

³ Անդ, էջ 75, Ղևոնդ, էջ 17, Ասողիկ, էջ 100:

վեց հետ մղել արաբներին¹: Այդ ժամանակ, սակայն, արաբական սպառնալիքի տակ, ինչպես վկայում է Ասողիկը, «ոմանք ի Հայոց իշխանացն անձնատուրք եղեն առ զօրս Տաճկաց»²: 689 թ. բյուզանդական զորքը կայսեր գլխավորությամբ կրկին արշավեց արևելք: Ըստ Ասողիկի՝ բյուզանդական զորքերը գրավեցին Հայաստանը և Վիրքը³: Կայսրը Հայոց իշխան կարգեց Ներսեհ Կամսարականին (689-693), որից հետո վերադարձավ Կոստանդնուպոլիս⁴: Հուստինիանոսն իրեն այնքան հզոր էր զգում, որ նույնիսկ որոշեց խախտել արաբների հետ կնքված հաշտությունը, բայց, ի վերջո, ծանր պարտություն կրեց⁵: Հայոց իշխան Սմբատ Բագրատունին (693-726), ստանալով բյուզանդական զորքի պարտության լուրը, փորձեց երկիրը փրկել ավելորդ արյունահեղությունից և 693 թ. հպատակություն հայտնեց Ջազիրայի, Ատրպատականի, Հայաստանի և Այսրկովկասյան երկրների կառավարիչ նշանակված Մուհամմադ իբն Մարվանին⁶: Թեոփանեսը հաղորդում է, որ Սմբատն այդ թվականին «Հայաստանն արաբներին հանձնեց»⁷:

Աբդ ալ-Մալիք խալիֆան, օգտվելով Բյուզանդիայում սկսված գահակալական կռիվներից⁸, հնարավորություն ստացավ նվաճելու Հայաստանը և Այսրկովկասյան երկրները: Եվ, ահա՛, Մուհամմադ իբն Մարվանը, հայոց ճեճ թվականին (697 թ.), մի խոշոր բանակի գլուխն անցած, ներխուժեց Հայաստան, նվաճեց այն, Դվինում մեծաթիվ ուժեր թողեց ու, շարժվելով Աղվանից կողմերը, մտավ Չող (Ճորա պահակ)⁹: Նույն թվականին, ըստ Թեոփանեսի՝ Լազիկայի (Եգեքք) իշխանը հպատակություն հայտնեց երկիր ներխուժած արաբներին¹⁰: Մինչ Մարվանը զբաղված էր Չողում, թիկունքում հայերն ապստամբեցին ու երկիրը մաքրեցին արաբներից: Մուհամմադը՝ վերադառնալով Չողից, վերանվաճեց Հայաստանը: Դեպի Չող արշավելիս Մուհամմադը պաշարել էր ու փորձել գրավել Սևանա կղզին¹¹, բայց, քանի որ շտապելիս էր եղել, հավանորեն այն, թողել էր պաշարված, իսկ ինքն արշավել դեպի Աղ-

¹ Տե՛ս **Ղևոնդ**, էջ 18:

² Տե՛ս **Ասողիկ**, էջ 100:

³ Ամդ:

⁴ Ամդ, էջ 101:

⁵ Տե՛ս **Թեոփանես Խոստովանող**, էջ 78:

⁶ Տե՛ս **ابن الاثير** IV, էջ 28:

⁷ **Թեոփանես Խոստովանող**, էջ 78:

⁸ Ամդ, էջ 80-82:

⁹ Տե՛ս **Մովսես Կաղանկատվացի**, էջ 317:

¹⁰ Տե՛ս **Թեոփանես Խոստովանող**, էջ 82: Տե՛ս նաև **A. Борзевадзе**, Раннефеодальные Грузинские государства в VI-VIII вв.,-«Очерки истории Грузии», т. II, с. 173-174.

¹¹ Տե՛ս **Հովհաննես Դրասխանակերտցի**, էջ 96:

վանից կողմերը: Այս անգամ նա կարողացավ գրավել Սևանա կղզին ու կոտորել այնտեղ ապաստանած ապստամբներին: Կղզու պաշարունը տևեց 3 տարի¹: Այդ ընթացքում Մարվանը նվաճել է ողջ երկիրը: Ամենայն հավանականությամբ, Սևանա կղզու առունը տեղի ունեցավ 699 թ.², որից հետո Մուհամմադը վերջնականապես ճնշեց ապստամբությունը: Ղևոնդը վկայում է, որ 700 թ. Մուհամմադն արշավեց մինչև Մոկքի Ջերմաձոր գավառը, որտեղի անառիկ ամրոցներում էին ապաստանել հայ ապստամբները: Խաղաղություն կնքելու պատրվակով արաբ զորավարն իր մոտ հրավիրեց ապստամբներին և բոլորին կոտորեց, իսկ նրանց կանանց ու երեխաներին գերեվարեց³:

Դեռևս 697 թ., ինչպես տեսանք, արաբներին հպատակություն էր հայտնել Եգերքի իշխանը: Իսկ Եգերքի նվաճումն անհնար էր առանց Վիրքի նվաճման: Այսինքն՝ 697 թ., երբ Մուհամմադն արշավել էր դեպի Չայաստան ու Չողա, նա, հավանաբար, մեկ այլ զորախումբ էլ ուղարկել էր Վիրքն ու Եգերքը նվաճելու: Այդ զորախումբը նվաճել էր նաև Ափխազքը, քանի որ VIII դ. սկզբին, ըստ Թեոփանեսի՝ արաբները տիրում էին Աբազգիային (Ափխազք), Լազիկային (Եգերք) և Իբերիային (Վիրք)⁴:

Այսպիսով, Չայաստանն ու Այսրկովկասյան երկրները վերջնականապես նվաճվում են 700 թ.⁵: Իբն ալ-Ասիրի վկայությունը հաստատում է այդ⁶:

Արաբները, նվաճելով Չայաստանն ու Այսրկովկասյան երկրները, կազմավորեցին Արմինիա ոստիկանությունը՝ Դվին կենտրոնով⁷: Արդեն ցույց ենք տվել, որ արաբները հենց սկզբից էլ ճշտորեն գնահատեցին տարածաշրջանում Չայաստանի ու հայ ժողովրդի քաղաքական կշիռն ու ազդեցությունը: Ուստի և պատահական չէ, որ նրանք Չայաստանն ու Այսրկովկասյան երկրներն ընդգրկող վարչական

¹ Տես Մովսես Կաղանկատվացի, էջ 317-318:

² Տես Ա. Եղիազարյան, Արաբների կողմից Չայաստանի նվաճման թվականի շուրջ, «Բեշ», 2008, թիվ 1, էջ 161:

³ Տես Ղևոնդ, էջ 19-20:

⁴ Տես Թեոփանես Խոստովանող, էջ 102:

⁵ Ա. Տեր-Ղևոնդյանը Չայաստանի նվաճումը թվագրում է 701 թ.-ով (տես **А. Тер-ГЕВОЯН**, նշվ. աշխ., էջ 73-74, նույնի՝ Չայ ժողովրդի պայքարը խալիֆայության լծի դեմ, «Չայ ժողովրդի պատմություն», ՀԱՄՀ ԳԱԱ հրատ., հ. Բ, էջ 325-326): Տես նաև Ա. Եղիազարյան, Արաբների կողմից Չայաստանի նվաճման թվականի շուրջ, էջ 162-163:

⁶ Տես ابن الأثير, IV, էջ 84:

⁷ Պետք է նշել, որ Չայաստանը և Այսրկովկասյան երկրներն ընդհանուր Արմենիա (Չայաստան) անունով հիշատակում են նաև ասորական աղբյուրները: Ջաքարիա հռետորը, օրինակ՝ Գուրգանը (արաբական աղբյուրների Ջուրգանը, որը նույնական է Վիրքի (Վարջան) մարզպանությանը) և Առանը հիշատակում է որպես Չայաստանի կազմում գտնվող երկրներ (տես **Н. Пигулевская**, նշվ. աշխ., էջ 81):

շրջանն անվանեցին Արմինիա (Հայաստան): 700 թ. Մուհամմադն Արմինիայի կառավարիչ նշանակեց Աբու Շայխ իբն Աբդալլահին (701-703 թթ.)¹ և հեռացավ Միջագետք: Հայ մատենագիրներն Արմինիայի կառավարչին տվել են «ոստիկան» անունը², որի պատճառով էլ Արմինիան կոչում ենք «ոստիկանություն»:

Փաստորեն, 700 թ. դրությամբ Արմինիա ոստիկանության կազմում ընդգրկված էին Հայաստանի մեծ մասը, Բուն Աղվանից աշխարհը, Կասպից ծովի ափամերձ շրջանները՝ Կուր գետի ստորին հոսանքից մինչև Դարբանդ, Վիրքը, Եգերքը, Ափշիլքը և Ափխազքը: Սակայն, VIII դ. առաջին կեսին, ինչպես կտեսնենք, Արմինիայի սահմանները զգալի փոփոխություններ կրեցին:

Արմինիա ոստիկանության և դրա վարչական բաժանման մասին հիմնական տեղեկությունները պարունակում են արաբ աշխարհագետների երկերը, սակայն, երբեմն, հայ պատմիչների տեղեկություններից էլ կարելի է պատկերացում կազմել այդպիսի վարչական միավորի գոյության մասին: Ղևոնդը, օրինակ՝ պատմելով այն մասին, որ խալիֆան իր եղբորը կառավարիչ նշանակեց խալիֆայության հյուսիսային փոխարքայության վրա, հաղորդում է, թե նա «տայր եղբոր իւրում զԱտրպատական և զՀայս հանդերձ Վրօք և Աղուանիւք: Եւ կարգէր ի վերայ երկրիս...իրամանատարս»³: Արմինիան ու Ատրպատականը խալիֆայության մեկ փոխարքայության մեջ հիշատակում են նաև արաբ աշխարհագետները. Իբն Խորդադեբեհը, օրինակ՝ խոսելով Ջարբի(պարսկ. Գարբի-Ա.Ե.) կոչվող վարչական մեծ միավորի մասին, տեղեկացնում է, որ այն իր սահմաններում միավորում էր հյուսիսային երկրները, որոնք միասին կազմում են խալիֆայության ողջ տարածքի չորրորդ մասը: Այդ երկրամասի մեջ էին մտնում Արմինիան և Ատրպատականը⁴:

Ղևոնդի «զՀայս հանդերձ Վրօք և Աղուանիւք» արտահայտությունը, փաստորեն, Արմինիա ոստիկանության հիշատակությունն է, իսկ «հրամանատար»-ները, որոնց հիշատակում է պատմիչը, Արմինիայի ոստիկաններն են: Այսպիսով՝ նա ներկայացնում է այն վարչա-քաղաքական կացությունը, որ գոյություն ուներ Այսրկովկասում արաբական տիրապետության ժամանակաշրջանում:

¹ Տե՛ս Գ. Նալբանդյան, Արաբացի ոստիկանները Հայաստանում, -Առանձնատիպ ՀՍՍՌ ԳԱԱ «Տեղեկագիր», 1956, թիվ 8, էջ 107: Տե՛ս նաև **А. Тер-Гевондян**, նշվ. աշխ., էջ 271:

² Տե՛ս **Հովհաննես Դրասխանակերտցի**, էջ 96, 110 և այլն: Արքունի պաշտոնյաներին տրվող «ոստիկան» անվանումը հայ մատենագիրներն օգտագործում էին դեռևս V դարում (տե՛ս **Փավստոս Բուզանդ**, էջ 314, **Ղազար Փարպեցի**, էջ 284):

³ Ղևոնդ, էջ 166: Տե՛ս նաև **Ասողիկ**, էջ 133. «զՀայս հանդերձ Վրօք և Աղուանօք»:

⁴ Տե՛ս Ibn Khordadbeh, էջ 118-119:

ԱՐՄԻՆԻԱ ՈՍՏԻԿԱՆՈՒԹՅԱՆ ՎԱՐՉԱԿԱՆ ԲԱԺԱՆՈՒՄԸ

Արմինիա ոստիկանության վարչական բաժանման մասին հարուստ տեղեկություններ են պահպանել արաբ աշխարհագետները: Հատկապես արժեքավոր են IX-Xդդ. հեղինակներ Իբն Խորդադեբեհի, Իբն ալ-Ֆակիհի, Բալազուրիի և Յակուբիի հաղորդած տեղեկությունները:

Ըստ Իբն Խորդադեբեհի, Արմինիան բաժանված էր չորս մասի, որոնք հաջորդաբար կոչվում էին Առաջին, Երկրորդ, Երրորդ և Չորրորդ Արմինիաներ.

«Առաջին Արմինիա. Սիսաջան, Առան, Տիֆլիս, Բարդաա, Բայլական, Կաբալա և Շարվան,

Երկրորդ Արմինիա. Զուրգան, Սուղդաբիլ, Բաբ Ֆիրուզ Կուբադ և ալ-Լաքզ,

Երրորդ Արմինիա. Բուսֆուրրաջան, Դաբիլ, Սիրաջ Թայր, Բադրավանդ և Նաշավա,

Չորրորդ Արմինիա. Շիմշաթ, Խիլաթ, Կալիկալա, Արջիշ և Բաջունայս»¹:

Իբն Խորդադեբեհն ավելացնում է նաև, որ Արմինիայի մեջ են մտնում Խուայյը, աս-Սանարիան, Ալբակը, Քիսալը, Աբխազը, ալ-Ջարդաման ամրոցը, Խայզանը, Շաքքին և ալ-Բաբ քաղաքը (Բաբ ալ-Արվաբ)²:

Փաստորեն, Առաջին Արմինիան, ըստ Իբն Խորդադեբեհի՝ ընդգրկում էր Սասանյանների ձևավորած Աղվանից մարզպանության տարածքը, Սյունիքը և Տիֆլիս քաղաքը, իսկ Երկրորդ Արմինիան՝ Վրաց մարզպանությունը և ալ-Լաքզ երկիրը: Երրորդ Արմինիայի կազմում ընդգրկված էին 591 թ. բաժանումից հետո պարսկական տիրապետության տակ մնացած Հայոց մարզպանության տարածքները, ինչպես նաև Այրարատն ու Տայքը: Իսկ Չորրորդ Արմինիան ընդգրկում էր Տուրուբերանը, Բարձր Հայքն ու Ծոփքը՝ բացառությամբ վերջինների մերձեփրատյան գավառների: Այսինքն՝ նախքան արաբական տիրապետության հաս-

¹ Տե՛ս Ibn Khordadbeh, էջ 122:

² Անդ:

տատունը գոյություն ունեցած վարչա-քաղաքական իրավիճակը որոշակիորեն իր արտահայտությունն է գտել խնդրո առարկա շրջանում: Սակայն, վիճահարույց է վարչականորեն Սյունիքի և Տփղիս քաղաքի պատկանելությունն Առաջին Արմինիային, ինչպես նաև ալ-Լաքզի պատկանելությունը՝ Երկրորդ Արմինիային: Այս խնդիրներին մանրամասնորեն կանդրադառնանք քննության ընթացքում:

Արմինիա ոստիկանության վարչական բաժանման նույնատիպ նկարագրություն է պահպանել նաև X դ. արաբ մատենագիր Իբն ալ-Ֆակիին, որը, սակայն, ավելացնում է, որ «Ահմադ իբն Վադիի Իսբահանցին հաղորդել է, թե...[Արմինիայում] թագավորությունների քանակը հասնում է 113-ի, որտեղ, ...ալանների և Բաբ ալ-Աբվաբի միջև [գտնվում է] Սահիբ աս-Սարիրի թագավորությունը»¹:

Ըստ Իբն ալ-Ֆակիի, փաստորեն, արաբական տիրապետության ներքո էր գտնվում նաև Սարիրի թագավորությունը, որն ընդգրկում էր Անդյան ու Կարա Կոյսու գետերի ավազանները²: Պետք է նշել, որ Սարիրի թագավորության տարածքը Սասանյանների տիրապետության օրոք Այսրկովկասյան մարզավայրերի մեջ ընդգրկված չէր³:

Վերոհիշյալ հեղինակների տեղեկություններից որոշակիորեն տարբերվում է IX դ. հեղինակ Բալազուրիի հաղորդումը: Պատմիչը տեղեկացնում է, որ, ըստ քաջատեղյակ մարդկանց պատմածի, «Շիմշաթը, Կալիկալան, Խիլաթը, Արջիշը և Բաջունայսը կոչվում էին Չորրորդ Արմինիա, Բուսֆուրաջանի շրջանը, Դաբիլը, Սիրաջ Թայրը և Բաղրավանդը կոչվում էին Երրորդ Արմինիա, Ջուրզանը կոչվում էր Երկրորդ Արմինիա, իսկ Սիսաջանն ու Առանը կոչվում էին Առաջին Արմինիա: Սյուններն ասում են, թե Շիմշաթն էր միայն [կոչվում] Չորրորդ Արմինիա, Կալիկալան, Խիլաթը, Արջիշն ու Բաջունայսը կոչվում էին Երրորդ Արմինիա, Սիրաջ Թայրը, Բաղրավանդը, Դաբիլն ու Բուսֆուրաջանը կոչվում էին Երկրորդ Արմինիա, իսկ Սիսաջանը, Առանը և Տիֆլիսը կոչվում էին Առաջին Արմինիա»⁴:

Բալազուրիի հաղորդման առաջին մասը համարյա նույնությամբ կրկնում է Իբն Խորդադեբիի տեղեկությունը, սակայն, մի տարբերությամբ. արաբ պատմիչը Երկրորդ Արմինիայի կազմում հիշատակում է միայն Ջուրզանը՝ չխոսելով ալ-Լաքզի մասին: Ինչ վերաբերում է Բալա-

¹ Ibn al-Fakih, էջ 290-291:

² Տե՛ս Ա. Եղիազարյան, Արաբական աղբյուրների Սարիր թագավորությունը, «Գիտության գլոբուս», 2004, հ. 4, էջ 99-106:

³ Տե՛ս Ա. Երեմյան, Մարզպանական Դայաստանը և հարևան երկրները 387-628թթ., քարտեզ, Ե., 1980:

⁴ Տե՛ս بلاءري, I, էջ 231:

գուրիի հաղորդման երկրորդ հատվածին, ապա այն, ըստ երևույթին, աղավաղված է կամ, պարզապես, այդ տեղեկությունը Բալագուրիին հաղորդողների թյուրիմացության հետևանք է:

Երիտասարդությունն Արմինիայում անցկացրած Յակուբիի հաղորդած տեղեկությունն էապես տարբերվում է Արմինիայի՝ չորս մասերի բաժանված լինելու մասին վերոհիշյալ հաղորդումներից: Ըստ IX-X դդ. պատմիչի՝ Արմինիան բաժանվում էր երեք մասի. «Առաջին մաս՝ Դաբիլ, Կալիկալա, Խիլաթ, Շիմշաթ և Սավադ քաղաքներ, երկրորդ մաս՝ Բարդաա, Բայլական, Կաբալա և Բաբ ալ-Աբվար քաղաքներ, երրորդ մաս՝ Ջուրզան, Տիֆլիս...»¹: Ինչպես տեսնում ենք, Յակուբին թե՛ Հայաստանի հողերն է մեկ վարչական միավորի մեջ հիշատակում և թե՛ Տիֆլիս քաղաքն է Ջուրզանի հետ միասին մեկ վարչական շրջանի մեջ նշում:

XIII դ. հեղինակ Յակուտ ալ-Համավին, ի մի բերելով վերոհիշյալ հեղինակների հաղորդումները, հայտնում է, որ Առաջին Արմինիայի մեջ էին մտնում Բայլականը, Կաբալան ու Շարվանը, երկրորդի մեջ՝ Ջուրզանը, Սուղդաբիլը, Բաբ Ֆիրուզ Կուբադն ու ալ-Լաբզը, երրորդի մեջ՝ Բուսֆուրաջանը, Դաբիլը, Սիրաջը, Թայրը, Բադրավանդը և Նաշավան, իսկ Չորրորդի մեջ՝ Շիմշաթը, Կալիկալան, Արջիշը և Բաջունայսը²:

Ուսումնասիրողներից ոմանք կարծում են, որ Արմինիայի՝ չորս մասի ավանդական այս բաժանումը որոշ չափով համապատասխանում էր Հայաստանի և հարևան երկրների մինչարաբական ժամանակաշրջանի իրավիճակին և, իրականում, վարչական նշանակություն չունեի³: Մյուսները գտնում են, որ Արմինիան, իսկապես, բաժանված էր վերոհիշյալ վարչական շրջանների⁴:

Այն, որ Հայաստանում և Այսրկովկասյան երկրներում պարսկաբյուզանդական տիրապետության ժամանակաշրջանում գոյություն ունեցող վարչա-քաղաքական իրավիճակը որոշակիորեն արտացոլվել է արաբական տիրապետության շրջանում, կասկածի տեղիք չի տալիս: Դա կարող է նշանակել, որ արաբ տիրողները գոյություն ունեցող վարչական բաժանումը փոփոխելու անհրաժեշտություն չեն ունեցել: Այնուամենայնիվ, արաբները, ինչպես ցույց են տալիս աղբյուրների հաղորդումները, հենվելով հին վարչական բաժանման վրա, սակայն, այն ենթարկել են ընդգծված փոփոխությունների:

¹ Տե՛ս Jakubi, էջ 364:

² Տե՛ս Jacut, I, էջ 219-220:

³ Տե՛ս **А. Тер-Гевондян**, նշվ. աշխ., էջ 157:

⁴ Տե՛ս **М. Ghazarian**, նշվ. աշխ., էջ 69, **J. Laurent**, նշվ. աշխ., էջ 9-34:

Ա. Տեր-Ղևոնդյանը կարծում է, թե Երրորդ Արմինիան տարածքային առումով նույնական էր մարզպանական Հայաստանին (ըստ 591 թ. բաժանման), իսկ Չորրորդ Արմինիան՝ Բյուզանդական Հայաստանին¹։ Սակայն Հայոց մարզպանությունը, ինչպես ցույց տվեցինք, 591 թ. բաժանումից հետո ամփոփվեց Վասպուրական գնդի երկրի սահմաններում, որն ընդգրկում էր Վասպուրականը, Մոկքը, Պարսկահայքի և Կործայքի հյուսիսային հատվածները։ Հայոց մարզպանության կազմում մնացել էին նաև նախկինում Տանուտիրական գնդի երկրի մաս կազմող Այրարատի Մասյացոտն, Ոստան Դվնա և Արածու կողմն գավառները։ Իսկ Երրորդ Արմինիայի կազմի մեջ էին մտնում, Վասպուրական գնդի երկրից բացի, նաև Այրարատն ու Տայքը։ Այսինքն՝ տարածքային առումով այդ վարչական միավորների միջև եական տարբերություն գոյություն ուներ։ Երրորդ Արմինիան տարածքային առումով ավելի մոտ էր Հայոց մարզպանությանը 571-591 թթ. դրությամբ։ Նախքան 571 թ. ապստամբությունը Սյունիքը բաժանվել էր Հայոց մարզպանությունից ու միացվել Ատրպատականի աշխարհագրին։ Հայոց մարզպանությունն այդ ընթացքում կազմված էր Վասպուրական, Այրարատ, Տուրուբերան, Տայք, Մոկք աշխարհներից, Պարսկահայքի ու Կործայքի հյուսիսային հատվածներից։ Տարբերությունը միայն Տուրուբերանն էր, որը հետագայում մտնում էր Չորրորդ Արմինիայի մեջ։ Վերջինը նույնպես տարածքային առումով չէր հանդնկնում Բյուզանդական Հայաստանին՝ ըստ 591 թ. բաժանման։ 591 թ. բաժանումից առաջ այն ընդգրկում էր Բարձր Հայք և Ծոփք աշխարհները, իսկ դրանից հետո՝ նաև Այրարատ, Տուրուբերան, Տայք և Աղծնիք աշխարհները²։ Իսկ Չորրորդ Արմինիայի մեջ էին մտնում Բարձր Հայքը, Ծոփքը և Տուրուբերանը, ինչպես նաև VIII դ. վերջին Չորրորդ Արմինիային միացված Աղծնիքի հյուսիսային գավառները։ Այսինքն՝ տարածքային առումով այդ վարչական հասկացությունների միջև տարբերությունը շոշափելի էր։

Այժմ անդրադառնանք Արմինիա ոստիկանության պատմաաշխարհագրական քննությանը։

Առաջին Արմինիա։ Ընդգրկում էր Մեծ Հայքի Սյունիք, Արցախ և Ուտիք աշխարհները, Բուն Աղվանից աշխարհը, Կուր գետի ստորին հոսանքի և Դարբանդի միջև գտնվող մերձկասպյան շրջաններն ու Կովկասյան լեռների արևելյան հատվածը։

¹ Տե՛ս Ա. Տեր-Ղևոնդյան, Քուստ-ի Կապկոի վարչական միավորի վերապրուկները իսլաֆայության ժամանակ, -ՀՍՍՌ ԳԱԱ «Տեղեկագիր», 1958, թիվ 9, էջ 75։

² Տե՛ս Դովհաննես Դրասխանակերտցի, էջ 70։

Միսաքան(Սյունիք): Արաբ հեղինակները Սյունիքը հիշատակում են Առաջին Արմինիայի կազմում¹: Ինչպես հայտնի է, 571 թ. ապստամբությունից առաջ «ապստամբեալ ի բաց եկաց ի Հայոց անուանեալ Վահան իշխան աշխարհին Սիւնեաց, և խնդրեաց ի Խոսրովայ յարքայէն Պարսից, զի տարցեն զդիւան աշխարհին Սիւնեաց ի Դըւնայ ի Փայտակարան քաղաք, և կարգեսցէ զքաղաքն ի շահրմար Ատրպատականի, զի մի՛ ևս կոչեսցի անուն Հայոց ի վերայ նոցա: Եւ կատարէր իրաւանն»²: Սակայն, Համազասպ Մամիկոնյանի իշխանության տարիներին (655-662) հայերը «հապճեա երթևեկով հնազանդեցան ի ծառայութիւն թագաւորին Յունաց, հանդերձ միաբանութեամբ իշխանացն և զաւրացն Աղուանից և իշխանացն աշխարհին Սիւնեաց հանդերձ աշխարհաւն իւրեանց. որք լծեալ էին յառաջագոյն յաշխարհագիրն Ատրպատականի, մինչև բարձաւ թագաւորութիւն Պարսից և տիրեաց Իսմայելացին, նոքա անդրէն նուաճեալ միաբանեցան ընդ Հայոց»³: Այսինքն՝ Արմինիա ոստիկանության ձևավորումից առաջ Սյունիքը կրկին միացվել էր Հայոց իշխանապետությանը: Արաբները սկզբում Սյունիքը վարչականորեն Հայաստանի մաս էին դիտում: Այդ է ցույց տալիս այն փաստը, որ 655 թ. արշավանքի ժամանակ Սյունիքը ոչ թե Աղվանից մարզպանության տարածքները նվաճող Սալման իբն Ռաբիան, այլ Հայաստանի և Վիրքի նվաճող Հաբիբ իբն Մասլաման⁴, չնայած, որ այդ ժամանակ դեռևս Սյունիքը Հայոց իշխանապետությունը չէր վերամիավորվել: Արաբները VIII դ. սկզբին Սյունիքը մտցրեցին Առաջին Արմինիային մեջ՝ հետապնդելով այն նույն նպատակը, ինչ Սասանյանները: Նրանք պարզապես ցամականում էին թուլացնել Հայաստանը՝ նրա տարբեր հատվածների

¹ Պետք է նշել, որ աղբյուրների պատմաբան Զ. Բունիաթովը, հենվելով արաբ հեղինակների մամուրիմակ հաղորդումների վրա, Սյունիքը, Արցախի և Ուտիքի հետ միասին, Առանի մաս է համարում: Վերջինի շուրջ նա կառուցում է իր տեսությունը՝ «հայ ժողովրդի ու հայ եկեղեցու կողմից Առանի աղվան ժողովրդի «գրիգորյանիզացիայի» (գրիգորականացում, այսինքն՝ հայկական եկեղեցու դավանանքի պարտադրում-Ա.Ե.) և «արմենիզացիայի» (հայացում-Ա.Ե.) մասին» (տես **3. Бунятов**, նշվ. աշխ., էջ 93-102): Այդ տեսակետից նրա համար ցանկալի էր Առանի կազմում հնարավորինս շատ հայկական շրջաններ ներառելը: Սակայն, նա, հավանաբար, չափազանց է համարել, Յակուտի մեկ այլ հաղորդումից ելնելով, Վասպուրականը ևս Առանի մեջ մտցնելը, ուստի՝ այդ հաղորդումը նա բերել է տողատակում («[Բուսֆուրքացանը] զավառ է Առան երկրում, որի քաղաքն է Նաշավան կամ Նախջավանը» (Jacut, I, էջ 627, տես **3. Бунятов**, նշվ. աշխ., էջ 41, ծանոթ. 16): Մեր կարծիքով, Յակուտի այդ իրականությանն ակնհայտորեն չհամապատասխանող տեղեկության մեջբերման պատճառ Զ. Բունիաթովի համար իմպիսացել է այդտեղ հիշվող Նախճավանը, որպեսզի կարծիք ստեղծվի, թե այն ևս Առանի մաս է կազմել:

² Սեբեոս, էջ 67-68:

³ Անդ, էջ 175:

⁴ **Степанян**, I, էջ 237:

միջև արհեստական անջրպետներ առաջացնելով: Յակուտը Սյունիքն Առաջին Արմինիայի մեջ հիշատակվելու պատճառ է համարում դրա՝ Առանի հետ միասին հիշատակվելը¹: Վերջին հանգամանքը, հավանաբար, կապված էր Մեծ և Փոքր Սյունիք վարչա-քաղաքական հասկացությունների հետ, երբ Փոքր Սյունիք անվան տակ հանդես էր գալիս Արցախը²:

Առան: Այս տեղանունը վերաբերում էր Սասանյանների տիրապետության շրջանում Աղվանից մարզպանության մեջ մտցված Մեծ Հայքի երկու աշխարհներին՝ Արցախին և Ուտիքին: Արաբ աշխարհագետ Յակուտը, խոսելով Առանի մասին, հաղորդում է, որ այն մի մեծ երկրամաս է, ուր բազմաթիվ քաղաքներ կան: Դրանցից են Գանձակը (Ջանգան), Պարտավը, Շամքորը և Բայլականը: Իսկ Ադարբայջանի (Ատրպատականի ոստիկանության) և Առանի միջև սահմանը, ըստ Յակուտի և Իբն Խորդադբեհի՝ Երասխ գետն էր³: Ինչպես տեսնում ենք, Յակուտը, Առան ասելով, նկատի ունի Հայոց Արևելից կողմանց երկու աշխարհները՝ Արցախը և Ուտիքը, ուստի՝ իզուր չէ, որ նա որպես Առանի քաղաքներ հիշատակում է միայն Հայոց Արևելից կողմանց քաղաքները: Սակայն, երբեմն, արաբ հեղինակներն Առան են անվանում նաև Կուրի միջին և ստորին հոսանքից հյուսիս գտնվող շրջանը՝ Աղվանքը: Յակուտն այդ Առանն Արմինիայից (Հայոց թագավորություն) բաժանում է Կուր գետով⁴: Իբն Հաուկալը (X դ.) նախկինում Աղվանից մարզպանության կազմում ընդգրկված այսրկուրյան ու անդրկուրյան երկրները պարզապես անվանում է երկու Առաններ⁵: Բ. Ուլուբաբյանը, քննության ենթարկելով «Ալբանիա», «Աղվանք» և «Առան» տեղանունները, եկել է այն ճիշտ եզրակացության, որ, դիտելով «Առան» տեղանվան գործածության ոլորտը դարերի ընթացքում, մի հետաքրքիր երևույթ ենք տեսնում: Այնպես, ինչպես «Աղվանք» անվանումը, սկզբնապես լինելով Կուրի ձախափնյակի որոշ երկրամասերի անվանում, հետագայում տարածվեց նաև Կուրի աջափնյա Հայոց աշխարհների վրա, այնպես էլ «Առան» անվանումը, որը նախապես վերջիններին էր վերաբերում, արաբների տիրապետության օրոք տարածվում է նաև Կուրի ձախափնյա-

¹ Տես Jacut, I, էջ 184, II, էջ 740:

² Տես Սովսես Խորենացի, էջ 310:

³ Տես Jacut, I, էջ 183-184, Ibn Khordadbeh, էջ 121:

⁴ Տես Jacut, IV, էջ 259: Հմմտ. «Աշխարհացոյց Սովսեսի Խորենացու», էջ 28-29. «Աշխարհ Աղբանիա, այսինքն Աղուանք...մինչև ցՀայոց սահմանաւ, առ Կուր գետով»:

⁵ Տես Ibn Haukal, էջ 355:

կի վրա¹: Խնդիրն այն է, որ ինչպես «Առան» բառը, որը մինչև օրս էլ օգտագործվում է «դաշտ» կամ «հարթավայր» իմաստով², այնպես էլ «Աղվանք»-ը, նշանակում է «դաշտ», ինչի հետևանքով մույն իմաստն արտահայտող բառերի փոխատեղումը միանգամայն բացատրելի է: Մովսես Խորենացին, պատմելով Վաղարշակ թագավորի կողմից մի ոմն Առանի Մեծ Հայքի հյուսիսարևելյան հատվածում կողմնակալ նշանակելու մասին, հաղորդում է, թե նրա ցեղը «Ժառանգեաց զդաշտն Աղուանից և զլեռնակողմն նորին դաշտի» և, որ «աշխարհն յանուն քաղցրութեան բարուց նորա անուանեցաւ Աղուանք. զի աղու ծայնէին զնա»³: Այսինքն, ըստ պատմահոր՝ «Աղվանք» անունը տրվել է Առանի սերունդների ժառանգած դաշտին(Աղվանից դաշտ) և դրա՝ դեպի Կովկասյան լեռները տարածվող հատվածին: Փաստորեն, «Աղվանք» անունը էքնիկական ծագում չուներ և, պարզապես, դաշտ կամ հարթավայր էր նշանակում⁴:

Ասասնյանների օրոք Աղվանից մարզպանության կազմում Հայոց Արևելից կողմանց երկու աշխարհները՝ սկզբում Առանշահիկների, ապա Միհրանյանների իշխանության ներքո, հանդես էին գալիս որպես ինքնուրույն վարչա-քաղաքական միավոր⁵: Կարևոր է նշել, որ Մովսես Դասխուրանցու երկի քննությունը ցույց է տալիս, որ, Միհրանյաններին և Առանշահիկներին Աղվանից իշխան կոչելիս, պատմիչը նկատի ունի միայն Հայոց Արևելից կողմանց երկու աշխարհները, ինչպես նաև անդրկուրյան Կամբեժան գավառը⁶:

Ալ-Ջարդանան ամրոց: Ըստ Իբն Խորդադբեհի՝ գտնվում էր Արմինիայում⁷: Հիշատակում է նաև Բալագուրին՝ կապված 655 թ. արաբական արշավանքի հետ⁸: Համապատասխանում է Ուտիքի Գարդման գա-

¹ Տե՛ս Բ. Ուլուքարյան, «Ալբանիա», «Աղվանք» և «Առան» տեղանունները, -«ՊԲՀ», 1971, թիվ 3, էջ 125:

² Մեզանում այսօր էլ Արարատյան դաշտն անվանվում է «Արան» (Առան), իսկ տեղի բնակչությունը՝ «արանցի» (տե՛ս Ս. Երեմյան, Ն. Մառը և VII դարի «Աշխարհացոյց»-ը, -«Մառը և հայագիտության հարցերը», Ե., 1968, էջ 88-89):

³ Տե՛ս Մովսես Խորենացի, էջ 126-128:

⁴ Եթե Առանի «Աղու» մականվանն ավելացնենք պարսկական հոգնակիակերտ «ան» մասնիկը և վերջում դնենք հայերենում ցեղ, ժողովուրդ կամ դրանց բնակության տարածքները ցույց տվող «ք» մասնիկը, կստանանք «Աղուանք»-ը, ինչը հստակորեն խոսում է մեր տեսակետի օգտին:

⁵ Օրինակ՝ Հուստինիանոս Բ կայսրը, 689 թ. գրավելով Հայաստանը, Հայոց իշխան կարգեց Ներսեհ Կամսարականին, իսկ Հայոց Արևելից կողմանց իշխան՝ Վարազ Տրդատին (տե՛ս Ասողիկ, էջ 101):

⁶ Տե՛ս Բ. Ուլուքարյան, Դրվագներ Հայոց արևելից կողմանց պատմության, Ե., 1981, էջ 246:

⁷ Տե՛ս Ibn Khordadbeh, էջ 123:

⁸ Տե՛ս بلاءري I, էջ 239:

վառի համանուն ամրոցին, որի ավերակները մինչև այժմ էլ պահպանվել են Շամքոր գետի վերին հոսանքի շրջանում¹:

Տիֆլիս (Տփղիս): Տփղիս քաղաքն Իբն Խորդադբեհն ու Իբն Գալիիը հիշատակում են Առաջին Արմինիայի մեջ: Սակայն, մեր կարծիքով, որպես իրականություն պետք է ընդունել Յակուտի այն տեղեկությունը, թե Տփղիսը հանդիսանում էր Երկրորդ Արմինիայի կենտրոնը²: Բացի այդ, ինչպես տեսանք, երիտասարդությունն Արմինիայում անցկացրած Յակուբին Տփղիսը հիշատակում է Երկրորդ Արմինիայի կազմում: Սակայն ասել, թե Իբն Խորդադբեհի հիշատակությունը որևէ հիմք չունի, ճիշտ չէր լինի: Հայտնի է, որ Պարսկաստանում Վահրամ Չուբինի ապստամբությունը սպանված արքա Ռմիզդի որդի Խոսրովը կարողացավ ճնշել Բյուզանդիայի կայսր Մորիկի օգնությամբ: Այդ պատճառով 591 թ. կնքված պարսկա-բյուզանդական պայմանագրով Խոսրովը տարածքային մեծ զիջումներ կատարեց կայսրությանը: Ըստ Սեբեոսի՝ այն ընդարձակ տարածքների հետ, որ Բյուզանդիայի տիրապետության ներքո անցան Հյուսիսային Միջագետքից և Հայոց մարզպանությունից, Խոսրովը Բյուզանդիային «ետ և զմեծ մասն Վրաց աշխարհին մինչև ԳՏփիսիս քաղաք»³: Այսինքն՝ Վրաց աշխարհի մեծ մասն անցավ Բյուզանդական կայսրությանը՝ բացառությամբ Տփղիս քաղաքի և դրա շրջակա տարածքների: Հետագայում Խոսրովը, իբր թե սպանված Մորիկի վրեժը լուծելու համար, արշավում է Բյուզանդիա, բայց ծանր պարտություն է կրում: Բյուզանդական բանակը, դաշնակից խազարների հետ միասին, պաշարում է Տփղիսը, գրավել չի կարողանում ու գործը մյուս տարվան է թողնում⁴: Հաջորդ տարին խազարական զորքը՝ Շաթի գլխավորությամբ, պաշարում է Տփղիսն ու այս անգամ գրավում⁵: Կարծիք է հայտնվել, թե 629 թ. պարսկա-բյուզանդական հաշտության պայմանագրով Տփղիսն անցել է բյուզանդական տիրապետության ներքո⁶, սակայն, սկզբնաղբյուրներում այդ մասին ոչինչ չկա: Ավելին, Սեբեոսի վկայությունն այն մասին, թե Կավատ արքան որոշեց «հաշտութիւն առնել ընդ կայսեր, և ի բաց թողուլ զամենայն սահմանս

¹ Տե՛ս Ս. Երեմյան, Հայաստանը IX-XI դարերում, քարտեզ (Ե., 1987), նույնի՝ Հայաստանը և հարևան երկրները 855-953թթ., քարտեզ (Ե., 1976): Տե՛ս նաև Բ. Հարությունյան, Հայաստանն ըստ «Աշխարհացոյց»-ի և այլ աղբյուրների, քարտեզ, Ե., 2001: Տե՛ս նաև M. Ghazarian, նշվ. աշխ., էջ 77:

² Տե՛ս Jacut, I, էջ 857:

³ Տե՛ս Սեբեոս, էջ 84:

⁴ Տե՛ս Մովսես Կաղանկատվացի, էջ 137-140

⁵ Ամդ, էջ 151-153:

⁶ Տե՛ս Ա. Տեր-Ղևոնդյան, Հայաստանը VI-VIII դարերում, էջ 17:

թագաւորութեան նորա» և Յերակլը համաձայնեց դրան¹, ցույց է տալիս, որ նախկինում եղած սահմանները մնացել են անփոփոխ: Հենց պատմական այդ իրողությունը, մեր կարծիքով, կարող էր հանդիսանալ արաբ հեղինակների կողմից Տփղիսի՝ վրացական մյուս հողերից բաժանված լինելու մասին հաղորդումների հիմքը: Բացի այդ, մեծ նշանակություն ուներ նաև այն փաստը, որ Տփղիսը, վերաբնակեցված լինելով արաբական ցեղերով և իբն խորդադբեհի օրոք մահմեդական քաղաք հանդիսանալով², տարբերվում էր Երկրորդ Արմինիայի մյուս քաղաքներից ու շրջաններից, որտեղ արաբական ցեղերի զանգվածային վերաբնակեցում չէր իրականացվել: «Քարթլիի մատյան»-ը հաղորդում է, որ արաբները, գրավելով Տփղիսը, զանգվածաբար հաստատվեցին այնտեղ, և այն վերածվեց մահմեդական քաղաքի³: Այդ տեսակետից Տփղիսը նման էր Առաջին Արմինիային, որտեղ մահմեդականությունը պարարտ հող էր գտել: Ուստի՝ հավանական է նաև, որ հենց այդ պատճառով են արաբ հեղինակները Տփղիսն Առաջին Արմինիայի մեջ հիշատակում:

Բարդաա (Պարտավ): Պարտավն Արմինիայի նշանավոր քաղաքներից մեկն էր, որը VIII դ. վերջից դարձավ Արմինիայի ոստիկանի երկրորդ և հիմնական նստավայրը: Ըստ Ղևոնդի՝ Սուլեյման ոստիկանը (788-790) արդեն նստում էր Պարտավում⁴: Այդ ժամանակներից էլ պետք է հաշվել Պարտավի՝ որպես Արմինիայի ոստիկանի երկրորդ նստավայրի, հանդես գալը⁵: Արաբ հեղինակներից ալ-Մուկադդասին Պարտավն անվանում է «Արմինիայի Բաղդադ»⁶, ալ-Իսթախրին վկայում է, որ «Իրաքում և խորասանում Ռեյից և Իսթահանից հետո չկա ավելի նշանակալից, ավելի ծաղկուն և ավելի գեղեցիկ քաղաք..., քան Բարդաան է»⁷, իսկ Իբն Հաուկալը Պարտավն անվանում է «Առանի մայրաքաղաք»⁸:

¹ Սեբեոս, էջ 128:

² Տեն *مسعودي*, էջ 203-204:

³ Տեն «*Матияне Картиаса*», էջ 28:

⁴ Տեն Ղևոնդ, էջ 166: Պետք է նշել, որ, դատելով Մովսես Դասխուրանցու՝ հայոց 200 թ.-ին (751 թ.) վերաբերող մի վկայությունից, ոստիկանի նստավայրը Պարտավ է տեղափոխվել այդ տարում: Պատմիչը հաղորդում է, թե 751 թ. «զմայրաքաղաքն Պարտաւ խլեցին յիշխանացն Աղուանից Տաճիկք ըստ իւրեանց անառակ ազգաշաղախութեանն: Եւ որպէս զառաջինն աթոռ յիշխանութեանն իւրեանց արկին ի Դամասկոս Ասորեստանեայց, նոյնպէս աստ յԱղուանս նստուցին ի Պարտաւ կալ արքունեացն՝ և ծծել զպարարտութիւն երկրիս. յորոց մի ոմն յարքունեացն եկեալ ի Պարտաւ» (տեն Մովսես Կաղանկատվացի, էջ 325):

⁵ Տեն Ա. Տեր-Ղևոնդյան, Հայ ժողովրդի պայքարը..., էջ 364:

⁶ *Al-Moqaddasi*, էջ 375:

⁷ *Al-Istakhri*, էջ 182:

⁸ *Ibn Haukal*, էջ 337:

Բայլական: Գտնվում էր Պարտավից հարավ՝ նրանից 14 փարսախ հեռավորության վրա(մոտ 80կմ)¹: Համապատասխանում է այժմ Օրենկալա կոչվող ավերակների²: Բայլականն Առաջին Արմինիայի մեծագույն քաղաքներից մեկն էր: Ըստ արաբ հեղինակների՝ Բայլականով էր անցնում Պարտավն Արտավեստին (Արդաբիլ) և Արտավեստով Խորասանին ու խալիֆայության այլ երկրամասերին կապող առևտրական ճանապարհը:

Կաբալա: Համապատասխանում է Աղվանից թագավորության Կապաղակ մայրաքաղաքին և նույնական է ներկայիս Կաբալա գյուղին (Զուխուր Կաբալա), որը գտնվում է Նիժ(Նիջ) գյուղի մոտակայքում³:

Շաքե-Կամբեճանի իշխանություն: Կապաղակի հարևանությամբ, նրանից դեպի հյուսիս-արևմուտք, գտնվում էր Շաքե-Կամբեճանի իշխանությունը: Դարեր ի վեր Բուև Աղվանից աշխարհին վերագրվող Կամբեճան գավառն աչքի էր ընկնում իր հոծ հայ ազգաբնակչությամբ, որին մանրամասնորեն կանդրադառնա՞նք մեր ուսումնասիրության համապատասխան բաժնում: Ըստ Բալազուրիի՝ արաբական առաջին արշավանքների ժամանակ արդեն Շաքե և Կամբեճան գավառները միասնական իշխանություն էին կազմել: Նկարագրելով Սալման իբն Ռաբիա-յի արշավանքը դեպի Հայոց Արևելից կողմերն ու անդին, Բալազուրին հաղորդում է, որ, ի թիվս այլ իշխանների, արաբ զորավարի հետ պայմանագիր կնքեց նաև Շաքեի ու Կամբեճանի⁴ տերը⁵: Այդ շրջանից սկսած այդտեղ ձևավորված հայկական իշխանությունն աստիճանաբար հզորացավ, իսկ արաբական տիրապետության տապալումից հետո նաև թագավորություն դարձավ:

¹ St'u al-Istakhri, էջ 192:

² St'u **К. Трезер**, Очерки по истории и культуре Кавказской Албании (IVв. до н. э.-VIIв. н. э.), Москва-Ленинград, 1959, с. 265-266. St'u նաև «Большая Советская Энциклопедия»(այսուհետև՝ «БСЭ»), т. 18, Москва, 1974, с. 505.

³ St'u **Ս. Երեմյան**, Հայաստանը ըստ «Աշխարհացոյց»-ի, էջ 58, **С. Амурбейли**, նշվ. աշխ., էջ 32-35:

⁴ Պետք է նշել, որ Բալազուրին Կամբեճանը հիշատակում է Կամիբարան (قميران) ձևով (տե՛ս بلانري, I, էջ 240): Ս. Ղազարյանն առաջարկում է այն կարդալ Կամբիզան (قميزان), որը ցույց է տալիս դրա նույնությունը Կամբեճանի հետ (տե՛ս **M. Ghazarian**, նշվ. աշխ., էջ 84-85):

⁵ St'u بلانري, I, էջ 240: Պետք է ընդգծել, որ Բալազուրիի երկի այս հատվածը թարգմանիչները սխալ են թարգմանել: Արաբերեն տեքստում նշված է. «صاحب شكن و القميران» («Շաքքանի և Կամիբարանի տերը»): «Տեր», «իշխան» բառի եզակին صاحب -ն է, ինչպես և գրված է Բալազուրիի տեքստում, իսկ հոգնակին՝ صاحبا, صحب, صاحب: Սինչդեռ Պ. Ժուգեի ու Բ. Խալաթյանի թարգմանությամբ ստացվել է «Շաքքանի և Կամիբարանի տերերը» (տե՛ս **П. Жюзе**, Из соч. Баладзори "Книга завоевания стран", с. 14, **Բ. Խալաթյան**, նշվ. աշխ., էջ 51):

«Աշխարհացոյց»-ի ընդարձակ խմբագրության մեջ Մեծ Հայքին Կուր գետով սահմանակցող Բուն Աղվանից աշխարհի գավառների նկարագրությունը սկսվում է Վիրքին հարևան գավառներից. «Նախ առ Վրօք, Եխնի գաւառ առ Աղուան գետովմ, եւ Քամբէճան առ Կուրաւ»¹: Այսինքն՝ Կամբեճան գավառը սահմանակից էր Վիրքին և տարածվում էր Կուր գետի ծախ ավիին: Ս. Երեմյանն Աղվան գետը նույնացնում է ներկայիս Ալազան գետին², իսկ Կամբեճան գավառը՝ ներկայիս Շիրակի անջրդի դաշտավայրին, որտեղով հոսում է Կամբեճ (այժմ՝ Իօրա կամ Իօրի) գետը³: Այդ տեղադրությունն ընդունելի է, քանի որ համապատասխանում է սկզբնաղբյուրների և, մասնավորապես, «Աշխարհացոյց»-ի տվյալներին: Շաքե քաղաքը համապատասխանում է ներկայիս Շաքի կամ Նուխի քաղաքին, իսկ Շաքե գավառը՝ Շաքիի կամ Նուխի շրջանին⁴: Չնայած «Աշխարհացոյց»-ի վերոբերյալ հիշատակությանը, թե Կամբեճանն Աղվանքի մեջ էր մտնում, ուսումնասիրությունը բերում է այն համոզման, որ դեռևս հնագույն ժամանակներից Կամբեճանը Հայաստանի մաս էր կազմում և ուներ հայ բնակչություն: Ա. Մնացականյանը Կամբեճանն ու հարակից շրջանները պայմանականորեն կոչում է Անդրկուրյան Հայք: Ստրաբոնը, Աղվանքի նկարագրության մեջ, անդրադառնալով Հայաստանի այդ հատվածի սահմաններին, հաղորդում է, թե «Հայաստանը մասամբ իրենից ներկայացնում է հարթավայր, մասամբ էլ՝ լեռնային երկիր, ինչպիսին է Կամբեճանը, որտեղ հայերը սահմանակից են միաժամանակ իբերների և աղվանների հետ»⁵: Հայաստանի նկարագրության մեջ Ստրաբոնը վկայում է, թե «Խործենեն և Կամբեճանը [Հայաստանի գավառներից] ամենափոքր սայիններն են»⁶: Ստրաբոնի վկայությունները ցույց են տալիս, որ Կամբեճանը Հայաստանի մաս էր կազմում և տեղի բնակչությունն էլ հայկական էր⁷:

Կամբեճանի՝ հայկական երկրամաս լինելու մասին մի կարևոր տեղեկություն է պահպանվել «Աշխարհացոյց»-ի ընդարձակ խմբագրության մեջ: Աղվանքի նկարագրության մեջ նշված է. «Քավաղակ (իմա՝ Կապաղակ-Ա.Ե.) քաղաք Աղուանից՝ մերծ ի Կաւկաս. ընդ որոյ մէջ գետն Սէրօջ դէպ ի հարաւոյ ըստ Փոքր Հայոց»⁸: Այսինքն՝ Կովկասյան լեռնե-

¹ «Աշխարհացոյց Մովսեսի Խորենացոյ», էջ 29:

² Ս. Երեմյան, Հայաստանը ըստ «Աշխարհացոյց»-ի, էջ 34:

³ Անդ, էջ 57:

⁴ Անդ, էջ 73: Տե՛ս նաև **В. Мияновский**, նշվ. աշխ., էջ 116:

⁵ **Страбон**, XI, IV, 1.

⁶ Անդ, XI, XIV, 4:

⁷ Տե՛ս Ա. Մնացականյան, նշվ. աշխ., էջ 48-49:

⁸ «Աշխարհացոյց Մովսեսի Խորենացոյ», էջ 29:

րից սկիզբ առնող Սեբոջ գետը հոսում էր Կապադակ քաղաքով դեպի հարավ և անցնում Փոքր Հայքի սահմանով: «Աշխարհացոյց»-ի ընդարձակ խմբագրության հրատարակիչ Ա. Սուքոյանը, չըմբռնելով այդ «Փոքր Հայք»-ը, որը ոչ մի կապ չունի բուն Փոքր Հայքի հետ, այդ անվանումից հետո փակագծերում հարցական նշան է դրել: Ինչպես ճիշտ կերպով նշում է Ա. Մնացականյանը, հետագայում այդ հարցականը հետազոտողների վրա այն ազդեցությունն է ունեցել, որ նրանք հիշյալ «Փոքր Հայք»-ին չեն անդրադարձել, կարծելով, թե այդտեղ ինչ-որ սխալ կա¹: Ուսումնասիրությունը ցույց է տալիս, որ այդտեղ սխալ չկա, և այդ երկրամասի Փոքր Հայք անվանումը պահպանվել է մաս Պլուտարքոսի երկուն: Նկարագրելով Պոմպեոսի աղվանական արշավանքը, պատմիչը հաղորդում է, թե հռոմեացի զորավարը նպատակ ուներ արշավել դեպի Կասպից ծով, բայց թունավոր սողունների առատության պատճառով (թերևս, Մուղանի դաշտում) հրաժարվեց իր մտադրությունից և ծով հասնելուց ու վերադարձավ Փոքր Հայք²: Մերժելի է այն տեսակետը, թե Պոմպեոսը կարող էր Մուղանից անմիջապես Փոքր Հայք մեկնել: Խնդիրն այն է, որ իր հոգնատանջ բանակին հանգստի համար Պոմպեոսը դժվար թե Հայաստանի վրայով հսկայական ճանապարհ կտրելով տաներ բուն Փոքր Հայք: Խոսքն այստեղ, ամենայն հավանականությամբ, հայ բնակչություն ունեցող Կամբեճանի մասին է, քանի որ Կուր գետի ափով անցնող բարեկարգ ու մատչելի ճանապարհը Մուղանի դաշտավայրից նրան անմիջապես հենց Կամբեճան էր հասցնելու:

Շաքե-Կամբեճանի իշխանությունը, փաստորեն, ուներ բավական ընդարձակ սահմաններ՝ տարածվելով Սեծ Հայքի ու Վիրքի սահմանին գտնվող Հունարակերտից³, որի տեղադրությանը մենք դեռ կանդրադառնանք, մինչև Շաքե քաղաքի շրջանը:

Պատմաբանների շրջանում վեճերի առարկա է դարձել այն հարցը, թե իրականում հայկական ո՞ր նախարարական տանն են պատկանել Շաքեում իշխողները: Ն. Ադոնցը, որը Սահլ Սմբատյան իշխանին համարում էր Բագրատունի, հենվելով Թովմա Արծրունու այն վկայության վրա, թե Սահլը Շաքեի տերն էր⁴, այն տեսակետն է արտահայտում, որ Շաքեի իշխանները նրա տոհմից են եղել, այսինքն՝ Բագրատունի⁵: Իր տեսակետն ապացուցելու համար նա բերում է «Քարթլիս ցխովերբա»-

¹ Տես Ա. Մնացականյան, նշվ. աշխ., էջ 56:

² Անդ, էջ 57-58:

³ Ա. Երեմյան, Հայաստանը ըստ «Աշխարհացոյց»-ի, էջ 63:

⁴ Տես Թովմա Արծրունի և Անանուն, էջ 298:

⁵ Տես Ն. Ադոնց, Բագրատունյաց փառքը, - «Պատմական ուսումնասիրություններ»,

Փարիզ, 1948, 125-134:

յի այն հաղորդումը, ըստ որի՝ երեք Բագրատունի եղբայրներ Յայաստանից եկել ու վրաց իշխանից որպես ժառանգական տիրույթ ստացել էին Չերեթն ու Շաքեն¹: Ի հակադրություն Ն. Ադոնցի՝ Բ. Ուլուբաբյանը կարծում է, որ Սահլի՝ Շաքեին տիրելու մասին թուվմա Արծրունու վկայությունը նրա թյուրիմացության հետևանքն է և, բացի այդ, Սահլն Առանշահիկ էր և ոչ թե Բագրատունի²:

Սեր քննությունից դուրս է Շաքեի իշխանների ծագումնաբանության պարզաբանման խնդիրը, բայց հարկ ենք համարում ընդգծել, որ, ինչպես տեսանք, այդ իշխանության բնակչությունը, հետևաբար նաև այնտեղ իշխող տոհմը, հայկական էր: Ուստի և անհիմն է Ջ. Բունիաթովի փորձը՝ խաչ քաշելու այս իշխանության հայ տիրողների մասին պատմիչների հաղորդումների ճշմարտացիության վրա: Նա պնդում է, թե այն Շաքեն, որտեղ տիրում էր Սահլը, ոչ մի կապ չունի ներկայիս Շաքի-Նուխիի հետ, որը հակասում է սկզբնաղբյուրների հաղորդումներին: Վերջապես, նա փորձ է կատարում նաև մերժելու Սահլի հայ լինելու մասին «տեսակետը»³: Պարզ է, որ Ջ. Բունիաթովը փորձում է նեմ-գափոխել պատմական ճշմարտությունը, քանի որ, ըստ Մովսես Դասխուրանցու, Սահլն Առանշահիկ էր⁴, իսկ Առանշահիկները՝ «Յայկազանց արանք»⁵:

Շիրվան: Պատմական Շիրվանը տարածվում էր ներկայիս Շաքրան-չայի և Գելգենի-չայի միջև: Այն VI դարից հայտնի էր իբրև առանձին իշխանություն⁶: VIII դ. վերջից Շիրվանին տիրեցին արաբ Շայբանիները: Սրանցից առաջինն Արմինիայում ոստիկանի պաշտոն վարեց Յազիդ իբն Մազլադ աշ-Շայբանին, որը Յարուն ալ-Ռաշիդ խալիֆայի օրոք երկու անգամ նշանակվեց այդ պաշտոնին (787-788, 799-801)⁷: Այդ ժամանակ խալիֆայությունը Արմինիայում արաբական ցեղերի զանգվածային վերաբնակեցում էր իրականացնում: Յազիդն իր առաջին կառավարման շրջանում Ռաբիա ցեղախմբից (հավանաբար, իր ցեղակից շայբաններից) այնքան արաբներ բերեց ու բնակեցրեց Արմինիայում, որ նրանք այնտեղ արդեն մեծամասնություն կազմեցին⁸:

¹ Տե՛ս «Քարթլիս Ցխովրեբայի կամ վրաց պատմության հին հայերեն թարգմանությունը», էջ 199: Տե՛ս նաև Լ. Մելիքսեթ-բեկ, Վրաց աղբյուրները Յայաստանի և հայերի մասին, Կ. Ս., 1934, էջ 196:

² Տե՛ս Բ. Ուլուբաբյան, Խաչենի իշխանությունը X-XVI դարերում, Ե., 1975, էջ 65-70:

³ Տե՛ս Յ. Буниятов, նշվ. աշխ., էջ 185:

⁴ Տե՛ս Մովսես Կաղանկատվացի, էջ 326:

⁵ Ամդ, էջ 338:

⁶ Տե՛ս Ս. Երեմյան, Յայաստանը ըստ «Աշխարհացոյց»-ի, էջ 74:

⁷ Տե՛ս Ա. Тер-Гевондян, նշվ. աշխ., էջ 276, 278:

⁸ Տե՛ս یعقوبی, II, էջ 426:

Այս վերջին փաստարկի վերաբերյալ հարկ է ընդգծել, որ Հայաստանում, ինչպես հայտնի է, արաբները երբեք մեծամասնություն չեն կազմել, իսկ երկրորդ Արմինիայում, ինչպես կտեսնենք, Տփղիսի ամիրայության գլուխ Շաբբանիները կանգնեցին միայն IX դ. կեսին, այնպես, որ այդ հաղորդումը, ամենայն հավանականությամբ, վերաբերում է Առաջին Արմինիային և, մասնավորապես, Շիրվանին, ուր Յազդի իբն Մազյադի հաջորդների օրոք IX դ. հիմնադրվեց Մազյադյան-Շիրվանշահների իշխանությունը: «Շիրվանի և ալ-Բաբի պատմության»¹ մեջ նշվում է, որ Յազդի իբն Մազյադի սերունդներից Հայսամը տիրում էր Շիրվանին՝ կրելով Շիրվանշահ տիտղոսը: Մութավաքիլի սպանությունից հետո՝ հիջրայի² 247 թ.(861-862), խռովություններ սկսվեցին, որոնցից օգտվեց Հայսամը և «Շիրվանի գործերում անկախություն ձեռք բերեց»³: Դրանից հետո Շիրվանի իշխանությունն աստիճանաբար սկսում է տարածվել Կուր գետի և Կասպից ծովի միջև ընկած տարածքների վրա⁴: Արևմուտքում Շիրվանի իշխանությունը տարածվում էր մինչև ներկայիս Գյոկ-չայ գետի ավազանը⁵:

Մասկաթ (Մազքթազ աշխարհ): Ըստ հայկական և արաբական աղբյուրների՝ տարածվում էր Կասպից ծովի ափին՝ Դարբանդի և Շիրվանի միջև⁶: Արևմուտքում սահմանակցում էր Աբխազ թագավորությանը՝ տարածվելով մինչև ներկայիս Ղուբա քաղաք: Համարյա ամբողջությամբ համապատասխանում է հետագայի Մուշկուր երկրին, որը տարածվում էր Դարբանդի ու Շապորան քաղաքի և Ղուբայի ու Կասպից ծովի միջև⁷:

*Աբխազ*⁸: Արաբական աղբյուրները Պարտավ-Դարբանդ ճանապարհի վրա հիշատակում են Աբխազ կոչվող թագավորությունը և հա-

¹ Այս երկի արաբերեն թարգմանությունը տես **В. Минорский**, նշվ. աշխ., էջ 43-105:

² Հիջրայի թվականների համապատասխանությունը եվրոպական թվականության թվականներին տես **И. Орбели**, *Синхронистические таблицы хиджри и европейского летосчисления*, М. Л., 1961.

³ Տես **В. Минорский**, նշվ. աշխ., էջ 47:

⁴ Տես **А. Тер-Гевондян**, նշվ. աշխ., էջ 158:

⁵ Տես **В. Минорский**, նշվ. աշխ., էջ 115-116: Հարկ է նշել, որ Շիրվանի այսպիսի սահմանները վերաբերում են մեծավ մասամբ Արմինիա ուստիկանությանից հետո եկող ժամանակաշրջանին, երբ այդ իշխանության մեջ էր մտնում նաև ալ-Լաքը (տես **مسعودي**, էջ 177):

⁶ Տես «Աշխարհացոյց Սովսեսի Խորենացույ», էջ 27, *Jacut*, I, էջ 438 և այլն:

⁷ Տես «История, география и этнография Дагестана 18-19 вв.», էջ 87-90:

⁸ Աբխազ թագավորության մասին մանրամասնորեն տես **Ա. Եղիազարյան**, Արաբական աղբյուրների Աբխազ թագավորությունը, «Լրաբեր (հաս. գիտ.)», 2005, թիվ 2, էջ 218-226: Աբխազ անվանման առաջացումը մենք բացատրում ենք այդ անվանը փասխերի անվան նմանությամբ («փասխ» անվանումն արաբերենում պետք է հնչեր «ալ-բասխ» ձևով (الباسخ)) և հիմնականում Արմինիայում չճանապարհորդած արաբ հեղինակների դրանք միմյանց հետ շփոթելու հավանականությամբ (անդ, էջ 221-222):

մանուն կայարանը: Ըստ արաբ հեղինակների՝ Աբխազ կայարանը գտնվում էր Պարտավ-Դարբանդ ճանապարհի Շապորան-Ջիսր Սամուր (Սամուր գետի կամուրջը-Ա.Ե.) գծամասում՝ Շապորանից ու Ջիսր Սամուրից հավասարաչափ հեռավորությունների վրա¹: Դարեր ի վեր Շապորանից դեպի Դարբանդ գործել են երկու մեծ ճանապարհներ. դրանցից առաջինն անցնում էր ներկայիս երկաթգծի երթուղով, որն անցնում է Կասպից ծովի ափերով, իսկ մյուսն՝ ներկայիս ավտոճանապարհի երթուղով, որն անցնում է Ղուբա քաղաքով²: Քանի որ Շապորանից հյուսիս Կասպից ծովի ափերն զբաղեցնում էր Մազքթագ աշխարհը³, իսկ արաբ հեղինակների հիշատակած ճանապարհն անցնում էր Աբխազով և ոչ թե Մազքթագ աշխարհով, ապա պետք է ենթադրել, որ Շապորան-Աբխազ-Ջիսր Սամուր ճանապարհահատվածը համապատասխանում էր ներկայիս ավտոճանապարհի երթուղուն, իսկ Աբխազ թագավորությունը՝ գտնվում էր Մազքթագ աշխարհից արևմուտք:

Ըստ ալ-Իսթախրիի՝ Աբխազ թագավորությունը հարավում սահմանակցում էր Շիրվանին⁴, իսկ արևմուտքում՝ Իբն Հաուկալի հաղորդմամբ՝ տարածվում մինչև Կովկասյան լեռների լեռնաբազուկները⁵: Աբխազից արևելք, ինչպես տեսանք, գտնվում էր Մազքթագ աշխարհը:

Աբխազ թագավորության տեղադրության որոշ փորձեր եղել են: Ս. Երեմյանն Աբխազ թագավորությունը տեղադրում է ներկայիս Կուսար-չայ, Կուդիալ-չայ, Կարա-չայ և Վելվելի-չայ գետերի վերին և միջին հոսանքների շրջանում⁶: Նման կարծիք է հայտնում նաև արաբ աշխարհագետների երկերի թարգման Ն. Կարաուլովը⁷: Իսկ Վ. Մինորսկին ավելի հավանական է համարում Աբխազ-Լայզան շփոթը⁸: Վերջինը հեղինակը համապատասխանեցնում է ներկայիս Լախիջյան հարթավայրին, որը գտնվում է Գարդաման գետի վերին հոսանքի ավազանում և, որը նախկինում Սասանյանների վասալ իշխանություններից մեկն էր⁹: Սակայն, ինչպես ցույց տվեցինք, Աբխազը պետք է գտնվելիս լիներ Շա-

¹ Տե՛ս **al-Istakhri**, էջ 192, **al-Moqaddasi**, էջ 381-382, **Ibn Haukal**, էջ 350:

² Տե՛ս Дорожная карта Кавказского края, составлена и литографирована в военно-типোগрафическом отделе Кавказского военного округа, 20 верст в дюйме, Тифлис, 1870:

³ Տե՛ս «Աշխարհացոյց Սովսեսի խորենացոյ», էջ 27:

⁴ Տե՛ս **al-Istakhri**, էջ 191:

⁵ Տե՛ս **Ibn Haukal**, էջ 348:

⁶ Տե՛ս Ս. Երեմյան, Հայաստանը ըստ «Աշխարհացոյց»-ի, էջ 31 և «Հայաստանը IX-XI դարերում», քարտեզ, Ե., 1987:

⁷ Տե՛ս **Н. Караулов**, նշվ. աշխ., թիվ 29, էջ 63, 67, ծանոթ. 60, թիվ 38, էջ 22:

⁸ Տե՛ս **В. Минорский**, նշվ. աշխ., էջ 107, ծանոթ. 4, էջ 124:

⁹ Անդ, էջ 107: Տե՛ս նաև Վ. Մինորսկու քարտեզը (նշվ. աշխ., էջ 113):

պորանից հյուսիս՝ այնտեղից Դարբանդ շարժվող ճանապարհահատվածի վրա, այսինքն՝, որ Վ. Մինորսկու նույնացումը սխալ է, քանի որ Լահիջյան հարթավայրը գտնվում է Շամախուց արևմուտք:

Դատելով Իբն Զաուկալի վերոհիշյալ հաղորդումից, թե Աբխազ թագավորությունը տարածվում էր մինչև Կովկասյան լեռների լեռնաբազուկները, ինչպես նաև մեր տեղորոշումից, որ Աբխազը պետք է փնտրել Մազքթաց աշխարհից արևմուտք, նշենք, որ ամենահավանականն Աբխազ թագավորության տեղադրությունն է Կովկասյան լեռների արևելյան հատվածի հյուսիսային Կողքային լեռնաշղթայի շրջանում, որը ձգվում է Սամուր գետի միջին հոսանքի շրջանից մինչև Շապորան գետի ակունքի շրջանը: Այդ լեռնաշղթայի արևելյան ճյուղավորումները տարածվում են ընդհուպ մինչև Ղուբա քաղաքը¹:

Աբխազ թագավորության հարևաններից Մազքթաց աշխարհը, ինչպես տեսանք, տարածվում էր Դարբանդի ու Շապորան քաղաքի և Ղուբայի ու Կասպից ծովի միջև: Սամուր գետից հյուսիս, Ռուբաս գետի վերին և միջին հոսանքի ավազանում, տարածվում էր Թաբարսարան երկիրը², նրանից արևելք՝ Դարբանդը, և դեպի արևմուտք՝ ալ-Լաքը³: Շիրվան երկիրը տարածվում էր Բելքեյա-չայ գետից և Շապորան քաղաքից հարավ ընկած շրջաններում⁴: Այդ երկրների միջև գտնվում էր Աբխազ թագավորությունը: Նրա սահմանները հյուսիսում պետք է տարածվեին մինչև Սամուր գետը, հարավ-արևելքում՝ մինչև Շապորան գետի ակունքի շրջանը, արևելքում՝ մինչև ներկայիս Ղուբա քաղաքը (ներառյալ): Աբխազի արևմտյան սահմանը, դատելով այն իրողությունից, որ այդ թագավորությունը տարածվում էր մինչև Կովկասյան լեռների լեռնաբազուկները, եզերվում էր Կովկասյան Կողքային լեռնաշղթայի ջրբաժան գծով, որից արևմուտք հիշյալ լեռներն են՝ իրենց բազուկներով: Այսինքն՝ Աբխազ թագավորությունը զբաղեցնում էր այն լեռնակղզին, որը տարածվում է Կողքային լեռնաշղթայի ջրբաժան գծի, Սամուր գետի միջին հոսանքի և ներկայիս Սամուր-դիվիչիի ջրանցքի միջև: Այդ լեռնակղզին իրենից բնաշխարհագրական մի ամփոփ միջավայր է ներկայացնում, և Աբխազի թագավորը, ամենայն հավանականությամբ, տիրում էր դրան ամբողջությամբ, մանավանդ, որ արաբ հեղինակների

¹ Տե՛ս ցարական բանակային շտաբի հինգվեքստանոց քարտեզի 3.7. պլանշետը:

² Տե՛ս «История, география и этнография Дагестана 18-19 вв.», էջ 104, 152, 197 և այլն:

³ Տե՛ս **al-Istakhri**, էջ 189: Տե՛ս Этническая карта Дагестанской АССР, «Народы Кавказа», I, էջ 416:

⁴ Տե՛ս «История, география и этнография Дагестана 18-19 вв.», էջ 90: Տե՛ս նաև **al-Istakhri**, էջ 187:

հաղորդումները հաստատում են մեր տեսակետը¹:

Խուրսան (Խայզան): Արաբ հեղինակները Շիրվանի հարևանությամբ հիշատակում են Խուրսան կամ Խայզան երկիրը², որը նույնական է հայկական սկզբնաղբյուրների Խարվանին³: Վերջինը տարածվում էր Գիլգիլ-չայ և Սունգայիթ գետերի միջև⁴:

Լիրան: Արաբ աշխարհագետներն Առաջին Արմինիայի կազմում հիշատակում են նաև Լիրան ((لیران), տարընթերցմամբ՝ Լայզան (لیزان)) երկիրը: Ըստ Բալազուրիի՝ Լիրանի իշխանը նշանակվել էր պարսից Խոսրով Անուշիրվան արքայի կողմից⁵: Յակուտը, խոսելով Կովկասյան լեռների՝ Դարբանդին հարևան շրջանների մասին, հաղորդում է, որ Ֆիլան և Լաքզ կոչվող ցեղերից բացի այնտեղ բնակվում են նաև «Լիրան և Շարվան ցեղերը»: Ապա, անցնելով Դարբանդից հարավ ընկած տարածքների նկարագրությունը, հեղինակը պատմում է, որ Կուր-Երասխյան ջրկիցից հյուսիս գտնվում է «Լիրանը, որտեղ մեծ ամրոց կա»⁶: Իսկ ալ-Իսթախրին հաղորդում է, որ Լիրանը սահմանակցում է մի կողմից Շիրվանի, իսկ մյուս կողմից՝ Մուկանիայի (այժմ՝ Մուղան) հետ⁷: Մասուդին տեղեկացնում է, որ Շիրվանի թագավորության սահմանակցությամբ գտնվում է մի իշխանություն, որը հարևան է Կովկասյան լեռներին. «Այն կոչում են Լիրան, և նրա թագավորը կրում է «Լիրանշահ» տիտղոսը: Այժմ այդ թագավորությանը տիրում է Շիրվանը, այնպես, ինչպես Մուկան թագավորությանը»: Մասուդին, ապա պատմելով Շիրվանի իշխան Մուհամմադի մասին, հաղորդում է, որ նա և նրա հայրը տիրել էին Լիրանին ավելի շուտ, քան մյուս թագավորություններին⁸:

Բ. Խալաթյանը, հետևելով Մարկվարտին, Բալազուրիի երկի՝ Լիրանի մասին հատվածի թարգմանության մեջ այն կոչում է ալ-Իրան, իսկ դրա իշխանին՝ ալ-Իրանշահ: Այնուհետև, դրա վերաբերյալ ծանոթագրության մեջ ավելացնում է, որ «Լիրանշահ» անվանումը «Marquart իրաւամբ կ'ուղղէ ليرانشاه (Իրանշահ-Ա.Ե.) փոխանակ ليرانشاه (Լիրանշահ-Ա.Ե.)»⁹: իցէ նոյնն է Մ. Կաղանկատուացու Եռանշահիկը⁹:

¹ Տե՛ս Ա. Եղիազարյան, Արաբական աղբյուրների Աբխազ թագավորությունը, էջ 223:

² Տե՛ս بلاندي, I, էջ 240, 243, مسعودي, էջ 178, Ibn Khordadbeh, էջ 122:

³ Տե՛ս «Աշխարհացոյց Մովսեսի Խորենացույց», էջ 27:

⁴ Տե՛ս Ս. Երեմյան, Հայաստանը ըստ «Աշխարհացոյց»-ի, էջ 56:

⁵ Տե՛ս بلاندي, I, էջ 233:

⁶ Տե՛ս Jacut, I, էջ 439:

⁷ Տե՛ս al-Istakhri, էջ 193, ծանոթ. ա(այս վկայությունը պահպանվել է հեղինակի երկի Գոտանյան ձեռագրերում):

⁸ Տե՛ս مسعودي, էջ 178:

⁹ Բ. Խալաթյանը, նշվ.աշխ., էջ 35:

4. Մինորսկին կարծում է, թե «Լայզանը(իմա՝ Լիրան-Ա.Ե.), որը համապատասխանում է ներկայիս Լահիջյան դաշտավայրին՝ Գարդաման գետի վերին հոսանքի ուղղությամբ, մախկնում Սասանյան վասալ իշխանություններից մեկն էր...: Սկզբնապես Լայզանը Յագիդյանների (Շաբան ցեղի) կրտսեր ճյուղի տիրույթն էր, որն առաջին տեղը դուրս եկավ Աբու Թահիր Յագիդի օրոք: Լայզանն այնժամ մտավ միացյալ Շիրվանի կազմի մեջ»¹:

Ս. Երենյանը Լիրանը նույնացնում է Բազկան երկրին: Վերջինը, ըստ նրա, արաբա-պարսկական աղբյուրներում հիշատակվելով El-Iran ձևով, կարող էր կարդացվել նաև «Liran»: Այն տարածվում էր Ափշերոնից մինչև Շամախի քաղաքը և Ադ-սու գետը տարածվող դաշտավայրում: Կենտրոնը Շամախին էր: Հյուսիսում Բազկան երկիրը եզերվում էր Կովկասյան լեռներով, որտեղից(Վել-վելի-չայի ակունքների շրջանից) սկիզբ էր առնում Ապզուտ-Կավատ պարիսպը²:

Ընդհանրապես, Լիրանի մասին արաբ հեղինակների տեղեկությունների համադրումից դժվար չէ պարզել, որ այն հյուսիսում պետք է սահմանակցեր Շիրվանին, իսկ հարավում տարածվեր մինչև Կուրերասխյան ջրկիցն ու Մուղանի դաշտավայրը, որն այդ ժամանակ մաս էր կազմում Ատրպատականի ոստիկանությանը³: Լիրանի այսպիսի տեղադրությունը մեզ բերում է մի կարևոր եզրակացության, որը բխում է նաև Բ. Հարությունյանի կողմից այդ նույն տարածքում հիմնավոր կերպով հայկական սկզբնաղբյուրներում հիշատակվող Լփինքի տեղադրությունից⁴: Արաբ հեղինակների միջոցով մեզ հասած Լիրան անվանաձևը, ամենայն հավանականությամբ, իրենից ներկայացնում է «Լփինք» անվանման աղավաղումը: Ըստ երևույթին, «Լիրան»-ը (لیران) «Լիբան» (ليبان) անվանման աղավաղված տարբերակն է, որը հիշատակված է Իբն Խորդադբեհի երկում⁵ և, որը ավելի մոտ է «Լփինք»-ին⁶: Իսկ Լփինքի

¹ Այստեղ 4. Մինորսկին մեջ է բերում մեր վերևում բերված հիշատակությունները (տես **В. Минорский**, *Гузл. азх.,* էջ 107, ծանոթ. 5: Տես նաև 4. Մինորսկու քարտեզը, *Гузл. азх.,* էջ 113):

² Տես Ս. Երենյան, Հայաստանը ըստ «Աշխարհացոյց»-ի, էջ 42-43:

³ Տես **Jacut**, IV, էջ 686: Տես նաև **Ibn Khordadbeh**, էջ 119, **Ibn al-Fakih**, էջ 285, *al-Istakhrī*, էջ 182:

⁴ Տես Բ. Հարությունյան, «Լփինքի տեղադրության հարցի շուրջը», «ԲԵՀ», 1981, թիվ 1, էջ 108-124:

⁵ Տես **Ibn Khordadbeh**, էջ 124:

⁶ Պետք է նշել, որ արաբ աշխարհագետը «Լիբան»-ի հետ հիշատակում է նաև «Լիրան»-ը: Մեր կարծիքով, այդ իրողությունը ոչ թե նշանակում է, որ եղել են թե՛ Լիրանը և թե՛ Լիբանը, այլ, որ Իբն Խորդադբեհը, իր ձեռքի տակ ունենալով միևնույն անվանման երկու տարբերակները, հնարավոր սխալից զերծ մնալու համար, մեջ է բերել երկուսն էլ:

սահմաններն էին. արևմուտքում Գարդման գետը, Կովկասյան լեռնաշղթայի Բաբադաղ լեռից սկիզբ առնող բազուկը մինչև Բաբադաղ, հյուսիսում՝ Կովկասյան լեռնաշղթան մինչև Ալթընաղազ գյուղի հարավակողմը, արևելքում՝ Ալթընաղազ-Սյունդյու-Մարագա-Գիջակ լեռ-Փիրսաղաթ գետից արևմուտք գտնվող բլուրներ-Կուր գետ և հարավում՝ Կուր գետ¹: Ըստ որում, եթե իրոք Լիրանը նույնական է Լփինքին, ապա ալ-Իսթախրիի վերոհիշյալ Լիրանի «նեժ ու հզոր ամրոց»-ը պետք է համապատասխանի Մովսես Դասխուրանցու երկուն հիշատակվող «Լփնացոց» քաղաքին², որը, հավանորեն, նույնական է ներկայիս Շամախուն:

Ինչպես տեսանք, Ս. Երեմյանը Բազկան երկիրը, որը նա նույնացնում է Լիրանի հետ, տեղադրում է Ափշերոնից մինչև Շամախի և Աղ-սու գետը տարածվող դաշտավայրում և կենտրոնը համարում Շամախին: Պետք է նշել, որ «Աշխարհացոյց»-յան Դաշտ ի Բազկան կամ Դաշտ ի Բաղասական անվանումը³, ամենայն հավանականությամբ, վերաբերելու էր Կուր գետի ստորին հոսանքից հյուսիս տարածվող ողջ դաշտավայրային շրջանին⁴, որտեղ գտնվում էին թե՛ Լփինք-Լիրանը և թե՛ Բազկանը: Ուստի Բազկան երկրի տեղադրությունը Երեմյանի կողմից մենք ընդունում ենք մասամբ և համաձայն չենք դրա նույնացմանը Լիրանին: Փիրսաղաթ գետից արևմուտք գտնվող շրջանները և, մասնավորապես, Շամախին, գտնվելու էին ոչ թե Բազկանի, այլ Լփինք-Լիրանի կազմում: Վերջինը հյուսիսում ընդգրկում էր նաև Լահիջյան դաշտավայրը, որտեղ Վ. Մինորսկին տեղադրում է Լիրանը:

Արաբա-խազարական սահմանային ամրությունների գոտի: Ըստ արաբ հեղինակների՝ հյուսիսում Արմինիա ոստիկանության սահմանը կազմում էր սահմանային ամրությունների մի գոտի, որը ձգվում էր Ալանաց դռնից (Դարիալի կիրճ) մինչև Դարբանդ: Իբն ալ-Ֆակիհը, պատմելով այդ սահմանային ամրությունների գոտու մասին, նշում է, որ այն

¹ Տե՛ս Բ. Զարությունյան, «Լփինքի տեղադրության հարցի շուրջը», էջ 123:

² Տե՛ս Մովսես Կաղանկատվացի, էջ 238:

³ «Աշխարհացոյց»-ի համառոտ խմբագրության ձեռագրերում այդ անվանումը պահպանվել է «Դաշտի Բալասական» (տե՛ս Կ. Լատկանով, *Армянская география VII века*, էջ 17), «[Դաշտ] Իբաղական» (տե՛ս Մովսես Խորենացի, *Համառոտ պատմություն աշխարհագրութեան, Ազգաբանութիւն տոհմին Յաբեթեան, Վենետիկ, 1752, էջ 32*) և [Դաշտ] Իբազկան ձևերով (տե՛ս Ա. Արթուրյան, *Մշկ. աշխ.*, էջ 348), ինչից բխում է, որ Բաղասական դաշտը համարժեք է Բազկան դաշտին: Վերջինը, ըստ Ս. Երեմյանի՝ նույնական էր ներկայիս Շիրվանի դաշտին (տե՛ս Ս. Երեմյան, «Աշխարհացոյցի» սկզբնական բնագրի վերականգնման փորձ», «ՊԲՀ», 1973, թիվ 2, էջ 273, ծանոթ. 115):

⁴ Տե՛ս Ուլուբաբյան Բ., Պատմա-աշխարհագրական ճշգրտումներ, «ԲԵՀ», 1971, թիվ 1, էջ 178-182: Տե՛ս նաև Բ. Բարսեղյան, *Մշկ. աշխ.*, էջ 31-34:

բաղկացած է 360 ամրոցներից: Դրանցից 110-ը գտնվում են մուսուլմանների տիրույթներում՝ մինչև Թաբարսարանի հողերը, իսկ մնացածները գտնվում են Ֆիլանում և Սարիրում՝ մինչև Ալանաց դուռ¹: Միայն Բաբ ալ-Աբվաբի շրջակա լեռներում կային 14 ամրոցներ²: Իբն Խորդադեհը, անդրադառնալով սահմանային ամրությունների այս գոտուն, պատմում է, որ դեռևս Սասանյանների տիրապետության օրոք Խոսրով Անուշիրվանն այստեղ կառուցել էր բազմաթիվ ամրություններ: Նա հստակորեն նշում է, որ Բաբ ալ-Աբվաբ անվանումը (դռների դուռ) վերաբերում է Դարբանդյան ամրություններին, իսկ սահմանային գոտուն կառուցված ամրությունները նա անվանում է ալ-Աբվաբ (դռներ): Այս դռները կառուցված էին Կովկասյան լեռների կիրճերի ելքերի մոտ և նրանց թիվը հասնում էր 360-ի: Դրանցից էին Բաբ Ալանը, Բաբ Սահիր աս-Սարիրը, Բաբ Ֆիլանշահը, Բաբ Թաբարսարանշահը և այլն³:

Արաբ հեղինակների հաղորդումներից հետևում է, որ սահմանային ամրությունների գոտուն՝ Դարբանդի ամրությունների շրջանից դեպի արևմուտք, հերթականությամբ գտնվում էին Թաբարսարանը, Ֆիլանը և Սարիրը, որոնք մաս էին կազմում Արմինիա ոստիկանության⁴:

Պետք է նշել, որ արաբա-խազարական սահմանային ամրությունների գոտուն գտնվող երկրները սկզբնապես Արմինիայի կազմի մեջ չէին մտնում, այլ անընդհատ ձեռքից ձեռք էին անցնում արաբների և խազարների միջև⁵: Դրանք նվաճվեցին Արմինիայի և Ատրպատականի փոխարքա Մարվան իբն Մուհամմադի(732-744) օրոք, երբ վերջինս երկու մեծ արշավանք կատարեց Կովկասյան լեռներից անդին: 732/733 և 738/739 թթ. արշավանքների ժամանակ արաբական զորքերը նվաճեցին Դաղստանի լեռնային շրջանները, այդ թվում՝ Սարիրը, ալ-Լաքզը, Ջարիքիրանը, Տունանը, Ֆիլանը և այլն⁶:

Նշենք նաև, որ արաբա-խազարական սահմանային ամրությունների գոտու արևմտյան հատվածը մտնում էր Երկրորդ Արմինիայի մեջ:

Թաբարսարան (Թավասպարք): Գտնվել է այնտեղ, ուր այսօր էլ բնակվում են թաբասարանները, այսինքն՝ Ռուբաս գետի վերին ու

¹ Տե՛ս Ibn al-Fakih, էջ 286-287:

² Տե՛ս al-Istakhri, էջ 193:

³ Տե՛ս Ibn Khordadbeh, էջ 123-124:

⁴ Ֆիլանը գտնվում էր Սարիրի գերիշխանության ներքո, քանի որ Սարիրի թագավորը կրում էր Ֆիլանշահ տիտղոսը(տե՛ս Jacut, I, էջ 350, 438-439, III, 933):

⁵ Արմինիայի, Ջազիրայի և Ատրպատականի փոխարքա Մասլամա իբն Աբդ ալ-Մալիքը և Արմինիայի ոստիկան Ջառահը մի շարք արշավանքներ էին կատարել դեպի այդ երկրները, սակայն, մնայուն հաջողությունների չէին հասել (տե՛ս ابن الاثير, IV, էջ 113, 119, 186 և այլն):

⁶ Տե՛ս ابن الاثير, IV, էջ 215-216, 245:

միջին հոսանքի ավազանում¹: Վերջինից դեպի հյուսիս-արևմուտք՝ մինչև Սարիր, տարածվում էր սեփական «բաբ»-երով հիշատակվող Ֆիլանը, որի տեղադրությամբ դեռ կանդրադառնանք:

*Սարիր*²: Այս թագավորությունն ուսումնասիրողները տեղադրում են Անդյան ու Ավարյան Կոյսու գետերի հովիտներում³: Սարիրի այդպիսի տեղադրության օգտին են հետևյալ կարևոր իրողությունները: Նախ, Սարիրի թագավորը կոչվում էր «ավար»⁴, ինչը պարզորոշ ցույց է տալիս Սարիրի կապը ներկայիս Ավարստանի հետ, հետո՝ Անդյան և Ավարյան Կոյսուների ստորին հոսանքների միջև գտնվում է Խունզախ քաղաքը, որը, ըստ երևույթին, համապատասխանում է Մարվան իբն Մուհամմադի երկրորդ արշավանքի ժամանակ հիշատակվող Սարիրի Խայզաք ամրոցին⁵, ապա՝ այստեղ է գտնվում Յունրաթ գյուղը⁶, որը, թերևս, նույնական է Սարիրի Յունրաթ մայրաքաղաքին⁷: Բացի այդ, Սարիրի թագավորության մեջ նախկինում մտնող Ղումիկ ամրոցը⁸, իր հերթին, համապատասխանում է ներկայիս Ղումուխ քաղաքին⁹: Սարիրի և Խազարների թագավորության միջև սահմանագիծն անցնում էր Ավարյան Կոյսու գետի և Դաղստանի դաշտավայրային մասի՝ Կասպից ծովը թափվող գետերի միջև ջրբաժան լեռնաշղթայով¹⁰, որից դեպի հյուսիս-

¹ St'u Этническая карта Дагестанской АССР, «Народы Кавказа», I, էջ 416, քարտեզ: Յմնո. «История, география и этнография Дагестана 18-19 вв.», էջ 86-87, 102-107, 150-154, 197-199, 311-317:

² Սարիրի թագավորության մասին մանրամասնորեն տես՝ **Ա. Եղիազարյան**, Արաբական աղբյուրների Սարիրի թագավորությունը, «Գիտության գլոբուս», 2004, հ. 4, էջ 99-106:

³ St'u **С. Еремян**, Моисей Каланкатуйский о посольстве албанского князя Вараз-Трдата к хазарскому хакану Алп-Илитверу, «Записки института востоковедения АН СССР», т. VII, 1939, с. 144, **В. Маворский**, նշվ. աշխ., էջ 132-137:

⁴ St'u Ibn Rosteh, էջ 147:

⁵ St'u ابن الاثير, IV, էջ 245: خنزاج (խաչազ) - خنزاج (խունզախ) շփոթը միանգամայն հնարավոր է:

⁶ St'u «История, география и этнография Дагестана 18-19 вв.», էջ 270-271: St'u նաև ռուսական հինգվերստանոց քարտեզի Ж. 6. պլանշետը:

⁷ مسعودي, էջ 193:

⁸ St'u **Ibn Rosteh**, էջ 148:

⁹ Այդ համապատասխանեցումն անում է Ս. Երեմյանը (տես **Ս. Երեմյան**, Հայաստանը և հարևան երկրները 855-953 թթ., քարտեզ, Ե., 1976): Այս դեպքում այլ խնդիր է առաջ գալիս: Ղումուխը գտնվում է լակերի երկրում, որը, ինչպես կոտեսները, համապատասխանում է արաբ հեղինակների Տուման իշխանությանը: Պետք է նշել, որ արաբ հեղինակների վկայություններից երևում է, որ մի ինչ որ ժամանակ Դարբանդի և Ալանաց դռան միջև տարածվող լեռնային շրջանը գտնվել է Սարիրի տիրոջ՝ Սահիր աս-Սարիրի իշխանության ներքո (տես **Jacut**, I, էջ 221-222, بلانري, I, էջ 233, **al-Istakhri**, էջ 184, 217 և այլն): Ուստի՝ Ղումիկ-Ղումուխի՝ Սարիրի թագավորության մեջ գտնվելու մասին հիշատակության պատճառը պետք է, որ այդ ժամանակների իրողության արտահայտությունը լինի:

¹⁰ St'u **С. Еремян**, Моисей Каланкатуйский о посольстве..., էջ 144:

արևելք գտնվում էր խազարական Սամանդար քաղաքը¹: Այդ լեռնաշղթայից դեպի հարավ Սարիրի արևելյան սահմանագիծը, ամենայն հավանականությամբ, անցնում էր Կարա Կոյսու և Ղազիղունուխյան Կոյսու գետերի ջրբաժանով, որը բաժանում էր Սարիրի թագավորությունը Լակերի երկրից(ալ-Լաք): Վերջինը գտնվում էր այնտեղ, ուր այսօր էլ բնակվում են լակերը, այսինքն՝ Ղազիղունուխյան Կոյսու գետի վերին ու միջին հոսանքի ավազանում²: Սարիրի թագավորության արևմտյան սահմանագիծը, դատելով աշխարհագրական պայմաններից, անցնում էր Անդյան Կոյսուի ծախ ավին ձգվող լեռների(որոնց հյուսիսային հատվածը կոչվում է Անդյան լեռնաշղթա) ջրբաժան գծով³, իսկ հարավում՝ Սարիրը եզերվում էր Կովկասյան լեռներով:

Ալ-Լաք: Վ. Մինորսկին «ալ-լաք» անվանումը բացատրում է այսպես. «[այն] կազմված է լակ/լազ(տեղական լեզուներում՝ «մարդ»), գունարած իրանական -զ վերջածանցը, որը ծագում է ցույց տալիս»⁴: Ըստ նրա՝ մուսուլմանական աղբյուրներում ալ-Լաք կոչվող ցեղերը բնակվում էին Մասկաթից(Մազքթագ աշխարհ) արևմուտք, Սամուր գետի վերին հոսանքում: Նրանց երկիրը ձգվում էր Շիրվանի ողջ հյուսիսային մասի երկայնքով, որից այն բաժանված էր Կովկասյան լեռների հարավ-արևելյան ճյուղավորումով: Այստեղից էլ բխում էր այդ երկրի նշանակությունը Շիրվանի համար որպես պատվարի, որը պաշտպանում էր Շիրվանը հյուսիսային նվաճողներից⁵: Վ. Մինորսկին նշում է, որ ալ-Լաքն ընդհանրական անվանում էր ու արաբ հեղինակների կողմից տրվում էր Հարավային Դաղստանի ցեղերին⁶:

Ա. Տեր-Ղևոնդյանը լաքերին մույնացնում է մերկայիս լեզգիների հետ⁷:

Ըստ արաբ հեղինակների՝ ալ-Լաքը սահմանակցում էր Թաբարսարանին ու Մասկաթին և ռազմավարական տեսակետից սերտորեն կապված էր Դարբանդի ամրությունների գոտու հետ⁸: Արաբ հեղինակները ալ-Լաք անվանումը երբեմն տալիս էին Դաղստանի բոլոր լեռնա-

¹ Սամանդարը Ս. Երեմյանը տեղադրում է մերկայիս Մախաչկալա քաղաքից հարավ՝ Թաբքի վայրում (անդ, էջ 142-143: Տե՛ս նաև Ա. Երեմյան, Հայաստանը և հարևան երկրները 855-953թթ., քարտեզ):

² Տե՛ս "Этническая карта Дагестанской АССР", - «Народы Кавказа», I, էջ 416, քարտեզ:

³ Տե՛ս ռուսական հինգվերստանոց քարտեզի Ջ.5. և Ջ.6. պլանշետները:

⁴ В. Минаорский, նշվ. աշխ., էջ 112, ծանոթ. 14:

⁵ Անդ., էջ 112: مسعودي, էջ 177:

⁶ В. Минаорский, նշվ. աշխ., էջ 112, ծանոթ. 14:

⁷ Տե՛ս Ա. Տեր-Ղևոնդյան, Հայաստանը VI-VIII դարերում, էջ 156:

⁸ Տե՛ս Jacut, I, էջ 437-442:

կաններին և, երբեմն, դրանցից ոմանց: Մասուդին, օրինակ՝ խոսելով այն մասին, թե Լաքզերի թագավորությունը հանդիսանում էր Շիրվանի թագավորության պատվարը, ապա շարունակում է, որ Լաքզերը մեծաքանակ ցեղ են, որոնք ապրում են Կովկասյան լեռներում: Նրանց մեջ կան անհավատներ և Շիրվանի իշխանությանը չենթարկվածներ, որոնք կոչվում են Դուդանիացիներ: Նրանք հեթանոսներ են ու անկախ¹: Իսկ Յակուտը հաղորդում է, որ Լաքզերը մեծաքանակ ժողովուրդ են և բաղկացած են շատ ցեղերից²: Այսինքն՝ ճիշտ է Մինորսկու վերոբերյալ կարծիքը, թե «ալ-Լաքզ»-ն ընդհանրական անուն էր և վերաբերվում էր Զարավալյին Դադստանի ցեղերին: Այդ անվանումն ընդգրկում էր նաև դուդանիացիների կամ դիդոյների երկիրը (Դիդոյք), որը գտնվում է Անդյան Կոյսու գետի ակունքների շրջանում³:

Ինչ վերաբերում է ալ-Լաքզ անվանմանը, ապա այն, մեր կարծիքով, արաբները վերցրել էին լակերի երկրի հայերեն անվան(լակք կամ լեկք) հոգնակի հայցական «Լակս» ձևից և, հարմարեցնելով արաբերենին, ստացել «ալ-Լաքզ»-ը:

Զարիքիրան, Տուման և Ֆիլան: Արաբական աղբյուրների Զարիքիրան իշխանությունը գտնվում էր Ղուբաչի ավանի շրջանում⁴, իսկ վերջինից արևմուտք տարածվում էր Տումանը, որը Մարվան իբն Մուհամմադի՝ խազարական թագավորություն կատարած արշավանքի ժամանակ հիշատակում է Իբն ալ-Ասիրն ի թիվս Սարիրի, ալ-Լաքզի և այլ իշխանությունների⁵: Մեր կարծիքով, Տումանը համապատասխանում է լակերի երկրին: Բանն այն է, որ իրենց հարևան լակերին կամ դազիդունուխներին «տուման» (հոգ. տումալ) անվամբ կոչում են ավարները⁶, որոնք արաբական տիրապետության շրջանում բնակություն էին

¹ St'au مسعودي, էջ 177:

² St'au Jacut, I, էջ 438:

³ St'au Ս. Երեմյան, Զայաստանը ըստ «Աշխարհացոյց»-ի, էջ 49:

⁴ Ըստ Մասուդիի՝ Զարիքիրանը գտնվում էր Սարիրից արևելք և իրենից մի փոքրիկ անառիկ իշխանություն էր ներկայացնում: Այդ անվանումը պարսկերեն մշանակում է «զրահագործ վարպետներ» (տե՛ս St'au مسعودي, էջ 192): Զարիքիրան երկրի տեղորոշման համար կարելի է հիմք ընդունել Մ. Արտամոնովի և Վ. Մինորսկու տեղադրությունը: Կովկասագետները, հիմք ընդունելով «Զարիքիրան» անվան պարսկերեն թարգմանությունը, այդ երկրի ժողովրդին նույնացնում են ներկայիս Ղուբաչի ավանի բնակչության հետ, որը այսօր էլ հայտնի է իր հնամյա արհեստով: Այսինքն՝ Զարիքիրան իշխանությունը զբաղեցնում էր Ղուբաչի քաղաքի շրջակա տարածքը (տե՛ս **М. Артамонов**, նշվ. աշխ., էջ 229: St'au նաև **В. Минорский**, նշվ. աշխ., էջ 203, ծանոթ. 71):

⁵ St'au ابن الأثير, IV, էջ 216, بلاذري, I, էջ 245:

⁶ St'au «Народы Кавказа», I, էջ 487: St'au նաև **Абу Мухаммад Ахмад ибн А'сам ал-Куфи**, Книга завоеваний, перевод З. Буниятова, Баку, 1981, с. 82, прим. 80, և **В. Минорский**, նշվ. աշխ., էջ 132:

հաստատել Սարիրում¹։ Իսկ արաբները Տունան ներխուժեցին Սարիրից²։ Լակերն այսօր էլ բնակվում են Ղազիղուժուխյան Կոյսու գետի վերին ու միջին հոսանքի ավազանում³։ Տունանի ու Ջարիքիրանի հարևանությամբ, Թաբարսարանից դեպի հյուսիս-արևմուտք, գտնվում էր Ֆիլանը⁴։ Այն պետք է տարածվեր Սարիրից դեպի արևելք՝ զբաղեցնելով Ավարյան Կոյսու գետի աջափնյա ջրբաժանից հարավ-արևելք գտնվող լեռնային շրջանը մինչև Ղուբաչի։

Բաբ ալ-Աբվաբ։ Բաբ ալ-Աբվաբը (Դարբանդ) առանձին և մեծ նշանակություն ունեցող միավոր էր Արմինիա ոստիկանության կազմում։ Բաբ ալ-Աբվաբը Դարբանդյան պարիսպների, ինչպես նաև նրան ենթակա որոշ շրջանների ընդհանուր անվանումն էր։ Դարբանդյան պարիսպներից դեպի հարավ-արևմուտք գտնվում էր Թաբարսարանը, որի բնակիչներին պարտադրված էր սահմանների պաշտպանության գործը⁵, վերջինից դեպի արևմուտք՝ գտնվում էին Ֆիլանն ու Սարիրը, Բաբ ալ-Աբվաբից հարավ՝ Մասկաթը, նրանից դեպի արևմուտք՝ ալ-Լաթզը և այլն։ Ճիշտ է՝ հիշատակված ժողովուրդներից և ցեղերից ոչ բոլորն էին մշտապես ենթարկվում Բաբ ալ-Աբվաբի զինվորական կառավարչին, որը, իր հերթին, ենթարկվում էր Արմինիայի ոստիկանին, սակայն, բոլոր նրանք այս կամ այն չափով կարևոր դեր էին խաղում խազարների դեմ խալիֆայության մղած պայքարում։

Այսպիսով՝ Արմինիայի հյուսիսային սահմանն Ալանաց դռնից արևելք Կովկասյան լեռների գագաթնագծով շարժվելու էր մինչև Անդյան լեռնաշղթան և այդ լեռնաշղթայի ջրբաժանով հասնելու էր Սուլակ գետին, որից այն կողմ՝ Ավարյան Կոյսուի արևելյան ջրբաժանով իջնելու էր հարավ, որտեղ, լակերի երկրից դեպի արևելք ընկած լեռնային շրջանում, գտնվում էր Ֆիլանը, որտեղից էլ Ուլլու-չայ և Ռուբաս գետերի ջրբաժանով շարժվելու էր դեպի Դարբանդ⁶։

Ամփոփելով վերոասացյալը՝ նշենք, որ, փաստորեն, Արմինիա ոստիկանության Առաջին Արմինիա երկրամասն ընդգրկում էր մախորդ շրջանի Աղվանից մարզպանության տարածքը, այսինքն՝ Մեծ Հայքի Արցախ և Ուտիք աշխարհները, «Աշխարհացոյց»-յան Բուն Աղվանից

¹ Տե՛ս Ա. Եղիազարյան, Արաբական աղբյուրների Սարիրի թագավորությունը, էջ 103։

² Տե՛ս ابن الاثير, IV, էջ 216։

³ Տե՛ս Этническая карта Дагестанской АССР, «Народы Кавказа», I, էջ 416, քարտեզ։

⁴ Տե՛ս Jacut, I, էջ 438-439, III, էջ 933։

⁵ Տե՛ս al-Istakhrī, էջ 187։

⁶ Տե՛ս Ա. Եղիազարյան, Արմինիա ոստիկանության սահմանները, «ՊԲՀ», 2005, թիվ 1, էջ 246։

աշխարհը, մերձկասայան շրջանները Կուր գետի ստորին հոսանքից մինչև Դարբանդ, ինչպես նաև արաբա-խազարական սահմանային ամրությունների գոտու արևելյան հատվածը և Սյունիքը՝ հարավում սահման ունենալով Կուր և Երասխ գետերը, հյուսիսում՝ Կովկասյան լեռների հյուսիսահայաց լանջերը մինչև խազարական Սամանդար քաղաքը, արևելքում՝ Երկրորդ և Երրորդ Արմինիաները, իսկ արևմուտքում՝ Կասպից ծովը:

Դատելով մեր քննության արդյունքներից՝ Առաջին Արմինիայի սահմանագիծը Երրորդ Արմինիայի հետ Երասխ գետից սկսած մինչև Սևանա լճի արևելյան ափն անցնում էր Սյունիքի արևմտյան սահմանագծով: Այն հարավից հյուսիս անցնելու էր Ջանգեզուրի և Վայքի լեռների արևմտյան լանջերով, ապա ընթանալու էր Վարդենիսի լեռների արևմտակողմով ու Գեղամա լեռների ջրբաժանով հասնելու էր Սևանա լճին¹: Հետո սահմանագիծն Արեգունի լեռների արևմտակողմով բարձրանալու էր դեպի հյուսիս ու հասնելու էր Աղստև գետին: Առաջին Արմինիայի սահմանագիծը Երկրորդ Արմինիայի հետ անցնելու էր Աղստև գետի արևմտյան ջրբաժանով, իսկ հետո նույն գետի հունով մինչև Կուր գետը, Հունարակերտ ամրոցի շրջակայքում անցնելու էր այն և ներկայիս Իորիի սարահարթը (Կամբեճան գավառը) թողնելով Առաջին Արմինիայի կազմում՝ բարձրանալու էր հյուսիս և, ընթանալով Թելավ քաղաքի արևելակողմով, հասնելու էր Կովկասյան լեռներին, հավանորեն, Կոդորի լեռնանցքի մերձակայքում: Այնուհետև, սահմանագիծը Կովկասյան լեռների ջրբաժանով շարժվելու էր դեպի հյուսիս ու հասնելու էր Անդյան լեռնաշղթային՝ Անդյան Կոյսու գետի ակունքների շրջանում գտնվող Դիդոյք ցեղի երկիրը թողնելով Երկրորդ Արմինիայի, իսկ վերջինից արևելք գտնվող Սարիր թագավորությունը՝ Առաջին Արմինիայի մեջ:

Երկրորդ Արմինիա: Ընդգրկում էր Վիրքը, Գուգարքը, Ծանարների երկիրը և ալ-Լաքը:

Սկսած Մուհամմադ իբն Մարվանի նվաճումներից մինչև VIII դ. 30-ական թթ. սկիզբն արաբական տիրապետության ներքո գտնվում էին նաև Եգերքը, Ափշիլքն ու Ափխազքը: Դեռևս 697 թ. Լազիկայի (Եգերք) իշխանն ապստամբել էր բյուզանդական տիրապետության դեմ և հպատակվել արաբներին²: Վերջինները VIII դ. սկզբին տիրում էին Աբազ-

¹ Տե՛ս Թ. Հակոբյան, Հայաստանի պատմական աշխարհագրություն, էջ 176:

² Տե՛ս Թեոփանես Խոստովանող, էջ 82: Տե՛ս նաև **Борзепазе А.**, նշվ. աշխ., էջ 173-174:

գիային (Ափխազք) և Լազիկային¹: Այդ ժամանակ հիշյալ երկրների ամբողջությունը տեղակայված էին արաբական կայազորներ: Օրինակ՝ Կոդոր գետի վերին հոսանքի շրջանում գտնվող Միսիմիացիների երկրի² գլխավոր ամրոց Չախարի պաշտպանությունն արաբները հանձնել էին ոմն Փարեսամանի³:

Ընդհանրապես, Թեոփանեսի հաղորդումներից կարելի է բխեցնել, որ VIII դ. սկզբին միայն Սև ծովի ափամերձ մի քանի նավահանգիստներ էին գտնվում բյուզանդական տիրապետության ներքո, և բյուզանդացիները հաճախ էին արշավում դեպի արևելք՝ Եգերքին, Ափշիլքին ու Ափխազքին վերստին տիրելու նպատակով: Այդ է ցույց տալիս Թեոփանեսի այն հաղորդումը, թե VIII դ. սկզբին «հռոմեացիների (իմա՝ բյուզանդացիների-Ա.Ե.) և հայերի մի զորաբանակ մտավ Լազիկա և պաշարեց Արխայոպոլիսը, բայց լսելով սարակինոսների գալու մասին, թողեց հեռացավ: Նրանից շուրջ երկու հարյուր հոգի առանձնանալով, ասպատակ սփռելով բարձրացան Ապսիլիայի(իմա՝ Ափշիլք-Ա.Ե.) շրջաններն ու Կովկասյան լեռները: Երբ սարակինոսները հասան Լազիկա, հռոմեացիների և հայերի զորքը վերադարձավ Ֆասիս (իմա՝ Փոթի-Ա.Ե.)»⁴: Բյուզանդացիների հետ հիշատակվող հայերը, անկասկած, Սմբատ Բագրատունին և յուրայիններն էին, որոնք, ինչպես գիտենք, հեռացել էին Բյուզանդական կայսրություն և բնակություն հաստատել Փոյթ (Փոթի) քաղաքում⁵:

Այդ իրադրությունը պահպանվեց մինչև VIII դ. 30-ական թվականները, երբ Լևոն Իսավրացի կայսրն անցավ հակահարձակման և վերականգնեց Բյուզանդական կայսրության տիրապետությունը Եգերքում, Ափշիլքում և Ափխազքում⁶: Այն, որ VIII դ. 30-ական թթ. սկզբին Եգերքը, Ափշիլքը և Ափխազքը կրկին ընկել էին բյուզանդական տիրապետության տակ, երևում է Մարվան իբն Մուհամմադի գլխավորությամբ 735 թ. արաբական նոր արշավանքի իրողությունից, որը, ըստ էության, այս երկրամասերում արաբական տիրապետությունը վերականգնելու վերջին փորձն էր: Նա խստագույնս պատժեց խազարների օգնությամբ դիմած վրացիներին, հրով ու սրով անցավ Վիրքով, գրավեց Ալանաց

¹ Տե՛ս Թեոփանես խոստովանող, էջ 102:

² Տե՛ս **Д. Мусхеляшвили**, Историческая география Грузии IV-X вв., - «Очерки истории Грузии», т. II, с. 386-387.

³ Տե՛ս Թեոփանես խոստովանող, էջ 104: Տե՛ս նաև **А. Борзевдзе**, նշվ. աշխ., էջ 174:

⁴ Թեոփանես խոստովանող, էջ 103-104:

⁵ Ղևոնդ, էջ 35:

⁶ Տե՛ս **А. Борзевдзе**, նշվ. աշխ., էջ 175:

դուռը, ավերեց Վիրքի ամրոցների ու քաղաքների մեծ մասը¹: Վրաց իշխան Ստեփանոսի երկու որդիները՝ Արչիլն ու Միիրը, հեռացան Եգեթը, «քանզի չոգաւ ի վերայ նոցա և Քարթլայ՝ Մրուան՝ որդի Մահումադայ, որ կոչէր խուլ, և կալաւ գԴուռն Դարիալայ, և աւերեաց զքնակութիւն լերինն Կովկասու: Եւ լուաւ եթէ տէրքն Քարթլայ փախտան յեգրիս և անտի յԱբխազէթ, ել զհետ և էառ զամրոցն Եգրաւ. և էջ ի վերայ բերդին Անակոփոսի...: Եւ յայնմ բերդի կային Արչիլ և Միիր...: Եւ զօրագլուխն Յունաց Լեւոն՝ մտեալ ի բերդն Սուբադայ՝ յելսն Օսեթոյ՝ ամրանայր անդ»²: Ի վերջո, Մարվանի արշավանքն ավարտվեց անհաջողությամբ³: Դրանից հետո այդ շրջանում արաբական տիրապետությունը սահմանափակվեց այն տարածքում, որն արաբ հեղինակներն անվանում են Երկրորդ Արմինիա:

Փաստորեն, Երկրորդ Արմինիայի արևմտյան սահմանի վերջնական ձևավորումից հետո, այն ճորովա գետից դեպի հյուսիս պետք է անցներ Մոսքական լեռներով (այժմ՝ Մեսխեթի լեռներ)՝ վերջինից դեպի արևմուտք գտնվող շրջանները թողնելով Բյուզանդական կայսրության կազմում: Այստեղից դեպի հյուսիս, ըստ «Քարթլիի մատյանի»՝ սահմանագիծն անցնում էր Լիխի լեռնաշղթայով, իսկ, այնուհետև, հավանաբար, Մեծ Լիխվի գետի վերին հոսանքի հյուսիսային ջրբաժանով ու Կովկասյան լեռների գագաթնագծով մինչև Ալանաց դուռ: Լիխի լեռնաշղթայից դեպի արևմուտք գտնվող շրջանները մտնում էին Ափխազքի մեջ, որի իշխան Լևոնը VIII դ. վերջին հիմնեց Ափխազական թագավորությունը⁴: «Քարթլիի մատյան»-ը հաղորդում է, թե Լևոնը, որը ժառանգել էր Ափխազական իշխանությունը, մոր կողմից խազարների արքայի թոռն էր և վերջինի օգնությամբ էլ նա դուրս եկավ բյուզանդական տիրապետությունից ու, «տիրելով Ափխազքիին ու Եգրիսիին մինչև Լիխի, Ափխազաց արքա կոչվեց»⁵:

Ջուրզան: Արաբական աղբյուրների Ջուրզանն ուսումնասիրողները նույնացրել են Վիրքին⁶: Այդ կարծիքն ընդունելի չէ, քանի որ տարածքային առումով Ջուրզանը համընկնում էր նախկին Վրաց(Վարջան)

¹ Անդ, էջ 177:

² «Ջուրանշեթի պատմչի համառոտ պատմութիւն վրաց», Վենետիկ, 1884, էջ 99-100:

³ Անդ, էջ 100:

⁴ Տե՛ս **М. Лордкипанидзе**, Возникновение новых феодальных государств, «Очерки истории Грузии», т. II, с. 250, 281.

⁵ Տե՛ս «Матиане Картелиса», էջ 28: Ավելի ուշ շրջանում սահմանը Լիխի լեռնաշղթայով էր անցնում մահ Աբխազական ու Վրացական թագավորությունների միջև (անդ, էջ 52):

⁶ Տե՛ս **Ա. Տեր-Ղևոնդյան**, Հայ ժողովրդի պայքարը..., էջ 362, **М. Ghazarian**, նշվ. աշխ., էջ 71:

մարզպանությանը, որը նույնական էր Ջաքարիա հռետորի հիշատակած Գուրգանին¹: Իսկ Վրաց մարզպանությունը բաղկացած էր Վրաց թագավորությունից և Գուգարքի բղեշխությունից²: Ուստի՝ այն փաստը, որ Ջուրգանն իր կազմում ընդգրկելու էր նաև նախկինում Մեծ Հայքի մաս կազմող Գուգարքի բղեշխությունը, խոսում է մեր տեսակետի օգտին, թե Ջուրգանը Վիրքից տարբերվող վարչա-քաղաքական հասկացություն էր: Բացի այդ, Ջուրգանի կազմում ընդգրկված էր Ծանարների երկիրը՝ աս-Սանարիան:

Աս-Սանարիա: Երկրորդ Արմինիայի սահմանները հյուսիսում հասնում էին Դարբանդից մինչև Ալանաց դուռը ձգվող սահմանային ամրությունների գոտուն: Այդտեղ էր գտնվում աս-Սանարիա երկիրը (Ծանարների երկիր), որը մեծ կարևորություն ուներ խալիֆայության համար, քանի որ ընդգրկում էր Ալանաց դուռը: Այս երկիրը գրավել էր Հաբիբ իբն Մասլաման VII դ. կեսերին³: Ալանաց դուռը, հետևաբար նաև Ծանարների երկիրը, վերջնականապես նվաճվել է Արմինիայի, Ատրպատականի և Ջազիրայի փոխարքա Մասլամա իբն Աբդ ալ-Մալիքի կողմից (որոշ ընդմիջումներով փոխարքա է եղել 709-732 թթ.)⁴: Այդ ժամանակ Ալանաց դռանն արաբները մշտական կայազոր հաստատեցին⁵: Դատելով Մովսես Դասխուրանցու հաղորդած մի տեղեկությունից՝ այդ իրադարձությունը տեղի է ունեցել 714/715 թ.: Խոսելով Հայոց ճԿ թվականին (711 թ.) տեղի ունեցած իրադարձությունների մասին՝ պատմիչը հաղորդում է, որ դրանցից երեք տարի անց Մասլաման ավերեց Դարբանդը և «եւանէր ընդ Վրաց կողմն»⁶: Այդ ժամանակ, մեր կարծիքով, Մասլաման նվաճեց Ծանարների երկիրն ու Ալանաց դուռը: Ճիշտ է, Իբն ալ-Ասիրն Ալանաց դռնով Մասլամայի կատարած մի արշավանք դնում է հիջրայի 110 թ.(728-729)⁷, սակայն, դա, հավանորեն, պարզապես ցույց է տալիս, որ այդ ժամանակ արդեն Ալանաց դուռը գտնվում էր արաբական տիրապետության ներքո: Չնայած, որ ծանարները հաճախ էին փորձում թոթափել արաբական լուծը, խալիֆայությունը կարողանում էր կրկին իրեն ենթարկել նրանց⁸:

¹ Տե՛ս **Н. Пагулевская**, նշվ. աշխ., էջ 81:

² Տե՛ս **Բ. Հարությունյան**, Մեծ Հայքի Գուգարք աշխարհը..., էջ 187-188:

³ Տե՛ս **بلادي**, I, էջ 239:

⁴ Տե՛ս **А. Тер-Гевондян**, նշվ. աշխ., էջ 272-273:

⁵ Տե՛ս **مسعودي**, էջ 194:

⁶ Տե՛ս **Մովսես Կաղանկատվացի**, էջ 319-320:

⁷ Տե՛ս **ابن الاثير**, IV, էջ 205:

⁸ Տե՛ս **А. Богвердзе**, նշվ. աշխ., էջ 180:

Ծանարաց երկրի մասին «Աշխարհացոյց»-ի ընդարձակ խմբագրութիւնը հիշատակում է Սարմատիայի ցեղերին թվարկելիս, նշելով, որ արդողներից հետո, դեպի արևելք, «բնակեն Դաջանք, Դուալք, Ծըխոյք, Փուրքա, Ծանարքայ՝ յորում Ալանաց դուռն»¹:

Կովկասագետ Վ. Մինորսկին ծանարների մասին գրում է, որ նրանք կոչվում են «վրացերեն ց'անար. քաջ լեռնականներ են, որոնք բնակվում էին Կովկասյան լեռնանցքի մոտ, իսկ հետագայում ընդարձակեցին իրենց տիրութենները դեպի արևելք՝ Կախեթ: Մաս'ուղին նրանց համարում է Շաքքիի հարևանները, այսինքն՝ շփոթում է նրանց կախեթցիների հետ»²: Ս. Երեմյանը ծանարներին տեղադրում է Թերեք գետի ակունքների շրջանում, որը համապատասխանում է ներկայիս Ղազբեկի շրջանին³: Ծանարների հարևան մամ տեղադրություն է տրված մահ վրաց պատմագիտության մեջ⁴: Ծանարաց երկրի այդպիսի տեղադրությունը համապատասխանում է սկզբնաղբյուրների⁵ և, մասնավորապես, «Աշխարհացոյց»-ի տեղեկություններին:

Աղ-Դուդանիա(ալ-Լաքզ): Ինչպես ցույց տվեցինք, արաբներն ալ-Լաքզ անունով երբեմն կոչում էին Հարավային Դաղստանի բոլոր լեռնականներին և, երբեմն, դրանցից ոմանց: Ցույց տվեցինք մահ, որ այդ անվանումը, հավանորեն, առաջացել էր լակերի հայերեն անվան(լակք կամ լեկք) հոգնակի հայցական «Լակս» ձևից: Մեր կարծիքով, երկրորդ Արմինիայի մեջ մտնող ալ-Լաքզը չէր վերաբերում Լակերի երկրին, քանի որ վերջինին դրա նույնացման դեպքում, աշխարհագրական պայմաններից ելնելով, երկրորդ Արմինիայի մեջ մտնելու էր ոչ միայն Լակերի երկիրը, այլև Անդյան ու Ղազիդուռուխյան Կոյսուների միջև տարածվող Սարիր թագավորությունը, ինչը չի համապատասխանում իրականությանը, քանի որ արաբական աղբյուրների հաղորդումներից

¹ «Աշխարհացոյց Մովսեսի Խորենացոյ», էջ 26:

² В. Минорский, *Указ. ашх.*, էջ 210-211, ծանոթ. 100:

³ Տես Ս. Երեմյան, Հայաստանը ըստ «Աշխարհացոյց»-ի, էջ 56:

⁴ Տես Մ. Լորդաքանաձե, *Աշխ.*, էջ 256:

⁵ Տես Թովմա Արծրունի և Անանուն, էջ 274. Բուդան «դիմեալ գնաց հասանել ի վերայ կողմանց հիւսիսոյ, յերկիրն յորում Ծանակ կոչի. սոքա բնակին յամուրս լեռնականս...: Եւ մօտ առ սոցա կայ լեռն Կակասու», Հովհաննես Դրասխանակերտցի, էջ 164. Սմբատ արքան ընդլայնեց իր տերության սահմանները «մինչև ցատորոտ մեծի լերինն Կովկասու, գոուգարացիս և գժանարս մինչև ցԴուռն Ալանաց», «Մոքցեվայ Քարթլիսայ»-ը («Վրաց դարձ») Դարիալ կիրճը անվանում է «Ծանարների կիրճ» և հաղորդում, որ պարսիկները Ալանաց դռների պահպանության գործը վստահեցին ծանարներին (տես Դ. Սկրտունյան, Ծանարների ցեղը և նրանց դերը Դարիալ լեռնանցքի պահպանության գործում, «Լրաբեր (հաս. գիտ.)», 1972, թիվ 6, էջ 85), بلذري, I, էջ 246. Աբու Ջաֆար ալ-Մանսուր խալիֆայի օրոք Արմինիայի ոստիկան Յազիդ իբն Ուսայդը (759-769) «նվաճեց Բաբ-Ալլանը...և...ջախջախեց սանարներին», և այլն:

երևում է, որ լակերի երկրին վերաբերող ալ-Լաքզը ռազմավարական ու աշխարհագրական տեսակետից սերտորեն կապված էր Դարբանդի ամրությունների գոտու հետ¹: Կարծում ենք, որ երկրորդ Արմինիայի մեջ մտնող երկրի ալ-Լաքզ անվանումը վերաբերելու էր Հարավային Դաղստանի ցեղերից մեկին, ընդ որում՝ դրա՝ երկրորդ Արմինիայի մեջ մտնելը պետք է պատմական պատճառ ունենար: Բալազուրին, նկարագրելով Հաբիբ իբն Մասլամայի և Սալման իբն Ռաբիայի 655 թ. արշավանքը դեպի Հայաստան ու Այսրկովկասյան երկրներ, հստակորեն նշում է, թե Հայաստանն ու Վիրքը նվաճել է Հաբիբ իբն Մասլաման, իսկ Հայոց Արևելից կողմերը, Բուն Աղվանից աշխարհը և նախկին Աղվանից մարզպանության մյուս տարածքները՝ Սալման իբն Ռաբիան: Վիրքի նվաճման նկարագրության մեջ Բալազուրին տեղեկացնում է, որ Հաբիբը նվաճեց Կախեթը, Կուխեթը, Ծանարների երկիրը, Ալանաց դուռը և ադ-Դուդանիան²: Վերջին անունը Ա. Տեր-Ղևոնդյանը ճիշտ կերպով նույնացնում է «Աշխարհացոյց»-յան Դիդոյք ցեղի անվանը³: Դիդոյներն այսօր էլ բնակվում են Անդյան Կոյսու գետի ակունքների շրջանում⁴: Այսինքն՝ Դիդոյների երկիրը գտնվում էր Ծանարների երկրից դեպի արևելք՝ Վիրքի հարևանությամբ: Իսկ Դիդոյները, ըստ Մասուդիի՝ լաքզերի մի մասն էին կազմում⁵: Այն իրողությունը, որ Դիդոյների երկիրը նվաճվել էր Հայաստանի և Վիրքի նվաճող Հաբիբի կողմից, կարող էր հիմք հանդիսանալ արաբների հետագա վարչական բաժանման համար, որպեսզի այն մտցվեր երկրորդ Արմինիայի մեջ: Այսպիսով, երկրորդ Արմինիան ընդգրկելու էր նաև Անդյան Կոյսու գետի ակունքների շրջանը՝ Դիդոյների երկիրը: Դիդոյները, չնայած վարչականորեն մտնում էին երկրորդ Արմինիայի մեջ, սակայն, համարվում էին Լաքզ կոչվող ցեղի մի հատվածը, իսկ վերջինն ընդգրկված էր Առաջին Արմինիայի կազմում: Այդ պատճառով էլ, ամենայն հավանականությամբ, Դիդոյների երկիրն արաբների կողմից անվանվում էր ալ-Լաքզ:

Գուգարք: Ըստ «Աշխարհացոյց»-ի՝ Մեծ Հայքի ու Վիրքի սահմանը Կուր գետն էր(Վիրքը տարածվում է «մինչև ցՀայոց սահմանն՝ առ Կուր գետովն»)⁶: Այդ է ցույց տալիս նաև Փավստոս Բուզանդի մի հաղորդումը: Պատմելով Մուշեղ Մամիկոնյանի պատժիչ արշավանքի մասին,

¹ Տե՛ս Jacut, I, էջ 437-442:

² Տե՛ս بلذري, I, էջ 239:

³ Ա. Արքահամյան, նշվ. աշխ., էջ 347: Տե՛ս Ա. Տեր-Ղևոնդյան, Հայաստանը VI-VIII դարերում, էջ 79:

⁴ Տե՛ս Ա. Երեմյան, Հայաստանը ըստ «Աշխարհացոյց»-ի, էջ 49:

⁵ Տե՛ս مسعودي, էջ 177:

⁶ Տե՛ս «Աշխարհացոյց Մովսեսի խորենացոյ», էջ 28:

Փալատոս Բուզանդը տեղեկացնում է, թե Մուշեղը Վիրքի արքայական տոհմին խաչը հանեց և զխատեց ապստամբ Գուգարաց բղեշխին: «Եւ զհին սահմանսն, որ յառաջուն էր լեալ յերկիրն Հայոց և ընդ երկիրն Վրաց, որ է ինքն մեծ գետն Կուր, այնու հետև յինքն վտարեալ՝ դառնայր անտի»¹: Մեծ Հայքի 387 թ. բաժանումից հետո Սասանյանները Գուգարաց բղեշխությունը, որն իր տարածքով համապատասխանում էր Մեծ Հայքի Գուգարք աշխարհին, մտցրեցին Վրաց մարզպանության մեջ²: Գուգարքը, Վրաց մարզպանության մյուս շրջանների հետ, հետագայում մտավ Արմինիա ոստիկանության Երկրորդ Արմինիա երկրամասի մեջ: VIII դ. երկրորդ կեսին՝ 774-775 թթ. ապստամբությունից հետո, Կղարջքում հաստատվեց հայ Բագրատունիների մի ճյուղը: Վերջինիս շառավիղ Աշոտը խալիֆայի կողմից իշխանություն ստացավ Վիրքի վրա³: Աշոտ Բագրատունին, որի իշխանությունը Վիրքում շուտով ճանաչվեց նաև Բյուզանդիայի կողմից, սկզբում կարողացավ տիրել «ի Կաղրջաց մինչև ՚ի Տփիսիս, լեռնակողմամբն հանդերձ»⁴: Խոսքը Գուգարքի մասին է, քանի որ Կղարջքից մինչև Տփղիսի հարավակողմը տարածվում էր Գուգարքը⁵: Ըստ «Քարթլիի մատյանի»՝ Բագրատունյաց այս ճյուղը VIII դ. վերջին տիրում էր նաև Տայքի Արսեաց փոքր գավառին⁶:

Հայ Բագրատունիների այդ ճյուղի իշխանությունը կախյալ վիճակում էր սկզբում Հայոց իշխանից, իսկ Հայաստանի քաղաքական անկախության վերականգնումից հետո՝ Հայոց թագավորից: Հայոց իշխանները, ինչպես տեսանք, կրում էին «իշխան Հայոց և Վրաց», իսկ թագավորները՝ «թագավոր Հայոց և Վրաց» տիտղոսը: Հետագայում Հայոց արքա Սմբատ Ա Բագրատունին (890-914) վրաց իշխան Ատրոներսեի Բագրատունուն կարգեց Վրաց թագավոր, սակայն, իրավիճակը դրանից չփոխվեց: Վրաց թագավորությունը Հայոց պետության համակարգում սոսկ ենթակա երկիր էր, իսկ Վրաց թագավորը՝ երկրորդ մարդն էր համարվում Սմբատ Ա-ի տերության մեջ⁷:

Սուղդաբիլ, Բաբ Ֆիրուզ Կուբադ և Բաբ Սամսախի: Արաբական սկզբնաղբյուրները Երկրորդ Արմինիայի կազմում հիշատակում են նաև Սուղդաբիլը, Բաբ Սամսախին և Բաբ Ֆիրուզ Կուբադը: Սուղդաբիլի և

¹ Փալատոս Բուզանդ, էջ 322:

² Տե՛ս Ս. Երեմյան, Հայաստանը ըստ «Աշխարհացոյց»-ի, էջ 48, Բ. Հարությունյան, Մեծ Հայքի Գուգարք աշխարհը..., էջ 194:

³ Վարդան վարդապետ, էջ 83:

⁴ Ամդ, էջ 84:

⁵ Տե՛ս Ս. Երեմյան, Մեծ Հայքը ըստ «Աշխարհացոյց»-ի, քարտեզ, Ե., 1963:

⁶ Տե՛ս «Матиане Картлиса», էջ 28:

⁷ Տե՛ս Դովհաննես Դրասխանակերտցի, էջ 188:

Բաբ Ֆիրուզ Կուբադի վերաբերյալ տեղեկություն է պահպանել Իբն Խորդադեբեհը: Արաբ աշխարհագետը, խոսելով պարսից Խոսրով Անուշիրվան թագավորի քաղաքաշինական գործունեության մասին, տեղեկացնում է, թե նա «Ջուրզան երկրում կառուցեց Սուղդաբիլ քաղաքը, այնտեղ կառուցեց նաև իր դղյակն ու այն անվանեց Բաբ Ֆիրուզ Կուբադ»¹: Մասուդին, խոսելով Կուր գետի մասին, հաղորդում է, որ այն հոսում է «Թիֆլիս երկրով և Սուղդաբիլ քաղաքով, որը Ջուրզան երկրում է»²: Ս. Ղազարյանը փորձում է Սուղդաբիլ անվան տակ տեսնել Ցուրտավը³: Սակայն, Սուղդաբիլ քաղաքի տեղորոշման համար հիմք է հանդիսանում Թաբարի պատմիչի այն հաղորդումը, թե Տփղիսն ու Սուղդաբիլը գտնվում էին միմյանց հարևանությամբ և իրարից բաժանվում էին Կուր գետով⁴: Վրացական պատմագիտության մեջ հավանական է համարվում Սուղդաբիլի նույնականությունն ներկայիս Մետեխի բերդին⁵: Սուղդաբիլ անվանումը, հավանորեն, առաջացել է «սոգդաբելի» բառից, որը վրացերենում նշանակում է «սգավայր»⁶: Միջնադարում այդ անունով մի գերեզմանատուն կար Մետեխի ամրոցի հարևանությամբ⁷: Մենք ընդունում ենք Սուղդաբիլի նույնացումը Մետեխի բերդին, իսկ ինչ վերաբերում է Բաբ Ֆիրուզ Կուբադին, ապա այն Ս. Աշուրբեյլին տեղադրում է ներկայիս Ղուբայի շրջանում⁸: Այդ տեղադրությունը ճիշտ չէ, քանի որ արաբ հեղինակները Բաբ Ֆիրուզ Կուբադը հիշատակում են Երկրորդ Արմինիայի կազմում⁹, իսկ Ղուբայի շրջանը գտնվել է Առաջին Արմինիայի կազմում և մտել Աբխազ թագավորության մեջ: Ըստ Յակուտի՝ Բաբ Ֆիրուզ Կուբադը Երկրորդ Արմինիայի ամրոցներից մեկն էր, որը գտնվում էր Բյուզանդիայի սահմանին¹⁰, այնպես, ինչպես Բաբ Սամսախի (Սամցխեի Դուռ) կոչված ամրոցը, որը գտնվում էր նույն սահմանին՝ Սամցխեի կողմից, թերևս, Մուքրական լեռների շրջանում, քանի որ, ինչպես վերը պարզաբանեցինք, այդ լեռների ջրբաժանով էր անցնում Երկրորդ Արմինիայի սահմանը Բյուզանդիայի հետ:

Այսպիսով՝ Երկրորդ Արմինիան Բյուզանդական կայսրությանը սահ-

¹ Ibn Khordadbeh, էջ 123:

² Masudi, էջ 62:

³ Տես **M. Ghazarian**, նշվ. աշխ., էջ 86:

⁴ Տես یربط, VI, էջ 47:

⁵ Տես **М. Лордкипанидзе**, նշվ. աշխ., էջ 234, 343:

⁶ Անդ, էջ 234-235: Տես նաև **В. Минорский**, նշվ. աշխ., էջ 46, ժանոթ. 8:

⁷ Տես **М. Лордкипанидзе**, նշվ. աշխ., էջ 234:

⁸ Տես **С. Ашурбејли**, նշվ. աշխ., էջ 15, 30:

⁹ Տես **Ibn Khordadbeh**, էջ 122, **Jacut**, I, էջ 220:

¹⁰ Տես **Jacut**, I, էջ 220:

մանակցում էր Մոսքական և Լիխի լեռներով: Հյուսիսում Երկրորդ Արմինիան տարածվում էր մինչև Ալանաց դուռ, արևելքում սահմանակցում էր Առաջին Արմինիային, իսկ հարավում՝ Երրորդ Արմինիային:

Երկրորդ Արմինիան Երրորդ Արմինիայից բաժանվում էր Գուգարքի՝ Այրարատի և Տայքի հետ ունեցած սահմանագծով: Այն Սևանա լճից հյուսիս անցնելու էր Բազումի լեռներով, ապա Կանգարքի լեռների (Մթին լեռներ, այժմ՝ Ջավախքի լեռնաշղթա) և Ջավախքի բարձրավանդակի հարավակողմով ընթանալով արևմուտք՝ անցնելու էր Չլդր լճի հյուսիսային հատվածով մինչև Կարմիր Փորակ լեռները: Ապա վերջինի ջրբաժանով սահմանագիծն իջնելու էր հարավ և, Երրորդ Արմինիայի կազմում թողնելով Կուր գետի ակունքի շրջանում գտնվող Կող գավառը, Արսիանի լեռների հարավակողմով շարժվելու էր արևմուտք և, հասնելու էր ճորոխ գետին: Այնուհետև այն, հատելով ճորոխ գետը Թուխարք ամրոցի շրջակայքում, շարժվելու էր դեպի արևմուտք՝ Երրորդ Արմինիայի կազմում թողնելով Տայքի Արսեաց փոքր գավառը, որը որոշ ժամանակով դարձել էր VIII դ. երկրորդ կեսին Կղարջքում հաստատված Բագրատունյաց ճյուղի տիրույթ¹:

Երրորդ Արմինիա: Ընդգրկում էր Հայոց մարզպանության Վասպուրական գնդի երկիր վարչական շրջանը, որը 591 թ. բաժանումից հետո համարժեք էր դարձել Հայոց մարզպանությանը, Այրարատը և Տայքը:

Քուսֆուրրաջան (Վասպուրական): Ուսումնասիրության սկզբում մենք ցույց տվեցինք, որ Հայաստանի 591 թ. բաժանումից հետո, երբ Տանուտիրական Գնդի երկիրն անցավ Բյուզանդիային, Հայոց մարզպանությունը գրեթե ամբողջությամբ անփոփոխեց Վասպուրական Գնդի երկրի սահմաններում: Վերջինը ներառում էր Վասպուրականը, Մոկքը, Պարսկահայքի ու Կորճայքի հյուսիսային հատվածները: Պարսկական տիրապետության տակ էին մնացել նաև նախկինում Տանուտիրական Գնդի երկրի մաս կազմող Այրարատի Մասյացոտն, Արածու կողմն, Ոստան Դվնա և Մազազ գավառները: Դատելով Սեբեոսի վկայություններից՝ 591 թվից հետո Հայոց մարզպանությունը, իր կազմում ունենալով Այրարատի վերոհիշյալ գավառներն ու Վասպուրական Գնդի երկիրը, պաշտոնապես սկսեց կոչվել վերջին անունով: Ելնելով այն բանից, որ հայ-արաբական 652 թ. պայմանագրում արձանագրվելու էր գոյություն

¹ Տե՛ս Ս. Երեմյան, Մեծ Հայքը ըստ «Աշխարհացոյց»-ի, քարտեզ, Բ. Հարությունյան, Հայաստանն ըստ «Աշխարհացոյց»-ի և այլ աղբյուրների, քարտեզ, Հայկական լեռնաշխարհ և հարակից շրջաններ, ֆիզիկական քարտեզ, «Հայկական սովետական հանրագիտարան» (այսուհետև՝ «ՀՍՀ»), հ. 2, Ե., 1980, էջ 176:

ունեցող վարչա-քաղաքական իրավիճակը և, բացի այդ, քանի որ դրա կմբռնից հետո Վասպուրական կամ Սեպհական Գնդի երկիր վարչական շրջանը, դատելով Սեբեոսի հաղորդումներից՝ պահպանում էր իր գոյությունը¹, ապա կարծում ենք, որ արաբ հեղինակների հիշատակած Բուսֆուրրաջանը նույնական էր Վասպուրական գնդի երկրին, որն ամբողջությամբ մտել էր Արմինիա ոստիկանության մեջ:

Ելնելով հայկական սկզբնաղբյուրների և, մասնավորապես, Եղիշեի տվյալներից, բացահայտվում է այն իրողությունը, որ, չնայած հայ Արշակունիների թագավորության անկումից առաջ և հետո Մեծ Հայքի տարածքային մեծ կորուստներին, Հայոց մարզպանության կազմում, թե՛ 591 թ. բաժանումից առաջ և թե՛ դրանից հետո, շարունակեցին մնալ Կործայքի Կորդիք և Տնորիք գավառները: Եղիշեն վկայում է, որ Ավարայրի ճակատամարտից հետո Տնորիքի անառիկ ամրոցներում ապաստանած հայերը, երբ լսեցին պարսից զորքի գործած չարիքների մասին, «քաջութեամբ ելեալ յարծակեցան օգնականութեամբ ամրականացն, և հասեալ ի մօտաւոր աշխարհն Պարսկաց, յանխնայ կոտորելով՝ նախճիրս արեան գործէին»²: Այս տեղեկությունը հստակորեն խոսում է այն մասին, որ պարսկական երկրամասերի հետ սահմանակից Տնորիքը Հայոց մարզպանության մաս էր կազմում: Ելնելով պատմաաշխարհագրական պայմաններից, անկասկած, մարզպանության կազմի մեջ պետք է մտներ նաև Կորդիքը³: Ինչ վերաբերում է այդ երկրամասերի տեղադրությանը, ապա այդ խնդրում մեծ է Փավստոս Բուզանդի հաղորդած տեղեկությունների կարևորությունը: Պատմիչի վկայությամբ՝ հայոց Արշակ Բ թագավորի դեմ ապստամբած երկրամասերի մեջ էին «ամուր գաւառն Տնորեաց, և ամուր աշխարհն Կորդրեաց. ապա և տէր գաւառին Կորդուաց չոգաւ եկաց առաջի թագաւորին Պարսից»⁴: Ապա, պատմիչը, կապված դեպի Հայոց արքայի դեմ ապստամբած երկրամասեր Մուշեղ Մամիկոնյանի ձեռնարկած պատժիչ արշավանքի հետ, հաղորդում է, որ «հարկանէր Մուշեղ սպարապետն...զԿորդուս և զԿորդիս և զՏնորիս»⁵: Ակներև է, որ պատմիչը լավ է պատկերացնում հիշյալ երեք երկրամասերի տեղադրությունը, հիշատակելով մի դեպքում արևելքից արևմուտք, իսկ մյուս դեպքում՝ արևմուտքից արևելք հերթականությամբ: Մովսես Խորենացին, անդրադառնալով Արտաշես Ա-ի դայակ

¹ Տե՛ս Սեբեոս, էջ 166:

² Տե՛ս Եղիշե, էջ 254:

³ Տե՛ս Բ. Արդույան, նշվ. աշխ., էջ 25:

⁴ Փավստոս Բուզանդ, էջ 246:

⁵ Ամդ, էջ 320:

Սմբատ Բագրատունու գործունեությանը, հաղորդում է, որ վերջինս «իրամանաւ Արտաշիսի բնակէ ի Տնորիս, որ այժմ կոչի Կորդիք, ի յԱլկի նստուցեալ զբազմութիւն գերւոյն»¹: Այսինքն՝ չնայած այն բանին, որ Փալստոս Բուզանդը հստակորեն միմյանցից տարբերակում է Կորդիքն ու Տնորիքը, պատմահայրը հակված է դրանք նույնացնելու: Քանի որ նա քաջածանոթ էր Հայաստանի աշխարհագրությանը, ապա չպետք է կարծել, թե նա կարող էր սխալ թույլ տալ: Ուստի հավանական է, որ սկզբնապես Կորդիքն Ալկի ամրոցով² եղել է Տնորիքի մի հատվածը, իսկ հետագայում՝ Մովսես Խորենացու ժամանակներում, բաժանվել է նրանից և հեղինակը, պատմելով Սմբատի՝ Տնորիքի Ալկի ամրոցում հաստատվելու մասին, միաժամանակ անհրաժեշտ է համարել հիշատակել իր ժամանակների իրողությունը, թե Տնորիքի այն հատվածը, որտեղ գտնվում էր Ալկին, այժմ կոչվում էր Կորդիք³: Փալստոս Բուզանդի տեղեկություններից կարելի է եզրակացնել, որ աշխարհագրական տեսակետից Կորդիքից⁴ արևելք գտնվել է Կորդիքը՝ Բեյթ-ուլ-Շաբաբ գետակի հովտում⁵, իսկ դրանից էլ արևելք գտնվել է Տնորիքը՝ Մեծ Զար գետի միջին ավազանի շրջանում⁶: Ամենայն հավանականությամբ, Տնորիքն իր կազմում ընդգրկում էր նաև Կորճայք աշխարհի՝ Կորդիքից արևելք ընկած հյուսիսային գավառները՝ ճահուկը, Փոքր Աղբակն ու Որսիրանքը⁷:

Քանի որ արաբները հիմնականում պահպանեցին Սասանյանների վարչական բաժանումը, ապա հիշյալ գավառները մտան Արմինիա

¹ Տես Մովսես Խորենացի, էջ 218:

² Բեյթ-ուլ-Շաբաբ գետակի վերին հոսանքի ավազանում պահպանվել է էլք անունով մի գյուղ, որը ուսումնասիրողները նույնացնում են Խորենացու հիշատակած Ալկին (տես Ս. Երեմյան, Հայաստանը ըստ «Աշխարհացոյց»-ի, էջ 32):

³ Տես Բ. Հարությունյան, Մեծ Հայքի վարչա-քաղաքական բաժանման համակարգը..., էջ 282-283:

⁴ Կորդիք գավառը զբաղեցնում էր Ջերմ և Փոքր Զավ գետերի միջև տարածվող լեռնային շրջանը (տես Ս. Երեմյան, Հայաստանը ըստ «Աշխարհացոյց»-ի, էջ 60):

⁵ Տես Բ. Арутюнян, նշվ. աշխ., էջ 24-25: «Աշխարհացոյց»-յան Կորդիք վերին, Կորդիք Միջին և Կորդիք Ներքին գավառների անվանումները (տես «Աշխարհացոյց Մովսեսի Խորենացու», էջ 32) ցույց են տալիս, որ անցյալում այս գավառների ամբողջությունը կրել է միասնական Կորդիք անունը: Այս գավառների «Աշխարհացոյց»-յան նկարագրության աշխարհագրական հերթականությունը վկայում է հօգուտ դրանց՝ Արևելյան Խաբուր գետի Բեյթ-ուլ-Շաբաբ վտակի ավազանում տեղադրության (տես Բ. Հարությունյան, Մեծ Հայքի վարչա-քաղաքական բաժանման համակարգը..., էջ 278): Նման եզրահանգման հիմք է հանդիսանում այն, որ Մովսես Խորենացին, ինչպես տեսանք, Բեյթ-ուլ-Շաբաբ գետակի վերին հոսանքի ավազանում գտնվող Ալկի ամրոցը հիշատակում է Կորդիքում:

⁶ Տես Բ. Հարությունյան, Մեծ Հայքի վարչա-քաղաքական բաժանման համակարգը..., էջ 280-281:

⁷ Անդ, էջ 281-282:

ոստիկանության մեջ և մաս կազմեցին Երրորդ Արմինիայի: Արաբական տիրապետության շրջանում Արծրունի իշխանները տիրում էին այդ գավառներին: Բուղայի արշավանքի ժամանակ Արծրունիների իշխանության տակ էին Ջլմար, Սրինգ և ճահուկ ամրոցները¹: Վերջիններից Ջլմարն ու Սրինգը գտնվում էին Փոքր Աղբակ գավառում², իսկ ճահուկը՝ համանուն գավառում: Բուղայի արշավանքների և հետագա ժամանակաշրջանում արդեն այս գավառները մեծ կարևորություն ձեռք բերեցին Արծրունիների համար: Երբ ապօրինաբար Վասպուրականի իշխան դարձավ Վասակը, Գուրգեն Արծրունին «ելեալ փութանակի եկն եհաս յաշխարհս Վասպուրական: Եւ այն ինչ ընդ մտանելն՝ երագապես հասեալ ի վերայ ամրոցացն Ջղմար և Սրինգ կոչեցեալ՝ յինքն գրաւէ զամրոցսն. և կալեալ զՎասակ՝ յինքն գրաւեաց զգօրավարութիւնն բոլոր Վասպուրական տէրութեանս»³:

Ըստ Թովմա Արծրունու՝ Փոքր Աղբակից արևելք գտնվող Որսիրանք գավառը նույնպես IX դ. մտնում էր Արծրունիների իշխանության մեջ: Արյան լճի ճակատամարտի նախօրեին Գուրգեն Արծրունու զլխավորությամբ այստեղ են ապաստանում Վասպուրականի մեծամեծերն ու փախստական բնակչությունը և պարտության մատնում թշնամուն⁴: Թովմա Արծրունու հետագա տեղեկություններից երևում է, որ Կորդվաց լեռների շրջանում գտնվող վերոհիշյալ գավառները շարունակում են մաս կազմել Արծրունիների իշխանության:

Այսպիսով, Արմինիան հարավում ընդգրկում էր նաև Մեծ Հայքի Կործայք աշխարհի ճահուկ⁵, Փոքր Աղբակ⁶ և Որսիրանք⁷ գավառները:

¹ Տես Թովմա Արծրունի և Անանուն, էջ 212:

² Անդ, էջ 90:

³ Անդ, էջ 306:

⁴ Անդ, էջ 224-232:

⁵ Ճահուկը գտնվել է Ջուլամերկից ոչ հեռու գտնվող Ագարակ-դաղ լեռների շրջանում (տես Դ. Մարկվարտ, Պարսկահայք նահանգը, -«ՊԲՀ», 1961, թիվ 1, էջ 193): Այդ լեռները գտնվում են Բեյթ-ուլ-Շաբաբ գետակի ակունքների շրջանում (տես ցարական բանակային շտաբի տասվերստանոց քարտեզի թիվ 100 պլանշետը):

⁶ Փոքր Աղբակի սահմանը ճահուկ գավառի հետ կազմել են՝ արևմուտքում՝ Լևին գետակի արևելյան ջրբաժանը, հյուսիսում՝ Ագարակի լեռներից և Կոհ-ի-Նիհորական լեռնաշղթայից սկիզբ առնող լեռնաբազուկները, որոնք Ալեն բաժանում են Փոքր Աղբակից, հարավում՝ Ջողա լեռների ջրբաժան գիծը, իսկ արևելքում՝ Որսիրանք գավառը (տես Բ. Հարությունյան, Մեծ Հայքի վարչա-քաղաքական բաժանման համակարգը..., էջ 292, Դ. Հյուրըման, նշվ. աշխ., էջ 208: Ղ. Ինճիճյան, նշվ. աշխ., էջ 148-149):

⁷ Դ. Մարկվարտը, հենվելով Թովմա Արծրունու վերոհիշյալ տեղեկության, ինչպես նաև Վաղեման Բեյքի տեղաքննական հետազոտության արդյունքների վրա, որի ընթացքում նա հայտնաբերել էր Արյան լիճը, Որսիրանքը տեղադրում է Նեհիլ գետի ավազանում, որտեղ գտնվում է Գյավառի դաշտը (տես Դ. Մարկվարտ, Պարսկահայք նահանգը,

Հարավում Արմինիա ոստիկանության սահմանները տարածվում էին մինչև Կորդվաց(այժմ՝ Հաքյարի) լեռների շրջանը՝ ընդգրկելով այդ լեռների հարավային լեռնաբազուկները:

Զնայած հայագիտության մեջ արմատավորված այն տեսակետին, թե Մեծ Հայքի թագավորության 387 թ. բաժանման ժամանակ Պարսկահայքն ամբողջությամբ հանվել է Մեծ Հայքից¹, սկզբնաղբյուրներում պահպանված տեղեկություններն ապացուցում են, որ նրա հյուսիսային հատվածը՝ սկսած Այլի գավառից մինչև Զարևանդի հյուսիսային սահմանները մտնում էր Հայոց մարզպանության մեջ: Թովմա Արծրունին պարզորոշ հաղորդում է, որ Այլի(էլի) գավառը մտնում էր Արմինիա ոստիկանության մեջ՝ հստակորեն այն տարբերելով Ատրպատականի ոստիկանությունից ու Պարսից կողմերից²: Իսկ Եղիշեն հաղորդում է, թե 450-451թթ. ապստամբությունը ճնշելու նպատակով եկած պարսկական բանակը «հասաներ յաշխարհն Հայոց ի Դեր և ի Զարևանդ գաւառ»³: Եղիշեի վկայությունն ուղղակի արձանագրությունն է Դեր և Զարևանդ գավառների՝ Հայոց մարզպանության կազմում լինելու փաստի: Աշխարհագրական առումով Հայոց մարզպանության կազմում պետք է մնացած լինեին նաև Պարսկահայքի Այլի և Զարևանդ գավառների միջև ընկած գավառները⁴: Արաբական տիրապետության օրոք Պարսկահայքի նշալ գավառները մաս կազմեցին Արմինիա ոստիկանության երրորդ Արմինիա երկրամասի Վասպուրական վարչական շրջանի: Արաբ հեղինակների տեղեկություններն արտացոլում են այդ իրողությունը: Իբն Խորդադբեհը հաղորդում է, որ Արմինիա ոստիկանության կազմում ընդգրկված էր Պարսկահայքի Դեր (արաբ. Խուլայյ) գավառը⁵: Ալ-Մուկադդասին նշում է, որ Արմինիայի կազմում ընդգրկված էին Դերը, Սալմաստը (Սալամաս) և Ուրմիան⁶:

Սակայն, արաբական տիրապետությունն իր հետ բերեց նաև որոշ փոփոխություններ: Երբ Արմինիայի այս կամ այն մասում հաստատվող

էջ 189-190): Վաղեման Բելքը Գյավառի կազայի Դիգա գյուղի մոտ հայտնաբերել էր Արյան լիճը, որը մեր օրերում ճահճուտի է վերածված(ամր., էջ 189):

¹ Տե՛ս Ն. Աղոնց, Հայաստանը Հուստինիանոսի դարաշրջանում, էջ 254:

² Տե՛ս Թովմա Արծրունի և Անանուն, էջ 232:

³ Եղիշե, էջ 212:

⁴ Այդ մասին մանրամասնորեն տե՛ս Բ. Հարությունյան, Մեծ Հայքի վարչա-քաղաքական բաժանման համակարգը..., էջ 347-351: Պարսկահայքի այդ հատվածը տարածվում է պատմական Մարի գետի (հավանաբար, ներկայիս Բարանդուզ-չայը) և ներկայիս Զեյրավանդ բնակավայրի միջև(ամր., էջ 313-323, տե՛ս նաև Մույնի՝ «Հայաստանն ըստ «Աշխարհացոյց»-ի և այլ աղբյուրների» քարտեզը):

⁵ Տե՛ս Ibn Khordadbeh, էջ 122:

⁶ Տե՛ս al-Moqaddasi, էջ 51:

արաբ վերաբնակիչները հիմնադրում էին իրենց ամիրայությունները, նրանք վարչականորեն ենթարկվում էին Արմինիայի ոստիկանին: Այդ պատճառով ավելի ուշ Հայոց թագավորներն ու իշխաններն իրենց իրավունքն էին համարում նրանց իրենց ենթարկելը: Կոստանդին Ծիրանածինը հաղորդում է, որ Աշոտ Ա-ի իշխանությունը ճանաչում էին Հերի և Սալամասի արաբ ամիրաները¹: Իսկ Հովհաննես Դրասխանակերտցին պատմում է, որ Գրիգոր-Դերենիկ Արծրունին «ձեռն զգաւառօքն և զքաղաքօքն արկեալ զկողմամբք Հերայ և Զարաւանդայ՝ ի հնազանդութիւն ընդ իւրեաւ զկողմանսն զայնոսիկ նուաճէր»²: Սակայն, արաբների հաստատումն Արմինիայի տարբեր մասերում փոփոխություններ էր մտցնում ժամանակակիցների մտածողության մեջ: Դրա պատճառով մի շարք այլ աղբյուրներում Պարսկահայքի հյուսիսային գավառները համարվում են Ատրպատականի մաս³: Ղևոնդը, նկարագրելով արաբների բռնությունները, պատմում է, որ Գագիկ Արծրունին իր զորքով «ելեալ ասպատակ սփռէր զկողմամբք Ատրպատական աշխարհին, ի Զարեանդ գաւառ, ի Բուտակս»⁴ և Զիդոյ, ի Տասուկ⁵, ի Գագնակ, ի Յորմի, ի Սուրենապատ և յայլ ևս մերձակայ գաւառսն... և գայր հասանէր ի գաւառն Հէր»⁶: Ըստ Յակուտի՝ Հէրը, Զարեանդը, Սալմաստը և Ուրմիան նույնպես Ատրպատականի մաս էին կազմում⁷:

Նման ճակատագիր էր վիճակված նաև Վասպուրականի արևելյան գավառներին, որոնք տարածվում էին մինչև Փայտակարան աշխարհը⁸: Նախքան 591 թ. բաժանումը, կազմելով Հայոց մարզպանության Վասպուրական Գնդի երկիր վարչական շրջանի մաս, դրանք այդ բաժանումից հետո մնացին Հայոց մարզպանության կազմում, իսկ հետո էլ մտան Արմինիա ոստիկանության մեջ: Հետագայում, երբ այդ գավառներում արաբներ էին հաստատվում, այդ իրողությունը, ինչպես Պարսկահայքի հյուսիսային գավառների պարագայում, հիմք էր տալիս արաբ հեղինակներին՝ դրանք Ատրպատականի ոստիկանության մաս համա-

¹ Տե՛ս Կոստանդին Ծիրանածին, էջ 10:

² Հովհաննես Դրասխանակերտցի, էջ 142:

³ Տե՛ս Ա. Եղիազարյան, Արմինիա ոստիկանության սահմանները, էջ 248:

⁴ Ավելի ճիշտ՝ Ռոտակ կամ Ռոտակ: Ռոտակի եպիսկոպոսությունը համապատասխանում էր Հեր և Զարեանդ գավառներին (տե՛ս Բ. Հարությունյան, Մեծ Հայքի վարչաքաղաքական բաժանման համակարգը..., էջ 348):

⁵ Տասուկը (Տասվիջ) գտնվում էր Ուրմիո լճի հյուսիսային ափին (տե՛ս Ա. Երեմյան, Հայաստանը և հարևան երկրները 855-953թթ., քարտեզ, Ե., 1976):

⁶ Ղևոնդ, էջ 133-134:

⁷ Տե՛ս Jacut, I, էջ 171-175, 219, 513, II, էջ 502, 922, 959, III, էջ 120:

⁸ Տե՛ս Ա. Երեմյան, Մեծ Հայքը ըստ «Աշխարհացոյց»-ի, քարտեզ, Բ. Հարությունյան, Հայաստանն ըստ «Աշխարհացոյց»-ի և այլ աղբյուրների, քարտեզ:

րելու: Նրանք հաղորդում են, որ, օրինակ՝ Մարանդը Ատրպատականի ոստիկանության մեջ էր մտնում¹: Ալ-Մուկադդասին, որը քաջածանոթ էր Արմինիա ոստիկանության ընդգրկած տարածքներին, Մարանդը հիշատակում է Արմինիայի քաղաքների թվում²:

Հայաստանի 591 թ. բաժանումից հետո, ինչպես տեսանք, Հայոց մարզպանության մեջ մնաց մեկ Մուկը: Բալազուրին, նկարագրելով արաբական առաջին արշավանքները, հաղորդում է, որ այն Վասպուրականի մեջ էր մտնում³: Վերջին անվան տակ, անկասկած, պետք է հասկանալ Վասպուրական Գնդի երկիրը: Մուկը հետագայում մաս էր կազմում Արմինիա ոստիկանության Երրորդ Արմինիա երկրամասի Բուսֆուրրաջան-Վասպուրական վարչական շրջանի: Այն ընդգրկում էր Ջերմ(Բոհտան) գետի հարավային ջրբաժանի և Վանա լճի հարավային ափին գտնվող Տուրուբերանի Երևաք ու Վասպուրականի Ռշտունիք գավառների միջև տարածվող լեռնային երկրամասը՝ արևելքում տարածվելով մինչև Ամոսս լեռան շրջանը, իսկ արևմուտքում՝ եզերվելով Գյոզալդարա և Խիզան-սու գետերի ջրբաժանով⁴:

Ազ-Ջավազան: Արաբական աղբյուրները Հայաստանի կազմում հիշատակում են ազ-Ջավազանը: Երբ 639-640թթ. Իյադ իբն Ղանմը նվաճեց Վերին Միջագետքն ու հասավ Կարդա, որին դեռ կանդրադառնանք, նրան ներկայացավ ազ-Ջավազանի իշխանը (բաթրիկ ազ-Ջավազան) և պայմանագիր կնքեց արաբ զորավարի հետ, որում հարկ վճարելու պայմանով երաշխավորվում էին նրա իրավունքներն իր հողերի վրա⁵: Իբն Հաուկալն ազ-Ջավազանը հիշատակում է Հայաստանի այն հատվածում, որը կոչվում էր Արտաքին Հայաստան՝ Բերկրու, Խլաթի, Արճեշի և Ոստանի հետ միասին⁶: Արաբ հեղինակը, այնուհետև, պատմելով Վասպուրականի Դերեն (Դերենիկ) թագավորի մասին, հաղորդում է, որ նա տիրում էր Ջավազանին, Վանին և Վաստանին⁷: Յուկուտը հաղորդում է, որ ազ-Ջավազանը տարածվում է Հայկական լեռների, Խլաթի, Ատրպատականի, Դիար Բաքրի և Մոսուլի միջև⁸: Իբն ալ-

¹ Տես **al-Istakhri**, էջ 181-182, **Ibn al-Fakih**, էջ 285, **Ibn Rosteh**, էջ 106, **Jakubi**, էջ 171:

² Տես **al-Moqaddasi**, էջ 51, 373:

³ **Stu بلاذري**, I, էջ 236:

⁴ Տես **Բ. Հարությունյան**, Մեծ Հայքի Մուկ աշխարհն ըստ «Աշխարհացոյց»-ի, «ՊԲՀ», 1990, թիվ 1, էջ 41-52, նույնի՝ «Հայաստանն ըստ «Աշխարհացոյց»-ի և այլ աղբյուրների» (քարտեզ): Տես նաև **Ս. Երեմյան**, Մեծ Հայքը ըստ «Աշխարհացոյց»-ի (քարտեզ):

⁵ Տես **Stu بلاذري**, I, էջ 208:

⁶ Տես **Ibn Haukal**, էջ 344:

⁷ Ամդ, էջ 348:

⁸ Տես **Jacut**, II, էջ 957-959:

Ասիրը տեղեկացնում է, որ ազ-Ջավազանը գտնվում է Տիգրիս գետից արևելք, իսկ նրա սահմանները հասնում են մինչև Ջազիրա իբն Օմար ու անցնում Մոսուլից երկու օրվա ճանապարհի հեռավորության վրա: Ըստ արաբ հեղինակի՝ ազ-Ջավազանն արևմուտքից արևելք տարածվում է խլաթից մինչև Սալմաստի սահմանը¹:

Ն. Կարաուլովը կարծում է, որ ազ-Ջավազանը գավառ էր համանուն ամրոցով, որը գտնվում էր խլաթի լճից(Վանա լիճ) արևելք: Ազ-Ջավազան ամրոցը, ըստ նրա՝ կարող է նույնացվել ներկայիս Սևան-կալային, իսկ համանուն գավառը՝ տեղադրվել դրա շուրջը²: Ժ. Լոռանն ու Ա. Տեր-Ղևոնդյանը ազ-Ջավազանը նույնացնում են Վասպուրականի Անձևացիք գավառին³: Վերջինը տեղադրվում է Ջերմ (Բոհոտան) գետի ակունքների շրջանում⁴:

Դատելով Յակուտի և Իբն ալ-Ասիրի վերոհիշյալ հաղորդումներից, ազ-Ջավազանի զբաղեցրած տարածքը շատ ավելի ընդարձակ էր, քան Անձևացյաց գավառը: Կարծում ենք, որ ճիշտ է Ն. Կարաուլովը, երբ արաբ հեղինակների կողմից որպես ազ-Ջավազանի սահման հիշատակվող խլաթ անվան տակ հասկանում է խլաթի կամ Վանա լիճը: Ըստ Յակուտի՝ Հայկական լեռները կազմում էին ազ-Ջավազանի սահմանը, թերևս, արևմտյան հատվածում և, ամենայն հավանականությամբ, նույնական էին Ղարադաղի կամ Հայկական լեռներին⁵: Այն, որ ազ-Ջավազանը տարածվում էր Ջազիրա իբն Օմարից (Տիգրիսի ափին) մինչև Սալմաստ, Վանա լճից մինչև Հայկական լեռներ և հարավում համարյա հասնում մինչև Մոսուլ ու Ատրպատական, ցույց է տալիս, որ անհավանական է դրա նույնացումը Անձևացյաց գավառին: Տարածքային առումով այն գրեթե նույնական էր Վասպուրական Գնդի երկրին: Կարծում ենք, որ Բալազուրիի հիշատակած Կարդա անվան տակ պետք է հասկանալ Կորճայքի Կորդուք գավառը⁶: Եթե ճիշտ է այդ ենթադրությունը,

¹ Անդ, էջ 958:

² Տես **Н. Караязов**, նշվ. աշխ., թիվ 38, էջ 124, ծանոթ. 50:

³ Տես **J. Laurent**, նշվ. աշխ., էջ 85, ծանոթ. 28, **А. Тер-Гевондян**, նշվ. աշխ., էջ 22, **Ա. Տեր-Ղևոնդյան**, Հայաստանը VI-VIII դարերում, էջ 44: Տես նաև **Թ. Հակոբյան և Լուրիշներ**, ԶԳՏԲ, հ. 1, էջ 279:

⁴ Տես **Ն. Աղոնց**, Հայաստանը Հուստինիանոսի դարաշրջանում, էջ 254, **Ա. Երեմյան**, Հայաստանը ըստ «Աշխարհացոյց»-ի, էջ 36, **Բ. Հարությունյան**, Մեծ Հայքի Վասպուրական աշխարհը..., էջ 114:

⁵ Տես **Ա. Երեմյան**, Հայաստանը ըստ «Աշխարհացոյց»-ի, էջ 50:

⁶ Տես **Հ. Դյուրշման**, նշվ. աշխ., էջ 202, **Հ. Նալբանդյան**, «Արաբական աղբյուրները Հայաստանի և հարևան երկրների մասին», էջ 76, ծանոթ. 3: Կարդա-Կորդուք նույնության ապացույցն է արաբ պատմիչ Դինավարի այն հաղորդումը, թե Ջուդի լեռը (այժմ՝ Ջուդի-դաղ, տե՛ս ցարական բանակային շտաբի տասվերստանոց քարտեզի թիվ 82 պլանշետը), որի վրա, ըստ Դուրամի, կանգ է առել Նոյի տապանը, գտնվում է Կարդայում (տե՛ս

ապա այն ցույց է տալիս, որ Իյադ իբն Դանմը Միջագետքի կողմից համարյա հասել էր Վասպուրական Գնդի երկրի սահմաններին: Վերջինը, ինչպես ցույց ենք տվել, համարժեք էր Հայոց մարզապանությանը, որտեղ 639-640թթ. դրությամբ իշխում էր Թեոդորոս Ռշտունին¹: Ուստի, ավելի հավանական է, որ արաբ զորավարի հետ պայմանագիր կնքեր ոչ թե Անձևացյաց իշխանը, որը ենթակա էր Թեոդորոս Ռշտունուն, այլ Թեոդորոս Ռշտունին, իսկ ազ-Ջավազանը նույնանա Վասպուրական Գնդի երկրին: Սակայն, դատելով ալ-Ջավազան և Անձևացիք բառերի գրության ձևերից (انزوزيك، الزوزان), առաջինը երկրորդի աղավաղումն է, ըստ որում՝ ալ-Ջավազանի վերջին պարսկերեն հոգնակիակերտ «ան» մասնիկը համարժեք է հայերեն «ք»-ին, որը ցույց է տալիս ցեղ, ժողովուրդ կամ դրանց բնակության տարածքները: Այդ դեպքում, ինչո՞վ բացատրել վերոհիշյալ անհամապատասխանությունը:

Մեր կարծիքով, տեղի է ունեցել հետևյալը: Թեոդորոս Ռշտունին, Իյադ իբն Դանմի հետ պայմանագիր կնքելու նպատակով, անձամբ չի ներկայանում, այլ ուղարկում է Անձևացյաց իշխանին: Վերջինս, ինքնըստինքյան հասկանալի է, պայմանագիրը կնքում է ողջ Վասպուրական Գնդի երկրի համար: Պայմանագրում արձանագրվում են հարկատու դարձող երկրի սահմանները: Դրա հետևանքով, հետագայում արաբ հեղինակները Վասպուրական գնդի երկրի սահմանները սխալմամբ վերագրել են Անձևացյաց իշխանությանը:

Որ պայմանագիրը կնքվել էր Վասպուրական գնդի երկրի համար, ցույց է տալիս նաև Բալազուրիի կողմից Իյադ իբն Դանմի արշավանքի հետագա նկարագրությունը:

Արաբ զորավարը, պայմանագիր կնքելով ազ-Ջավազանի իշխանի հետ, անցնում է Ձորա պահակ լեռնանցքով ու հասնում մինչև Խլաթ: Վերջինիս իշխանի հետ նա նույնպես կնքում է պայմանագիր, որից հետո՝ արշավում մինչև ալ-Այն ալ-Համիդա(Թթու աղբյուր, ջուր): Պատմիչը հաղորդում է, որ Իյադը դրանից այն կողմ չի արշավում, այլ վերադառնում է Բաղեշ (Բիթլիս)²: Ա. Տեր-Ղևոնդյանն այն կարծիքն է հայտնել, որ ալ-Այն ալ-Համիդան, թերևս, նույնական է Կարնո քաղաքից դեպի արևմուտք գտնվող Էլեգիա ջերմուկին³: Սակայն, եթե ընդու-

«Օտար աղբյուրները...», 16, էջ 206): Ջուդի լեռը նույնական է Մեծ Հայքի Կործայք աշխարհի Կորդուք գավառի Արարադ լեռանը, որի լանջին էր գտնվում Թման գյուղը (տե՛ս Փալստոս Բուզանդ, էջ 36-38, տե՛ս նաև Ս. Երեմյան, Հայաստանը ըստ «Աշխարհացոյց»-ի, էջ 39, 53, 60, «Օտար աղբյուրները...», 16, էջ 130, ծանոթ. 3):

¹ Տե՛ս Ա. Տեր-Ղևոնդյան, Հայաստանի քաղաքական ինքնուրույնությունը..., էջ 305:

² Տե՛ս بلاذري I, էջ 208-209:

³ Տե՛ս Ա. Տեր-Ղևոնդյան, Հայաստանը VI-VIII դարերում, էջ 45:

մենք, որ ալ-Այն ալ-Համիդան ոչ թե էլեգիա ջերմուկն է, այլ Ծաղկոտն գավառի Վարշակի ջերմուկը¹, ապա կկատարենք մի կարևոր պարզաբանում: Քանի որ Ծաղկոտն գավառը մտնում էր Այրարատի մեջ ու սահմանակցում Վասպուրականին², ուստի՝ նրանց միջև էր անցնում Հայաստանի 591 թ. բաժանման սահմանագիծը, որը չնչին տարբերություներով նույնական էր Տանուտիրական ու Վասպուրական գնդերի միջև սահմանագծին: Պարզ է դառնում, թե ինչու՝ Իյադ իբն Ղանմը չանցավ Ծաղկոտն գավառի սահմանն ու չներխուժեց Վասպուրական Գնդի երկիր, այլ վերադարձավ Բաղեշ: Նա արդեն կնքած պայմանագիր ուներ այդ երկրի իշխանի հետ:

Դաբիլ (Դվին): Մ. Ղազարյանը Դաբիլ անվանաձևի առաջացումը բացատրում է دوين (Դվին)-دبين (Դաբին)-دبيل (Դաբիլ) աստիճանական աղավաղմամբ³, ինչը միանգամայն ընդունելի է: Դվինը սկզբում Արմինիայի ոստիկանի միակ նստավայրն էր, բայց երբ, թերևս, 747-750 և 774-775 թթ. ապստամբությունների պատճառով, Արմինիայի ոստիկանները որպես նստավայր ընտրեցին Պարտավը⁴, այն չկորցրեց իր նշանակությունը և շարունակեց մնալ որպես ոստիկանի երկու նստավայրերից մեկը: Ալ-Իսթախրին վկայում է, որ, «ինչ վերաբերում է Դաբիլին, ապա այն որպես քաղաք ավելի մեծ է Արդաբիլից: Այն Հայաստանի մայրաքաղաքն է, և այնտեղ գտնվում է ամիրի պալատը (دار الامارة), այնպես, ինչպես Առանի ամիրի պալատը Բարդայայում և Ադարբայջանի ամիրի պալատն Արդաբիլում»⁵: X դ. հեղինակ ալ-Մուկադդասին հաղորդում է, որ «Դաբիլը մեծ քաղաք է. այնտեղ [կան] անառիկ ամրոց և մեծ հարստություններ»⁶: Իսկ Իբն Հաուկալը տեղեկացնում է, որ Դվինը «Արմինիայի ամենամեծ քաղաքն է»⁷: Դվինի շուրջը, ըստ հայ և օտար հեղինակների՝ արաբները նոր ամրություններ կառուցեցին: Բալազուրին հաղորդում է, որ Աբդ ալ-Ազիզ իբն Հատամ իբն Նման ոստիկանը (705-709) «կառուցեց (խոսքը քաղաքի նոր ամրությունների կառուցման մասին է-Ա.Ե.) Դվին քաղաքը»⁸: Ղևոնդը վկայում է, որ ոստիկան «Աբդու-

¹ Տե՛ս **Ղազար Փարպեցի**, էջ 320: Տե՛ս նաև է. **Դանիելյան**, Հայաստանի քաղաքական պատմությունը..., էջ 157:

² Տե՛ս «Աշխարհացոյց Մովսեսի Խորենացոյ», էջ 33-34: Տե՛ս նաև Բ. **Հարությունյան**, Հայաստանն ըստ «Աշխարհացոյց»-ի և այլ աղբյուրների, քարտեզ:

³ Տե՛ս **M. Ghazarian**, նշվ. աշխ., էջ 71:

⁴ Տե՛ս **Ղևոնդ**, էջ 166: Պատմիչը հաղորդում է, որ Մուլեյման ոստիկանը (788-790) նստում էր Պարտավում:

⁵ **Al-Istakhri**, էջ 188:

⁶ **Al-Moqaddasi**, էջ 377:

⁷ **Ibn Haukal**, էջ 342:

⁸ Տե՛ս بلاءدري I, էջ 242:

Ազիզն...շիներ վերստին զքաղաքն Դուին, հզօրագոյն և ընդարձականիստ մեծութեամբ քան զառաջինն, և ամրացուցանէր դրամբք և դռնափակօք, անցուցանէր շուրջ զպարսպովն պարկէնս փոսից լցեալ ջուր յապաստան ամրոցին»¹:

Ալբակ: Ըստ Իբն Խորդադեբի՝ Ալբակը գտնվում էր Արմինիայում²: Համապատասխանում է հայկական Աղբակին: Հայտնի է, որ գոյություն ունեին Աղբակ անունը կրող երկու գավառներ, որոնցից մեկը՝ Մեծ Աղբակը, մտնում էր Վասպուրականի, իսկ մյուսը՝ Փոքր Աղբակը՝ Կործայքի մեջ³: Ըստ երևույթին, հնում գոյություն է ունեցել մի ամբողջական գավառ՝ Աղբակ անունով, իսկ հետագայում, ավատատիրական հարաբերությունների առաջացման և զարգացման հետևանքով, այն տրոհվել է երկու մասի: Մեծ Աղբակը տարածվում էր Մեծ Զաք գետի վերին հոսանքի կամ Աղբակ գետի ավազանում՝ կենտրոն ունենալով Հադամակերտը (այժմ՝ Բաշ-կալե)⁴, իսկ Փոքր Աղբակը, որի տեղադրությանն անդրադարձանք վերը, գտնվում էր Մեծ Աղբակից հարավ:

Սիրաջ-Թայր: Այս անվան բաղադրիչներն ուսումնասիրողների կողմից ճշտորեն նույնացվել են Շիրակին և Տայքին⁵: Վերջիններս մեկ կապակցության մեջ մշելը, ըստ երևույթին, պայմանավորված է դրանց՝ մեկ նախարարական տոհմի պատկանելու փաստով: Շիրակին, Աշոցքին, Տարոնին ու Տայքին Բագրատունիները տիրեցին 774-775 թթ. ազգային-ազատագրական պատերազմից հետո, երբ քաղաքական ասպարեզից հեռացան մի շարք խոշոր նախարարական տներ, այդ թվում՝ Կամսարականները, իսկ Մամիկոնյանները կորցրեցին նախկին կշիռը: Աշոտ Մսակեր Բագրատունին (790-826) պայքարի մեջ մտավ արաբ Ջահապի հետ, որը, ամուսնացած լինելով 775 թ. Արծնիի ճակատամարտում զոհված Մուշեղ Մամիկոնյանի դստեր հետ, նույնպես հավակնություններ ուներ այդ տարածքների նկատմամբ: Բագրատունիները հաղթեցին այդ պայքարում ու տիրեցին հիշյալ շրջաններին⁶: Բացի այդ, Աշոտ Մսակերը Կամսարականների մնացորդներից գնեց Արշարունիք գավառը⁷: Պետք է մշել, որ, դատելով «Քարթլիի մատյանի» մի հիշատա-

¹ Ղևոնդ, էջ 36:

² Տես *Ibn Khordadbeh*, էջ 123:

³ Տես «Աշխարհացոյց Մովսեսի Խորենացւոյ», էջ 32:

⁴ Տես *Ն. Աղոնց*, Հայաստանը Հուստինիանոսի դարաշրջանում, էջ 254: *Ս. Երեմյան*, Հայաստանը ըստ «Աշխարհացոյց»-ի, էջ 33:

⁵ Տես *Բ. Խալաթյան*, մշվ. աշխ., էջ 27, ծանոթ. 3, *Ս. Շլեպյան*, մշվ. աշխ., էջ 54, 64, ծանոթ. 4 և *Ա. Тер-Геворджян*, մշվ. աշխ., էջ 42:

⁶ Տես Վարդան վարդապետ, էջ 83:

⁷ Տես *Ասողիկ*, էջ 106:

կությունից, Տայքի Արսեաց փոր գավառը կարճ ժամանակով դարձել էր Կղարջքուն հանգրվանած հայ Բագրատունիների ճյուղի տիրույթը: «Քարթլիի մատյան»-ը, պատմելով այն մասին, թե ինչպես է Լևոն իշխանը Ափխազքը դուրս բերում բյուզանդական տիրապետությունից և հիմնում Ափխազական թագավորությունը, գրում է, որ 774-775թթ. ապստամբությունից հետո Կղարջքուն ապաստանած հայ Բագրատունիների շառավիղ Ատրներեսի Բագրատունին այդ ժամանակ տիրում էր ի թիվս այլ գավառների, նաև «Ասիսփորի»-ին¹, որն, անկասկած, նույնական է Արսեաց փոր գավառին: Տայքը, կազմելով Արմինիա ոստիկանության մաս, իր լեռնային տեղանքի պատճառով հուսալի հեմակետ էր հանդիսանում արաբներից դժգոհ հայ նախարարների համար: Արաբական տիրապետության ժամանակաշրջանում Բյուզանդիայից օգնություն ստանալու հույսով Տայքում հաճախ էին ապաստանում հայ ապստամբները: Այսպես 703 թ. Վարդանակերտի կռվից հետո և 747-750 թթ. ապստամբության ժամանակ հայ նախարարները հեռանում են Տայքի ամրությունները, որպեսզի կապ հաստատեն բյուզանդական զորքերի հետ, «որք էին ի կողմանս Պոնտոսի»²:

Քաղրավանդ: Նույնական է հայկական Բագրևանդին, որը համապատասխանում է ներկայիս Ալաշկերտի դաշտին³: Արաբական տիրապետության շրջանում այդ գավառը պատկանում էր Մամիկոնյաններին, իսկ Աշոտ Բագրատունուց սկսած (Յայոց սպարապետ՝ 855 թ.-ից, իշխանաց իշխան՝ 862 թ.-ից)՝ Բագրատունիներին: Վարդան Արևելցին, պատմելով Բուղայի կողմից գերի տարված իշխաններին բաժին հասած դառը ճակատագրի մասին, հաղորդում է, թե նրանցից մեկը՝ Գրիգոր Մամիկոնյանը, «արիաբար պահեալ զհաւատն ելանէ 'ի բանտէն, և գայ մտանէ 'ի գաւառն իւր Բագրևանդ»: Սակայն, նա շուտով վախճանվում է: Օգտվելով դրանից՝ Աշոտ Բագրատունին նրա գլուխը կտրում, ուղարկում է ոստիկանին, հաղորդելով թե նա կամենում էր անցնել Բյուզանդիա, իսկ ինքը մարդ է ուղարկել նրա ետևից ու սպանել տվել: Ի պատասխան, ոստիկանը դիմում է խալիֆային ու վերջինիս հրամանով Աշոտին հանձնում Բագրևանդ գավառը⁴:

Նաշավար: Համապատասխանում է հայկական Նախճավանին⁵: Այն Հայաստանի նշանավոր քաղաքներից էր: Ղևոնդի մի հաղորդումից

¹ Տե՛ս «Матияне Картлиса», էջ 28:

² Ղևոնդ, էջ 123:

³ Տե՛ս Ս. Երեմյան, Հայաստանը ըստ «Աշխարհացոյց»-ի, էջ 42:

⁴ Տե՛ս Վարդան վարդապետ, էջ 87:

⁵ Տե՛ս Մ. Ghazarian, նշվ. աշխ., էջ 77:

երևում է, որ արդեն VIII դ. սկզբին այստեղ արաբները մեծաքանակ կայազոր էին պահում: Պատմիչը հաղորդում է, որ հայ նախարարներից ոմանք այդ ժամանակ փորձում էին հեռանալ Բյուզանդիա, բայց «գորքն Իսմայելի, որ էին ի Նախջալան քաղաքի՝ յարձակեցան զկնի նոցա»: Ըստ Ղևոնդի՝ նրանք թիվն անցնում էր հինգ հազարից¹: Նախճավանով էր անցնում Դվին-Մարանդ-Թավրիզ ճանապարհը, որով Արմինիայի վաճառականներն առևտուր էին անում խալիֆայության տարբեր երկրամասերի հետ:

Քիսալ: Ըստ Իբն Խորդադեբեհի՝ Քիսալը գտնվում էր Արմինիայում²: Ա. Տեր-Ղևոնդյանն այն նույնացնում է հայկական Քասաղին³, իսկ Ջ. Բունիաթովը՝ ներկայիս Ղազախին⁴:

Բալազուրին, նկարագրելով արաբների 655 թ. արշավանքը դեպի Հայաստան ու Այսրկովկասյան երկրներ, հստակորեն նշում է, որ այն տեղի ունեցավ երկու ուղղությամբ: Հաբիբ իբն Մասլամայի գորքերը նվաճեցին Հայաստանն ու Վիրքը, իսկ Սալման իբն Ռաբիայի գորքերը՝ Սասանյանների տիրապետության շրջանի Աղվանից մարզպանության տարածքները: Այն փաստը, որ Քիսալը գրավեցին Հաբիբի ուժերը⁵, ցույց է տալիս, որ Ջ. Բունիաթովի տեսակետը սխալ է, քանի որ Ղազախի շրջանը՝ մաս կազմելով Ուտիքի, նախկինում մտնում էր Աղվանից մարզպանության մեջ, ուստի և պետք է գրավված լիներ Սալմանի կողմից: Հավանական ենք համարում Ա. Տեր-Ղևոնդյանի նույնացումը, քանի որ դրա օգտին է խոսում Բալազուրիի կողմից Հաբիբ իբն Մասլամայի նվաճումների նկարագրության՝ աշխարհագրական հերթականությամբ կատարված լինելու իրողությունը: Պատմիչը նշում է, որ նախքան Քիսալը Հաբիբը նվաճել էր Սյունիքը, իսկ Քիսալից հետո՝ Խունանը (Հունարակերտ) և Սամցխեն⁶: Քասաղ ավանը նույնական է ներկայիս Ապարան քաղաքին⁷:

Խուլայյ: Հայկական Հեր քաղաքն է: Նույնական է ներկայիս Խոյին:

Այսպիսով՝ Երրորդ Արմինիայի հարավային սահմանագիծը Ղարադաղի (Հայկական) լեռների ջրբաժանով շարժվում էր դեպի արևմուտք, անցնում Քասաբե լեռան շրջանով ու Միշոուդաղ լեռնաշղթայի գագաթնագծով հասնում Ուրմիո լճին: Այդ հատվածում Երրորդ Արմինիայի

¹ Ղևոնդ, էջ 24:

² Տե՛ս Ibn Khordadbeh, էջ 123:

³ Տե՛ս Ա. Տեր-Ղևոնդյան, Հայաստանը VI-VIII դարերում, էջ 79:

⁴ Տե՛ս Յ. Буниятов, նշվ. աշխ., էջ 172:

⁵ Տե՛ս بلذري, I, էջ 239:

⁶ Տե՛ս بلذري, I, էջ 239:

⁷ Տե՛ս Ա. Երեմյան, Հայաստանը ըստ «Աշխարհացոյց»-ի, էջ 89:

կազմում ընդգրկված էին Վասպուրականի արևելյան գավառներն ու Պարսկահայքի Ջարևանդ և Հեր գավառները: Այնուհետև Ուրմիո լճի արևմտյան ափագծով սահմանագիծն իջնելու էր մինչև ներկայիս Բարանդուզ-չայ գետը, որի հունով ընթանալու էր դեպի արևմուտք և սկզբում Կորդվաց լեռների հարավակողմով, իսկ հետո, մոտավորապես այսօրվա թուրք-իրաքյան սահմանագծով, հասնելու էր Խաբուր գետին: Այնուհետև սահմանը Ջերմ(Բոհտան) գետի հարավային ջրբաժանով հասնելու էր Ջերմ գետին, որտեղից բարձրանալու էր դեպի հյուսիս, հավանաբար, ներկայիս Գյոզալդարա և Խիզան-սու գետերի ջրբաժանով, որով երրորդ Արմինիան արևմուտքում սահմանակցում էր Չորրորդ Արմինիայի մեջ մտնող արաբական Ջուրարա ցեղի տիրույթներ հանդիսացող Աղծմին(Արզն) ու Բաղեշին¹:

Չորրորդ Արմինիա²: Ընդգրկում էր Տուրուբերանը, Բարձր Հայքն ու Ծոփքը՝ բացառությամբ վերջինների մերձեփրատյան գավառների, ինչպես նաև, սկսած VIII դ. վերջից, Աղծմիքի հյուսիսարևմտյան գավառները:

Չորրորդ Արմինիան սերտորեն կապված էր արաբա-բյուզանդական սահմանային ամրությունների գոտու(սուղուր) հետ: Յակուտը հաղորդում է, որ բոլոր տարածքները, որոնք հարևան են Բյուզանդիային և որտեղից կատարվում են արշավանքները դեպի այդ երկիրը, կոչվում էին սուղուր³: Այն ձևավորվել էր արաբա-բյուզանդական անընդհատ պատերազմների ընթացքում և տարածվում էր Միջերկրական ծովի ափերից մինչև Բարձր Հայքի Կամախ քաղաքը: Սահմանային ամրությունների գոտին բաղկացած էր երկու մասից՝ Կիլիկիայի(Ասորիքի

¹ Տե՛ս Ս. Երեմյան, Մեծ Հայքը ըստ «Աշխարհացոյց»-ի, քարտեզ, Բ. Հարությունյան, Հայաստանն ըստ «Աշխարհացոյց»-ի և այլ աղբյուրների, քարտեզ, Հայկական լեռնաշխարհ և հարակից շրջաններ, ֆիզիկական քարտեզ:

² Ամենայն հավանականությամբ, արաբ հեղինակների երկերում Չորրորդ Արմինիա անունով Հայաստանի այդ հատվածի հանդես գալը Հայաստանի՝ վաղ ժամանակներում գոյություն ունեցող վարչական բաժանման արձագանքն էր: Հովհան Մամիկոնյանը, խոսելով Հայաստանի այն հատվածի մասին, ուր Գրիգոր Լուսավորչի կողմից բերվել ու ամփոփվել էին քրիստոնեական սրբերի, այդ թվում՝ սբ. Կարապետի և այլոց նշխարները, և որտեղ գտնվում էր Ինճակնեան վանքը, հաղորդում է, թե «է սա երկիրս Հայոց ի չորրորդ բաժինս և յերկրորդ Հայոց աւարտինս, ի լերինն որ կոչի Տաւրոս, և հատանէ անցանէ մինչ ի դրունս Պալիաւայ պարսից: Եւ առ սովաւ բնակի երկիրս Մամիկոնէից» (տե՛ս **Հովհան Մամիկոնյան**, էջ 35-36): Խոսքն այստեղ, մասնավորապես, Տարոնի մասին է, որտեղ գտնվում էին սբ. Կարապետ և Ինճակնեան վանքերը և որին Մամիկոնյանները, ըստ պատմահոր՝ տիրում էին դեռևս Տրդատ Մեծի ժամանակներից (տե՛ս **Մովսես Խորենացի**, էջ 276-278): Այս վկայությունը, հասկանալի է, չի վերաբերում «Աշխարհացոյց»-յան Չորրորդ Հայքին, որը Ծոփքն է (տե՛ս «Աշխարհացոյց Մովսեսի Խորենացույ», էջ 30):

³ Տե՛ս Jacut, I, էջ 927:

սահմանային ամրություններ) և Միջագետքի(Ջազիրայի սահմանային ամրություններ): Վերջինի կազմում ընդգրկված էին Բարձր Հայք ու Ծոփք աշխարհների արևմտյան գավառները և Փոքր Հայքի հարավային հատվածը՝ Մալաթիա քաղաքով¹:

Զորորդ Արմինիայի մեջ էին մտնում Կարնո քաղաքը(արաբ. Կալիկալա) Բարձր Հայքում և Արշամաշատ քաղաքը(արաբ. Շիմշաթ)՝ Ծոփքում: Վերջիններս, սահմանային ամրությունների գոտու կազմի մեջ մտնող Մալաթիայի և Կամախի հետ, կարևորությամբ առաջնային հենակետեր էին արաբների համար: Աղբյուրներում բազմաթիվ տեղեկություններ են պահպանվել այն մասին, որ բյուզանդացիներն անընդհատ արշավում էին սահմանային ամրությունների գոտի, գրավում ու ավերում էին դրա քաղաքներն ու ամրությունները, բնակչությանը գերեվարում ու նահանջում, իսկ արաբները վերականգնում էին դրանք, նոր ամրություններ կառուցում և նոր արաբ վերաբնակիչներ բերում²: Բալագուրին տեղեկացնում է, որ Կամախ քաղաքը մի քանի անգամ ձեռքից ձեռք էր անցել³: Սահմանային ամրությունների գոտում արաբների կարևորագույն հենակետը Մալաթիան էր: Այն արաբական զորքերի՝ դեպի Բյուզանդիա կատարվող ամառային արշավանքների ելակետն էր և, հաճախ դառնալով բյուզանդական հարձակման թիրախ, ավերվում էր⁴: Արաբական աղբյուրներում հիշատակվող Անձիտ գավառում, որը սահմանային ամրությունների գոտու մաս էր կազմում⁵, գտնվում էին Անձիտ և Խարբերդ(Հիսն Ջիյադ) բերդերը⁶:

Կալիկալա: Կարնո քաղաքն է, որը Բյուզանդիայի դեմ պայքարում արաբների համար կարևորագույն հենակետերից էր: Բալագուրին հաղորդում է, որ Կարնո քաղաքը գրավել էր Հաբիբ իբն Մասլաման և, ելնելով Բյուզանդիայի դեմ մղվող պայքարում նրա կարևոր ռազմավարական դիրքից, այնտեղ վերաբնակեցրել մեծ թվով արաբների⁷:

Շիմշաթ: Զորորդ Արմինիայի կազմում ընդգրկված էր նաև Շիմշաթը (Արշամաշատ): Դատելով Բալագուրիի և Իբն Խորդադեբեհի տեղեկություններից՝ այն իր շրջակայքով Արմինիայի կազմում վարչական-

¹ Արաբա-բյուզանդական սահմանային ամրությունների գոտու մանրամասն քննությունը տես՝ Ա. Տեր-Ղևոնդյան, Արաբական սահմանային ամրությունների գոտին (Սուրիոր), «ՊԲՀ», 1981, թիվ 2, էջ 134-149:

² Տես Ղևոնդ, էջ 129-130, Սամվել Անեցի, էջ 89, 92, بلذري, I, էջ 236:

³ Տես بلذري, I, էջ 219-220:

⁴ Անդ, էջ 221:

⁵ Տես Jacut, IV, էջ 993:

⁶ Անդ, II, էջ 276, 417:

⁷ Տես بلذري, I, էջ 234:

րեն առանձին միավոր էր համարվում և ուներ առանձին զինվորական կառավարիչ¹:

Անդրադառնալով Արմինիա ոստիկանության և սահմանային ամրությունների գոտու միջև սահմանագծին՝ նշենք, որ արաբական աղբյուրները, ինչպես տեսանք, բավական հաճախ են անդրադարձել այդ գոտում գտնվող Կամախին: Յակուտը հաղորդում է, թե Ճուփքի Անձիտ գավառը ևս մտնում էր այդ գոտու մեջ²: Իսկ վերջինի հարևանությամբ գտնվող Արշամաշատ քաղաքը մաս էր կազմում Արմինիա ոստիկանության: Աշխարհագրական առումով սահմանային ամրությունների գոտու մեջ պետք է մտնեին նաև Անձիտ գավառի և Կամախ քաղաքի միջև գտնվող Ճուփքի և Բարձր Չայքի գավառները՝ Գավրեքը, Ճուփք(Ճուփք Շահունի), Դեգիքը, Մուզուրը և Դարանաղիի հարավային մասը³: Ամենայն հավանականությամբ՝ Արմինիա ոստիկանության սահմանագիծը սահմանային ամրությունների գոտու հետ հարավից հյուսիս անցնելու էր սկզբում Արդնիի լեռներով, այնուհետև Արշամաշատ քաղաքի արևմտակողմով, ապա Արածանի գետի հունով և Մնծուր(Մուզուր) ու Խոզաթ գետերի ջրբաժանով: Հետո սահմանագիծը հաղթահարելու էր Մնծուր լեռներն ու դուրս էր գալու Կամախի շրջակայքը: Ելնելով Կամախի մեծ կարևորությունից՝ Մնծուր լեռների՝ նրանից դեպի արևելք ձգվող հատվածը ևս պետք է ընդգրկված լիներ սահմանային ամրությունների գոտու մեջ:

Դերջան: Դատելով Սեբեոսի մի վկայությունից՝ Կամախից դեպի արևելք՝ Արմինիայի և Բյուզանդական կայսրության սահմանին էր գտնվում Դերջան քաղաքը: Երբ ի հետևանս Թեոդորոս Ռշտունու և Մուսվիհայի միջև կնքված 652 թ. պայմանագրի Կոստաս Բ կայսրը (641-668) նույն թվականին արշավեց դեպի Չայաստան և «իբրև եհաս ի Դերջան, ընդ առաջ եղեն նմա արք իսմայելացիք և մատուցին նմա թուղթ յիշխանեն իւրեանց, որ էր գրեալ այսպէս, թե «Չայք իմ են, անդ մի՛ երթար. ապա թէ երթաս՝ ես գամ ի վերայ քոյ, և առնեն զքեզ որ անդրէն փախչել ոչ կարես»⁴: Անհրաժեշտ է նշել, որ հայ-արաբական պայմանագրում, ամենայն հավանականությամբ, որոշակիորեն պետք է արձանագրվեին հարկատու դարձող երկրի սահմանները: Ուստի՝ այն փաստը, որ Բյուզանդիայի կայսրն արաբներից վերջնագիր ստացավ այն

¹ Անդ, էջ 220, 240, **Ibn Khordadbeh**, էջ 122:

² Տե՛ս **Jacut**, IV, էջ 993:

³ Տե՛ս **Ա. Տեր-Ղևոնդյան**, Արաբական սահմանային ամրությունների գոտին (Մուզուր), էջ 141:

⁴ **Սեբեոս**, էջ 165:

Ժամանակ, երբ հասավ Դերջան, ցույց է տալիս, որ արաբներին հարկատու Դայաստանի հատվածի և Բյուզանդական կայսրության միջև սահման էր ճանաչվել Դերջանը: Այս տեսակետի համաձայն՝ Արմինիայի սահմանագիծը Բյուզանդիայի հետ Կամախից արևելք անցնելու էր Եփրատ գետով մինչև Դերջան և, հետո, այդ քաղաքից հյուսիս գտնվող լեռների ջրբաժանով՝ դեպի արևելք: Այնուհետև, ամենայն հավանականությամբ, սահմանագիծը դեպի հյուսիս անցնելու էր Կոփա (Կապույտ) լեռների արևելյան մասի և ներկայիս Աղբաբա լեռան միջով, հատելու էր ճորոխ գետը և ճորոխի լեռնաշղթայի ջրբաժանով հասնելու էր Չորմայրի լեռան շրջանը: Այստեղից սահմանագիծը դեպի հյուսիս էր շարժվելու Տայքի և Բարձր Դայքի սահմանով, այսինքն՝ Սպեր քաղաքի արևելակողմով շարժվելով դեպի հյուսիս, անցնելով ճորոխ գետն ու հասնելով Պարխարյան լեռների Վերջնբակ գագաթին¹:

Չորրորդ Արմինիայի ռազմավարական մեծ նշանակությամբ էր պայմանավորված նրա տարածքում արաբական տարրի վերաբնակեցումը, որի համար նախատեսված էր վճռական դեր խաղալ սահմանային գոտում արաբա-բյուզանդական անընդհատ բախումներում:

Սասուն: Չորրորդ Արմինիան հարավում սահմանակցում էր Ջազիրա ոստիկանության Դիար Բաքր երկրամասի հետ, որի կազմում ընդգրկված էր Մեծ Դայքի Աղծնիք աշխարհի մեծ մասը: Արաբական առաջին արշավանքների շրջանում Ամիդի շուրջը հաստատված արաբական Բաքր ցեղախումբը զավթեց Աղծնիքը, որի անունից այս շրջանը կոչվեց Դիար Բաքր²: Սակայն, Աղծնիքի հյուսիսային լեռնային շրջանները և, հատկապես, Սասունը, որն ընդգրկում էր Աղծնիքի Սանասունք և Սալմո ծոր գավառների տարածքները³, գտնվելով հանդերձ Դիար Բաքրի կազմում, կիսանկախ վիճակ էր պահպանում, և հաճախ մի փոքրիկ ճնշումը բավական էր լինում, որպեսզի ընդվզեր տեղի ազատասեր հայությունը, ինչպես տեղի ունեցավ 749-752թթ.⁴: Այս ապստամբությունն այն նշանակությունն ունեցավ, որ դրանից հետո Սասունն աստիճանաբար առանձնացավ Ջազիրայից և միացավ Արմինիա ոստիկանությամբ: Արաբ հեղինակների տեղեկություններից երևում է, որ IX դ. առաջին կեսին արդեն Սասունը վարչականորեն Արմինիա ոստիկանության կազմի մեջ էր մտնում: Աբու Սաիդ (Աբուսեթ) ոստիկանի սպանու-

¹ Տես Ս. Երեմյան, Մեծ Դայքը ըստ «Աշխարհացոյց»-ի, քարտեզ:

² Տես Ս. Տեր-Ղևոնդյան, Արաբական ամիրայությունները..., էջ 52:

³ Տես Ս. Երեմյան, Դայաստանը ըստ «Աշխարհացոյց»-ի, էջ 79:

⁴ Տես Ս. Տեր-Ղևոնդյան, Սասունի 749-752 թվականների անհայտ ապստամբությունը խալիֆայության դեմ, «ՊԲՀ», 1971, թիվ 3, էջ 196-202:

թյան առիթով Իբն ալ-Ասիրը սասունցիներին պարզապես կոչում է «Արմինիայի ժողովուրդ»¹: Նույնպիսի տեղեկություն է հաղորդում նաև Իբն Մասկավայը²: Անհրաժեշտ է նշել, որ ոստիկանի սպանության դրդապատճառը նրա կողմից Տարոնի Բագարատ Բագրատունի իշխանի գերեվարությունն էր: Բագարատը, հավանորեն, այդ ժամանակ տիրում էր Սասունին, որը միացվել էր VIII դ. վերջին Բագրատունյաց տիրույթ դարձած Տարոնին: Համեմայնդեպս, Թովմա Արծրունու՝ այս ապստամբության մասին պատմածից երևում է, որ լեռնային այդ շրջանը մտնում էր Բագարատ Բագրատունու տիրույթների մեջ: Պատմիչը հաղորդում է, որ «յայնժամ բնակիչք լերինն իբրև տեսին, թե վարեցաւ իշխանն(ինձա՛ Բագարատը-Ա.Ե.) ի գերութիւն, ինքեանք պատրաստեալ են զնոյն փառշմանն կրել զոր դաշտայինքն կրեցին:...Եւ անդէն իսկ և իսկ փութացաւ, եհաս զուժկան առ թագաւորն, եթէ սպանաւ զօրավարն քո և ապստամբեաց ի պետութենէ քումնէ աշխարհն Հայոց»³: Պարզվում է, որ այդ ժամանակ Տարոնը և Սասունը կազմում էին Բագարատի մեկ միասնական տիրույթի երկու՝ դաշտային և լեռնային հատվածները:

Արզն և Բաղեշ: Ուսումնասիրողներն Արմինիայի կազմի մեջ ներառում են նաև Արզնը(Աղծն) և Բաղեշը⁴: Այդ են ցույց տալիս աղբյուրներում պահպանված տեղեկությունները:

Իբն ալ-Ասիրը հաղորդում է, որ IX դ. կեսերին ոստիկանի դեմ ապստամբած Արմինիայի իշխանների թվում էր նաև Արզնի տեր Մուսա իբն Ջուրարան, որը Բագարատ Բագրատունու փեսան էր⁵: Նա, ըստ Թովմա Արծրունու՝ «տիրէր...Արզնայ և ներքոյ կողմանն Աղծնեաց մերծ ի սահմանս Տարունոյ»⁶: Նա տիրում էր նաև Բաղեշին⁷: Իբն ալ-Ասիրը հաղորդում է, որ, երբ Մուտավաքիլ խալիֆան Բուղային ուղարկեց Սասունի ապստամբությունը ճնշելու, վերջինս սկզբում Մոսուլի և Ջազիրայի վրայով հարձակվեց Մուսա իբն Ջուրարայի վրա⁸: Այսինքն, ըստ պատմիչի՝ Մուսայի տիրույթ Արզնը Ջազիրայի կազմում չէր: Ուստի և պատահական չէ, որ Յակուտն Արզնն ու Բաղեշը Արմինիայի մաս է

¹ Տե՛ս ابن الاثير, V, էջ 288:

² Տե՛ս **Իբն Մասկավայ.- Բ. Խալաթյանց**, մշվ. աշխ., էջ 77:

³ Տե՛ս **Թովմա Արծրունի և Անանուն**, էջ 190:

⁴ Տե՛ս **Ս. Շլեսայան**, մշվ. աշխ., էջ 49-52, **Ս. Երեմյան**, Հայաստանը և հարևան երկրները 855-953թթ., քարտեզ, **А. Тер-Гевондян**, մշվ. աշխ., էջ 156, նույնի՝ «Армения в I половине IX в.» քարտեզը(անդ, էջ 168) և այլն:

⁵ Տե՛ս ابن الاثير, V, էջ 288:

⁶ Տե՛ս **Թովմա Արծրունի և Անանուն**, էջ 172:

⁷ Անդ, էջ 174-176: Տե՛ս նաև بلاذري, I, էջ 248, يعقوبي, II, էջ 489:

⁸ Տե՛ս ابن الاثير, V, էջ 288-289:

համարում¹: Նույնն են վկայում նաև մյուս արաբ հեղինակները: Բալազուրին տեղեկացնում է, որ Բուղան, գալով Արմինիա, Բաղեշում ձերբակալեց Մուսա իբն Ջուրարային²: Իբն Մասկավայը հաղորդում է, որ Բուղան Արմինիայում ծագած ապստամբության ճնշումը սկսեց Արզնից՝ ձերբակալելով Մուսային³: Իսկ Թաբարին պատմում է, որ Բուղան Միջագետքից ներխուժեց Արմինիա և, առաջին հերթին, Արզնում ձերբակալեց Մուսային⁴: Այս հաղորդումները խոսում ապացույցներն են այն իրողության, որ Արզնն ու Բաղեշը Արմինիայի մեջ էին մտնում: Այդ են ցույց տալիս նաև Թովմա Արծրունու վկայությունները: Պատմիչը հաղորդում է, որ Աբուսեթն Արմինիայից հեռանալիս ոստիկանի լիազորությունները, այդ թվում նաև հարկահավաքությունը, հանձնեց Մուսա իբն Ջուրարային (ըստ Թովմայի՝ Ջօրահա)⁵: Սա ևս նշանակում է, որ Տարոնին, ինչպես նաև Սասունին հարևան Ջուրարայի տիրույթներն այդ ժամանակ Արմինիայի մեջ էին մտնում: Այլապես հազիվ թե Աբուսեթը Ջազիրայի իշխաններից մեկին հանձներ Արմինիայի ոստիկանի լիազորությունները, այն պայմաններում, երբ Արմինիայի տարբեր մասերում հաստատված արաբական ծանրակշիռ գաղութներ գոյություն ունեին, քանզի հայտնի է, որ Արմինիայի ոստիկանները հաճախ լինում էին Արմինիայում հաստատված արաբական ցեղախմբերից⁶: Թովմա Արծրունին, այնուհետև, պատմելով հայոց 306 թ.(857) իրադարձությունների մասին, հաղորդում է, թե Վասպուրականի իշխան Գուրգենը «օր ըստ օրէ աճէր զօրութեամբ ի բազում քան թէ ի սակաւ տեղիս, զոր ի Տարօն և զԱնձաւացիս և զոր յԱրզն»⁷: Այսինքն՝ նրա ազդեցությունը տարածվում էր նաև Արզնի վրա, որտեղ իշխող արաբական Ջուրարատունը ծանր հարված էր ստացել Բուղայից: Արզնի՝ Արմինիայի մեջ մտնելու օգտին է խոսում պատմիչի ևս մեկ վկայությունը, թե Արզնի իշխանը և նրա բանակն ակտիվորեն մասնակցում էին հայ նախարարների միջև վեճերին ու ռազմական գործողություններին⁸:

Բաղեշը Տուրուբերան աշխարհի մեջ էր մտնում և սահմանակից էր Աղձնիքին⁹, իսկ Արզնը մտնում էր վերջինի կազմի մեջ¹⁰: 591 թ. բաժան-

¹ Տե՛ս Jacut, I, էջ 205, 526:

² Տե՛ս بلانزي, I, էջ 248:

³ Տե՛ս **Իբն Մասկավայ,-խալաթյանց Բ.**, նշվ. աշխ., էջ 78:

⁴ Տե՛ս طبري, VI, էջ 45:

⁵ Տե՛ս Թովմա Արծրունի և Անանուն, էջ 172:

⁶ Տե՛ս **А. Тер-Геворядян**, նշվ. աշխ., էջ 274-285:

⁷ Տե՛ս Թովմա Արծրունի և Անանուն, էջ 324:

⁸ Անդ, էջ 332:

⁹ Տե՛ս «Աշխարհացոյց Մովսեսի Խորենացւոյ», էջ 31:

¹⁰ Անդ, էջ 30:

ման ժամանակ Աղծնիքն ու Տուրուբերանը անցան Բյուզանդիային, իսկ արաբական տիրապետության օրոք մտան՝ առաջինը՝ Ջազիրայի, իսկ երկրորդը՝ Արմինիա ոստիկանության մեջ: Արզնի՝ Ջազիրա ոստիկանության մեջ գտնվելու դեպքում Մուսայի տիրույթները, փաստորեն, գտնվելու էին երկու տարբեր ոստիկանությունների կազմերում, ինչն անհավանական է: Բազարատ Բագրատունին, որը տիրում էր, ի թիվս այլ շրջանների, նաև Սասունին ու Տարոնին, Բաղեշի վերաբերմամբ նկրտումներ չուներ: Երբ նա Մուսային պարտության մատնեց ու պաշարեց Բաղեշը, հետո հեշտությամբ այն թողեց նրա ձեռքում՝ զիջելով իր քրոջ(որը Մուսայի կինն էր) խնդրանքին¹: Մեր կարծիքով, եթե Մուսայի տիրույթներն այդ ժամանակ Ջազիրայի մեջ լինեին, ապա հազիվ թե Բագարատը նրան զիջեր Արմինիայի կազմում գտնվող այնպիսի մի կարևորագույն հենակետ, ինչպիսին էր Բաղեշը:

Դատելով վերոասացյալից՝ կարծում ենք, որ Արմինիայի կազմում ընդգրկված էր Արզնը: Մեր կարծիքով, Արմինիայի մեջ մտնելու էր ոչ թե Արզն գավառի ողջ տարածքը, որը հարավում տարածվում էր մինչև Տիգրիս գետ², այլ դրա հյուսիսային լեռնային հատվածը՝ Արզն քաղաքով: Դատելով բնաշխարհագրական պայմաններից՝ Արմինիայի մեջ էին մտնելու նաև Սասունի, Արզն քաղաքի և Մոկքի միջև գտնվող Աղծնիքի լեռնային գավառները՝ Կեթիկը, Տատիկը, Ազնվաց ձորը, Երխեթքը և Գզեղխը³: Արմինիայի հարավային սահմանագիծը, ամենայն հավանականությամբ, Սասունից արևելք անցնելու էր Արզն քաղաքի հարավակողմով՝ Արմինիայի կազմում ներառնելով Հայկական Տավրոսի լեռնաբազուկները, ապա շարժվելու էր դեպի արևելք և հասնելու էր Ջերմ գետին՝ Սղերդ քաղաքի հյուսիսակողմում, քանի որ վերջինս մտնում էր Դիար Բաքրի մեջ⁴: Սկզբնաղբյուրներում տեղեկությունների բացակայության պատճառով դժվարանում ենք ասել, թե երբ են Արզնը, Բաղեշը և վերոհիշյալ գավառներն մտել Արմինիայի մեջ: Հայտնի է, սակայն, որ Աղծնիքի գավառներից ամենահյուսիսայինը՝ Սասունը, Արմինիայի մեջ էր մտել VIII դ. վերջին կամ IX դ. սկզբին: Ուստի՝ այդ գավառների մտնելն Արմինիայի մեջ չէր կարող տեղի ունենալ նախքան այդ իրադարձությունը, դեռ ավելին, ամենայն հավանականությամբ, տեղի էր ունեցել դրա հետ միաժամանակ:

¹ Տե՛ս Թովմա Արծրունի և Անանուն, էջ 172-176:

² Տե՛ս «Աշխարհացոյց Մովսեսի Խորենացւոյ», էջ 30: Տե՛ս նաև Ս. Երեմյան, Մեծ Հայքը ըստ «Աշխարհացոյց»-ի, քարտեզ:

³ Տե՛ս «Աշխարհացոյց Մովսեսի Խորենացւոյ», էջ 30-31, Ա. Արքահամյան, նշվ. աշխ., էջ 389: Տե՛ս նաև Ս. Երեմյան, Մեծ Հայքը ըստ «Աշխարհացոյց»-ի, քարտեզ:

⁴ Տե՛ս Jacut, II, էջ 636:

Բաջունայս: Ս. Շլեպչյանը, անդրադառնալով Արմինիա ոստիկանության սահմաններին և վարչական բաժանմանը, եկել է այն կարծիքին, որ արաբ հեղինակների հիշատակած Բաջունայսը համապատասխանում է հայկական Բզնունիք գավառին: Նա ելնում է այն իրողությունից, որ Բզնունիքն արաբական առաջին գաղութներից էր, ինչի պատճառով արաբ հեղինակներն այն անպայման հիշատակելու էին¹: Մ. Ղազարյանը Բաջունայսն առաջարկում է կարդալ Բահունիս ձևով, ինչը ցույց է տալիս դրա նույնությունն Ապահունիքի հետ²: Ա. Տեր-Ղևոնդյանը նույնպես, սակայն, հենվելով Վ. Մինորսկու տեսակետի վրա, հակված է դրա նույնացմանն Ապահունիք գավառին. «Բաջունայս տեղանունը բանասիրության մեջ որոշ թյուրիմացության տեղիք է տվել, ... բայց ավելի հավանական է..., որ դա պարզապես Ապահունիքն է: Բաջունայսը պետք է կարդալ առանց արաբական ջ-ի կետի, այսինքն Բահունայս (باحنيس) կամ Բահունիս(Ապահունիս), որտեղ սկզբի ա-ն ընկել է և այսպես էլ տարածվել է ամբողջ արաբական մատենագրության մեջ»: Իր այս տեսակետը հեղինակը հիմնավորում է նրանով, որ հենց Ապահունիքում էր գտնվում կայսիկներով վերաբնակեցված Մանագկերտ քաղաքը և, պարզ է, որ IX դ. արաբ մատենագիրները պետք է հաճախ խոսեին դրա մասին³: Այդ նույնացումը միանգամայն ընդունելի է:

Խլաթ և Արճեշ: Արաբ հեղինակները Չորրորդ Արմինիայի կազմում, ի թիվս այնպիսի կարևորագույն քաղաքների, ինչպիսիք էին Արշամաշատն ու Կարնո քաղաքը, հիշատակում են Խլաթն ու Արճեշը: Դրա պատճառն, ըստ երևույթին, այն է, որ այդ քաղաքներն արաբական առաջին գաղութներից էին: Դատելով Ղևոնդի վկայություններից, ինչպես կոտեսնենք, թե՛ Խլաթում և թե՛ Արճեշում նախքան Հարուն ալ-Ռաշիդ խալիֆայի օրոք(786-809) սկիզբ առած մեծ վերաբնակեցումն արդեն արաբական գաղութներ էին հաստատվել:

Արման: Ալ-Իսթախրին և Իբն Հաուկալը հաղորդում են, որ Արմինիա ոստիկանությունն արևմուտքում սահմանակցում էր Արման երկրի հետ⁴: Լեոն Արմանը նույնացնում է Փոքր Հայքին⁵: Անվանի հայագետն այստեղ, ըստ երևույթին, կրկնել է արաբ աշխարհագետների երկերի թարգ-

¹ Տես Ս. Շլեպչյան, նշվ. աշխ., էջ 74, ծանոթ. 1:

² Տես Մ. Ghazarian, նշվ. աշխ., էջ 74-75:

³ Տես Վ. Minorsky, Abu Dulaf, Cairo, 1955, էջ 77, Ա. Տեր-Ղևոնդյան, Հայաստանի վարչական բաժանումները ըստ արաբ աշխարհագետների, -Հայկական ՍՍՌ ԳԱ «Տեղեկագիր», 1961, թիվ 5, էջ 69:

⁴ Al-Istakhri, էջ 181, Ibn Haukal, էջ 331:

⁵ Տես Lbn, նշվ. աշխ., էջ 362:

ման Ն. Կարաուլովին¹: Մեր կարծիքով, արաբ հեղինակներն այդպես էին կոչում իր սահմաններում Փոքր Հայքի հյուսիսային հատվածը և բյուզանդական Առաջին Հայք, Երկրորդ Հայք, Պոնտոս ու Գամիրք նահանգներն ընդգրկող «Արմենիակ» բանակաթեմը²: Սա առավել ընդունելի տեսակետ է, քանի որ այդ ժամանակաշրջանում Արմինիա ոստիկանության արևմտյան սահմանին հիշյալ տարածքներից որպես վարչատարածքային միավոր ձևավորված էր հենց Արմենիակ բանակաթեմը: Բյուզանդական հեղինակ Կոստանդին Ծիրանածինը հաղորդում է, որ բանակաթեմի «Արմենիակների» անվանումը նրա «հատուկ անունը չէ...: Այդ հորջորջումն էլ հին չէ: Նա իր անունը պարտական է սահմանակից և տեղում ապրող հայերին: Ես ենթադրում եմ, որ այդ անունն ստացավ անցյալում, Հերակլ կայսեր ժամանակ»³:

«Արմենիակ» բանակաթեմը հիշատակում են նաև արաբ հեղինակները: Իբն Խորդադեբեհը հիշատակում է ալ-Արմանիակ թեմը (الارمنياق عمل), որտեղ գտնվում է Կուլունիա(Կողոնիա) բերդը և Խալդիայի (Խաղտիք) թեմը, որը սահմանակցում է Արմինիային⁴: Բալազուրին, խոսելով բյուզանդացիների տիրապետության տակ մնացած հայկական հողերի մասին, պատմում է, որ դրանք գտնվում են Արմանիակուսի իշխանի (صاحب ارمنياقس) կառավարման տակ⁵: Իսկ Յակուտը հաղորդում է, որ Բյուզանդական կայսրության նահանգներից մեկն էր Արմանիակը, որի ստրատեգոսը նստում էր Ամասիայում⁶:

Դատելով Երրորդ և Չորրորդ Արմինիաների քննության արդյունքներից՝ դրանք միմյանցից բաժանվելու էին Մեծ Հայքի Տուրուբերան աշխարհի՝ Վասպուրական և Այրարատ աշխարհների հետ ունեցած սահմանագծով, իսկ, այնուհետև, Բարձր Հայքի՝ Այրարատ և Տայք աշխարհների հետ ունեցած սահմանագծով: Սկսած Վանա լճի հյուսիսարևելյան ափերից՝ սահմանագիծն անցնելու էր Արճեշ քաղաքի արևելակողմով մինչև Ծաղկանց լեռնաշղթան, այնուհետև վերջինիս ջրբաժա-

¹ Տե՛ս **H. Kapayaoz**, նշվ. աշխ., թիվ 29, էջ 56-57, ծանոթ. 7:

² Այս բանակաթեմի մասին ավելի մանրամասն տե՛ս **Լեո**, նշվ. աշխ., էջ 401, ինչպես նաև էջ 748-749, ծանոթ. 113: Տե՛ս նաև **Ն. Աղոնց**, Հայաստանը Հուստինիանոսի դարաշրջանում, էջ 231. «Այն (իմա՝ Արմենիակ բանակաթեմը-Ա.Ե.) տարածվում էր Կապադովկյան Կեսարիայից մինչև Սև ծով՝ ընդգրկելով այն ամբողջ տարածությունը, որ ընկած էր Սինոպից մինչև Փասիս և Եփրատ՝ բացառյալ III Հայքը, որն այդ ժամանակ զբաղվել էին արաբները: Այդ ամբողջ լայնածավալ տարածությունը...մեծությամբ հավասար էր նախկին Կապադովկիայի, I և II Հայքի ու Պոնտոսի գավառներին միասին վերցրած...»:

³ **Կոստանդին Ծիրանածին**, էջ 167:

⁴ **Ibn Khordadbeh**, էջ 108:

⁵ Տե՛ս بلذري I, էջ 231:

⁶ Տե՛ս **Jacut**, II, էջ 865:

նով շարժվելու էր դեպի արևմուտք՝ Չորրորդ Արմինիայի կազմում թողնելով Ապահունիքը՝ Մանազկերտ քաղաքով, որից հետո շարժվելու էր հյուսիս և Բագրևանդ գետի հարավային ջրբաժանով ու Այծպտկունքի լեռներով ընթանալով՝ հասնելու էր Կարնո քաղաքի շրջանը, որը գտնվում էր Չորրորդ Արմինիայում: Կարինից հետո սահմանագիծը հարավից հյուսիս շարժվելու էր Եփրատ գետի վերին հոսանքի արևելյան ջրբաժանով, այնուհետև Թորթոմ(Ազորդ) գետի ակունքների շրջանում արևելքից արևմուտք ձգվող լեռների ջրբաժանով հասնելու էր Չորմայրի լեռանը, որից դեպի հյուսիս ընթանալու էր Սպեր քաղաքի արևելակողմով ու դուրս էր գալու ճորոխ գետի ափը: Հետո, հատելով Պարխարյան լեռները, սահմանագիծը հասնելու էր Վերջնբակ լեռանը¹:

Երրորդ և Չորրորդ Արմինիաների կազմերում հիշատակված շրջանների՝ այս կամ այն նախարարական տանը պատկանելու փաստից պարզվում է ևս մեկ կարևոր իրողություն: Արմինիայում, որպես վարչական բաժանման հիմք, արաբները տեսնում էին նաև նախարարական տիրույթների սահմանները: Այսպես՝ Վասպուրականը՝ հարակից մի շարք շրջաններով, գտնվում էր Արծրունյաց տան իշխանության ներքո, Շիրակը, Տայքն ու Բագրևանդը, ինչպես տեսանք, Կամսարականների՝ քաղաքական ասպարեզից հեռանալու և Մամիկոնյանների՝ թուլանալու հետևանքով անցել էին Բագրատունիներին, իսկ ինչ վերաբերում է Չորրորդ Արմինիայում հիշատակված շրջաններին, ապա Կարինն ու Շիմշատը գտնվում էին սահմանային ամրությունների գոտու անմիջական հարևանությամբ, իսկ մյուսներում կազմավորվել էին արաբական ամիրայություններ:

Ամփոփելով Արմինիայի վարչական բաժանման վերաբերյալ քննության արդյունքները՝ արձանագրենք, որ, փաստորեն, Արմինիա ուստիկանության կազմավորումը տեղի ունեցավ VIII դ. սկզբին, երբ Սուհամ-մադ իբն Մարվանը նվաճեց Հայաստանն ու Այսրկովկասյան երկրները՝ բացառությամբ Սև ծովի ափամերձ շրջանների: Հետագայում Արմինիայի սահմանն արևմուտքում փոփոխություններ կրեց, քանի որ բյուզանդական զորքերին հաջողվեց ետ գրավել Եգերքը, Ափշիլքն ու Ափխազքը:

Արմինիա ուստիկանությունն իր կազմում ընդգրկում էր Սասանյանների տիրապետության շրջանի Հայոց, Վրաց և Աղվանից մարզպանությունների տարածքները, ինչպես նաև Բյուզանդական կայսրությունից

¹ Տես Ս. Երեմյան, Մեծ Հայքը ըստ «Աշխարհացոյց»-ի, քարտեզ, Բ. Հարությունյան, Հայաստանն ըստ «Աշխարհացոյց»-ի և այլ աղբյուրների, քարտեզ, Հայկական լեռնաշխարհ և հարակից շրջաններ, ֆիզիկական քարտեզ:

գրավված Մեծ Հայքի արևմտյան աշխարհները՝ բացառությամբ վերջիններին մերձեփրատյան գավառների, որոնք ընդգրկված էին արաբաբյուզանդական սահմանային ամրությունների գոտում: Դեռևս իրենց առաջին արշավանքների ժամանակ արաբները Հայաստանը և Այսրկովկասյան երկրները դիտում էին որպես մեկ ամբողջություն, որը երևում է այն իրողությունից, որ Մուավիան Թեոդորոս Ռշտունուն ու Գրիգոր Մամիկոնյանին իշխանություն տվեց այդ երկրների վրա:

Արմինիա ոստիկանությունը հյուսիսում և արևմուտքում սահմանակցում էր խալիֆայության ախոյաններից երկուսին՝ խազարական թագավորությանը և Բյուզանդական կայսրությանը: Երկու ուղղություններով էլ անընդհատ բախումների արդյունքում ձևավորվել էին սահմանային ամրությունների գոտիներ, որոնք վարչական որոշակի ինքնուրույնություն ունեին Արմինիա ոստիկանության կազմում:

Ի մի բերելով վերը կատարված քննության արդյունքները, կարող ենք տալ Արմինիա ոստիկանության՝ գործնականում ճշգրտված սահմանները: Արմինիա ոստիկանության սահմանագիծն Ալանաց դռնից դեպի արևելք անցնելու էր Կովկասյան լեռների գագաթնագծով և Անդյան Կոյսուի ձախափյան ջրբաժանով, իսկ այնուհետև՝ Ավարյան Կոյսու գետի արևելյան ջրբաժանով իջնելու էր հարավ՝ ընդգրկելով ներկայիս Ղուբաջի քաղաքի շրջակա տարածքն ու դրանից հյուսիս գտնվող լեռնային շրջանը զբաղեցնող Ֆիլանը, որտեղից էլ՝ Ուլլու-չայ և Ռուբաս գետերի ջրբաժանով շարժվելու էր դեպի Դարբանդ: Արմինիայի արևելյան սահմանագիծը Դարբանդից հարավ անցնում էր Կասպից ծովի արևմտյան ափագծով, իսկ հարավայինը՝ Կուր և Երասխ գետերով շարժվում էր դեպի արևմուտք՝ մինչև Ղարադաղի(Հայկական) լեռները, որոնց ջրբաժան գծով, իսկ հետո Քասաբե լեռան շրջանով ու Միշոուդաղ լեռնաշղթայի ջրբաժանով հասնում Ուրմիո լճին: Սահմանագիծը, այնուհետև, վերջինի արևմտյան ափագծով իջնելու էր մինչև ներկայիս Բարանդուզ-չայ գետը, որի հունով ընթանալու էր դեպի արևմուտք և սկզբում Կորդվաց լեռների հարավակողմով, իսկ հետո, մոտավորապես այսօրվա թուրք-իրաքյան սահմանագծով, հասնելու էր Խաբուր գետին: Այնուհետև սահմանը Ջերմ(Բոհտան) գետի հարավային ջրբաժանով հասնելու էր Ջերմ գետին, որտեղից, Դիար Բաքրի կազմում գտնվող Սղեբդի հյուսիսակողմով շարժվելու էր դեպի արևմուտք ու Արմինիայի կազմում էր թողնելու Տավրոսյան լեռների հարավային լեռնաբազուկների շրջանում գտնվող Արզն քաղաքն ու Սասունը: Սասունից արևմուտք սահմանը շարժվելու էր սկզբում Տավրոսյան լեռների, իսկ այնուհետև Արդնիի լեռների ջրբաժանով, որից

հետո, ընթանալով Արշամաշատ քաղաքի արևմտակողմով և հատելով Արածանի գետը, անցնելու էր Մնձուր(Մուզուր) և Խոզաթ գետերի ջրբաժանով: Դրանից հետո սահմանագիծը հաղթահարելու էր Մնձուր լեռներն ու դուրս էր գալու Կամախի շրջակայքը: Կամախից արևելք սահմանագիծն անցնելու էր Եփրատ գետով մինչև Դերջան և, հետո, այդ քաղաքից հյուսիս գտնվող լեռների ջրբաժանով՝ դեպի արևելք: Այնուհետև, ամենայն հավանականությամբ, սահմանագիծը դեպի հյուսիս անցնելու էր Կոփա(Կապույտ) լեռների արևելյան մասի և ներկայիս Ադաբա լեռան միջև, հատելու էր ճորոխ գետը և ճորոխի լեռնաշղթայի ջրբաժանով հասնելու էր Չորմայրի լեռան շրջանը: Այստեղից սահմանագիծը դեպի հյուսիս էր շարժվելու Տայքի և Բարձր Հայքի սահմանով՝ Սպեր քաղաքի արևելակողմով շարժվելով դեպի հյուսիս, անցնելով ճորոխ գետն ու հասնելով Պարխարյան լեռների Վերջնբակ գագաթին: Սահմանագիծն, այնուհետև, Պարխարյան, Մոսքական ու Լիխի լեռների գագաթնագծով և Մեծ Լիախվի գետի վերին հոսանքի հյուսիսային ջրբաժանով հասնելու էր Ալանաց դռանը:

Վերևում առիթ ունեցանք անդրադառնալու այն իրողությանը, որ Հայոց իշխանը գերագահ դիրք ուներ Այսրկովկասյան իշխանների նկատմամբ: Ծանոթացանք նաև այն փաստին, որ արաբներն իրենց առաջին արշավանքների ժամանակ Հայոց իշխաններ Թեոդորոս Ռշտունու և Գրիգոր Մամիկոնյանի իշխանությունը ճանաչեցին ողջ Այսրկովկասի վրա, իսկ հետո էլ Հայոց իշխանները կրում էին «իշխան Հայոց և Վրաց» տիտղոսը:

VIII դ. երկրորդ կեսին, երբ Մամիկոնյանների, Կամսարականների և թուլացած կամ քաղաքական թափերաբեմից հեռացած այլ ազդեցիկ նախարարական տների կալվածքներին տիրեցին Բագրատունիները, նրանք առաջնակարգ դիրքի ու հզորության հասան ոչ միայն Հայաստանում, այլ Արմինիա ոստիկանությունում: Հայոց իշխան Աշոտ Սսակեր Բագրատունուց (790-826) սկսած մինչև Հայաստանի քաղաքական անկախության վերականգնումը միայն Բագրատունիներն էին վարում Հայոց իշխանի պաշտոնը:

Աշոտ Սսակերի իշխանության օրոք խալիֆայությունը սկսում է աստիճանաբար զիջումներ անել Բագրատունիներին: Այդ ժամանակ խալիֆայության մեջ անընդհատ ելույթներ էին տեղի ունենում, ընդ որում՝ ոչ միայն տեղերի ժողովուրդների, այլև արաբ վերաբնակիչների կողմից: Ի վերջո, այդ ամենին գունարվեց նաև Բաբելի ապստամբությունը, որը երկար տարիներ ցնցում էր խալիֆայության հիմքերը: Ինչպես ճիշտ նկատել է Ա. Տեր-Ղևոնդյանը, այդ ժամանակ Աշոտ Բագրա-

տունին սկսում է ինքնուրույն իշխել Հայաստանում, իսկ խալիֆաներն էլ բավարարվում են նրանով, որ նա անհանգստություն չէր պատճառում խալիֆայությանը: Նրանք նույնիսկ կողմ էին Բագրատունիների հզորացմանը, քանի որ վերջիններս սանձահարում էին տեղի արաբների անջատողական նկրտումները, որոնք ավելի վտանգավոր էին խալիֆայության համար¹:

Հայոց իշխանի պաշտոնում Աշոտ Մսակերին հաջորդեց նրա որդին՝ Բագարատը(826-851): Վերջինս քաղաքական ասպարեզում հայտնվեց խալիֆայության համար դժվարին ժամանակաշրջանում: Այդ իրադրության մեջ խալիֆան Բագարատ Բագրատունուն շնորհեց «բաթրիկ ալ-բաթարիկա»(պատրիկների պատրիկ կամ իշխանաց իշխան) տիտղոսը՝ ճանաչելով նրա գերիշխանությունը ողջ Արմինիայում: Թաքարին հաղորդում է, որ Բագարատը խալիֆայից նույնիսկ ոստիկանի պաշտոնն էր պահանջում²:

Բուղայի արշավանքը և Բագարատ Բագրատունու գերեվարությունը միայն ժամանակավորապես կասեցրեցին Բագրատունիների հզորացումը, ինչի ապացույցն է այն, որ շուտով՝ 862 թ., խալիֆայությունը «իշխանաց իշխան» տիտղոսը հանձնեց Աշոտ Բագրատունուն և, ընդհանրապես, ավելի մեծ զիջումների գնաց: Հովհաննես Դրասխանալերտցին հաղորդում է, որ այդ ժամանակ «ոստիկան ոմն 'ի Հայս առաքեալ, որ Ալի արմանի անուանիւր՝ ըստ հրամանի ամիրապետին իշխան իշխանացս Հայոց զնա(իմա՝ Աշոտին-Ա.Ե.) կացուցանէր, բազում զգեստիւք և արքունական պատուով ճոխացուցեալ՝ 'ի նա հաւատալով զսակս Հայոց և զանենայն բեկար արքունի»³: Սա նշանակում է, որ Աշոտին տրվեցին ոստիկանի լիազորությունները, իսկ արաբ ոստիկանները, որոնք շարունակում էին նշանակվել խալիֆայության կողմից, հազվադեպ էին ժամանում Արմինիա, և, քանի որ նրանց գործունեությունն իրականացնում էր Հայոց իշխանը, նրանք հիմնականում զբաղվում էին սահմանային ամրությունների գոտում Բյուզանդիայի դեմ պայքարով:

¹ Տե՛ս **А. Тер-Гевондян**, նշվ. աշխ., էջ 130:

² Տե՛ս **طبري**, VI, էջ 288:

³ Տե՛ս **Հովհաննես Դրասխանալերտցի**, 136:

ԱՐՄԻՆԻԱ ՈՍՏԻԿԱՆՈՒԹՅԱՆ ԱՌԵՎՏՐԱԿԱՆ ՃԱՆԱՊԱՐՅՆԵՐԸ

Քանի դեռ խալիֆայությունը պատերազմներ էր մղում, նվաճված երկրներում առևտուրը նկատելիորեն կրճատվում էր: Իրավիճակը փոխվեց VIII դ. երկրորդ կեսից սկսած, երբ խալիֆայության գահին բազմեցին Աբբասյանները: Վերջինների օրոք առևտուրը ծավալվեց խալիֆայությունում, և Արմինիայի մթերքներն ու այնտեղ պատրաստված ապրանքները սկսեցին արտահանվել այլ երկրներ: Խալիֆա Մահդիի օրոք (775-785), ինչպես վկայում է Ղևոնդը, արաբները տեսան, որ առևտրի դադարելու պատճառով երկրում արծաթ դրամը պակասել է¹ և, այդ պատճառով, հարկերը, չնայած բոլոր տեսակի դաժանություններին և խոշտանգումներին, դժվարությամբ են հավաքվում: Պարզ էր դառնում, որ այդպես շարունակվելու դեպքում արաբները ոչ միայն Արմինիան և մյուս հպատակ երկրները ծայրահեղ ծանր վիճակի կհասցնեն, տնտեսապես կքայքայեն, ապստամբության կմղեն, այլև իրենց ստանալիք հարկերը գնալով կպակասեն: Ահա՛, Մահդին փոփոխությունների է դիմում: Ղևոնդը նրա մասին հաղորդում է, թե «սա էր ազնուական քան զհայր իւր և լաւագոյն բարուք: Եբաց զամենայն տունս զամնուց զորս աղխեալ պահէր ամբարիշտն Աբդլա, և բաշխեաց պարգևս զօրաց իւրոց: Համարձակեաց և զդրունս մարզից՝ հանել զվաճառականս ի վաճառս իւրեանց և լնուլ զպէտս կարօտելոց. և եղև առատութիւն երկրի, և գիւտ արծաթոյ ընդարձակեցաւ. և բնակչաց երկրի անդորրութիւն եղև ի հարկապահանջ բռնութենէն. զի թէպէտև զանուր լծոյ հարկին ծանրացոյց՝ սակայն վասն գիւտի արծաթոյն հանգեաւ երկիրս առ փոքր մի ի չար տառապանաց վտանգին»²: Այսինքն, մինչ այդ վաճառականները զրկված էին իրենց ապրանքը շուկա հանելու հնարավորությունից: Այդ իրողության մեջ մեծ դեր էր խաղում նաև այն, որ երկրի բոլոր ճանապարհները գտնվում էին արաբական զորքերի հսկողության տակ³, այսինքն՝ բեռների և ապրանքների անվտանգ փոխա-

¹ Տե՛ս Ղևոնդ, էջ 154-155:

² Ամդ:

³ Ամդ, էջ 160:

դրման մասին նույնիսկ խոսք չիմել չէր կարող: Հետագայում Բուղան, վերականգնելով ավերված Շամքորը՝ զարկ տվեց առևտրին՝ վերաբնակեցնելով այնտեղ առաջին հերթին վաճառականների Պարտավից¹: Պատճառն այն էր, որ, ինչպես նշել ենք, արաբներն արդեն հասկացել էին, որ իրենց հարկերը կայուն և հեշտությամբ կարող են հավաքել, եթե միայն թույլ տան Արմինիայում առևտրի զարգացումը:

Դրամական հարաբերությունների զարգացման, արաբների կողմից հարկերի մի մասը դրամով գանձելու հետևանքով զարգացում էր ապրում երկրի ներքին շուկան:

Որոշակի զարգացում ապրեց նաև արտաքին առևտուրը՝ խալիֆայության մեջ մտնող երկրների հետ:

Պետք է նշել, որ Արմինիա ոստիկանությունը՝ սահմանային երկրամաս էր: Արաբա-բյուզանդական չղադարող պատերազմների հետևանքով ձևավորվեց սահմանային ամրությունների մի գոտի, որի հյուսիսարևելյան հատվածը բաժանում էր Արմինիա ոստիկանությունը Բյուզանդական կայսրությունից: Սահմանային ամրությունների այս գոտու առկայության պայմաններում դադարում են գործել այս հատվածի առևտրական ճանապարհները Հայաստանի և Բյուզանդիայի միջև: Սահմանային ամրությունների մեկ այլ գոտի էլ բաժանում էր Արմինիա ոստիկանությունը խազարական թագավորությունից: Այս ամրությունների գոտու, ինչպես նաև արաբական ռազմերթերի ու խազարական հաճախակի ներխուժումների պատճառով դեպի հյուսիս շարժվող առևտրական ճանապարհները կորցնում են իրենց նշանակությունը: Այսպիսի իրավիճակում ավելի են կարևորվում Արմինիա ոստիկանությունը խալիֆայության մյուս երկրամասերի հետ կապող առևտրական ճանապարհները, որն էլ արտացոլված է IX դ. աշխարհագետ Իբն Խորդադեհի հիշատակություններում:

Նա այսպես է նկարագրում Արմինիա եկող և այնտեղ գործող առևտրական ճանապարհները. «...Վարսանից մինչև Բարդաա 8 անցում է², ապա մինչև Մանսուր, որն Արմինիայում է, 4 անցում:

Բարդաայից մինչև Տիֆլիս 10 անցում է:

Բարդաայից մինչև Բաբ ալ-Աբվաբ 15 անցում է:

Բարդաայից մինչև Դաբիլ 7 անցում է:

¹ St'au بلاذري, I, էջ 240: St'au նաև Ibn al-Fakih, էջ 293:

² Մեկ անցումը նույնն է, ինչ որ մեկ օրվա ճանապարհը: Այն հավասար էր 5-7 փարսախի (30-40կմ) (տես **Н. Караялов**, նշվ. աշխ., թիվ 29, էջ 59, ժանոթ. 21):

Մարանդից մինչև ալ-Վադի 10 փարսախ է¹, ապա մինչև Նաշավա՝ 10 փարսախ, այնտեղից մինչև Դաբիլ՝ 20 փարսախ:

...Բարդաայից մինչև Բադդ՝ 30 փարսախ է»²:

Մինչև հիշատակված ճանապարհներին և դրանցում նշված կայա-րաններին անդրադառնալը պետք է նշել, որ արաբ աշխարհագետների նշած հեռավորություններին այնքան էլ չի կարելի վստահել այն պատ-ճառով, որ արաբները ճանապարհների երկարությունները չափում էին մեկ օրում կենդանու անցած ճանապարհով: Դաշտավայրային շրջան-ներում նրանք ճանապարհն անցնում էին ավելի կարճ ժամանակում, քան լեռնային շրջաններում, ինչի պատճառով լեռնային պայմաններում ճանապարհը նրանց թվում էր ավելի երկար, քան կար իրականում³: Վերոհիշյալի ապացույցներին բազմիցս կհանդիպենք մեր հետագա քննության ընթացքում: Սակայն, դաշտավայրային շրջաններով անցնող ճանապարհների վերաբերյալ արաբ հեղինակների բերած հեռավորու-թյուններին կարելի է վստահել:

Վարդանակերտ-Պարտավ ճանապարհը: Այս ճանապարհն Իբն Խորդադբեհը ներկայացնում է հետևյալ ձևով. «Վարսանից մինչև Դար-ման 3 փարսախ է, ապա մինչև Բայլական՝ 9 փարսախ, հետո մինչև Բարդաա՝ 14 փարսախ է»⁴: Կուդաման, որի հայրն անծանոթ ծանոթ է եղել Իբն Խորդադբեհին⁵, և որն, անկասկած, ծանոթ էր վերջինի աշ-խարհագրական երկին, Վարդանակերտ-Պարտավ ճանապարհը հիշա-տակում է հետևյալ տեսքով. «Վարսանից մինչև Կուդան 3 փարսախ է, ապա մինչև Բայլական՝ 7 փարսախ, հետո մինչև Բարդաա՝ 3 փարսախ է»⁶: Ալ-Իսթախրին հաղորդում է. «Բարդաայից մինչև Յունան 7 փար-սախ է և Յունանից մինչև Բայլական՝ 7 փարսախ, Բայլականից Վար-սան 7 փարսախ է»⁷: Նույնատիպ տեղեկություն է հաղորդում Իբն Դաու-կալը⁸, իսկ ալ-Մուկադդասին Պարտավ-Յունան-Բայլական-Վարսան ճանապարհի կայարանների միջև հեռավորությունները նշում է մեկա-կան անցում⁹: Վարդանակերտ-Պարտավ ճանապարհը հիշատակվում է

¹ Մեկ փարսախը հավասար է 5752,8 մետրի: Հեռավորությունների չափման միավոր-ների մասին տես **Ռ. Սամանդյան**, Երկեր, հ. 2, Ե., 1985, էջ 185:

² **Ibn Khordadbeh**, էջ 122:

³ Տես **Խ. Կապառ**, նշվ. աշխ., թիվ 29, էջ 68, ծանոթ. 68:

⁴ **Ibn Khordadbeh**, էջ 122:

⁵ Տես **Խ. Կապառ**, նշվ. աշխ., թիվ 32, էջ 23:

⁶ **Kudama**, էջ 213:

⁷ **Al-Istakhri**, էջ 192:

⁸ Տես **Ibn Haukal**, էջ 349:

⁹ Տես **al-Moqaddasi**, էջ 381:

նաև «Մղոնաչափք»-ում՝ կապված Նախճավանից Կասպից ծովի ափերը գնացող ճանապարհի հետ: Այդ ճանապարհը Նախճավանից գնում էր Արտավեստ, այնտեղից՝ Վարդանակերտ, ապա անցնում Պարտավ ու գնում Կասպից ծովի ափերը¹:

Վարդանակերտ-Պարտավ ճանապարհը, գալով Խորասանից, հասնում էր Ատրպատական՝ Արդաբիլ (հայկական աղբյուրների Արտավեստը), որտեղից էլ Բարզանդ ու Բալխաբ կայարաններով շարժվում էր Վարսան²: Վերջինս գտնվում էր Ատրպատականի ոստիկանության և Արմինիայի սահմանին³:

Վարսան: Համապատասխանում է Մեծ Հայքի Փայտակարան աշխարհի Վարդանակերտ գավառի համանուն կենտրոնին: Այն նույնական է Երասխ գետի ափին՝ նրա մեջ Կարասու գետի թափվելու տեղից դեպի հյուսիս-արևելք գտնվող Ալտան բերդի ավերակներից⁴: Այսպիսի տեղադրությունը, ինչպես կտեսնենք, կհաստատվի նաև արաբ հեղինակների հիշատակած հեռավորությունների համապատասխանությամբ իրականում գոյություն ունեցող հեռավորություններից: Այսպես՝ Արտավեստից Ալտան եկող ճանապարհի երկարությունը կազմում է շուրջ 170-180կմ, իսկ ալ-Իսթափրիի հիշատակությամբ՝ 29 փարսափ կամ մոտ 170կմ⁵: Նմանապես, Ալտանի ավերակներից մինչև Բայլական շուրջ 40կմ հեռավորությունը համապատասխանում է արաբ հեղինակի նշած Վարսան-Բայլական 7 փարսափ հեռավորությանը (շուրջ 41կմ)⁶:

¹ Տես **Ա. Տեր-Ղևոնդյան**, Հայ ժողովրդի պայքարը..., էջ 381: «Մղոնաչափք»-ում Պարտավի փոխարեն Փայտակարան է գրված: Հարկ ենք համարում այստեղ պարզաբանել վերոհիշյալ Փայտակարանի խնդիրը, քանի որ այն, փաստորեն, Մեծ Հայքի Փայտակարան աշխարհի համանուն կենտրոնը չէ, այլ այդ անվանումը տրվում է Պարտավ քաղաքին: Նման եզրակացությունը բխում է Մատթեոս Ուռհայեցու այն վկայությունից, որտեղ պատմիչը Հայոց Արևելից կողմերն անվանում է «խորին աշխարի Հայոց», ապա հաղորդում, թե այդտեղի առաքելական աթոռը գտնվում էր «ի քաղաքն Հայոց ի Պարտաւ, որ ասի Փայտակարան, սահմանակից համատարած ծովուն» (**Մատթեոս Ուռհայեցի**, էջ 246-248): Հայոց Արևելից կողմանց եկեղեցական կենտրոնը, ինչպես գիտենք, երբեք բուն Փայտակարան քաղաքում չի գտնվել, իսկ ինչ վերաբերում է ծովի հետ սահմանակցության հարցին, ապա այստեղ պատմիչը շփոթում է Պարտավ քաղաքի գտնվելու վայրը բուն Փայտակարան քաղաքի գտնվելու վայրի հետ: Պարտավը Փայտակարան անվանելու պատճառն է այդ անվան «Փայտակ» մասի (պարսկերեն՝ «փայտախտ») «արքունի քաղաք», «մայրաքաղաք» նշանակությունը: Նույն պատճառով Փայտակարան էր կոչվում նաև Տիդիսը (տես **Թովմա Արծրունի և Անանուն**, էջ 270):

² Տես **al-Istakhri**, էջ 192:

³ Տես **Ibn Khordadbeh**, էջ 121:

⁴ Տես **Ա. Երեմյան**, նշվ. աշխ., էջ 83:

⁵ Տես **al-Istakhri**, էջ 192:

⁶ Տես ցարական բանակային շտաբի տասվերստանոց քարտեզի թիվ 118 պլանշետը:

Դարման: Վարդանակերտ-Պարտավ ճանապարհահատվածը Վարդանակերտ-Դարման-Բայլական-Պարտավ երթուղով հիշատակում են միայն Իբն Խորդադբեհն ու Կուդաման: Ճիշտ է, Կուդաման Դարմանի (درمان) փոխարեն պահպանել է Կումամ (قومام) անվանումը, սակայն, քանի որ նա ծանոթ է եղել Իբն Խորդադբեհի երկին, մենք կարծում ենք, որ Կումամը Դարմանի աղավաղումը պետք է լինի: Բացի այդ, խոսուհ ապացույց է նաև այն, որ Կուդաման Կումամի հեռավորությունը Վարսանից նշում է երեք փարսախ, այնքան, որքան, ըստ Իբն Խորդադբեհի՝ պետք է լիներ Դարմանի հեռավորությունը Վարսանից: Արաբ հեղինակների երկերի թարգման և. Կարաուլովն այն կարծիքին է, թե Կումամը Յունանի աղավաղումն է¹: Այսինքն, ըստ մրա՝ Կուդաման մյուս հեղինակների հիշատակած Յունան կայարանը, որը գտնվում էր Բայլական-Պարտավ ճանապարհահատվածի վրա, շփոթել և տեղադրել է Վարդանակերտ-Բայլական ճանապարհահատվածում: Նա կարծում է, որ Դարմանը նույնպես Յունանի աղավաղումն է²: Կարևոր է ընդգծել, որ Իբն Խորդադբեհին անծանոթ չէ ավելի ուշ շրջանի հեղինակների հիշատակած մյուս ուղեգծը³: Ուստի և կարծում ենք, որ բացի հիմնական Վարդանակերտ-Բայլական-Յունան-Պարտավ ճանապարհահատվածից, գոյություն ուներ ևս մեկը՝ Դարմանով: Վերջինս, ըստ Իբն Խորդադբեհի՝ գտնվում էր Վարսանից 3 փարսախ (մոտ 17կմ) հեռավորության վրա: Դարմանի տեղադրության որևէ տարբերակ տալը շատ դժվար է, քանի որ սա դրա միակ հիշատակությունն է: Ն. Կարաուլովը, որը թե՛ Դարմանը և թե՛ Կումամը համարում էր Յունանի աղավաղումները, այն տեղադրել է ներկայիս Դեյրամ գյուղի տեղում⁴: Դեյրամը գտնվում է Ադրամ բնակավայրից շուրջ 20կմ դեպի արևելք⁵: Յունանի նման տեղադրությունը, ինչպես կոեսնենք, ընդունելի տարբերակ է, իսկ ինչ վերաբերում է Դարմանին, ապա փորձենք տեղադրել այն: Ադրբեջանահրանական սահմանին՝ Երասխ գետից հարավ, կար Դարանյան կոչվող զինվորական մի հենակետ, իսկ վերջինի հարևանությամբ, դեպի արևելք, գտնվում էր համանուն ամրոցը⁶: Կարծում ենք, որ Դարման անունը սերտորեն կապված է Դարան անվան հետ: Եթե ճիշտ է մեր

¹ Տես **H. Kapaylov**, նշվ. աշխ., թիվ 32, էջ 34, ծանոթ. 2:

² Անդ, էջ 26, ծանոթ. d:

³ **Kudama**, էջ 213, ծանոթ. է. «Վարսանից մինչև Բայլական 7 փարսախ է, ապա մինչև Յունան՝ 3(7) փարսախ և մինչև Բարդաս՝ 3(7) փարսախ»:

⁴ Տես **H. Kapaylov**, նշվ. աշխ., թիվ 29, էջ 67, ծանոթ. 59:

⁵ Տես ցարական բանակային շտաբի տասնվերստանոց քարտեզի թիվ 118 պլան-շետը:

⁶ Անդ:

ենթադրությունը, և Դարան-Դարման անվանումը վերաբերում էր Երասխից հարավ ընկած շրջանին, ապա Վարդանակերտից 3 փարսախ (մոտ 17 կմ) հեռավորության վրա գտնվող Դարման կայարանը, ամենայն հավանականությամբ, պետք է նույնպես գտնվեր Երասխից հարավ: Մեր կարծիքով, ճանապարհը Վարդանակերտից շեղվելու էր դեպի հյուսիս-արևելք, շարժվելու էր Երասխի ափով մոտ 17կմ, հասնելու էր Վարդանակերտից համարյա նույնքան հեռավորության վրա գտնվող ուլորանը, որի շրջանում, ամենայն հավանականությամբ, գտնվում էր Դարման կոչվող կայարանն ու, այնուհետև, մուտք էր գործելու Արմինիա: Այս երթուղով Վարդանակերտ-Բայլական ճանապարհահատվածի երկարությունը կազմում էր 12 փարսախ(շուրջ 70կմ), ի տարբերություն Վարդանակերտից ուղղակիորեն դեպի Բայլական անցնող երթուղու, որի երկարությունը 7 փարսախ էր(շուրջ 41կմ):

Բայլական: ճանապարհի մի ուղեգիծը Վարդանակերտի, իսկ մյուսը՝ Դարմանի մոտ, անցնում էր Երասխը և շարժվում Բայլական: Վերջինը գտնվել է այժմ Օրենկալա կոչվող ավերակների տեղում¹: Բայլականի և Պարտավի միջև հեռավորությունը կազմում էր 14 փարսախ (մոտ 81 կմ): Այս հեռավորությունը համապատասխանում է ալ-Իսթախրիի և Իբն Զաուկալի տեղեկություններին, ըստ որոնց՝ Բայլականից Յունանով Պարտավ ընթացող ճանապարհահատվածի երկարությունը 14 փարսախ էր: Ուստի և կարծում ենք, որ Իբն Խորդադեհիի հիշատակած Բայլական-Պարտավ 14 փարսախ երկարությամբ ճանապարհահատվածը համապատասխանում է մյուս հեղինակների Բայլական-Յունան-Պարտավ ճանապարհահատվածին, միայն անվանապես բացակայում է Յունանը:

Յունան: Այս կայարանի մասին Յակուտը հաղորդում է, թե այն մի վայր էր Պարտավի և Բայլականի միջև՝ վերջիններիցս 7-ական փարսախ հեռավորության վրա²: Այն, ըստ Իբն Զաուկալի՝ գյուղ էր³: Սակայն, արաբ աշխարհագետների երկերում այն հազվադեպ է հիշվում և, այն էլ, միայն կապված Վարդանակերտ-Պարտավ ճանապարհահատվածի հիշատակության հետ: Յունանն ալ-Իսթախրիի երկի Բեռլինյան ձեռագրերում ունի Ուման (ومان), Գոտանյանում՝ Տունան և Տուբան (تومان و توبان)⁴, իսկ Իբն Զաուկալի երկում՝ Մուվյան գյուղ (قرية مويان)⁵ տարբերակ-

¹ Տե՛ս **K. Trepser**, նշվ. աշխ., էջ 265-266: Տե՛ս նաև «ԵՇՅ», Խ. 18, էջ 505:

² Տե՛ս **Jacut**, IV, էջ 1044:

³ Տե՛ս **Ibn Haukal**, 349:

⁴ Տե՛ս **al-Istakhri**, էջ 192, ծանոթ. Ը.

⁵ Տե՛ս **Ibn Haukal**, 349:

ները, որոնք բարդացնում են Յունանի տեղադրությունը: Սակայն, Յունանը պետք է գտնվելիս լիներ Պարտավից ու Բայլականից հավասարաչափ՝ 7-ական փարսախ (մոտ 41կմ) հեռավորության վրա, որն էլ նախատեսում է Յունանի տեղադրությունը Բայլականից Պարտավ կես ճանապարհին: Փաստորեն, մեծ հավանականություն ունի Յունանի տեղադրությունն Աղդան բնակավայրի մոտակայքում¹: Հավանական է Ն. Կարաուլովի տեղադրությունը Դեյրան գյուղի տեղում՝ կապված Օրենկալայից այստեղով Պարտավ անցնող բարեկարգ ճանապարհի առկայության հետ²: Յունանից հետո ճանապարհը շարժվում էր Պարտավ, որի ավերակները գտնվում են ներկայիս Բարդա քաղաքի մոտ³:

Մանսուր: Ըստ Իբն Խորդադեբեհի՝ ճանապարհը Պարտավից հետո ուներ ևս մեկ կայարան, որը կոչվում էր Մանսուր և գտնվում էր Պարտավից 4 անցում հեռավորության վրա: Քանի որ մեկ անցումը (մեկ օրվա ճանապարհ) հավասար էր 5-7 փարսախի⁴, ուստի և Մանսուր կայարանը գտնվելու էր Պարտավից 20-28 փարսախ կամ մոտ 115-160կմ հեռավորության վրա: Այսպիսի մեծ հեռավորությունը, ինչպես նաև այն իրողությունը, որ Մանսուր կայարանը հիշատակվում է միայն Իբն Խորդադեբեհի և Կուդամայի կողմից, անհնար է դարձնում Մանսուր կայարանի ճշգրիտ տեղադրությունը: Հայտնի է, որ խալիֆա Մուտավաքիլի օրոք վերականգնված Շամքորը վերանվանվեց նրա անունով և դարձավ Մուտավաքքիլիա⁵: Հետևաբար, Մանսուր պետք է կոչվեր այն քաղաքներից կամ ամրություններից մեկը, որոնք վերակառուցվել էին Աբու Ջաֆար ալ-Մանսուր խալիֆայի օրոք (754-775)՝ խազարների ավերիչ արշավանքից հետո⁶:

Այսպիսով՝ ճանապարհին Արտավեսից դեպի հյուսիս-արևմուտք անցնում էր Կասպիական դժներով ու Բարզանդ գետի ափով շարժվելով դեպի հյուսիս՝ հասնում էր ճանապարհի Բարզանդ կայարանը, որից հետո, արևելքից շրջանցելով ներկայիս Խորուզլու դաղ լեռնաշղթան, իջնում էր Երասխի հովիտ՝ Վարդանակերտ⁷: Այս ճանապարհին արաբական տիրապետության ժամանակաշրջանում գտնվում էր բարեկարգ

¹ Տե՛ս Թ. Հակոբյան և ուրիշներ, ԳԳՏԲ, հ. 3, էջ 464:

² Տե՛ս ցարական բանակային շտաբի տասվերստանոց քարտեզի թիվ 118 պլան-շետը:

³ Տե՛ս Թ. Հակոբյան, Հայաստանի պատմական աշխարհագրություն, էջ 236:

⁴ Տե՛ս Խ. Կապառոս, նշվ. աշխ., թիվ 29, էջ 59, ծանոթ. 21:

⁵ Տե՛ս Ibn al-Fakih, էջ 293:

⁶ Տե՛ս یعقوبی II, էջ 372:

⁷ Տե՛ս ցարական բանակային շտաբի տասվերստանոց քարտեզի թիվ 118 պլան-շետը:

վիճակում, քանի որ այն, Չորա պահակով անցնող ճանապարհի հետ միասին, այն հիմնական ուղին էր, որով Արմինիայի վաճառականներն առևտրական հարաբերություններ էին պահպանում խալիֆայության մյուս շրջանների հետ¹։ Բացի այդ, այս ճանապարհն արաբների համար կարևոր նշանակություն ուներ այն պատճառով, որ դրանով էին արաբական զորքերն հաճախակի արշավում դեպի խազարական թագավորությունը։

Պարտավ-Տփղիս ճանապարհը։ Ըստ Իբն Խորդադբեհի՝ այս ճանապարհի երկարությունը 10 անցում էր(մոտ 300-400կմ)։ Ալ-Իսթախրին այս ճանապարհը ներկայացնում է հետևյալ տեսքով. «...Բարդայից մինչև Ջանգա քաղաք 9 փարսախ է և Ջանգայից մինչև Շամքուր՝ 10 փարսախ, Շամքուրից մինչև Խունան քաղաք 21 փարսախ է և Խունանից մինչև Կալա իբն Քանդաման՝ 10 փարսախ, Կալայից մինչև Տիֆլիս 12 փարսախ է»²։ Ալ-Մուկադդասին հաղորդում է, թե Պարտավից մինչև Գանձակ մեկ անցում է, Գանձակից Շամքուր՝ մույնքան, այնտեղից մինչև Խունան երեք անցում է, Խունանից մինչև Կալա իբն Քանդաման՝ մեկ անցում, իսկ վերջինից մինչև Տփղիս՝ երկու անցում³։

Սկզբից ևեթ պետք է նշել, որ այս ճանապարհի կայարանների միջև ալ-Իսթախրիի նշած հեռավորությունները մեծավ մասամբ իրականությանը չեն համապատասխանում, չնայած, որ հարթ տեղանքի պատճառով թվում է, թե սխալներ չպետք է լինեին։ Չնայած, որ Պարտավից Գանձակ (Ջանգա) հեռավորությունը շուրջ երեք անգամ ավելի է Գանձակից Շամքուր (Շամքուր) ճանապարհահատվածի երկարությունից, առաջին հեռավորությունն արաբ աշխարհագետը ներկայացնում է երկրորդից պակաս։

Գանձակ։ Գանձակը՝ ներկայիս Գյանջան⁴, գտնվում է Պարտավից մոտ 85կմ հեռավորության վրա։ Այսինքն՝ ալ-Իսթախրիի նշած 9 փարսախ հեռավորությունը (մոտ 52կմ) Պարտավի և Գանձակի միջև չի համապատասխանում իրականությանը։ Իրականությանն ավելի մոտ է Յակուտի հաղորդած տեղեկությունը, ըստ որի՝ այդ հեռավորությունը հավասար էր 16 փարսախի (մոտ 93կմ)⁵։

¹ Հաշվի առնելով այն իրողությունը, որ արաբների մղած անընդհատ պատերազմների հետևանքով դեպի արևմուտք և դեպի հյուսիս ընթացող առևտրական ճանապարհները հիմնականում կորցրել էին իրենց դերը։

² Al-Istakhri, էջ 193։

³ Տե՛ս Al-Moqaddasi, էջ 382։

⁴ Տե՛ս Թ. Հակոբյան, Հայաստանի պատմական աշխարհագրություն, էջ 237։

⁵ Տե՛ս Jacut, II, էջ 132։

Շամքոր: Ավերակները գտնվում են Շամքոր գետի ձախ ափին՝ երկաթուղու երկու կողմերում¹: Շամքորը գտնվում էր Գանձակից մոտ 35 կմ հեռավորության վրա, որը չի համապատասխանում ալ-Իսթախրիի հիշատակած 10 փարսախ (մոտ 58 կմ) հեռավորությանը: Ավելի ճիշտ է ալ-Մուկադդասիի նշած 1 անցում հեռավորությունը, որը, ինչպես նշվեց, կազմում էր 5-7 փարսախ (մոտ 30-40 կմ): Հաշվի առնելով այն իրողությունը, որ Իբն Խորդադբեհն իր «Գիրք ճանապարհների և թագավորությունների [մասին]» աշխատությունը գրել է մոտ 846-847թթ.², այնտեղ Պարտավ-Տփղիս ճանապարհի վրա Գանձակ և Շամքոր քաղաքների հիշատակության բացակայությունը մենք բացատրում ենք այն իրողությամբ, որ Գանձակը կառուցվել է 840-ական թթ. երկրորդ կեսին, ավելի ճիշտ 846 թ.³, իսկ Շամքորն էլ վերակառուցվել է 850-ական թթ. սկզբին՝ Բուղայի կողմից⁴:

Խուճան: Պարզաբանելով, որ Պարտավից Գանձակ հեռավորությունը 16 փարսախ էր, իսկ Գանձակից Շամքոր՝ 7 փարսախ, մենք կարող ենք անցնել Խուճան կայարանի տեղադրության խնդրին, որն արաբ աշխարհագետները հիշատակում են նաև Կալա առ-Տուրաբ կամ Հողի բերդ անունով⁵: Փորձենք սկզբում պատասխանել այն հարցին, թե արդյո՞ք նույնական էր արաբ հեղինակների Խուճանը հայ պատմիչների Հունարակերտի հետ⁶: Այս պարագայում կարևոր կռվաններից մեկն արաբական և հայկական աղբյուրների հիշատակած հեռավորությունների համեմատությունն է: Հաշվի առնելով այն իրողությունը, որ, ըստ վերոնշյալ պարզաբանումների, Պարտավից Շամքոր հեռավորությունը պետք է կազմեր շուրջ 23 փարսախ (մոտ 130 կմ), իսկ Հունարակերտից Պարտավ հեռավորությունը, ըստ «Մղոնաչափք»-ի՝ հավասար է 100 մղոնի (մոտ 190 կմ)⁷, Խուճան-Հունարակերտ նույնացման դեպքում Խուճանը պետք է գտնվեր Շամքորից մոտ 60 կմ հեռավորության վրա: Շամքորից Խուճան ալ-Իսթախրիի նշած 21 փարսախ հեռավորությունը, հաշվի առնելով ալ-Իսթախրիի երկի պարսկական տարբերակում

¹ Տե՛ս Մ. Բարխուտարեանց, Արցախ, էջ 55-56:

² Տե՛ս Խ. Կարաթոբ, նշվ. աշխ., թիվ 32, էջ 2:

³ Տե՛ս Մովսես Կաղանկատվացի, էջ 331:

⁴ Տե՛ս بلاندي, I, էջ 240, **Ibn al-Fakih**, էջ 293:

⁵ Տե՛ս Jacut, II, էջ 474, **al-Istakhrī**, էջ 189, ծանոթ. c (Խուճանի այդ անվանումը պահպանվել է հեղինակի երկի Գոտանյան ձեռագրում):

⁶ Տե՛ս Ս. Երեմյան, Հայաստանը ըստ «Աշխարհացոյց»-ի, էջ 63: Նման տեսակետ է արտահայտում նաև Մարկվարտը: Տե՛ս Հ. Մամանդյան, Երկեր, հ. 2, էջ 175: Տե՛ս նաև Հ. Մամանդյան, Երկեր, հ. 4, Ե., 1977, էջ 104:

⁷ Տե՛ս Ա. Տեր-Ղևոնդյան, Հայ ժողովրդի պայքարը..., էջ 381: Մեկ մղոնը հավասար է 1917,6 մ-ի (տե՛ս Հ. Մամանդյան, Երկեր, հ. 2., էջ 185):

պահպանված նույն հեռավորության 11 փարսախ նշումը¹, պետք է համարել տեքստային թերություն: Իբն Չաուկալը, որը մեծապես օգտվել է ալ-Իսթախրիի երկից, հավաստում է, որ Շամքորից Խունան հեռավորությունը 11 փարսախ էր (մոտ 64 կմ)², որը համապատասխանում է «Մղոնաչափք»-ի և ալ-Իսթախրիի հիշատակությունների համեմատությունից առաջացող հեռավորությամբ: Մեր կարծիքով, Խունան-Յունարակերտ նույնությունն ապացուցող հիշատակություններ է պահպանել Ստեփաննոս Օրբելյանը: Սյունյաց պատմիչը Յունարակերտ և Խունան անունները հիշատակում է՝ կապված տարբեր ժամանակներում այդ ամրոցի՝ հայերի կամ վրացիների կողմից այսպես կամ այնպես անվանվելու հետ: Այսպես. պատմիչը սկզբում հաղորդում է, թե ինչպես է Վաղարշակ թագավորը ընտրում մի ոմն Առանի ու կարգում «նահապետ ի վերայ մեծ դաշտին Առանայ, յերասխայ մինչև ցՅունարակերտ»³, իսկ հետո, ավելի ուշ շրջանի հիշատակությունների մեջ, խոսելով այն մասին, թե ինչպես է Յայկի եղբայր Քարթլոսը գալիս Վիրք, հաղորդում է, որ «անուանեցաւ աշխարհն այն (իմա՝ Վիրքը-Ա.Ե.) ի Խունանայ մինչև ի ծովն Սպերոյ յանուն նորա Քարթլ»⁴: Մեր կարծիքով, այս վերջին տեղեկությունը նա քաղել է վրաց աղբյուրից և նույնիսկ հարկ չի համարել ճշտել Խունանի հայերեն տարբերակը: Որ վերջինս համապատասխանում էր Յունարակերտին, ապացուցում է թեկուզ այն, որ Խունանը, ըստ այդ հաղորդման, պետք է սահմանների հատման հայտնի կետ լիներ, իսկ հայտնի է, որ Յունարակերտը գտնվում էր Յայոց, Վրաց և Աղվանից աշխարհների սահմանագլխին⁵: Ըստ երևույթին՝ արաբական տիրապետության և հետագա շրջանում Յունարակերտը վրացիների կողմից անվանվում էր Խունան, իսկ հայկական սկզբնաղբյուրներում շարունակում կոչվել իր սկզբնական անունով⁶: Մեր կարծիքի ապացույցն է նաև այն, որ ըստ «Յուդուղ ալ-ալամ»-ի՝ Խունանը գտնվում էր Կուր գետի ափին՝ Յայաստանի(Գուգարք) և Առանի(Յայոց Արևելից կողմեր) սահմանին⁷: Խունանի մասին այս հաղորդումը, որը հիշեցնում է հայկական սկզբնաղբյուրներում Յունարակերտի վերաբերյալ տեղեկությունները⁸, այնքան հստակ է, որ համարյա կասկած չի թողնում Խունան-

¹ Տե՛ս **al-Istakhri**, էջ 193, ծանոթ. d:

² Տե՛ս **Ibn Haukal**, էջ 350:

³ **Ստեփաննոս Օրբելյան**, էջ 16:

⁴ Անդ, էջ 369:

⁵ Տե՛ս **Ս. Երեմյան**, նշվ. աշխ., էջ 63:

⁶ Տե՛ս **Յովհաննես Դրասխանակերտցի**, էջ 164:

⁷ Տե՛ս **Hudud al-Alam**, էջ 144:

⁸ Տե՛ս **Յովհաննես Դրասխանակերտցի**, էջ 164, **Սովսես Խոթենացի**, էջ 126-128:

Հունարակերտ նույնության խնդրում:

Փաստորեն, նույնացնելով Խունանը Հունարակերտին և պարզաբանելով, որ այն գտնվում էր Շամքորից մոտ 60-65կմ հեռավորության վրա՝ կարևոր է պատասխանել ևս մեկ հարցի. ուսումնասիրողներից ոմանք Հունարակերտը տեղադրում են Կուր գետի աջ ափին՝ Խրամ գետի գետաբերանի մոտակայքում¹: Սակայն, դեռևս XIX դարում Ս. Ջալալյանցն իր կատարած ճանապարհորդության ժամանակ եկել էր այն համոզման, թե Հունարակերտը գտնվել է Աղստև գետի ձախ ափին, և համապատասխանել է նրա գետաբերանի շրջանում գտնվող ավերակներին²: Նման եզրահանգման հիմք է տալիս նաև այն, որ, ըստ «մղոնաչափը»-ի և արաբական աղբյուրների հիշատակած հեռավորությունների համեմատության, հենց այդտեղ՝ Շամքորից շուրջ 60-65կմ հեռավորության վրա, պետք է գտնվեր Խունան-Հունարակերտը: Դատելով այն փաստից, որ 450-451թթ. Վարդանանց պատերազմի ժամանակ արդեն Գուգարքը, որպես առանձին բղեշխություն, մտցված էր Վրաց³, իսկ Մեծ Հայքի Ուտիք աշխարհի մի հատվածը՝ Աղվանից մարզպանության մեջ⁴, ինչպես նաև Եղիշեի այն վկայությունից, որ այդ պատերազմի ժամանակ վերոհիշյալ մարզպանությունների սահմանը (սահմանը այդ մարզպանությունների կազմում գտնվող Գուգարքի և Ուտիքի միջև) անցնում էր Խաղխաղ քաղաքի մոտակայքով⁵, այսինքն՝ Աղստև գետով, քանի որ Խաղխաղը գտնվում էր Աղստև գետի աջ ափին⁶, ապա, փաստորեն, Հունարակերտը, որը նույնպես գտնվում էր այդ սահմանի հարևանությամբ, պետք է փնտրել հենց Աղստև գետի ափին: Հունարակերտը պետք է գտնվեր Աղստև գետի ձախ ափին,

¹ Տե՛ս Ս. Երեմյան, նշվ.աշխ., էջ 63: Տե՛ս նաև Դ. Սանանդյան, Երկեր, հ. Գ, էջ 194: Հետագա քննությունը մեզ բերում է այն համոզման, որ այդտեղ գտնվել է ոչ թե Խունան-Հունարակերտը, այլ նրան հաջորդող Կալա իբն Քանդաման կայարանը:

² Տե՛ս Ս. Ջալալյանց, նշվ. աշխ., էջ 388, և Բ. Հարությունյան, Հայաստանն ըստ «Աշխարհացոյց»-ի և այլ աղբյուրների, քարտեզ:

³ Տե՛ս Բ. Հարությունյան, Մեծ Հայքի Գուգարք աշխարհը..., էջ 187-188:

⁴ Պետք է նշել, որ Ուտիք աշխարհի մի մասը՝ Խաղխաղ քաղաքով, Աղվանից մարզպանությանն էր միացվել, թերևս, 428 թ. (տե՛ս Եղիշե, էջ 150: Տե՛ս նաև Բ. Հարությունյան, Մեծ Հայքի թագավորության հյուսիս-արևելյան մարզերի վարչա-քաղաքական կացությունը 387-451 թվականներին, «ԲԵՀ», 1976, թիվ 2, էջ 89): Ուտիքի մնացած հատվածը և Արցախն Աղվանից մարզպանությանը միացվեցին ավելի ուշ՝ 450-451 թթ. ապստամբությունից հետո(անդ):

⁵ Եղիշե, էջ 150. «[Սեբուխտը] փութանակի անցաներ ընդ մեծ գետն Կուր անուն, և պատահեր նմա (իմա՝ Վարդանին-Ա. Ե.) մերձ ի սահմանս Վրաց (իմա՝ Վրաց մարզպանության-Ա. Ե.) հանդէպ Խաղխաղ քաղաքի»:

⁶ Տե՛ս Շ. Բրեյան, Торговые пути Закавказья в эпоху Сасанидов по Tabula Peutingeriana, «Вестник древней истории», 1939, թիվ 1, էջ 85:

քանի որ այն Գուգարքի մաս էր կազմում¹: Գալով Խունանի վերոնշյալ Կալա ատ-Թուրաբ (Յոդի բերդ) անվանմանը՝ նշենք, որ այն, ամենայն հավանականությամբ, Խունան-Յունարակերտին վերագրվել է սխալմամբ, ինչն էլ առիթ է հանդիսացել վերջինիս տեղադրությանը Տավուշ (այժմ՝ Թուրք-Հայ) գետի գետաբերանի շրջանում՝ Թոփրաղ կալա (Յոդի բերդ) վայրում²: Ըստ երևույթին, Թոփրաղ կալան, որ գտնվում է Տավուշ գետի ձախ ափին, գոյություն է ունեցել մաս արաբական տիրապետության շրջանում, ինչի ապացույցն են այնտեղ գտնված արաբական դրամները³, և արաբ հեղինակներն այն շփոթել են Խունան-Յունարակերտի հետ:

Կալա իրն Քանդաման: Այս կայարանը, որը, ըստ ալ-Իսթախրիի՝ գտնվում էր Խունանից 10 փարսախ (մոտ 58կմ) և Տփղիսից 12 փարսախ (մոտ 70կմ) հեռավորության վրա, Ս. Երենյանը տեղադրում է ներկայիս վրացական Գարդաբան քաղաքի տեղում, իսկ Մարկվարտը՝ Կուր և Խրամ գետերի ջրկիցի մոտ, Կըզ-Կալա ամրոցի ավերակների տեղում, հին վրացական Գարդաբան երկրամասում⁴: Այսինքն՝ երկու ուսումնասիրողներն էլ այդ անվանումը կապում են վրացական Գարդաբան անվան հետ: Մենք ընդունում ենք Քանդաման անվան կապը Գարդաբանի հետ, ինչի օգտին է խոսում այդ անվանումների արաբերեն գրելաձևերի նմանությունը (کندمان-کردیان): Նմանապես, Մարկվարտի տեղադրության օգտին են խոսում Խրամ գետի վրա հին կամուրջների հետքերը և իջևանատները⁵: Այստեղով էր անցնում մեծ և բարեկարգ ուղին դեպի Տփղիս, որը ճանապարհորդներին կարծել էր տալիս, թե «աստէն անցեալ կարեն մտանել ուղղակի ի լայնատարած դաշտն... Աղուանից... և գուցէ աստի էր ճանապարհն դէպ յալանս...»⁶:

Այս տեղադրության դեպքում Կալա իրն Քանդամանը գտնվելու էր Խունանից շուրջ 35կմ հեռավորության վրա: Նման պարագայում իրականությանն ավելի մոտ է ալ-Մուկադդասիի նշած 1 անցում(5-7 փարսախ կամ մոտ 30-40կմ) հեռավորությունը: Կալա իրն Քանդամանից ճանապարհը գնում էր Տփղիս, որը հանդիսանում էր Վիրքի կենտրոնը⁷:

Պարտավ-Տփղիս ճանապարհը, փաստորեն, մինչյանց էր կապում

¹ Տես «Աշխարհացոյց Մովսեսի Խորենացոյ», էջ 28: Տես մալ Մովսես Խորենացի, էջ 128:

² Տես **Ա. Мусхелашвили**, նշվ. աշխ., էջ 390:

³ Տես **Մ. Բարխուտարեանց**, Արցախ, էջ 60:

⁴ Տես **Ղ. Սանադյան**, Երկեր, հ. 2, էջ 175:

⁵ Տես **Ս. Զալալյանց**, նշվ. աշխ., էջ 77:

⁶ Ամդ:

⁷ Տես **Jacut**, I, էջ 857:

Առաջին և Երկրորդ Արմինիաների կենտրոնները: Այն ընթանում էր Կուր գետի աջ ափով և անցնում էր վաճառաշահ Գանձակ և Շամքոր քաղաքներով, որոնց ծաղկունը կապված էր հենց այս ճանապարհի հետ: Վերջին, փաստորեն, անցնում էր ներկայիս Կուր գետի աջ ափով ընթացող ավտոճանապարհի երթուղով:

Պարտավ-Ղարբանդ ճանապարհը: Ըստ Իբն Խորդադբեհի՝ Պարտավ-Բաբ ալ-Աբվաբ (Ղարբանդ) ճանապարհի երկարությունը 15 անցում էր(մոտ 450-600կմ): Այն ըստ կայարանների հիշատակում է ալ-Իսթախրին. «...Բարդաայից մինչև Բարզանջ 18 փարսախ է և Բարզանջից Կուրի ծանծաղուտով մինչև Շամախիա՝ 14 փարսախ, Շամախիայից մինչև Շարվան 3 օրվա ճանապարհ է և Շարվանից մինչև Աբխազ՝ 2 օրվա ճանապարհ, Աբխազից մինչև Ջիսր Սամուր 12 փարսախ է և Ջիսր Սամուրից մինչև Բաբ ալ-Աբվաբ՝ 20 փարսախ»¹: Ալ-Մուկադդասին հաղորդում է, որ Պարտավից Բարզանջ հեռավորությունը կազմում էր մեկ անցում, այնտեղից մինչև Շամախի՝ երկու անցում, վերջինից մինչև Շիրվան՝ երեք անցում, Շիրվանից մինչև Աբխազ՝ երկու անցում, Աբխազից մինչև Ջիսր Սամուր՝ նույնքան, այնտեղից մինչև Ղարբանդ՝ երեք անցում²:

Բարզանջ (Բարդիջ): Հնուց ի վեր Պարտավից դեպի Շամախի գոյություն ունեին երկու մեծ ճանապարհներ: Մեկը համապատասխանում է ներկայիս Եվլախով ընթացող ավտոճանապարհին, իսկ մյուսն արաբ հեղինակների հիշատակած ճանապարհն է, որը Պարտավից իջնում էր դեպի հարավ՝ Բարզանջ: Որ վերջինը գտնվում էր Պարտավից Կուր գետի հոսանքով դեպի ներքև, ապացուցում են արաբ աշխարհագետների հիշատակությունները: Յակուտը, օրինակ՝ խոսելով Կուր գետի մասին, հաղորդում է, որ այն անցնում էր Տփղիս քաղաքի կողքով, ապա անցնում Խունան բերդի մոտակայքով, այնտեղից հոսում Պարտավի դռան մոտով, հասնում Բարզանջ և միախառնվում Երասխի հետ³: Նախ, անդրադառնալով Պարտավից Բարզանջ հեռավորությանը՝ նշենք, որ արաբ աշխարհագետներն այն հիշատակում են տարբեր կերպ. Իբն Հաուկալն, օրինակ՝ հետևելով ալ-Իսթախրիին, մեջ է բերում 18 փարսախ հեռավորությունը⁴, ալ-Մուկադդասին, ինչպես տեսանք, նշում է 1 անցում, Յակուտ ալ-Համավին մի դեպքում այն հավասա-

¹ Al-Istakhri, էջ 192:

² Sbu al-Moqaddasi, էջ 381:

³ Sbu Jacut, IV, էջ 259:

⁴ Sbu Ibn Haukal, էջ 350:

րեցնում է 13 փարսախի¹, իսկ մեկ այլ դեպքում, հենվելով ալ-Իսթախ-րիի տեղեկության վրա՝ 18 փարսախի²:

Պարտավ-Բարզանջ հեռավորության վերաբերյալ հիշատակությունների այսպիսի բազմազանության պարագայում Բարզանջի տեղադրության խնդիրը բարդանում է: Բացի այդ, արաբ հեղինակները Բարզանջի հարևանությամբ հիշատակում են նաև Բարդիջ քաղաքը: Ըստ Յակուտի՝ այդ երկու քաղաքները պետք է գտնվեին Պարտավից դեպի հարավ-արևելք, դրանից համապատասխանաբար 13 և 14 փարսախ հեռավորությունների վրա՝ Կուր գետի ափին³: Այսինքն՝ Բարզանջն ու Բարդիջը միմյանցից 1 փարսախի (մոտ 6 կմ) հեռավորության վրա էին գտնվում: Ս. Երեմյանը Բարզանջը տեղադրում է ներկայիս Ջարդոբ քաղաքի մոտ գտնվող գետանցի մերձակայքում⁴, իսկ Վ. Մինորսկին առաջարկում է Բարզանջը նույնացնել Բարդիջին, իսկ վերջինը փնտրել Պարտավից ոչ թե 18 փարսախ, այլ սոսկ 1 անցում (5-7 փարսախ) հեռավորության վրա՝ հիմնվելով ալ-Մուկադդասիի հիշատակության վրա: Վերջապես, նա Բարդիջը տեղադրում է Պարտավից 34 կմ դեպի հարավ-արևելք՝ ներկայիս Քյորփի Քենդ բնակավայրի դիմաց՝ Կուր գետի աջ ափին⁵:

Զնայած, որ ճիշտ է Մինորսկու կողմից Բարզանջի նույնացումը Բարդիջին, ինչպես կտեսնենք, հիշյալ տեղադրություններից և ոչ մեկը քննություն չի բռնում: Արաբ հեղինակների աշխատությունների ուսումնասիրությունը տալիս է մի կարևոր արդյունք. նրանցից յուրաքանչյուրը հիշատակում է այդ երկու քաղաքներից միայն մեկը⁶, իսկ Յակուտը, որը տեղեկություններ է քաղել իրենից առաջ եղած բոլոր հեղինակներից, նշում է թե՛ մեկը, թե՛ մյուսը: Այնպես որ, ամենայն հավանականությամբ, այս երկու անվանումները վերաբերում են նույն քաղաքին: Դրա օգտին է խոսում այդ անվանումների արաբերեն գրելաձևերի նմանությունը (برديج-برزنج): Կարծում ենք, որ Բարզանջը Բարդիջի աղավաղումն է, քանի որ հավանական է Բարդիջ անվանման նույնացումը

¹ Տես **Jacut**, I, էջ 562:

² Ամդ, III, էջ 317:

³ Տես **Jacut**, I, էջ 556, 562:

⁴ Տես Ս. Երեմյան, Հայաստանը և հարևան երկրները 855-953թթ., քարտեզ:

⁵ Տես **Hudud al-Alam**, էջ 403:

⁶ Ինչ վերաբերում է ալ-Իսթախրիին, որը հիշատակում է 2 քաղաքները, ապա պետք է նշել, որ դրա պատճառը, թերևս, տեքստային թերությունն է և, ամենայն հավանականությամբ, ի սկզբանե տեքստում առկա է եղել միայն մեկ անվանում (տես **al-Istakhri**, էջ 187, ծանոթ. c):

հայկական Բերդիկ անվանը¹: Բարդիջը, ըստ Յակուտի՝ գտնվում էր Ատրպատականի ոստիկանության սահմանագլխին Արմինիայի կողմից, որտեղից մինչև Պարտավ 14 փարսախ էր²: Այս հիշատակության մեջ կարևորն այն է, որ, հիշատակելով Պարտավից Բարդիջ հեռավորությունը, Յակուտը, փաստորեն, ակնարկում է այդ երկու քաղաքների միջև ճանապարհի գոյության մասին, ինչի հիշատակությունը մյուս արաբ հեղինակները չեն պահպանել: Այս ճանապարհի առկայությունը Բարզանջ-Բարդիջ նույնացման կարևոր կռիվներից մեկն է: Բացի այդ՝ արաբ հեղինակի հիշատակությունը, թե Բարդիջը գտնվում էր Ատրպատականի ոստիկանության սահմանին, գալիս է հերքելու վերոբերյալ բոլոր տեղադրությունները: Մասուդիի վկայությունը հաստատում է այդ իրողությունը: Կուր գետի մասին պատմելիս նա հաղորդում է, թե վերջինը հոսում է Պարտավից 3 փարսախ հեռավորության վրա, ապա անցնում է Բարդիջի(արաբ աշխարհագետի երկուն՝ Բարդաջ) կողքով, որը Պարտավի(Առան) շրջաններից մեկն է, որից հետո՝ միախառնվում է Երասխի հետ³: Իսկ Իբն Ռուստեհը, խոսելով Երասխ գետի մասին, վկայում է, թե այն «հոսում է Վարսանի մոտով դեպի Բարդիջ քաղաքը, իսկ նրանից այն կողմ միախառնվում է Կուրի հետ»⁴:

Ըստ վերոհիշյալ հաղորդումների՝ Բարդիջը պետք է գտնվելիս լիներ Կուրի և Երասխի միջև, անմիջապես մոտ այն տեղին, ուր երկու գետերը միախառնվում են: Այդ է ցույց տալիս նաև Բալազուրիի այն հիշատակությունը, որտեղ հեղինակը, նկարագրելով Սալման իբն Ռաբիայի կողմից Հայոց Արևելից կողմանց գավառների նվաճումը, պատմում է, որ նա գալիս, հասնում է Կուրի և Երասխի ջրկիցի շրջանը, որտեղ Բարդիջի մոտակայքում նա անցնում է Կուրը⁵: Կուր և Երասխ գետերի միջև՝ դրանց ջրկիցի մոտակայքում, կար մի բնակավայրի ավերակ⁶, որը, ամենայն հավանականությամբ, համապատասխանում է Բարդիջ քաղաքին, իսկ քաղաքում կամ նրա մերձակայքում գտնվել է կայարանը⁷:

Շամախի: Բարդիջի մոտ՝ Կուրի վրա, կար մի կամուրջ, որի վրայով

¹ Տե՛ս Գ. Նալբանդյան, Արաբական աղբյուրները Հայաստանի և հարևան երկրների մասին, էջ 35:

² Տե՛ս Jacut, I, էջ 556:

³ Տե՛ս مسعودي, էջ 205-206:

⁴ Ibn Rosteh, էջ 89:

⁵ Տե՛ս بلادي, I, էջ 240:

⁶ Տե՛ս Ս. Ջալալյանց, նշվ.աշխ., էջ 364:

⁷ Տե՛ս The map of Adharbaydjan, -The Encyclopaedia of Islam, CD-ROM edition, v.1.0 1999 Koninklijke Brill NV, Leiden, The Netherlands, I:189b.

ճանապարհը շարժվում էր Շամախի¹: Բարդիջ-Շամախի ճանապարհահատվածի երկարության վերաբերյալ արաբ աշխարհագետների հաղորդումները համընկնում են: Իբն Զաուկալը ևս այս հեռավորությունը նշում է 14 փարսախ(շուրջ 81կմ)², իսկ ալ-Մուկադդասին՝ 2 անցում, որը հավասար էր 14 փարսախի: Ինչպես վերը նշվեց, հեռավորության մույն չափը նշում է Յակուտը: Ավելորդ չէ նշելը, որ այս հեռավորությունը համապատասխանում է Բարդիջի վերոհիշյալ տեղադրության և հին Շամախու, որը գտնվում էր ներկայիս Շամախի քաղաքից 1,5կմ դեպի հյուսիս արևմուտք³, միջև հեռավորությամբ (մոտ 80 կմ):

Շապորան: Շամախուց հետո ալ-Իսթախրիի հիշատակած հաջորդ կայարանը Շիրվանն էր, որը գտնվում էր ներկայիս Շիրվան գյուղի տեղում՝ Շաբրան-չալի ձախ ափին⁴: Նրանից դեպի հյուսիս-արևմուտք՝ մույն գետի աջ ափին, գտնվում էր Շապորանը (այժմ՝ Շաբրան գյուղ)⁵: Պետք է նշել, որ Յակուտը Շիրվանի փոխարեն այս ճանապարհի վրա հիշատակում է Շապորանը⁶: Ուսումնասիրողներից Ս. Երեմյանը ճանապարհի երթուղին տանում է միաժամանակ և՛ Շիրվանով, և՛ Շապորանով⁷, որն ընդունելի տարբերակ է՝ կապված այդ երկու քաղաքների՝ միմյանց բավական մոտ գտնվելու փաստի հետ: Սակայն, ճիշտը թերևս, Շապորան տարբերակն է, քանի որ մույնիսկ ավելի ուշ՝ XVIII դարում, Ղուբայից Շամախի գնացող ճանապարհն անցնում էր հենց Շապորանով⁸:

Գալով Շամախուց Շապորան հեռավորությամբ՝ պետք է նշել, որ այս հարցում արաբ աշխարհագետների հաղորդումները համընկնում են. կրկնելով ալ-Իսթախրիին՝ Իբն Զաուկալը նշում է, որ Շիրվանը (պետք է լինի Շապորան) գտնվում էր Շամախուց 3 օրվա ճանապարհ հեռավորության վրա, մույն հեռավորությամբ նշում են մահ արաբ հեղինակներ ալ-Մուկադդասին և Յակուտը⁹: Այստեղ հարկ է կրկին հիշել, որ

¹ Տե՛ս **Jacut**, I, էջ 562:

² Տե՛ս **Ibn Haukal**, էջ 350:

³ Տե՛ս **С. Амурбейли**, նշվ. աշխ., էջ 39-40:

⁴ Տե՛ս **Ս. Երեմյան**, Հայաստանը ըստ «Աշխարհացոյց»-ի, էջ 74: Տե՛ս մահ գրքին կից «Հայաստանը ըստ «Աշխարհացոյց»-ի» քարտեզը:

⁵ Անդ, էջ 73: Տե՛ս մահ ցարական բանակային շտաբի հինգվերստանց քարտեզի **И.**

7. պլանշետը:

⁶ Տե՛ս **Jacut**, III, էջ 317:

⁷ Տե՛ս **Ս. Երեմյան**, Հայաստանը և հարևան երկրները 855-953 թթ., քարտեզ, մույնի՝ Մարզաբանական Հայաստանը և հարևան երկրները 387-628 թթ., քարտեզ, Ե., 1980:

⁸ Տե՛ս **Ф. Симонович**, Описание южного Дагестана (1796),-«История, география и этнография Дагестана 18-19 вв.», էջ 154-155:

⁹ Տե՛ս **Jacut**, III, էջ 317:

արաբները ճանապարհների երկարությունները չափում էին մեկ օրում կենդանու անցած ճանապարհով և, այդ է պատճառը, որ լեռնային շրջաններում ճանապարհը նրանց թվում էր ավելի երկար, քան կար իրականում: Այս պատճառաբանությամբ էլ արդարանում է Շամախուց Շապորան արաբ աշխարհագետների հիշատակած մեծ հեռավորությունը:

Շամախուց Շապորան գնում էր մեկ հիմնական ճանապարհ, որն, անցնելով Կովկասյան լեռները, ճյուղավորվում էր: Այն Շամախուց սկզբում շարժվում էր դեպի արևելք՝ Ղուրտ-Բուլաղ, այնտեղից շարժվելով հյուսիս՝ անցնում էր ներկայումս Յախար-Բախար կոչվող լեռնանցքով ու հասնում Ալթըաղաչ գյուղը¹: Ալթըաղաչից ճանապարհը բաժանվում էր երկու մասի. մի ճյուղն Աթա-չայ գետի ափով շարժվում էր դեպի հյուսիս-արևելք, միանում ներկայիս երկաթուղու ճանապարհին և նրա երթուղով հասնում Շապորան, իսկ մյուսը՝ հաղթահարելով Կարատիքենոյան լեռները, ընթանում էր Վերին Ղուշչի գյուղի արևելակողմով, ապա, անցնելով Գելգենի-չայ գետը, շարժվում էր դեպի հյուսիս ու մտնում Շապորան²:

Աբխազ: ճանապարհը, ինչպես ցույց ենք տվել վերը, Շապորանից Աբխազ էր շարժվում ոչ թե ներկայիս երկաթուղու, այլ ավտոճանապարհի երթուղով, քանի որ այն չէր անցնում Մազքթագ աշխարհով, որը զբաղեցնում էր Շապորանից հյուսիս ընկած ծովափնյա շրջանները, այլ Աբխազով, որը, փաստորեն, գտնվում էր Մազքթագ աշխարհից արևմուտք: Շապորանից Դարբանդ գլխավոր ճանապարհն անցնում էր ներկայիս Ղուբա քաղաքով կամ վերջինիս մոտակայքով, հասնում Խուդաթ գյուղը, որտեղից ճյուղավորվում էր դեպի Կուլարի կամուրջ և դեպի Խազրա գյուղ: Գլխավոր ճանապարհի առավել ընդունելի երթուղին Ղուբայից Խուդաթով դեպի Կուլարի կամուրջ ընթացող ավելի կարճ և մատչելի ճյուղն է³: Այնուհետև ճանապարհը շարժվում էր հյուսիս և Դարբանդով մուտք գործում Խազարական թագավորություն:

Աբխազ կայարանի տեղադրությունը բարդանում է՝ կապված արաբ հեղինակների հիշատակած սխալ հեռավորությունների հետ: Այսպես. ալ-Իսթախրին, ինչպես տեսանք, Շիրվանից(պետք է լինի Շապորան) Աբխազ հեռավորությունը նշում է 2 օրվա ճանապարհ(մոտ 60-80կմ), իսկ Աբխազից Ջիսր Սամուր հեռավորությունը՝ 12 փարսախ(մոտ 70կմ),

¹ Տես «История, география и этнография Дагестана 18-19 вв.», т. 2 154:

² Անդ, էջ 155:

³ Տես ցարական բանակային շտաբի հինգվերստանոց քարտեզի 3.7. պլանշետը: Տես Ա. Եղիազարյան, Արաբական աղբյուրների Աբխազ թագավորությունը, էջ 224:

որն իրականությամբ համապատասխանել չի կարող, իսկ ալ-Մուկադդասին այդ հեռավորությունները նշում է հավասարաչափ՝ 2-ական անցում (60-80կմ)¹: Ըստ էության, չնայած նշված հեռավորությունների ակնհայտ սխալին², ուսումնասիրողներին հարկ է եղել Աբխազ կայարանը տեղադրել այնպիսի վայրում, որը, եթե չէր էլ համապատասխանի վերոհիշյալ հեռավորություններին, ապա գոնե կգտնվեր Շապորանից և Ջիսր Սամուրից մոտավորապես հավասար հեռավորությունների վրա: Այդ պատճառով, Աբխազ կայարանը տեղադրվել է Ղուբա քաղաքում կամ նրա մերձակայքում, այսինքն՝ այնպիսի տեղում, որը գտնվում էր Շապորանից Սամուր գետ ճանապարհահատվածի միջնամասում: Ըստ այսմ, պետք է ընդունել, որ ամենահավանականը, իսկապես, կայարանի՝ ներկայիս Ղուբա քաղաքի տեղում կամ մերձակայքում տեղադրությունն է: Սակայն, ավելի կոնկրետացնելով տեղադրությունը, նշենք, որ կայարանը, ամենայն հավանականությամբ, հնում գտնվում էր քաղաքից (իմա՝ նախկինում նրա տեղում գտնվող բնակավայրից) դուրս՝ անմիջապես ճանապարհի հարևանությամբ: Ավելի ուշ շրջանում, երբ Ղուբա քաղաքն ընդարձակվեց, ճանապարհն արդեն անցնում էր քաղաքի միջով: Համենայն դեպս, նույնիսկ XVIII դ. վերջին դեռևս ճանապարհն ընթանում էր քաղաքի մերձակայքով³:

Ջիսր Սամուր (Սամուր գետի կամուրջ): Արաբ աշխարհագետների երկերի թարգման Ն. Կարաուլովը Ջիսր Սամուրը նույնացնում է Սամուր գետի ամբարտակի հետ, որի տեղում այժմ պատնեշ է, որտեղով անցնում է երկաթուղին⁴: Իսկ Ս. Երեմյանը Ջիսր Սամուրը նույնացնում է Մագքթաք թագավորության Չոդա մայրաքաղաքին⁵: Սակայն, այդ նույնացումների հետ համաձայն չենք, քանի որ, ըստ Շապորանից Դարբանդ ճանապարհի՝ մեր ընդունած հավանական ուղեգծի, Ջիսր Սամուրը պետք է համապատասխաներ Կուլարի կամրջին⁶: Անցնելով կամուրջը՝ ճանապարհը շարժվում էր Դարբանդ, որտեղից էլ անցնում էր Խա-

¹ Տե՛ս **al-Moqaddasi**, էջ 381:

² Սխալն ակնհայտ է այն պատճառով, որ Աբխազ կայարանի որևէ տեղադրության դեպքում նախորդ և հաջորդ կայարաններից նրա հեռավորությունն այդ չափերով անհնար է (տե՛ս **Ա. Եղիազարյան**, Արաբական աղբյուրների Աբխազ թագավորությունը, էջ 225):

³ Տե՛ս **Ф. Симонович**, Описание южного Дагестана (1796).-«История, география и этнография Дагестана 18-19 вв.», էջ 154:

⁴ Տե՛ս **Н. Караулов**, նշվ. աշխ., թիվ 38, էջ 125, և Атлас СССР, Кавказ, карта, Москва, 1985, с. 42.

⁵ Տե՛ս **Ս. Երեմյան**, «Աշխարհացոյցի» սկզբնական բնագրի վերականգնման փորձ, էջ 273, ծանոթ. 118:

⁶ Տե՛ս **Ա. Եղիազարյան**, Արաբական աղբյուրների Աբխազ թագավորությունը, էջ 224:

զարական թագավորություն: Այստեղ հայտնաբերվել են Արմինիայում հատված դրամներ, ինչը կարող էր կապված լինել ինչպես առևտրական հարաբերությունների գոյության, այնպես էլ խազարների կատարած արշավանքների հետ:

Այսպիսով՝ ճանապարհը Կուր գետի աջ ափով իջնում էր հարավ՝ մինչև Կուր-երասխյան ջրկիցը, անցնում գետն ու շարժվում Շամախի: Այստեղից ընթանալով արևելք՝ ճանապարհը Յախար-Բախար լեռնանցքով անցնում էր Կովկասյան լեռները, հասնում Ալթըադաչ, այնուհետև՝ հաղթահարում Կարատիքենդյան լեռներն ու, ընթանալով Վերին Ղուչչի գյուղի արևելակողմով, շարժվում Շապորան: Շապորանից ներկայիս ավտոճանապարհի երթուղով ընթանալով դեպի հյուսիս՝ ուղիմ Ղուբա քաղաքի արևելակողմով հասնում էր Կուլարի կամրջին, անցնում այն ու շարժվում Դարբանդ: Այնտեղից ճանապարհը շարժվում էր դեպի խազարական Սամանդար մայրաքաղաքը¹: Սակայն, արաբա-խազարական պատերազմների պայմաններում ճանապարհի՝ Դարբանդից հյուսիս գտնվող հատվածը կորցրել էր իր նշանակությունը:

Պարտավ-Ղվին ճանապարհը: Այս ճանապարհի երկարությունը, ըստ Իբն Խորդադբեհի՝ կազմում էր 7 անցում(մոտ 200-280կմ): Ալ-Իսթախրին հաղորդում է. «...Բարդաայից մինչև Կալկաթուս 9 փարսախ է և Կալկաթուսից մինչև Մատրիս՝ 13 փարսախ, Մատրիսից մինչև Դավմիս 12 փարսախ է և Դավմիսից մինչև Քիլ Քույ՝ 16 փարսախ, Քիլ Քույից մինչև Սիսաջան 16 փարսախ է և Սիսաջանից մինչև Դաբիլ՝ 16 փարսախ»²: Ալ-Մուկադդասին հաղորդում է, թե Պարտավից մինչև Կալկաթուս հեռավորությունը կազմում էր մեկ անցում(30-40կմ), Կալկաթուսից մինչև Մատրիս՝ երկու անցում, վերջինից մինչև Դավմիս՝ երկու անցում (60-80կմ), Դավմիսից մինչև Քիլաքունի՝ երկու անցում³:

Այս ճանապարհի կայարանները ուսումնասիրողների կողմից մեծ հավանականությամբ տեղադրվել են:

Ղվին-Պարտավ ճանապարհի մանրակրկիտ ուսումնասիրությամբ զբաղվել է Դ. Մանանդյանը⁴:

Կալկաթուս: Կալկաթուսը, ըստ Մարկվարտի և Դ. Մանանդյանի՝ համապատասխանում է Կաղանկատույք գյուղին⁵: Մ. Բարխուդարյան-

¹ Տե՛ս al-Istakhri, էջ 227:

² Տե՛ս al-Istakhri, էջ 193:

³ Տե՛ս al-Moqaddasi, էջ 381-382:

⁴ Տե՛ս Դ. Մանանդյան, Գին Զայաստանի գլխավոր ճանապարհները, էջ 175-204:

⁵ Անդ, էջ 200-201:

ցը, որը մանրամասնորեն տվել է Արցախ աշխարհի տեղագրությունը, Կաղանկատույքը տեղադրում է Դյուտական գյուղի հարևանությամբ գտնվող ավերակների տեղում՝ Թալիշ և Մատաղիս գյուղերի միջև¹։ Կաղանկատույքի այդ տեղադրությունն իր աշխատանքում որպես հիմք է ընդունել Հ. Մանանդյանը²։

Կաղանկատույքի այդ տեղադրությունը քննություն չի բռնում, քանի որ, գտնվելով Դյուտական գյուղի հարևանությամբ, հիշյալ ավերակները մտնում էին Արցախի մեջ³, իսկ Կաղանկատույքը գտնվում էր Ուտիքի Ուտի Առանձնակ գավառում՝ վերջինիս և Արցախի միջև սահմանին մոտ՝ Տրտու գետի ափին⁴։ Այդ պատճառով ուսումնասիրողներն այժմ Կաղանկատույքը տեղադրում են Ուտիքում՝ ներկայիս Միր-Բաշիր քաղաքի տեղում կամ դրա մերձակայքում(Մախկին Թարթառ կայարանը)⁵, որը Դյուտականի հարևանությամբ գտնվող ավերակներից մոտ 15կմ հեռավորության վրա է։ Միր-Բաշիրը գտնվում է Պարտավից մոտ 25կմ հեռավորության վրա, որը չի համապատասխանում Պարտավի և Կալկաթուսի միջև արաբ հեղինակների նշած հեռավորությանը(մոտ 50կմ)։ Մինչդեռ, դատելով դաշտային տեղանքից, արաբ հեղինակների սխալն այս դեպքում էական չպետք է լինի։ Ուտի և կասկածելի է Կալկաթուսի նույնացումը Կաղանկատույքին։ Դրա ապացույցն է նաև այն, որ Կաղանկատույքն արաբերենին համապատասխանեցնելու դեպքում դառնալու էր ոչ թե Կալկաթուս, այլ Կալանկաթուս։ Հենց դա էլ նկատել է Հ. Մանանդյանը՝ փորձելով Մարկվարտի օրինակով Կալկաթուսը սրբագրել Կալանկաթուսի⁶։

Արաբ և ոչ մի հեղինակ չի պահպանել Կալանկաթուս անվանումը, իսկ Կալկաթուսը նրանք հիշատակում են՝ կապված բացառապես Պարտավ-Դվին ճանապարհի հիշատակության հետ։ Ամենայն հավանականությամբ, բացի Կաղանկատույքից, կար նաև Կաղկատույք (Կալկաթուս) անունով մի բնակավայր։ Կարծում ենք, որ Դյուտականի հարևանությամբ գտնվող ավերակների տեղում տեղորոշվում է ոչ թե Կաղանկատույքը, այլ Կաղկատույքը, որը, ի տարբերություն Կաղանկատույ-

¹ Տե՛ս Մ. Բարխուտարեանց, Պատմութիւն Աղուանից, հ. Ա, Վաղարշապատ, 1902, էջ 31։

² Տե՛ս Հ. Մանանդյան, Հին Հայաստանի գլխավոր ճանապարհները, էջ 201։

³ Տե՛ս III. Мкртчян, Историко-архитектурные памятники Нагорного Карабаха, Ереван, 1988, էջ 58-59։

⁴ Տե՛ս Սովսես Կաղանկատվացի, էջ 132-133, 137։

⁵ Տե՛ս Բ. Հարությունյան, Հայաստանն ըստ «Աշխարհացոյց»-ի և այլ աղբյուրների, քարտեզ, Ս. Երեմյան, Հայաստանը և հարևան երկրները 855-953թթ., քարտեզ և այլն։

⁶ Տե՛ս Հ. Մանանդյան, Հին Հայաստանի գլխավոր ճանապարհները, էջ 201։

քի, գտնվում էր Արցախում: Խնդիրն այն է, որ Կաղանկատույք անվանումը մինչև հիմա էլ պահպանվել է Դյուտական գյուղի շրջակայքի բնակիչների մեջ¹: Քանի որ այդ ավերակների տեղում բացառվում էր Կաղանկատույքի գտնվելը, ապա կարծում ենք, որ այդտեղ գտնվել է Կաղկատույք գյուղը, որը հարյուրամյակների ընթացքում շրջակայքի բնակչության մեջ անվան նմանության պատճառով աստիճանաբար սկսել է ընկալվել որպես Կաղանկատույք: Այդտեղից մինչև Պարտավ մոտ 40կմ հեռավորությունն ավելի մոտ է արաբ հեղինակների հիշատակած հեռավորությանը:

Մատրիս: Կաղկատույքից հետո ճանապարհի հաջորդ կայարանը Մատրիսն էր: Վերջինիս մասին Յակուտ ալ-Ջամալին հաղորդում է, որ այն փոքր քաղաք էր Առանում²:

Մատրիսը, ըստ ալ-Իսթախրիի՝ պետք է գտնվեր Կալկաթուս-Կաղկատույքից 13 փարսախ (մոտ 75կմ) հեռավորության վրա: Յ. Մանանդյանն այս կայարանի տեղադրության հարցը լուծել է Մատրիսը (متريس) սրբագրելով Ջատրիսի (هتريس), որը հավանական է՝ կապված արաբերեն «م» (մ) և «ه» (հ) տառերի հաճախակի շփոթությունների հետ³:

Այսպիսի սրբագրումից հետո Ջատրիսը կհամապատասխանի հայկական Ջաթերք (սեռ. Ջաթերից) տեղանվանը⁴: Յ. Մանանդյանը կարծում է, թե այդ անվանումը վերաբերում է գավառին, որտեղ, հատուկ կարավանավայրում, գտնվել է կայարանը⁵: Մեր կարծիքով, Ջաթերից գավառի հիշյալ «փոքր քաղաք»-ը հենց գավառի անունով պետք է կոչվեր Ջաթերից ավան: Ըստ երևույթին, այն համապատասխանում է հիմնավորց Ջաթերք գյուղին: Սակայն, հարկ է նշել, որ կայարանը պետք է գտնվելիս լիներ ոչ թե Ջաթերք գյուղում, այլ դրանից դեպի հարավ՝ ճանապարհի վրա՝ Տրտու գետի ափին: Հիշյալ 75կմ հեռավորությունը Կալկաթուս-Կաղկատույքի և Ջատրիս-Ջաթերքի միջև իրականությանը չի համապատասխանում: Այն հավասար է մոտ 30կմ-ի:

Դավմիս: Այս անվանումը Յ. Մանանդյանը պարզաբանում է այս անգամ արդեն արաբերենի «د» (զ)-«د» (դ) և «م» (մ)-«ط» (թ) շփոթով, ուստի և հարկ է Դավմիսը (دوميس) սրբագրել Զավթիսի կամ Զաութիսի (ذوطيس), որն էլ կհամապատասխանի հայկական Սողք անվանը (զրաբարում՝ Սաւղք, սեռ. Սաւղից)⁶: Ճանապարհի այս կայարանի անվանումը

¹ Տես **III. Мкратан**, նշվ. աշխ., էջ 58:

² Տես **Jacut**, IV, էջ 412:

³ Տես **Յ. Մանանդյան**, Հին Հայաստանի գլխավոր ճանապարհները, էջ 199:

⁴ Անդ, էջ 200:

⁵ Անդ:

⁶ Անդ, էջ 196-199:

նախորդի նման **Յ. Մանանդյանը** կապում է համապատասխան գավառի անվան հետ: Ուսումնասիրողն այն կարծիքին է, թե կայարանը պետք է գտնվեր ոչ թե Սեբեոսի հիշատակած «Սաւղայ քաղաքագեղ»-ում¹, այլ հարակից հատուկ կարավանավայրում²:

Քիլ-Քույ: **Յ. Մանանդյանը** ճիշտ է համարում Մարկվարտին, որը, ինչ-որ «անհայտ» աղբյուրի վրա հենվելով, Քիլ Քույը սրբագրել է **Gēlakūnī-ի**(Գելաքունի-Գեղաքունի)³: Այդ «անհայտ» աղբյուրը, մեր կարծիքով, ալ-Մուկադդասին է, որը պահպանել է այդ անվան «كيلكوني» (Քիլաքունի) տարբերակը⁴: Այս կայարանը, ինչպես նախորդ երկու կայարանները, իր անվանումը ստացել է, թերևս, համապատասխան գավառի անունից, որը գտնվում էր Սոդք գավառի հարևանությամբ⁵: Արգիճի գետի գետաբերանի աջ կողմում գտնվում էր Կոթ գյուղաքաղաքը⁶, որտեղից ճանապարհի մի ճյուղը, ըստ «Մղոմաչափք»-ի, Դվին էր գնում Բերդկունքով⁷, իսկ մյուս ճյուղն էլ թեքվում էր հարավ և Դվին հասնում Սիսաջան կայարանով: Ուստի և հավանական է, որ հենց այստեղ՝ ճամփաբաժանի վրա, գտնվեր Գեղաքունի կայարանը:

Ճանապարհը Գեղաքունիից Սիսաջան կայարան էր գնում, դատելով լեռնային տեղանքից, Արգիճի գետի ափով ու Սելիմի(Սուլեմա) լեռնանցքով, որի ապացույցն են հին քարավանատների ավերակները նշյալ լեռնանցքում ու նրանից հարավ՝ Աղքենդում⁸: Այնուհետև, հավանաբար, ճանապարհն Արփա գետի ափով հասնում էր Երասխի հովիտ, որտեղ՝ Նախիջևանի սահմանի մոտ, պահպանվել են քարավանատան ավերակներ⁹:

Սիսաջան: Կարևոր ենք համարում ավելի մանրամասն խոսել Սիսաջան կայարանի մասին, քանի որ դրա տեղադրության հարցում հետազոտողների կարծիքները չեն համընկնում: Ն. Կարաուլովը Սիսաջանը տեղադրում էր Բաշ-Նորաշենից ոչ հեռու գտնվող Կիսաջան վայրում¹⁰: **Յ. Մանանդյանը՝** ընդունելով Սիսաջանի տեղադրությունը Կի-

¹ Տե՛ս **Սեբեոս**, էջ 88:

² Տե՛ս **Յ. Մանանդյան**, Հին Հայաստանի գլխավոր ճանապարհները, էջ 199:

³ Անդ, էջ 196:

⁴ Տե՛ս **al-Moqaddasi**, էջ 382:

⁵ Տե՛ս **Յ. Մանանդյան**, Հին Հայաստանի գլխավոր ճանապարհները, էջ 196:

⁶ Անդ, էջ 197, քարտեզ:

⁷ Տե՛ս **Ա. Տեր-Ղևոնդյան**, Հայ ժողովրդի պայքարը..., էջ 381:

⁸ Տե՛ս **Ղ. Ալիշան**, Սիսական, էջ 163-165:

⁹ Տե՛ս **Важнейшие историко-архитектурные памятники древности и средневековья, карта, -Атлас Азербайджанской ССР, Баку-Москва, 1963, с. 206-207.**

¹⁰ Տե՛ս **Карта Кавказского края, Армении и Азербайджана, составленная Карауловым на основании сведений арабских географов, -СМОМПК, вып. 38, էջ 128.**

սաջանի տեղում, կատարել է այն վերապահումը, թե անգամ դրա ընդունելի չլինելու դեպքում Սիսաջանը պետք է գտնվեր Շարուրից Վայոց ձոր տանող ճանապարհահատվածում, իսկ որ առավել հավանական է՝ Բաշ-Նորաշենից Արփա ընթացող գծամասում: Ըստ Դ. Մանանդյանի՝ Սիսաջան կայարանն իր անունը ստացել էր համապատասխան երկրամասի՝ Սիսականի (Սյունիք) անվանումից¹:

Թ. Դակոբյանը նույնպես կայարանի անվանումը կապում է Սյունիք աշխարհի անվան հետ, և այն տեղադրում է Արենի գյուղի տեղում²:

Սիսաջան կայարանի կարաուլովյան տեղադրությունը Կիսաջան վայրում խոչընդոտների է հանդիպում: Նախ արաբ հեղինակների հիշատակած հեռավորություններին ճանապարհի Շարուրի դաշտ-Դվին հատվածում կարելի է վստահել հարթ տեղանքի պատճառով, իսկ այդ դեպքում առաջ է գալիս հեռավորությունների անհամապատասխանություն. Կիսաջանից մինչև Դվին 70-75 կմ է, իսկ, ըստ ալ-Իսթախրիի՝ Սիսաջան-Դվին հեռավորությունը 16 փարսախ էր (մոտ 93 կմ): Սյուն կարևոր առարկությունն այն է, որ Սիսաջանը չեն հիշում հայկական սկզբնաղբյուրները: Դ. Մանանդյանի պես ենթադրել, թե Սիսաջանը սոսկ քարավանատուն է եղել, ճիշտ չէ, քանի որ արաբ հեղինակներն այն քաղաք են համարում: Իբն Դաուկալը Սիսաջանի մասին հաղորդում է, թե այն հաճելի, միջին մեծության քաղաք է³: Իսկ Յակուտ ալ-Համավին հաղորդում է, որ Սիսաջանը մի քաղաք էր Դվինից 16 փարսախ հեռավորության վրա, որը գրավեց Զաբիբ իբն Մասլաման Զայաստանի նվաճման ժամանակ⁴:

Բ. Զարությունյանն ընդգծում է, որ, ըստ արաբ հեղինակների, Դվինից մինչև Սիսաջան հեռավորությունը պետք է կազմեր շուրջ 92 կմ, իսկ Կիսաջանից ու Արենիից մինչև Դվին հեռավորությունը դրան չի համապատասխանում: Վայոց ձորում տեղանքն ուսումնասիրելիս հետազոտողը եկել է այն եզրակացության, որ Սիսաջան կայարանը պետք է տեղադրել հիմնավորց Վայս ամրոցի շրջակայքում: Վայս ամրոցի ավերակները ներկայումս կոչվում են Վեյսալի դալասի և գտնվում են Տանձիկ գյուղի մոտակայքում: Բալազուրին Զաբիբ իբն Մասլամայի արշավանքի ժամանակ Սյունիքում հիշում է միայն Վայս ամրոցի նվաճման մասին, հետևաբար Յակուտ ալ-Համավիի տեղեկությունը, թե Զաբիբ իբն

¹ Տե՛ս Դ. Մանանդյան, Զին Զայաստանի գլխավոր ճանապարհները, էջ 194-195:

² Մանրամասնորեն տե՛ս Թ. Դակոբյան, Սյունիքի թագավորությունը (պատմաաշխարհագրական առումով), Ե., 1966, էջ 90-96:

³ Ibn Haukal, էջ 350:

⁴ Տե՛ս Jacut, III, էջ 216:

Մասլաման գրավեց Սիսաջանը Հայաստանի արշավանքի ժամանակ, վերաբերում է, ամենայն հավանականությամբ, վերոհիշյալ ամրոցին: Ապա Բ. Հարությունյանը նույնպես գալիս է այն հետևության, որ կայա-րանի Սիսաջան անվանումն առաջ է եկել նահանգի անունից: Վերջի-վերջո, այս տեղադրության օգտին է խոսում թեկուզ այն փաստը, որ Դվինից մինչև Վայս ամրոցի շրջակայքը շուրջ 90-92կմ է¹:

Ա. Ղարազյոզյանը տեղագնության ժամանակ Բ. Հարությունյանի նշած տեղում, այսինքն՝ Տանձիկ գյուղի մոտակայքում, ուր պետք է գտնվեր Վեյսալի դալասին, որևէ ավերակ չի գտել²: Անդրադառնալով Սիսաջան քաղաքի տեղադրությանը՝ ուսումնասիրողը նշում է, որ հնագույն միակ քաղաքն այդ շրջանում գտնվում է Շարուրի դաշտում, Վայոց ձորի մոտքի մոտ, Նորաշեն գյուղի մերձակայքում³: Այն Ա. Այվազյանի կողմից նույնացվել է հինավուրց Արբային⁴: Սակայն, Ա. Ղարազյոզյանը վստահ է, որ այդ ավերակ բերդաքաղաքը ոչ թե Արբան է, այլ Մարակերտը(Մարավանը)⁵: Նա կարծում է նաև, թե արաբ հեղինակների Սիսաջանը հենց Սյունիքի մերձակայքում՝ Շարուրի դաշտում կառուցված Մարակերտն է: Դվինի և Մարակերտի միջև հեռավորությունն ուղիղ գծով կազմում է 75կմ, որը, ըստ ուսումնասիրողի՝ կարող է համապատասխանել արաբ հեղինակների հիշատակած 16 փարսախ հեռավորությանը (մոտ 93կմ)⁶: Կարծում ենք, որ տարածքի մանրամասն տեղագնության հիման վրա կատարած այս տեղադրությունն ավելի հավանական է:

Սիսաջանից ճանապարհը ընթանում էր Դվին, և նրանց միջև հեռավորությունը 16 փարսախ էր:

Այսպիսով՝ ճանապարհը, դուրս գալով Պարտավից, Տրտու գետի, իսկ այնուհետև վերջինիս վտակ Լև գետի ափերով շարժվում էր դեպի արևմուտք ու, անցնելով Սողքի լեռնանցքը, Սևանա լճի հարավային ափերով ընթացող ներկայիս ավտոճանապարհի երթուղով հասնում էր Արգիճի գետի գետաբերանի շրջանը, այդտեղից էլ նույն գետի ափով ու Սուլենա լեռնանցքով իջնում էր մինչև Արփա գետի հովիտն ու նրա ափով շարժվելով՝ հասնում Մարակերտ-Սիսաջան: Այստեղից ճանա-

¹ Տե՛ս Բ. Հարությունյան, Դվին-Պարտավ ճանապարհի Sīsajān-Gēlakūnī գծամասը, «ՊԲՀ», 1968, թիվ 1, էջ 217-218:

² Տե՛ս Ա. Ղարազյոզյան, Սիսաջան և Նակորգան քաղաքների տեղադրությունը, «Լրաբեր(հաս. գիտ.)», 2001, թիվ 1, էջ 136, ծանոթ. 12:

³ Տե՛ս Ա. Այվազյան, Նախնական պատմա-ճարտարապետական հուշարձանները, Ե., 1978, էջ 63:

⁴ Անդ, էջ 63-64:

⁵ Տե՛ս Ա. Ղարազյոզյան, նշվ. աշխ., էջ 139:

⁶ Անդ:

պարիզ Երասխ գետի ափամերձ շրջաններով հասնում էր Դվին:

Փաստորեն, այս ճանապարհը կապում էր միմյանց Արմինիայի երկու կենտրոնները և ոստիկանի երկու նստավայրերը:

Մարանդ-Դվին ճանապարհը: Այս ճանապարհի մասին Իբն Խորդադեհը հաղորդում է. «Մարանդից մինչև ալ-Վադի (իմա՝ գետահովիտ-Ա.Ե.) 10 փարսախ է, ապա մինչև Նաշավա՝ 10 փարսախ, այնտեղից մինչև Դաբիլ 20 փարսախ է»¹: Ավելի ուշ շրջանի արաբ աշխարհագետներից այս ճանապարհը հիշատակում է ալ-Մուկադդասին. «Մարանդից մինչև Նաշավա 2 դժվարին անցում է, և նույնքան էլ՝ այդտեղից մինչև Դաբիլ»²:

Մարանդից Դվին ճանապարհի կայարանների տեղադրությունները հայտնի են, իսկ ինչ վերաբերում է երթուղուն, ապա այն Երասխի հովիտ էր իջնում ներկայիս Մարանդ-Ջուլֆա ուղեգծով, որի երկարությունը մոտավորապես համապատասխանում է Իբն Խորդադեհի հիշատակած Մարանդից ալ-Վադի (Երասխի հովիտը) 10 փարսախ (մոտ 58կմ) հեռավորությանը: Հենց այս երթուղին է հիշատակում Ղևոնդը՝ պատմելով, որ արաբական մի զորախումբ, գերեվարելով Գողթն գավառի և Նախճավանի ժողովրդին, անցկացնում է «...ընդ գետն Երասխ ընդ հունն Ջուղայոյ»³:

Մարանդ-Դվին ճանապարհի Մարանդ-Երասխ գետի հովիտ ճանապարհահատվածը (մոտ 60-65կմ), դատելով լեռնային տեղանքից, ճանապարհորդներից խելելու էր երկու օր: Ինչպես տեսանք, ալ-Մուկադդասին Մարանդից Նախճավան հեռավորությունը նշում է 2 անցում: Մարանդից մինչև Նախճավան մոտ 110կմ է, իսկ այդ հեռավորությունը հաղթահարել երկու անցումով (այսինքն՝ երկու օրում) հնարավոր չէ, քանի որ մեկ օրում հնարավոր է անցնել առավելագույնը 30-40կմ: Այսինքն՝ Մարանդ-Նախճավան ճանապարհի երկարությունը 3 անցումից պակաս լինել չէր կարող: Հավանական ենք համարում, որ ալ-Մուկադդասին նշած 2 անցումն իրականում վերաբերում էր Մարանդ-Երասխ գետի հովիտ ճանապարհահատվածին: Այդ պարագայում, կայարանը Մարանդի և Երասխի հովտի միջև գտնվելու էր, ամենայն հավանականությամբ, Կիամքի լեռից դեպի արևմուտք գտնվող լեռնանցքի հարևանությամբ:

¹ Ibn Khordadbeh, էջ 122:

² Al-Moqaddasi, էջ 381-382: Պետք է նշել, որ Դվինից Նախճավան ճանապարհը վերանորոգեց Խուզայմա իբն Խազիմ ոստիկանը (786-787) (տես **Ibn al-Fakih**, էջ 294):

³ Ղևոնդ, էջ 7:

Գալով ալ-Վադիից մինչև Նախճավան հեռավորությամբ՝ պետք է նշել, որ Իբն Խորդադբեհի հիշատակած 10 փարսախ հեռավորությունը (մոտ 58կմ) իրականությամբ չի համապատասխանում, քանի որ այն հավասար է մոտ 42կմ-ի, այսինքն՝ մեկ անցումի: Ուստի և կարծում ենք, որ Մարանդ-Նախճավան ճանապարհահատվածի երկարությունը կազմում էր 3 անցում:

Երկրորդ չէ ալ-Մուկադդասի վերոգրյալ հիշատակության մեջ Նախճավանից Դվին 2 անցում(60-80կմ) հեռավորության նշումը, մանավանդ, եթե հաշվի առնենք արաբ հեղինակի մեկ այլ հիշատակությունը, թե նույն հեռավորությունը 4 անցում էր(120-160կմ)¹: Ինչ վերաբերում է Նախճավանից Դվին Իբն Խորդադբեհի հիշատակած 20 փարսախ հեռավորությամբ(116կմ), ապա այն համապատասխանում է իրականությանը:

Այս ճանապարհին Արմինիան Մարանդով կապում էր Թավրիզի, իսկ վերջինովս նաև Խորասանի ու Միջին Ասիայի երկրների հետ:

Պետք է նշել, որ Մարանդ-Դվին ճանապարհը Արփա գետի ստորին հոսանքում միանում էր Պարտավ-Դվին ճանապարհին:

Պարտավ-Բադդ ճանապարհը: Այս ճանապարհը, ըստ Իբն Խորդադբեհի՝ ուներ 30 փարսախ երկարություն(մոտ 175կմ): Այն ավելի ուշ շրջանի հեղինակներն այլևս չեն հիշատակում, քանի որ Բադդն այլևս գոյություն չուներ:

Բադդ (Բազզ): Բադդը հանդիսանում էր համանուն երկրի կենտրոնը: Այդ երկիրը գտնվում էր Ատրպատականի ոստիկանության կազմում և Արմինիայից բաժանվում էր Երասխ գետով, իսկ նրա բերդերից մեկը, որի անունը չի պահպանվել, Երասխի ափին էր²: Մասուդին Երասխ գետի վերաբերյալ հիշատակության մեջ արժեքավոր տեղեկություն է պահպանել Բադդ երկրի աշխարհագրական դիրքի մասին. «Ար-Բասը հոսում է Բադդայն(իմա՝ Բադդ-Ա.Ե.) երկրի, որը Խուրամյան Բաբաքի հայրենիքն է Ադարբայջանում, և Ջաբալ Աբի Մուսա երկրի միջև, որն Առանի մասերից է»³: Ջաբալ (جبل-լեռ) Աբի Մուսա⁴ ասելով՝ Մասուդին նկատի ունի Քիշ Լեռը, որի գագաթին գտնվող համանուն ամրոցում Եսայի Աբու Մուսե Առանշահիլ իշխանը հերոսական կռիվներ մղեց Բու-

¹ St'u al-Moqaddasi, էջ 381-382:

² St'u Jacut, I, էջ 529-530:

³ مسعودي, էջ 206:

⁴ Կնշանակի Աբի Մուսայի Լեռ:

ղայի գորամասերի դեմ¹: Փաստորեն, Բաղդը հարավից հարևան էր Մեծ Հայքի Արցախ աշխարհին: Գալով Բաղդ քաղաքի տեղադրության խնդրին՝ պետք է նշել, որ ըստ Իբն ալ-Ասիրի՝ այն գտնվում էր Հաշտադ-սար կոչվող լեռան լանջին²: Վերջինը, անկասկած, համապատասխանում է Ղարադաղի կամ Հայկական լեռների Հաշտասար լեռանը(2939մ), որը գտնվում է Սելին գետի ակունքների շրջանում³: Փաստորեն, Բաղդը գտնվում էր Մեծ Հայքի Փայտակարան աշխարհի տարածքում, որը Սասանյանները 428 թ. Արևելա-հայկական թագավորության վերացումից հետո անջատել էին Հայաստանից⁴: Այդ անմատույց լեռնային շրջանում գործնականում չկային մատչելի ճանապարհներ: Նշվում է, որ Մուհամմադ առ-Տուսի գորավարը Բաղդ է հասնում լեռնային նեղ արահետներով⁵, իսկ Ավշին գորավարը Բարզանդից մինչև Բաղդ կառուցել է տալիս նոր ճանապարհ⁶: Երբ Ավշինի գորամասերը գրավեցին Բաղդը, Բաբելը Հաշտասարի մոտակա լեռնանցքով կարողացավ փախուստի դիմել: Փաստորեն, հենց այդ լեռնանցքով էլ անցնում էր Բաղդն Արմինիային կապող ճանապարհը, քանի որ անմիջապես նրա փախուստից հետո Ավշինը՝ իմանալով ճանապարհի ուղղությունը, տեղեկացրեց Արմինիայի «թագավորներին ու բաթրիկներին(պատրիկներ)», որ Բաբելը խույս է տվել և կանցնի նրանց մոտով⁷: Հավանական է կարծել, որ Բաղդից դեպի Արմինիա գնացող ճանապարհն անցնում էր Սելին գետի հովտով: Հասնելով Երասխ գետի ափը՝ ճանապարհը կարող էր շարժվել Պարտավ կամ սկզբում Երասխի, իսկ այնուհետև Հագարու գետի ափերով ու ներկայիս Լաչին(Բերձոր)-Ստեփանակերտ-Աղդամ ճանապարհի երթուղով, կամ՝ Երասխի ափով շարժվելով դեպի հյուսիս-արևելք ու միանալով Վարդանակերտ-Պարտավ ճանապարհին:

Այսքանով ավարտվում են IX դ. արաբ աշխարհագետ Իբն Խորդադեհիի հիշատակություններն Արմինիա մտնող և նրա տարածքով անցնող առևտրական ճանապարհների մասին: Սակայն, դատելով սկզբնաղբյուրների հաղորդումներից, արաբական տիրապետության շրջանում գործում էին նաև Հեր-Դարբանդ ճանապարհը և Հայոց հինա-

¹ Տե՛ս Թովմա Արծրունի և Անանուն, էջ 278, 290:

² Տե՛ս ابن الاثير, V, էջ, էջ 217-218, 237-238:

³ Տե՛ս Карта Кавказского края с показанием густоты армянского населения, издание Бакинского Армянского Культурного Союза, Баку, 1908.

⁴ Տե՛ս Բ. Հարությունյան, Մեծ Հայքի թագավորության հյուսիս-արևելյան մարզերի..., էջ 85-92:

⁵ Տե՛ս ابن الاثير, V, էջ 217-218:

⁶ Անդ, էջ 234:

⁷ Անդ, էջ 243:

վուրց մայրաքաղաքներ Արտաշատն ու Տիգրանակերտը իրար կապող Արքունի պողոտան:

Յեր-Դարբանդ ճանապարհը¹: Դատելով արաբ հեղինակների հաղորդումներից, այս ճանապարհը, չնայած, որ Իբն Խորդադբեհի կողմից չի հիշատակվում, գործում էր նաև VII-IX դդ.²: Դրա մասին ալ-Մուկադդասին հաղորդում է. «Խուլայյից մինչև Կալա Յունիս 6 անցում է, ապա մինչև Կարիա ալ-Ասաբիատ՝ 1 անցում, այրտեղից մինչև..., ապա մինչև Տիֆլիս՝ 1 անցում է, հետո մինչև Թաբլա, այնտեղից էլ՝ Շաքքի, ապա մինչև Լաքզան՝ 2 անցում է, և մինչև Բաբ [ալ-Աբվաբ]՝ 3 անցում»³: Ալ-Մուկադդասիի երկի հիշյալ հատվածն ամբողջությամբ չի պահպանվել, և նկարագրության մեջ բացակայում են Կարիա ալ-Ասաբիատից մինչև Տիֆլիս ճանապարհահատվածում գտնվող կայարանների անվանումները:

Կալա Յունիս: Կալա Յունիսը, ըստ ալ-Մուկադդասիի՝ պետք է գտնվեր Յերից 6 անցում, այսինքն՝ մոտավորապես 30-42 փարսախ (մոտ 175-245կմ) հեռավորության վրա: Կալա Յունիսը, որն ալ-Մուկադդասին հիշատակում է Հայաստանի քաղաքների թվում⁴, գտնվում էր ադ-Դիրանիի թագավորության մեջ⁵: Ահա՛, թե ինչ է հաղորդում Իբն Հաուկալն ադ-Դիրանի թագավորի որդու մասին. «Իբն Դիրանի թագավորը [քրիստոնյա է], որն իշխում է Ջավազանի, Վանի և Վաստանի վրա»⁶: Ելնելով այս հաղորդումից, դժվար չէ կռահել, որ ադ-Դիրանին Վասպուրականի Դերենիկ (Դերեն) թագավորի (943-958) անվան այլագրությունն է, իսկ հիշյալ գավառն ու քաղաքները X դ. Վասպուրականի թագավորության մեջ էին մտնում, ուստի՝ ադ-Դիրանիի երկիրը Վասպուրականի թագավորությունն է:

Ամիրաժեշտ է նշել, որ դեռևս Սասանյանների օրոք հզորացած Արծրունիներն արաբական տիրապետության ժամանակաշրջանում տարածվեցին ոչ միայն Վասպուրական աշխարհի տարածքում, այլև հա-

¹ Այս ճանապարհի մանրամասն քննությունը տես **Ա. Եղիազարյան**, *Յեր(խուլայյ)-Դարբանդ (Բաբ ալ-Աբվաբ) ճանապարհն ըստ արաբ աշխարհագետ ալ-Մուկադդասիի*, «ՊԲՀ», 2005, թիվ 3, էջ 149-159:

² Ըստ ալ-Քուֆիի՝ Մարվան իբն Մուհամմադը հենց այս ճանապարհով էր 732/733 թ. արշավել Խազարական թագավորություն(տես al-Kufi, VIII, էջ 75):

³ **Al-Moqaddasi**, էջ 392:

⁴ Անդ, էջ 373:

⁵ Անդ, էջ 377:

⁶ **Ibn Haukal**, էջ 348-348:

րևան երկրամասերում¹: Եվ հենց այս է պատճառը, որ Իբն Յաուկալը Վասպուրականի թագավորության մեջ է հիշատակում Կալա Յունիսը, որը, ինչպես ստորև կտեսնենք, համապատասխանում է Մեծ Յայքի Այրարատ աշխարհի Կոգովիտ գավառի Դարյունից բերդին: Կոգովիտ գավառը Դարյունից բերդով Վասպուրականի թագավորությանը միացրել էր Դերենիկ թագավորի նախորդը՝ Գագիկը (908-943): Ըստ Թովմա Արծրունու՝ «ի գնալն Յուսփայ ամիրային ի Պարսս՝ գնաց և թագաւորն Գագիկ ի գաւառն Կոգովիտ, և պաշարեալ զանառն Դարինս՝ գողացեալ առնու ի գիշերի»²:

Մեր կարծիքով, արաբները Դարյունից բերդի անվան «դար» բաղադրիչն ընկալել են «բերդ, ամրոց» իմաստով ու դարձրել «կալա»: Ինչ վերաբերում է Դարյունից անվան երկրորդ բաղադրիչին՝ «յունից»-ին, ապա վերջինի «ց»-ն, արաբերենում այդ տառի բացակայության պայմաններում, փոխարինվել է «ս» (س)-ով, և «յունից»-ը վերածվել է «յունիս»-ի: Դարյունից բերդը (գրաբարում՝ Դարենից կամ Դարինից բերդ³) գտնվում էր ներկայիս Յին Բայազետ կամ Դոդու-Բայազիդ քաղաքի հարևանությամբ, որտեղ մինչև այսօր էլ պահպանվել են բերդի պարիսպները⁴: Ինչ վերաբերում է Յերի և Կալա Յունիսի միջև ալ-Մուկադդասիի մշած 6 անցում հեռավորությանը (մոտ 175-245կմ), ապա այն որոշակիորեն չափազանցված է⁵: Անհրաժեշտ է ավելացնել, որ կայարանը պետք է գտնվելիս լիներ ոչ թե Դարյունից բերդում, այլ դրա մերձակայքում՝ անմիջապես ճանապարհի հարևանությամբ⁶:

Կարիա ալ-Սաարիատ: Վերջինը, ըստ արաբ հեղինակի՝ գտնվում էր Կալա Յունիսից 1 անցում հեռավորության վրա (մոտ 30-40կմ): Կարծում ենք, որ այդ կայարանը հաստատապես պետք է գտնվելիս լիներ մինչև Յայկական պար լեռնաշղթան ընկած շրջանում:

Սեբեոսի մի արժեքավոր հիշատակությունն օգնում է ճշտել այս ճանապարհի երթուղին Դարյունից բերդից հյուսիս: Նկարագրելով

¹ Տե՛ս Թովմա Արծրունի և Անանուն, էջ 444: Յմնտ. Զովհաննես Դրասխանակերտցի, էջ 328:

² Թովմա Արծրունի և Անանուն, էջ 444:

³ Տե՛ս Դևոնդ, էջ 18, 119 և այլն, Ասողիկ, էջ 131:

⁴ Տե՛ս Ս. Երենյան, Գայաստանը ըստ «Աշխարհացոյց»-ի, էջ 49:

⁵ «Յայկական լեռնաշխարհ և հարակից շրջաններ», ֆիզիկական քարտեզ: Խոյի և Բայազետի միջև հեռավորությունը հավասար է մոտ 155կմ-ի: Ալ-Մուկադդասիի հաղորդած հեռավորության չափազանցված տվյալը մենք բացատրում ենք լեռնային տեղանքով:

⁶ Տե՛ս Ա. Եղիազարյան, Յեր (Խուայյ)-Դարբանդ (Բաբ ալ-Աբվաբ) ճանապարհն ըստ արաբ աշխարհագետ ալ-Մուկադդասիի, էջ 150-151: Յեր-Դարյունից բերդ ճանապարհը գործում է մահ այսօր՝ ընթանալով Կոտորի (Վասպուրականի) լեռնաշղթայի արևելակողմով՝ Խոյ-Էվոլլու-Մերգեն (Մարգիան)-Մակու-Դոդու-Բայազիդ գծով:

արաբների 647 թ. արշավանքը՝ պատմիչն ի մասնավորի հաղորդում է. «...եկն զաւրն Իսմայելի յԱտրպատական, և բաժանեացան յերիս:...Արդ՝ որք ի կողմանս Սեպհական գնդին...եկին ժողովեցան ի Զերևան, և մարտեան ընդ բերդին, և ոչ կարացին առնուլ: Եկին ի յՈրդսպու, և ոչ նմա ինչ կարացին առնել: Գնացին անտի և բանակեցան յԱրծափս:... Արդ՝ իջին ընդ այն արք ի վայր ի բերդէն երթալ խնդրել ի բերդէն Դարաւնից զաւր յաւգնականութիւն իւրեանց»¹:

Արծափ ամրոցը գտնվում էր Դարյունից բերդից մոտ 17 կմ հեռավորության վրա², որը հիմք էր տալիս նրա պաշտպաններին՝ օգնություն կանչելու այնտեղից: Ելնելով վերոհիշյալից՝ ենթադրում ենք, որ Լասաբիատ անվանումը նույնական է Արծափ անվանը, որը Ղևոնդն ու Անանուն Ջրուցագիրը հիշատակում են «Արծափաց» ձևով³: Ինչ վերաբերում է «կարիա» բառին, ապա այն «կալա» (բերդ) բառի աղավաղված տարբերակը կարող է լինել: Այդպիսի աղավաղումը, ի դեպ, առկա է նաև Կալա Յունիսի դեպքում (Կարիա Յունիս)⁴: Սակայն, «կարիա» բառը (قرية) արաբերենից թարգմանաբար նշանակում է «գյուղ», «ավան», ինչը, թերևս, առավել հավանական տարբերակ է: Հասկանալի է, որ ճանապարհն անցնելու էր ամրոցի մերձակայքով, իսկ մերձակայքում գտնվող գյուղը պարզապես կոչվելու էր «գեւղն/գիւղն Արծափաց», որը մասամբ արաբերեն թարգմանվելու դեպքում, ինչպես կտեսնենք, դառնալու էր «Կարիա ալ-Արսաբատ»:

Արծափ ամրոցի հարևանությամբ գտնվող նույնանուն գյուղը, որտեղ տեղակայված էր կայարանը, դատելով մեր կողմից Կարիա ալ-Ասաբիատի հետ նրա նույնացումից և Սեբեոսի ևս մեկ կարևոր հիշատակությունից, երկու ճանապարհների հանգուցակետ էր: Պատմիչը, նկարագրելով արաբների 641 թ. արշավանքը, հաղորդում է, որ նրանք Ջորա պահակ լեռնանցքով ներխուժեցին Տուրուբերան, գրավեցին Բզնունիքն ու Աղիովիտը և «ճանապարհ կալեալ ի Բերկրոյ ձորն ընդ Որդսպոյ և ընդ Գոգովիտ՝ թափեցան յԱյրարատ»⁵:

Արաբական զորքի՝ Որդսպուից գալն ու Արծափ ամրոցը պաշարելը ցույց է տալիս, որ Որդսպուն ճանապարհով կապված էր Արծափի հետ: Բացի այդ, «ի Բերկրոյ ձորն ընդ Որդսպոյ և ընդ Գոգովիտ» արտահայ-

¹ Սեբեոս, էջ 145:

² Տե՛ս Дорожная карта Кавказского края, составлена и литографирована в военно-типографическом отделе Кавказского военного округа, 20 верст в дюйме, Тифлис, 1870.

³ Տե՛ս Ղևոնդ, էջ 11, Շապուհ Բագրատունի, էջ 29:

⁴ Տե՛ս al-Moqaddasi, էջ 376:

⁵ Սեբեոս, էջ 138:

տությունը նախատեսում է Որդսպուհի տեղադրությունն այդ ճանապարհի վրա մինչև Կոզովիտ գավառ հասնելը, Կոտոր լեռնաշղթայի արևմտակողմում, այսինքն՝ Վասպուրականում¹: Դատելով վերոհիշյալ երկու փաստերից, Որդսպուհից հետո ճանապարհի հաջորդ կայարանն Արծափն էր Կոզովիտում, որից այն կողմ ճանապարհն անցնելու էր Հայկական պարը: Այս ճանապարհն անցնում էր Վանա լճի հյուսիսային ափերով ու Կոտոր լեռնաշղթայի արևմտակողմով, իսկ Հերից Դարյունից բերդի մերձակայքով դեպի Արծափ ամրոցն շարժվող ճանապարհն ընթանում էր Կոտոր լեռնաշղթայի արևելակողմով: Փաստորեն, Կոտոր լեռնաշղթայի երկու կողմերով դեպի հյուսիս ընթացող ճանապարհները միանում էին Արծափ ամրոցի մոտակայքում:

Կրկին անդրադառնալով Արծափաց գյուղ-Կարիա ալ-Ասաբիատ նույնացմանը՝ մշենք, որ Ղևոնդի և Անանուն Ջրուցագրի հիշատակած «Արծափաց» անվանաձևը, ամենայն հավանականությամբ, գործածական էր միջմասդարում: Արաբերենում «ծ» տառի բացակայության պայմաններում արաբ աշխարհագետներն օգտագործում էին «ս» (س կամ ص) տառը, ինչպես, օրինակ՝ Սամանդու-Ծամնդալ² և Սամարիա-Ծանարիա³ դեպքերում, իսկ «ց» տառի բացակայության պայմաններում արաբերենում օգտագործվում է «տ» (ت) տառը: Կարծում ենք, որ արաբերենում «զգեղն Արծափաց» բառակապակցությունը, հաշվի առնելով վերոհիշյալ պարզաբանումները, մասամբ թարգմանվելու հետևանքով հնչելու էր «Կարիա ալ-Արսաբատ», որը հետագայում աղավաղվել ու վեր է ածվել «Կարիա ալ-Ասաբիատ»-ի⁴:

Փաստորեն, ճանապարհը գալիս էր Դարյունից բերդի կողմից և անցնում Արծափաց ամրոցի մերձակայքում գտնվող նույնանուն գյուղով: Պետք է մշել, որ Կարիա ալ-Ասաբիատի հեռավորությունը Կալա Յունիս կայարանից, որը մեկ անցում(մոտ 30-40կմ) պետք է կազմեր, չի

¹ Դ. Սամանդյանը Պատմագրության քարտեզի Artaxata-Godbi-Paresaca ճանապարհի Կատիսպի (Catispī) կայարանը նույնացնում է Որդսպուհին և, հենվելով Ս. Երեմյանի վրա, այն տեղադրում ներկայիս Տապարիզ բնակավայրի մերձակայքում՝ Կարաբենդից դեպի հարավ-արևելք (տես Դ. Սամանդյան, Հին Հայաստանի գլխավոր ճանապարհները, էջ 147-149, 246, տես նաև Карта Кавказского края с показанием густоты армянского населения, издание Бакинского Армянского культурного союза, Баку, 1908): Գիշտ է, այդ դեպքում Որդսպուն կհայտնվի Կոզովիտի տարածքում, սակայն, Սեբեոսի հաղորդման տրամաբանությունը, ինչպես նաև մեր քննությունը, թույլ են տալիս նաև այդ տեղադրությունը:

² Տես Jacut, III, էջ 144:

³ Տես Ibn Khordadbeh, էջ 122:

⁴ Տես Ա. Եղիազարյան, Հեր (խուսյոյ)-Դարբանդ (Բաբ ալ-Աբվաբ) ճանապարհը..., էջ 152:

համապատասխանում Դարյունից բերդից մինչև Արծափ ամրոց ընկած հեռավորությանը, որը, թերևս, նույնպես պետք է բացատրել լեռնային տեղանքով:

Այսպիսով՝ հարավ-արևելքից և հարավ-արևմուտքից եկող ճանապարհները միանում էին Արծափաց գյուղում:

Ինչպես տեսանք, ալ-Մուկադդասիի տեքստը թերի է, ինչի պատճառով բացակայում են Կարիա ալ-Ասաբիատ-Տփղիս ճանապարհահատվածում գտնվող կայարանների անունները: Հաշվի առնելով այն, որ պարսկական տիրապետության շրջանում, համաձայն «Մոհմաչափք»-ի՝ գործում էր Դվին-Տփղիս ճանապարհը¹, պետք է կարծել, որ գործ ունենք հենց այդ ճանապարհի հետ: Ուստի և կարծում ենք, որ ճանապարհն Արծափից հետո անցնում էր Հայկական պար լեռնաշթան Չինգիլի լեռնանցքով ու Օրկովի կիրճով², այնուհետև, թեքվում էր դեպի արևելք և իջնում Երասխ գետի հովիտն Արտաշատի կամրջի մոտ: Այն, հավանաբար, անցնում էր Երասխը Արտաշատի կամ Տափերի (Տափերական) կամրջով ու շարժվում դեպի Դվին³: «Մոհմաչափք»-ի Դվին-Տփղիս ճանապարհը, համեմատելով Սասանյանների տիրապետության շրջանում(համաձայն Պևտինգերյան քարտեզի) նույն ուղղությամբ գործող ճանապարհի հետ, Երասխ գետի ափամերձ շրջանով բարձրանում էր դեպի հյուսիս ու, այնուհետև, անցնում Հրազդան գետի արևելակողմով ընդհուպ մինչև նրա սկիզբ առնելու տեղը, որից հետո, շարժվելով հյուսիս, անցնում էր Սևանի լեռնանցքով: Գնալով արևելք՝ ճանապարհը այստեղից դեպի Տփղիս, ամենայն հավանականությամբ, ընթանում էր ներկայիս Դիլիջանով և Աղստևի ձախ ափով դուրս էր գալիս Կուր գետի ափը⁴, որտեղ միանում էր Պարտավ-Տփղիս ճանապարհին Խունան (Հունարակերտ) կայարանում, որը գտնվում էր Աղստևի գետաբերանի ձախ ափին:

Հունարակերտից ճանապարհը Տփղիս էր շարժվում Պարտավ-Տփղիս ճանապարհի երթուղով՝ Կալա իբն Քանդաման կայարանով:

Թարլա: Մեծ կարևորություն է ներկայացնում ալ-Մուկադդասիի նշած ճանապարհի ուղղությունը մահ Տփղիսից այն կողմ, որի հիշատակությունը ևս մյուս արաբ հեղինակների մոտ բացակայում է: Տփղիսից հետո ճանապարհը անցնում էր Թարլա, որտեղից էլ Շաքի: Սակայն, ցավոք, այդ կայարանների միջև հեռավորություններն ալ-Մու-

¹ Տես Ս. Տեր-Ղևոնդյան, Հայ ժողովրդի պայքարը..., էջ 381:

² Տես Թ. Հակոբյան, Հայաստանի պատմական աշխարհագրություն, էջ 17:

³ Տես Սեբեոս, էջ 138:

⁴ Տես Շ. Время, Торговые пути Закавказья..., էջ 81-85:

կադդասին չի հիշատակում, որը դժվարացնում է Թաբլա կայարանի տեղադրությունը: Թերևս, պետք է հավանական համարել Թաբլայի նույնացումը Թելավ քաղաքին¹: Թելավը XI դարում դարձավ Կախեթի թագավորության մայրաքաղաքը և այդ քաղաքի բարձրացումն ու ծաղկումը պետք է կապված լիներ Տփղիսից Շաքե տանող ճանապարհի հետ²: Թաբլայից հետո ճանապարհն անցնում էր Շաքե, որից այն կողմ, ըստ ալ-Մուկադդասիի՝ ճանապարհը անցնում էր Լաքզան, իսկ նրանց միջև հեռավորությունը 2 անցում էր (10-14 փարսախ կամ 60-80 կմ):

Լաքզան: Լաքզանը ոչ թե ինչ-որ կոնկրետ կայարան էր, այլ համապատասխան երկրի անվանումը, որը, թերևս, նույնական էր արաբական աղբյուրներում հաճախ հիշատակվող ալ-Լաքզ երկրին: Մենք արդեն ցույց ենք տվել, որ ալ-Լաքզ անվանումը արաբ հեղինակները երբեմն տալիս էին Դաղստանի բոլոր լեռնականներին և, երբեմն, այդ լեռնականներից ոմանց: Մեր կարծիքով, այստեղ ալ-Մուկադդասին Լաքզան անվան տակ նկատի ունի ոչ թե հատկապես ինչ-որ մի ցեղի, այլ Հարավային Դաղստանը³:

Այսպիսով՝ Շաքեից հյուսիս ճանապարհը պետք է անցներ Կովկասյան լեռներն ու մուտք գործեր Հարավային Դաղստան: Ամենայն հավանականությամբ, ճանապարհը Շաքե քաղաքի մոտ հաղթահարում էր Կովկասյան լեռները Օղուք-Քիշ-Խնով բնակավայրերի գծով և դուրս գալիս Ախտի-չայի հովիտը⁴: Այս ճանապարհի վերաբերյալ հիշատակություն ունի արաբ պատմիչ ալ-Քուֆին: Նա պատմում է, որ Մուհամմադ իբն Մարվանը 732/733 թ. դեպի խազարական թագավորություն կատարած արշավանքի ժամանակ կարճ ուղի է ընտրել ու Շաքեի մերձակայքով անցնող ճանապարհով է հաղթահարել Կովկասյան լեռներն ու ներխուժել Սարիր⁵:

Ալ-Լաքզ-Դարբանդ ճանապարհահատվածը կարող էր երկու հնարավոր երթուղի ունենալ: Առաջինը՝ սկզբում Ախտի-չայ, իսկ հետո Սամուր գետերի ափերով շարժվում է դեպի արևելք ու միանում Դարբանդ շարժվող մեծ ուղուն, որը նույնական է արաբ հեղինակների հի-

¹ Տե՛ս **Н. Караулов**, նշվ. աշխ., թիվ 38, էջ 22, ծանոթ. 7:

² Տե՛ս **М. Лордкипанидзе**, նշվ. աշխ., էջ 258-259:

³ Տե՛ս **Ա. Եղիազարյան**, Հեր (Խուսայ)-Դարբանդ (Բաբ ալ-Աբվաբ) ճանապարհը..., էջ 156-157:

⁴ Տե՛ս ցարական բանակային շտաբի հինգվեբստանոց քարտեզի թիվ 3. 7. և ՋԿ. 6. պլանշետները: Անանուն լեռնանցքով անցնող այդ ճանապարհը հիշատակում է Մ. Բարխուդարյանը (տե՛ս «Աղուանից երկիր եւ դրացիք (Միջին Դաղստան)», էջ 114-115):

⁵ Տե՛ս al-Kufi, VIII, էջ 75:

շատակած Պարտավ-Դարբանդ ճանապարհի հյուսիսային հատվածին: Երկրորդ երթուղին միանում է այդ ճանապարհին՝ շարժվելով Ախտի-չայ և Կուրախ-չայ գետերի ավերով: Գերադասելի է առաջին ուղեգիծը՝ կապված առավել մատչելի ճանապարհի առկայության հետ: Ալ-Լաք-գից (Լաքգան) մինչև Դարբանդ հեռավորությունը, ըստ ալ-Մուկադդասիի՝ կազմում էր 3 անցում (15-21 փարսախ կամ մոտ 85-120կմ): Կարծում ենք, որ ճանապարհը, ընթանալով Ախտի-չայ և Սամուր գետերի ավերով՝ պետք է միանար Պարտավ-Դարբանդ ճանապարհին Սամուր գետի կամրջի՝ Ջիսր Սամուրի մոտակայքում (Կուլարի կամուրջ), իսկ հետո շարժվեր դեպի Դարբանդ¹:

Արքունի պողոտա: Զննության առնենք մաս Արքունի պողոտան կամ Արտաշատ-Տիգրանակերտ մայրուղին², որը՝ դատելով Ղևոնդի վկայություններից, VIII դ. 70-ական թվականներին դեռևս բանուկ էր: Պատմիչը, նկարագրելով 774-775 թթ. ապստամբության հաղթարշավը, հաղորդում է, թե ոստիկանը Դվինից ապստամբների դեմ Ապունճիպ զորավարի հրամանատարությամբ զորք է ուղարկում, որը «...ուշ եղեալ ընդ պողոտայն արքունի՝ հասանէր ի գաւառն Բագրևանդ ի գիւղն Բագաւան»³:

Արքունի պողոտայի քննությունը մանրամասնորեն կատարել է Զ. Մանանդյանը⁴: Բ. Հարությունյանը, կապված Տիգրանակերտի տեղադրության հետ, մանրամասնորեն անդրադարձել է հայոց մայրուղու՝ Տարոնի դաշտ-Տիգրանակերտ հատվածին⁵:

Ինչպես ցույց է տալիս Ղևոնդի վերոհիշյալ վկայությունը, Արքունի պողոտան Արտաշատից շարժվում էր դեպի Բագավան: Ամենայն հավանականությամբ, այն անցնում էր Երասխ գետն Արտաշատի կամ Տափերի (Տափերական) կամրջով: Համաձայն Զ. Մանանդյանի կատարած տեղադրությունների՝ Արտաշատի և Բագավանի միջև՝ Արքունի պողո-

¹ Տես **Ա. Եղիազարյան**, Զեր (Խուայր)-Դարբանդ (Բաբ ալ-Աբվաբ) ճանապարհը..., էջ 157:

² Պետք է նշել, որ Ա. Տեր-Ղևոնդյանը սխալմամբ կարծում է, թե Արքունի պողոտան ոչ թե հինավուրց Արտաշատ-Տիգրանակերտ մայրուղին է, այլ Իրանից եկող և Դվինով Կարնո քաղաք, ապա Տրապիզոն անցնող առևտրական ճանապարհը (տես **Ա. Տեր-Ղևոնդյան**, Հայ ժողովրդի պայքարը..., էջ 384):

³ Ղևոնդ, էջ 140:

⁴ Տես **Զ. Մանանդյան**, Հին Հայաստանի գլխավոր ճանապարհները, էջ 85-114:

⁵ Տես **Բ. Հարությունյան**, Մեծ Հայքի վարչա-քաղաքական բաժանման համակարգը..., էջ 175-198:

տայի վրա, գտնվում էին Փառախոտ, Ցուլակերտ և Արուն բնակավայրերը¹:

Դատելով Ղևոնդի մի վկայությունից՝ Բագավանից հետո Արքունի պողոտան անցնում էր Բագրևանդ գավառում գտնվող Արծնի գյուղով: Պատմիչը, խոսելով այն մասին, թե ինչպես են արաբական զորքերն Ամր զորավարը Ջորա պահակով մտնում Հայաստան և գալիս Խլաթ, որտեղից էլ գնում են ընդառաջ Բերկրիից Արծեշ արշավող հայ ապստամբներին ու պարտության մատնում նրանց, պատմում է, որ ապա «նոյնժամայն շունչ կլեալք՝ դարծեալ յարծակէին, ուշ եղեալ ելանել յառաջին պողոտայն արքունի ընդ գավառն Ապահունիս: Հասանէին ի գաւառն Բագրևանդ ի գիւղն Արծնի»²: Այստեղ արաբական զորքերը բանակ են դնում «առ եզերք գետոյն(իմա՝ Արածանի-Ա.Ե.) որ ընդ նա(իմա՝ Արծնի գյուղը-Ա.Ե.) անցանէ»³: Արագ երթով դեպի Արծնի են գալիս նաև Կարնո քաղաքը պաշարած Մուշեղ Մամիկոնյանի զնդերը, գալիս են Բասենով ու հասնում Բագրևանդ: Այստեղ հայկական զնդերը անցնում են Արածանին ու հարծակվում արաբների վրա⁴: Փաստորեն, ճանապարհը Բագավանից Արածանու ափով շարժվում էր դեպի արևմուտք ու հասնում Արծնի գյուղը:

Դուրս է գալիս, որ Արքունի պողոտան, գալով Դվինից, երկու ճյուղ էր տալիս Արծնի գյուղում: Մեկը շարժվում էր դեպի Արծեշ, իսկ մյուսը՝ Կարին: Համաձայն Պեվտինգերյան քարտեզի՝ ճանապարհը երկփեղկվում էր Բագավան հանգուցային կայարանից⁵: Դատելով հիշյալ ուղղություններից, որոնցով հայոց և արաբական զորքերը եկան ու հանդիպեցին Արծնի գյուղի մոտ և Պեվտինգերյան քարտեզի վերոհիշյալ հիշատակությունից, Արծնին գտնվում էր Բագավանի հարևանությամբ՝ Արածանու ափին⁶:

Սինչև Արքունի պողոտայի հետագա երթուղուն անդրադառնալը,

¹ Տե՛ս Գ. Մանանդյան, Հին Հայաստանի գլխավոր ճանապարհները, էջ 22-25: Տե՛ս նաև Բ. Հարությունյան, Հայաստանն ըստ «Աշխարհացոյց»-ի և այլ աղբյուրների, քարտեզ:

² Ղևոնդ, էջ 147-148:

³ Ամդ, էջ 148:

⁴ Ամդ:

⁵ Տե՛ս Գ. Մանանդյան, Հին Հայաստանի գլխավոր ճանապարհները, էջ 46:

⁶ Հետաքրքիր է այն, որ Գ. Մանանդյանն իր «Bagautna-Artaxata ուղեգիրը» քարտեզում ճանապարհը երկփեղկել է ոչ թե Բագավանում, ինչպես նշում է Պեվտինգերյան քարտեզը, այլ նրանից դեպի արևմուտք՝ այնտեղ, ուր պետք է գտնվեր Արծնին(տե՛ս Գ. Մանանդյան, Հին Հայաստանի գլխավոր ճանապարհները, էջ 47, տե՛ս նաև Ալիշան Դ., Այրարատ, էջ 525):

նշենք, որ դրա՝ Արտաշատից (որը V դարում իր տեղը զիջեց Դվինին)¹ մինչև Արծնի հատվածն ընդհանուր էր թե Արքունի պողոտայի և թե «Մղոմաչափք»-ի հիշատակած Դվին-Կարնո քաղաք-Կողոմնիա ճանապարհի համար²:

Պարզելով, որ Արքունի պողոտան, գալով Արծնի, երկու ճյուղ էր տալիս, նշենք, որ այն Արծնից այն կողմ ընթանում էր Ապահունիքով, Հարքով ու Տարոնով: Համաձայն Հ. Մանանդյանի քննության, հայոց մայրուղին Արծնից հետո շարժվում էր Արածանի գետի ձախ ափով, հասնում Դիդեմ բնակավայրին, այնտեղից էլ՝ Ապահունիքում գտնվող Ծումբ և Եղեգական բնակավայրերով ու Մանազկերտ քաղաքով անցնում էր Հարք, որտեղից, շարժվելով հարավարևմտյան ուղղությամբ, անցնում էր ներկայիս Բոստաքենդով(Բաստավան)³: Բոստաքենդից այն կողմ մայրուղու ուղղությունը որոշելու համար կարևոր նշանակություն ունի դրա՝ Ձորա պահակ լեռնանցքով անցնելու փաստի պարզաբանումը: Բ. Հարությունյանն այն կարծիքին է, թե այն հանգամանքը, որ օտարերկրյա նվաճողներն արշավանքների ժամանակ հիմանականում օգտվում էին Ձորա պահակով անցնող ճանապարհից, ցույց է տալիս, որ այն երկիր մտնող հիմնական և ամենամատչելի ուղին էր և նույնական էր VIII դ. դեռևս բանուկ Արքունի պողոտային⁴:

Այն Արքունի պողոտան անցնում էր Ձորա պահակով, պարզ է դառնում Փավստոս Բուզանդի տեղեկությունից այն մասին, որ «ամենայն նախարարութիւն Աղծնեաց, և զօրն և տունն տոհմին Աղծնեաց կողմանն ապստամբեցին յարքայէն Հայոց Արշակայ, և չոգան կացին առաջին արքային պարսկաց Շապիոյ. և պարիսպ ածէին ի Հայոց կուսէ՝ որ Ձորայն կոչեն, դրունս դնէին. և զատուցին զիրեանց աշխարհն ի Հայոց»⁵: Պարզ է, որ խռովարար Աղծնյաց բղելիք փակելու էր իր իշխանություն տանող ամենախոցելի հատվածները, որպիսիք կարող էին լինել լեռնանցքներն ու նրանցով անցնող ճանապարհները: Քանի որ Արքունի պողոտան անցնում էր Աղծնիքով, վերջինիս բղելիսն առաջին հերթին փակելու էր հենց այդ ուղին: Սակայն, սպասվածին

¹ Տե՛ս Թ. Հակոբյան, Հայաստանի պատմական աշխարհագրություն, էջ 114:

² Տե՛ս Ա. Տեր-Ղևոնդյան, Հայ ժողովրդի պայքարը..., էջ 381:

³ Տե՛ս Հ. Մանանդյան, Հին Հայաստանի գլխավոր ճանապարհները, էջ 91-112: Տե՛ս ցարական բանակային շտաբի տասվերստանոց քարտեզի թիվ 81 պլանշետը: Տե՛ս նաև Ս. Երեմյան, Վասպուրականի թագավորությունը (908-1021 թթ.), քարտեզ, «ՀՄՀ», հ. 11, Ե., 1985, էջ 320:

⁴ Տե՛ս Բ. Հարությունյան, Մեծ Հայքի վարչա-քաղաքական բաժանման համակարգը..., էջ 192:

⁵ Փավստոս Բուզանդ, էջ 246:

հակառակ, նա ամբողջություններ է ստեղծում ոչ թե այն հատվածում, որով Հ. Մանանյանն անցկացնում է Արքունի պողոտան, այսինքն՝ Ներքիկ-Մուշ ուղեգծում, այլ Չորա պահակում: Փակելով Չորա պահակով անցնող ճանապարհը՝ Աղծնյաց բղեշխն իր իշխանությունը մեկուսացնում էր Հայոց թագավորությունից: Արքունի պողոտայի՝ Չորա պահակով անցնելու իրողության ապացույցն է նաև Ղևոնդի մի վկայությունը: Պատմիչը, խոսելով այն մասին, որ Թեոդորոս Ռշտունին ստացավ դեպի Հայաստան արաբական առաջին արշավանքի լուրը, հաղորդում է, թե նա «առեալ զգօրս իւր՝ կամեր ունել զկիրճս ճանապարհին Չորայոյ»¹: Պարզ է, որ Հայոց իշխանը փակելու էր հարավարևմտյան ուղղությամբ Հայաստան մտնող հիմնական ճանապարհը: Իսկ քանի որ Արքունի պողոտան այդ ժամական բանուկ էր, ապա, անկասկած, այստեղ գործ ունենք հենց հայոց մայրուղու հետ:

Ըստ Բ. Հարությունյանի քննության՝ Արքունի պողոտան Տարոնի դաշտով շարժվում էր խասգյուղով և Բաղեշից շուրջ 33կմ հեռավորության վրա գտնվող Չուխուր-Նորշենով, որոնք ուսումնասիրողը համապատասխանաբար նույնացնում է Պեվտինգերյան քարտեզի Արտաշատ-Տիգրանակերտ ճանապարհի Dizanas կամ Dyzanans և Patransana կամ Patansana կայարաններին²: Արքունի պողոտան Տարոնի դաշտից դեպի Չորա պահակ, անկասկած, շարժվելու էր Մեղ գետի հովտով: Հայոց մայրուղին, անցնելով Չորա պահակ լեռնանցքով և Բաղեշով (Բիթլիս), շարժվում էր Տիգրանակերտ:

Տիգրանակերտ: Չնայած, որ խնդրո առարկա ժամանակաշրջանում

¹ Ղևոնդ, էջ 9:

² Տես Բ. Հարությունյան, Մեծ Հայքի վարչա-քաղաքական բաժանման համակարգը..., էջ 194-195: Չուխուր Նորշեն գյուղանվան առաջին բաղադրիչը ունի հայերեն «Փոս» իմաստը և համապատասխանում է Պեվտինգերյան քարտեզի Արտաշատ-Տիգրանակերտ ճանապարհի Dizanas կամ Dyzanans կայարանին, որի անվան «D»-ն, ըստ ուսումնասիրողի՝ առաջացել է «P»-ի աղավաղումից: Ուստի այն պետք է սրբագրել Pizanas և Pyzanans ու նույնացնել Փսանք կամ Փոսանք տեղանվանը, որն էլ ավելի ուշ թուրքախոս բնակչության կողմից թարգմանվել է «Չուխուր»-ի: Ինչ վերաբերում է Patransana կամ Patansana կայարանին, որը գտնվում էր Dyzanans-Pyzanas կայարանից շուրջ 40կմ հեռավորության վրա, ապա Բ. Հարությունյանն այն նույնացնում է Չուխուր-Նորշենից 40 կմ դեպի հյուսիս-արևմուտք գտնվող խասգեղին կամ խասքյոյին: Սովորաբար «խաս» էին կոչվում հարկերից ազատ կալվածքները, և պետք է կարծել, որ այդ գյուղը սկզբնապես կոչվել է Ազատառիճ և նշանակել է «ազատների գյուղ», որը մասամբ թարգմանվել է լատիներեն: «Ազատ»-ը վերածվել է Patric-ի, իսկ կայարանի անվանումը դարձել է Patricarisana և այնուհետև՝ Patrarisana, որն էլ հետագայում աղավաղվելով՝ դարձել է Patransana: Ինչ վերաբերվում է խասքյոյ կամ խասգեղ անվանմանը, ապա պետք է ենթադրել, որ խասքյոյը պարզապես Ազատառիճի թարգմանությունն է, որտեղ, սոցիալական կացության մեծ տարբերությամբ, «ազատ»-ը դարձել է «խաս», իսկ «առիճ»-ը՝ «քյոյ»: Իսկ խասգեղը կամ խասգյուղը խասքյոյի հայացման հետևանքն է:

Տիգրանակերտն այլևս գոյություն չուներ¹, անդրադառնանք նաև նրա տեղադրությանը, քանի որ դա անհրաժեշտ է՝ Արքունի պողոտայի հետագա երթուղին ճշտելու համար: Տիգրան Մեծի տերության մայրաքաղաք Տիգրանակերտն ուսումնասիրողները տեղադրում են տարբեր տեղերում: Այն գերմանացի հետազոտողներ Լեհման-Յաուպտի և Վալդեման Բելքի կարծիքով գտնվել է Տիգրիս գետի հյուսիսակողմում և տեղորոշվում է Նփրկերտ կամ Ֆարկին քաղաքի տեղում²: Հ. Մանանդյանը փորձել է այս տեսակետն ավելի հիմնավորել՝ հենվելով Պեվտինգերյան քարտեզի ուսումնասիրության վրա: Նա վերջինի Արտաշատ-Տիգրանակերտ ճանապարհի *Cymiza* կայարանի անունը սրբագրում է *Cyldiza* և նույնացնում ներկայիս Կիլիկի բնակավայրին, որը գտնվում է Ֆարկինից մոտավորապես նույն հեռավորության վրա, ինչ *Cymiza*-ն Տիգրանակերտից³:

Տիգրանակերտի տեղադրությամբ հանգամանորեն զբաղվել է Բ. Հարությունյանը: Ուսումնասիրողը ելնում է այն իրողությունից, որ, ըստ Ապպիանոսի՝ Տիգրան Մեծն իր մայրաքաղաքը կառուցել է այն վայրում, որտեղ նա, պատանդությունից վերադառնալով, թագադրվել է, ինչպես նաև այն տրամաբանությունից, որ որևէ մեկը չէր թագադրվի այլ թագավորության տարածքում: Հայտնի է, որ Ք.ա. 95 թ. դրությամբ Ծոփաց թագավորությունը դեռևս Մեծ Հայքին միացված չէր: Ուստի Բ. Հարությունյանը քննության է առնում Ծոփաց թագավորության հարավարևելյան սահմանը, քանի որ դրա որոշումը զգալիորեն կփոքրացնի այն տարածքը, որտեղ կարելի է տեղադրել Տիգրանակերտը: Քննությունը բերում է այն համոզման, որ Նփրկերտ-Ֆարկինը գտնվել է Ծոփաց թագավորության տարածքում, որով էլ հիմնովին մերժվում է Տիգրանակերտի տեղադրությունն այդ քաղաքի տեղում⁴: Ապա Բ. Հարությունյանը քննության է առնում Տիգրանակերտի մասին հունա-հռոմեական հեղինակների հաղորդած տեղեկությունները և Պեվտինգերյան քարտեզի Մելիտենե-Տիգրանակերտ ճանապարհին ու Արտաշատ-Տիգրանակերտ մայրուղու հարավարևմտյան հատվածը: Քանի որ Հ.

¹ Տիգրանակերտը կործանվել է IV դ. (տե՛ս Փավստոս Բուզանդ, էջ 220, Սովսես Խոբնեացի, էջ 350: Տե՛ս նաև Բ. Հարությունյան, Մեծ Հայքի վարչա-քաղաքական բաժանման համակարգը..., էջ 196):

² C.F. Lehmann-Haupt, Armenien Einst und Jetzt, Reisen und Forschungen von C.F. Lehmann-Haupt, Erster Band, Berlin, 1910, S. 381-429, 501-523. Տե՛ս Բ. Հարությունյան, Մեծ Հայքի վարչա-քաղաքական բաժանման համակարգը..., էջ 175:

³ Տե՛ս Հ. Մանանդյան, Հին Հայաստանի գլխավոր ճանապարհները, էջ 90-92:

⁴ Տե՛ս Բ. Հարությունյան, Մեծ Հայքի վարչա-քաղաքական բաժանման համակարգը..., էջ 181-182:

Մանանդյանը Cymiza կայարանը նույնացրել է ներկայիս Կիլիկիան, ինչն էլ նրան հիմք է տվել Արքունի պողոտան անցկացնել Սուշ-Ներջիկ գծով, Բ. Հարությունյանը տալիս է այդ կայարանի սեփական տեղադրությունը: Նա Cymiza կայարանը նույնացնում է Բաղեշ քաղաքի Գումա թաղամասի հետ, որը նախկինում առանձին բնակավայր է եղել: Դրանից հետո Բ. Հարությունյանը Տիգրանակերտը տեղադրում է Խարզան գետի աջ ափին բարձրացող և ներկայումս Կալե (բերդ) կոչվող լեռնակի շրջակայքում¹: Գումսից մինչև Կալե կոչվող լեռնակը համարյա նույն հեռավորությունն է, ինչ Cymiza-ից մինչև Տիգրանակերտ: Կարծում ենք, որ սկզբնաղբյուրների համգամանալից ուսումնասիրության և պատմաաշխարհագրական կարևոր մանրամասները հաշվի առնելու արդյունքում կատարված այս տեղադրությունը միանգամայն հավանական է:

Այսպիսով, Արքունի պողոտան Արտաշատից, իսկ այն բանից հետո, երբ վերջինը V դարում իր տեղը զիջեց Դվինին, Դվինից արևմուտք Տափերի (Տափերական) կամրջով անցնում էր Երասխը և նույն արևմտյան ուղղությամբ Փռախտոսից անցնելով Ցոլակերտ՝ իջնում էր հարավ, անցնում Հայկական պար լեռնաշղթան Քարվանսարայի կամ Կուջաղի լեռնանցքով ու Արուճով շարժվում Բագավան: Այստեղից մայրուղին Արածանի գետի ափին գտնվող Արծնի գյուղի վրայով գալիս էր Դիդեմ, որտեղից հարավարևմտյան ուղղությամբ Ծումբ, Եղեգական, Դոնեվանք և Բոստաքենդ (Բաստավան) բնակավայրերով հասնում էր Տարոնի դաշտ: Այնուհետև Արքունի պողոտան Մեղ գետի ձախ ափին գտնվող Խասգյուղով ու Չուխուր Նորշենով գալիս էր դեպի Ձորա պահակ և անցնելով լեռնանցքը՝ շարժվում Տիգրանակերտ:

Այս մայրուղին Հայաստանը կապում էր Դամասկոսի, Երուսաղեմի և Մերձավոր Արևելքի մյուս կարևոր առևտրական կենտրոնների հետ²:

Այսպիսով՝ ավարտելով Արմինիա ոստիկանություն մտնող և նրա տարածքով անցնող առևտրական ճանապարհների նկարագրությունը, նշենք, որ դրանք հիմնականում վերաբերում էին Առաջին, Երկրորդ և Երրորդ Արմինիաներին: Ինչ վերաբերում է Չորրորդ Արմինիային, ապա, կապված սահմանային ամրությունների գոտու գոյության հետ, այնտեղով անցնող ճանապարհները, ի տարբերություն պարսկա-բյուզանդական տիրապետության շրջանի, երբ դրանք առևտրական մեծ նշանակություն ունեին, օգտագործվում էին ռազմական նպատակներով: Այսպես. Իբն Հաուկալը հաղորդում է, որ Մարաղայից երկու ճյուղով՝ Շիմ-

¹ Անդ, էջ 182-196:

² Տես Ա. Տեր-Ղևոնդյան, Հայ ժողովրդի պայքարը..., էջ 381:

շաթով և Սումայսաթով(Սամոսատ) Մալաթիա գնացող ճանապարհից օգտվում են արշավանք կատարողները և սրբազան պատերազմ մղողները¹: Մալաթիայից այդ ճանապարհը ճյուղավորվում էր դեպի Մարաշ և դեպի Կամախ²:

Իր նախկին առևտրական նշանակությունը կորցրել ու ռազմական մեծ կարևորություն էր ստացել հյուսիսային սահմանային ամրությունների գոտում գտնվող Ալանաց դռնով (Դարիալի կիրճ) անցնող ճանապարհը: Այդ իրողությունը կապված էր խազարների դեմ արշավանքներում արաբների կողմից դրա հաճախակի օգտագործման³, ինչպես նաև խազարների ներխուժումների դեմ Ալանաց դռան մեծ պաշտպանական նշանակության հետ⁴:

Փաստորեն, արևմուտքի և, մասնավորապես, Բյուզանդական կայսրության հետ առևտրական հարաբերություններն արաբական տիրապետության ժամանակ դադարեցին: Դատելով արաբ աշխարհագետների՝ Արմինիա մտնող ճանապարհների հիշատակություններից և դրանք համադրելով «Մղոնաչափք»-ի հիշատակած ճանապարհների ուղղություններին հետ, Արմինիա ոստիկանությունն առևտրական հարաբերություններ էր պահպանում խալիֆայության մեջ մտնող տարբեր երկրների հետ:

Յուրաքանչյուր երկրի առևտրական կապերի որոշման համար մեծ նշանակություն ունեն հայտնաբերված դրամական գանձերի ընձեռող տվյալները: Օմայանների տիրապետության օրոք, դատելով Արմինիայում գտնված դրամական գանձերի տվյալներից, Արմինիան առևտրական հարաբերություններ է ունեցել Խալիֆայության կենտրոնական նահանգների և, մասնավորապես, Ասորիքի ու Իրաքի հետ: Արմինիայում գտնված այդ ժամանակներին վերաբերող դրամները թողարկված են Հիմս (Էմեսա)⁵, Դամասկոս և Կիմնասարին⁶ քաղաքներում: Սակայն, Արմինիայի տարածքում գտնված այդ դրամները քանակապես շատ չեն, որը միայն թեականորեն կարող է պատկերացում տալ Արմինիայի առևտրական կապերի մասին հիշյալ երկրների հետ: Պետք է հիշել, որ այդ ժամանակ, կապված առևտրի նկատմամբ անընդհատ պատերազմների հարուցած դժվարությունների, ինչպես նաև բեռների անվտանգու-

¹ Տե՛ս **Ibn Haukal**, էջ 353:

² Տե՛ս **Ibn Khordadbeh**, էջ 123:

³ Տե՛ս بلاذري, I, էջ, 244, 246:

⁴ Տե՛ս **Jacut**, I, էջ 350-352: Տե՛ս նաև مسعودي, էջ 194:

⁵ Տե՛ս **Խ. Մուշեղյան**, Արևելյան դրամների գանձերը..., էջ 217:

⁶ Անդ:

թյան երաշխիքների բացակայության պայմաններում վաճառականների՝ առևտրից հրաժարվելու հետ, համարյա դադարեցին առևտրական հարաբերությունները խալիֆայության մյուս երկրամասերի հետ ընդհանրապես և Արմինիայի երկրների ու քաղաքների միջև՝ մասնավորապես: Միայն Աբբասյանների օրոք, երբ երկրում արծաթ դրամի սով սկսվեց, ոստիկաններն անհրաժեշտ պայմաններ ստեղծեցին վաճառականների համար:

Դրամական շրջանառության մեջ Արմինիայի առևտրական կապերն առավել տեսանելի են դառնում VIII դ. երկրորդ կեսից սկսած: Արմինիայի տարածքում գտնված ու Աբբասյաններին վերաբերող արծաթե դրամների ամենահին գանձը գտնվել է Գանձակ քաղաքում և պատկանում է VIII դ. երրորդ քառորդին: Պահպանված 187 արծաթե դրամներից վաղագույնը վերաբերում է հիջրայի 155 թ., այսինքն՝ 771/772 թ.¹: Ծավալվող միջազգային առևտրի հետևանքով Արմինիա են թափանցում Իրաքի, Ասորիքի, Ջազիրայի, Խուզիստանի, Ջաբալի և այլ երկրամասերի քաղաքներում հատված արծաթ դրամներ: Դրա վկայությունն են նաև Մարտունիում², Կարյազինոյում³, Թոուզում⁴, Սավանայում⁵ և Այսրկովկասի այլ վայրերում գտնված դրամական գանձերը:

IX դ. միջազգային առևտուրն Արմինիայի երկրներ է բերում ոչ միայն Իրաքի, Ասորիքի, Ջազիրայի, Ջաբալի, Ֆարսի ու Սաջիստանի (Սագաստան) քաղաքներում դրվագված արծաթ դրամներ, այլև Աֆրիկայի հյուսիսային մասերում, անգամ Իսպանիայում ու Միջին Ասիայում հատված դրամներ⁶: Պետք է նշել, սակայն, որ այդ դրամները կարող էին Արմինիա ներթափանցել ինչպես ուղղակի առևտրի միջոցով, այնպես էլ միջնորդավորված ձևով: Առևտուրը IX դ. ծավալվում էր խալիֆայության ողջ հսկայածավալ տարածության մեջ և Արմինիա բերում արծաթ դրամներ Բաղդադից, Բասրայից, Քուֆայից, Վասիտից, Մուհամմադիայից (Ռեյ) և Սպահանից (Իսբահան)⁷: Դրամական գանձերը պարզորոշ ցույց են տալիս Արմինիայի երկրների առևտրական կապերը հատկապես Իրաքի ու Իրանի հետ: IX դ. Արմինիայում գտնված դրամները գերազանցապես հատված են արաբական (Իրաք, Ասորիք, Ջազի-

¹ Անդ, էջ 221:

² Անդ, էջ 221-222:

³ Տե՛ս **Е. Пахомов**, Монетные клады Азербайджана..., вып. I-IX, Баку, 1926-1966, թիվ 386:

⁴ Անդ, թիվ 388:

⁵ Տե՛ս **И. Джалагания**, Монетные клады Грузии, I, Тбилиси, 1975, с. 24-35.

⁶ Տե՛ս **Խ. Մուշեղյան**, Արևելյան դրամների գանձերը..., էջ 222:

⁷ Անդ, էջ 224:

րա) և իրանական (Զաբալ, Ֆարս, Խուզիստան, Խորասան) քաղաքներում¹: Բացի Ասիական երկրներից, մինչև IX դ. 30-ական թթ. Արմինիայում նկատելի տարածում են ունեցել նաև Աֆրիկայի հյուսիսային մասից՝ Թունիսից, Մարոկկոյից և Ալժիրից դուրս եկած արծաթ դրամներ: Սակայն, դա էպիգրոֆիկ բնույթ է կրել ու շուտով նվազել է: IX դ. 30-ական թվականներից սկսած, Արմինիայում հայտնվում են խալիֆայության թուլացման պայմաններում սեփական դրամն հատելու իրավունք ձեռք բերած արաբական տարբեր ամիրայությունների կտրած արծաթե դրամներ²: IX դ. երկրորդ կեսից սկսած, բացահայտորեն տիրապետող են դառնում Իրաքի, Ասորիքի, Ջազիրայի, Զաբալի, Ֆարսի, Խուզիստանի և Խորասանի քաղաքներում հատված դրամները³:

Փաստորեն, դրամական շրջանառության տվյալները լիովին համապատասխանում են Արմինիան Արաբական խալիֆայության այլ երկրամասերին կապող առևտրական ճանապարհների մասին Իբն Խորդադբեհի հաղորդած տեղեկություններին:

¹ Անդ, էջ 225:

² Անդ:

³ Անդ:

ԱՐՄԻՆԻԱ ՈՍՏԻԿԱՆՈՒԹՅԱՆ ԷԹՆԻԿ ԿԱԶՄԸ

Արմինիա ոստիկանությունը մի բազմազգ վարչական միավոր էր: Անհրաժեշտ ենք համարում Արմինիա ոստիկանության էթնիկ կազմը քննել ըստ չորս Արմինիաների, քանի որ նրանց միջև այս ասպարեզում գոյություն ունեին զգալի տարբերություններ:

Առաջին Արմինիա: Առաջին Արմինիայի տարածքում բնակվում էին տարբեր ժողովուրդներ ու ցեղեր:

Չայեր: Արաբական տիրապետության ժամանակաշրջանում, երբ Սասանյանների վարչական բաժանումները պահպանվեցին, Արցախն ու Ուտիքը, ինչպես նաև Սյունիքը, մտան Արմինիա ոստիկանության Առաջին Արմինիա երկրամասի մեջ:

Անհրաժեշտ ենք համարում անդրադառնալ Արցախի և Ուտիքի՝ Հայաստանի մաս լինելու և հայ բնակչություն ունենալու վերաբերյալ սկզբնաղբյուրների հիշատակություններին, քանի որ աղբյուրաբանական պատմագրությունը անընդհատ փորձում է նենգափոխել պատմական ճշմարտությունը: Ձ. Բունիաթովն, օրինակ՝ այնպես է ներկայացնում, թե իբր սկզբնապես Արցախում և Ուտիքում բնակվել են աղվաններ, իսկ հետագայում հայերը նրանց պարտադրել են իրենց դավանանքն ու աստիճանաբար հայացրել¹: Աղբյուրանցի ուսումնասիրողը, որպես ապացույց, բերում է հայկական ու օտար աղբյուրներից քաղած մի քանի հաղորդումներ, որոնք իբր ցույց են տալիս, որ Արցախում և Ուտիքում սկզբնապես բնակվում էին աղվաններ և խոսում իրենց լեզվով: Նա, օրինակ՝ վկայակոչում է Ջաքարիա հռետորին, որը հաղորդում է, թե Առանն առանձին լեզու ուներ², որին ավելացնում է նաև արաբ հեղինակներ ալ-Իսթախրիի և ալ-Մուկադդասիի հաղորդումներն այն մասին, որ իբր Առանում խոսում էին առաներեն³: Նա՝ այդ հաղորդումներից ելնելով, պնդում է, թե Առանը ո՛չ էթնիկապես և ո՛չ էլ քաղաքականապես

¹ Տե՛ս **З. Бунятов**, նշվ. աշխ., էջ 93-102:

² Տե՛ս **Н. Пирулевская**, նշվ. աշխ., էջ 81:

³ Տե՛ս **al-Istakhri**, էջ 192, **al-Moqaddasi**, էջ 378:

երբեք Հայաստանի մաս չի եղել: Եվ, քննարկելով Ջաքարիա հռետորի հաղորդումը, նա ամբողջ ընթացքում Առանին զուգահեռ նշում է Վիրքը, որը ևս առանձին լեզու ուներ, փորձելով Հայաստանի նկատմամբ Վիրքն ու Առանը մույն կարգավիճակով ներկայացնել¹: Իսկ այն, որ Առանում ուժեղ էր հայկական ազդեցությունը, Ջ. Բունիաթովը բացատրում է պարսկա-բյուզանդական ու արաբա-բյուզանդական պատերազմների պատճառով Առան տեղափոխված մեծ թվով հայերի առկայությամբ, որոնք զգալի աջակցություն ցույց տվեցին հայկական եկեղեցուն՝ նրա դավանանքն Առանում տարածելու գործում²: Չնայած դրան, ըստ նրա՝ Առանի բնակիչների շրջանում, ինչպես, օրինակ՝ Պարտավի շրջակայքում, պահպանվեց առաներեն լեզուն ոչ միայն VI դ., այլ, դատելով արաբ հեղինակների հաղորդումներից, նաև IX-X դդ.³: Ջ. Բունիաթովը նաև Կիրակոս Գանձակեցուն, որին, ի դեպ, նա աղվան հեղինակ է համարում⁴, փորձում է վերագրել այնպիսի մի վկայություն, իբր XIII դ. Առանում հայերեն էին խոսում միայն ազնվականների մեծ մասը⁵: Քանի որ Ջ. Բունիաթովը ներկայացնում է, թե իբր հայերն Առանի բնիկներին՝ աղվաններին, պարտադրել են իրենց դավանանքը և աստիճանաբար հայացրել, նա փորձում է նաև պատասխանել այդ կարծիքից բխող մի հարցի. այդ դեպքում ինչու՞ է այդ երկրի մասին միակ պատմական երկը գրվել հայերեն լեզվով: Եվ, ահա՛, «պարզվում» է, որ գիրքը գրվել է աղվաներենով, իսկ հայերն աղվանների «հայացման» և «գրիգորականացման» հետքերը թաքցնելու համար վերացրել են այդ գրքի աղվաներեն բնօրինակը՝ նախապես այն հայերեն թարգմանելով⁶: Սակայն, Ջ. Բունիաթովի պնդումները քննության չեն դիմանում:

Սկզբում հստակեցնենք Մեծ Հայքի և Բուն Աղվանից աշխարհի սահմանը: «Աշխարհացոյց»-ը հաղորդում է, թե «զբուն աշխարհն Աղվանից... ընդ մէջս է մեծի գետոյս Կուրայ եւ Կովկաս լերինն»⁷: Այն տարածվում էր «ցՀայոց սահմանաւ, առ Կուր գետով»⁸: Կուր գետով Աղվանքին սահմանակցում էր Մեծ Հայքի Ուտիք աշխարհը⁹: Փափստոս Բուզանդը, պատմելով Մազքթաց Սանեսան թագավորի արշավանքի

¹ Տե՛ս **Ջ. Բունյատով**, նշվ. աշխ., էջ 93:

² Աճ, էջ 94:

³ Աճ:

⁴ Աճ, էջ 99:

⁵ Աճ, էջ 94:

⁶ Տե՛ս **Ջ. Բունյատով**, նշվ. աշխ., էջ 97:

⁷ Տե՛ս «Աշխարհացոյց Մովսեսի Խորենացոյ», էջ 29:

⁸ Աճ, էջ 28-29:

⁹ Աճ, էջ 33:

մասին Հայաստան, պարզորոշ նշում է, թե Աղվանից թագավորության ու Մեծ Հայոց միջև սահմանն անցնում էր Կուր գետով¹: Ապա, նկարագրելով Մուշեղ Մամիկոնյանի պատժիչ արշավանքը դեպի Հայոց Արևելից կողմերը, Փավստոս Բուզանդը վկայում է, որ հայոց զորքերն ագատագրեցին Աղվանից թագավորության կողմից գրավված հայկական հողերը՝ Ուտին, Շակաշենը, Գարդմանաձորը, Կողթը և դրանց շուրջը գտնվող շատ գավառներ: «Եւ զԿուր գետ՝ որպէս և յառաջն լեալ էր, ընդ երկիրն Աղուանից և ընդ երկիրն Իւրեանց(իմա՝ Մեծ Հայք-Ա.Ե.) սահման արարեալ կացուցանէին»²: Հույն հեղինակ Ստրաբոնը հաղորդում է, թե Կուր գետը հոսում է Հայաստանի և Աղվանքի միջև³: «Աշխարհացոյց»-յան Ուտիքի հյուսիսարևմտյան հատվածը զբաղեցնող Սակասենե-Շակաշենը⁴, համաձայն նրա՝ Աղվանքին սահմանակցում էր Կուր գետով⁵: Ըստ որում՝ Ստրաբոնը Սակասենեն համարում է Հայաստանի լավագույն շրջանը⁶: Ըստ Պտղոմեոսի՝ Կուր գետը Հայաստանը բաժանում էր Վիրքից ու Աղվանքից⁷: Պլինիոսը հստակորեն հաղորդում է, թե աղվաններն ապրում են Կուրից հյուսիս⁸: Կարելի է սկզբնաղբյուրներից դարձյալ վկայություններ բերել այն մասին, որ Հայաստանի և Աղվանքի միջև սահմանն անցնում էր Կուր գետով, սակայն, բավարարվենք այսքանով:

Պետք է նշել, որ Կուր գետով անցնող Մեծ Հայքի հյուսիսարևելյան սահմանն իրենից ներկայացնում էր մաս հայ ժողովրդի էթնիկական սահմանը: Ստրաբոնը՝ պատմելով Հայոց Արտաշես Ա արքայի կողմից հայկական հողերի միավորման մասին, հաղորդում է, թե դրանց թվում էին մաս Սակասենեն (Շակաշեն) և Օրքիստենեն (Արցախ)⁹: Ընդ որում՝ հեղինակը պարզորոշ նշում է, որ Հայոց արքան միավորել էր հայաբնակ ու հայախոս շրջանները: Հողերի վերամիավորումից հետո,

¹ Տե՛ս Փավստոս Բուզանդ, էջ 28:

² Ամդ, էջ 320-322:

³ Տե՛ս Страбон, XI, III, 2:

⁴ Տե՛ս Բ. Հարությունյան, Արցախի, Հայոց Արևելից կողմերի և Ղարաբաղի տարածքի հարցի շուրջ, «ՊԲՀ», 1994, թիվ 1-2, էջ 260:

⁵ Տե՛ս Страбон, XI, XIV, 4:

⁶ Ամդ, XI, VIII, 4:

⁷ Պտղոմեոս, V, XI, 3: Տե՛ս Բ. Ուլուբաբյան, Դրվագներ Հայոց Արևելից կողմանց պատմության, էջ 30:

⁸ Տե՛ս Pliny, VI, XI.

⁹ Տե՛ս Страбон, XI, XIV, 4. Օրքիստենե-Արցախ համարժեքությունը պատմագիտության մեջ վաղուց արդեն պարզված իրողություն է (տե՛ս Զ. Կարապյոզյան, Արևելյան Հայաստանի Ուրարտական տեղանունները, «Լրաբեր (հաս. գիտ.)», 1978, թիվ 10, էջ 56-57):

ըստ Ստրաբոնի՝ Արտաշեսի թագավորության մեջ բոլորը հայերեն էին խոսում¹:

Մովսես Խորենացին, Հայոց Վաղարշակ թագավորի մասին պատմելիս, ներկայացնում է հայոց լեզվի (ուրեմն՝ նաև հայ ժողովրդի) տարածման սահմանները, որոնք, դատելով պատմահոր հաղորդումներից, ամբողջությամբ համընկնում էին Մեծ Հայքի սահմաններին²: Հայոց լեզվի սահմաններում ընդգրկված Մեծ Հայքի արևելյան աշխարհներում իշխում էին Սիսակյանները և Կադմեաց տունը³: Վաղարշակ արքան Սիսակյանների տոհմից Առան անունով մեկին կողմնակալ է նշանակում Աղվանից սահմանի (այսինքն՝ Կուր գետի) երկայնքով ձգվող հողերի վրա: Այդ կողմնակալությունը տարածվում էր Հունարակերտ ամրոցից մինչև Երասխ գետը⁴:

Փաստորեն, ըստ Ստրաբոնի և Մովսես Խորենացու՝ Կուրի և Երասխի միջագետքում գտնվող Հայոց Արևելից կողմանց աշխարհներն ի սկզբանե հայաբնակ ու հայախոս էին:

Վերևում արդեն ցույց ենք տվել, որ Աղվանքն էթնիկական անուն չէր, այլ պարզապես դաշտ կամ հարթավայր էր նշանակում: Այստեղից էլ բխում է, որ «աղվան»-ը ցեղանուն չէր, այլ պարզապես նշանակում էր «դաշտի կամ հարթավայրի բնակիչ»⁵: Ըստ որում՝ աղվան անունը չէր վերաբերում միայն մեկ ցեղի: Ստրաբոնն այդպես է անվանում Կուր գետի և Կովկասյան լեռների միջև բնակվող 26 ցեղերի, որոնց, ճիշտ է, Ստրաբոնի օրոք տիրում էր մեկ թագավոր, բայց նախկինում դրանցից յուրաքանչյուրն իր թագավորն ուներ⁶:

Անդրադառնալով նաև «առաներեն» հորջորջվող «լեզվին»: Ինչպես ինքնըստինքյան հասկանալի է, եթե օտարները երկիրը կոչել են Առան, ապա այնտեղի բնակչության լեզուն էլ կարող էին կոչել «առաներեն»: Այդ հանգամանքի վրա մեծ ազդեցություն էր ունենալու այն, որ Առան

¹ Տե՛ս **Страбон**, XI, XIV, 5:

² Տե՛ս **Մովսես Խորենացի**, էջ 116:

³ Ամդ, էջ 126:

⁴ Ամդ:

⁵ Բ. Ուլուբաբյանը կարծում է, թե հունա-հռոմեական հեղինակների «Ալքանիա»-ն, որի հայացման հետևանքով, ըստ նրա՝ առաջացել է «Աղվանք»-ը, կելտերենում նշանակում է «լեռների երկիր» (տե՛ս **Բ. Ուլուբաբյան**, Դրվագներ Հայոց Արևելից կողմանց պատմության, էջ 42-45): Սակայն, վերևում ցույց տվեցինք, որ, դատելով Մովսես Խորենացու հաղորդումից, Աղվանքն էթնիկական անուն չէր ու պարզապես դաշտ էր նշանակում: «Առան» և «Աղվանք» անվանումների փոխատեղումը Կուր գետի երկու ափերին տարածվող Հայոց Արևելից կողմանց և Բուն Աղվանից աշխարհի միջև խոսում է Պատմահոր հաղորդման օգտին:

⁶ Տե՛ս **Страбон**, XI, IV, 6:

կոչված Հայոց Արևելից կողմանց աշխարհները Սասանյանների օրոք անջատվել էին Մեծ Հայքից ու կցվել Աղվանից մարզպանությանը: Այդ վարչա-քաղաքական իրավիճակը պահպանվեց նաև արաբների օրոք: Ուստի, Ջաքարիա հռետորն ու հիշյալ արաբ հեղինակները, նկարագրելով Հայաստանն ու Այսրկովկասյան երկրները, ամենայն հավանականությամբ, տարբերակելու համար Առանի լեզուն Աղվանից մարզպանության մյուս երևիկ խմբերի լեզուներից, այն երկրի անունով պարզապես կոչել են «առաներեն»: Որ այդ անվան տակ նրանք նկատի ունեն ոչ թե աղվաներենը, այլ հայերենը, երևում է ալ-Իսթախրիի և Իբն Հաուկալի այն տեղեկությունից, որ Պարտավի բնակիչները քաղաքի շուկան անվանում էին «ալ-Քուրաքքի»¹: Ալ-Իսթախրին հաղորդում է, որ ամեն շաբաթ մույն օրը բացվող շուկան իր անունն է տվել շաբաթվա օրվան, այնպես որ տեղի ժողովուրդը, թվելով «շաբաթվա օրերը, ասում է. «շաբաթ, քուրաքքի, երկուշաբթի, երեքշաբթի»»²: Ինչպես տեսնում ենք, «քուրաքքի»-ն Հայոց Արևելից կողմանց հայության բարբառում հայերեն «կիրակի» օրվա անվան աղավաղումն է: Եվ, քանի որ այդ միակ հիշատակված «առաներեն» բառն է, փաստորեն, արաբ հեղինակներն իրենց վկայության մեջ «առաներեն» անվանել են տեղի հայության բարբառը, այսինքն՝ հայերենը: Իսկ Ջ. Բունիաթովին այդ հաղորդումը հիմք է տվել «առաներեն» անվանված այդ լեզուն մույնացնելու այսպես կոչված «աղվաներեն»-ին³: Այս կարծիքը զարգացնում է նաև Ս. Աշուրբեյլին, նշելով, թե ««առաներեն լեզու» խոսքում ենթադրվում է մինչև X դարը ձևավորված աղբյուրներեն-թյուրքերենը»⁴:

Ամդրադառնա՞նք նաև Ջ. Բունիաթովի այն պնդմանը, թե Մովսես Դասխուրանցու «Պատմություն Աղվանից աշխարհի» երկը գրվել է աղվաներենով, իսկ հայերն այն թարգմանել են հայերեն և վերացրել բնագիրը: Ա. Մնացականյանը և Պ. Սևակը ցույց են տվել, որ, եթե այդ երկն իրոք աղվաներենից հայերեն թարգմանված լիներ, ապա նրանում պահպանված կլինեին բնագիր լեզվի հետքեր՝ այսպես կոչված աղվանաբանություններ: Դասխուրանցու գրքում կա մի քանի տող կազմող արաբերեն փաստաթղթի թարգմանություն, որի մեջ պարզ երևում են արաբաբանությունները: Խոսքը հայոց կաթողիկոս Եղիայի նամակին խալիֆայի ուղարկած պատասխանի մասին է, որտեղ կաթողիկոսն

¹ Տե՛ս **al-Istakhri**, էջ 184, **Ibn Haukal**, էջ 338:

² **Al-Istakhri**, էջ 184:

³ Տե՛ս **З. Бунятов**, նշվ. աշխ., էջ 178:

⁴ Տե՛ս **С. Ашурбейли**, նշվ. աշխ., էջ 67:

անվանված է «Արմենեան ազգի ջաթկ»¹: «Արմենեան»-ը հայ ժողովրդի արաբական անվանումն է, իսկ «ջաթկ»-ը, հավանաբար, կաթողիկոս բառի աղավաղումը (جاثق (ջաթկ)-قاتق (կաթկ)-قاتق (կաթկ) (կաթղկ (կաթողիկ[ոս]))): Մինչդեռ Դասխուրանցու երկում չկա աղվանաբանության որևէ հետք²: Բացի այդ, Դասխուրանցու երկում հայ մյուս հեղինակներից մեջբերված բազում հաղորդումներ կան: Եթե Դասխուրանցին գրել է աղվաններենով, ապա նա թարգմանելու էր հայ հեղինակների հաղորդումներն աղվաներեն, որոնք նրա երկի հայերեն թարգմանության հետևանքով մեծապես հեռանալու էին բնօրինակներից: Մինչդեռ, դրանք ուղղակի բառացիորեն համընկնում են հայերեն բնագրերի հետ³: Օրինակ՝ Վաղարշակ թագավորի կողմից Առանին Մեծ Հայքի հյուսիսարևելյան սահմանին կողմնակալ նշանակելու մասին Մովսես Խորենացին հաղորդում է. «Ի սորա(իմա՝ Առանի-Ա.Ե.) զաւակաց ասեն սերեալ զազգն Ուտէացոց և Գարդմանացոց և Ծաւղէացոց և Գարգարացոց իշխանութիւնսն»⁴: Դասխուրանցու երկում նույն հիշատակությունը պահպանվել է. «Եւ ի սորա զաւակէ, ասեն, սերեալ զազգս Ուտէացոց, Գարդմանացոց, Ծաւղիացոց և Գարգարացոց իշխանութեանց»⁵: Պարզ է, որ այդ հիշատակությունը Մովսես Դասխուրանցին պարզապես արտագրել է Պատմահոր գրքից:

Քննության կարիք ունի նաև Բուն Աղվանից աշխարհի Շաքե և Կամբեճան գավառների բնակչության խնդիրը: Հիշյալ գավառները, ինչպես տեսանք, արաբական տիրապետության ժամանակաշրջանում միասնական իշխանություն էին կազմել, որի իշխանը հպատակություն հայտնեց Սալման իբն Ռաբիային⁶: Արդեն ցույց է տրվել, որ դեռևս հնագույն ժամանակներից Կամբեճանը Հայաստանի մաս էր և ուներ հայ բնակչություն: Կամբեճանի հայ բնակչության մասին են վկայում նաև վրաց աղբյուրները: VI դարում Վիրքի հոգևոր առաջնորդը՝ Դավիթ Գարեջեղին, Կամբեճանում (այսինքն՝ նաև Հերեթում, որը զբաղեցնում էր Կամբեճանի հյուսիսային մասը⁷) ստիպված է եղել խոսել հայերեն¹:

¹ Տե՛ս Մովսես Կաղանկատվացի, էջ 296:

² Տե՛ս **А. Мзакаванян, П. Севак**, По поводу книги З. Буниятова «Азербайджан в VII-IX вв.», - «ԴԲՀ», 1967, թիվ 1, էջ 181-182:

³ Անդ, էջ 182:

⁴ Մովսես Խորենացի, էջ 128:

⁵ Մովսես Կաղանկատվացի, էջ 8:

⁶ Տե՛ս بيلانري, I, էջ 240:

⁷ Հերեթը տարածվում էր Իօրա և Ալազան գետերի ջրկիցի շրջանից մինչև Տկետրաք բաղաձր՝ Թեղավի մոտակայքում՝ ընդգրկելով այդ գետերի միջագետքը (տե՛ս **Вахушти Багратиони**, էջ 125, տե՛ս նաև **М. Лордкипанидзе**, նշվ. աշխ., էջ 273): Այսինքն՝ Հերեթը զբաղեցնում էր Կամբեճանի հյուսիսային հատվածը:

Վրաց մատենագիր Արսեն Սավարացին (IX դ.), պատմելով Յովհան Մայրավանեցու մասին, թե ինչպես Թեոդորոս Ռշտունին նրա ճակատին աղվեսադրոշմ խարանեց, հաղորդում է, որ նա փախուստի դիմեց կովկասյան լեռնականների մոտ, որոնք նրան չընդունեցին, որից հետո նա «անցավ Կամբեջվան (իմա՝ Կամբեճան-Ա.Ե.)՝ տիրելով Փոքր ձորին, որ «Հայոց (Սոմխիթի) ձոր» է կոչվում»²։ Դուրս է գալիս, որ VII դ., երբ սկսվել էին արաբական արշավանքները, և ստեղծվել էր Շաքե-Կամբեճանի իշխանությունը, Կամբեճանի բնակչությունը հայկական էր, իսկ գավառի ձորերից մեկն էլ Հայոց ձոր էր կոչվում։ Շաքե-Կամբեճանի միասնական իշխանության ստեղծումը ցույց է տալիս, որ այդ ժամանակ արդեն հայաբնակ պետք է լիներ Բուն Աղվանից աշխարհի Շաքե գավառը։ Ամենայն հավանականությամբ, Հայոց Արևելից կողմերից կամ Կամբեճանից հայ բնակչության տեղաշարժ էր կատարվել դեպի Շաքե։

Շատ կարևոր վկայություն է պահպանել Կամբեճանի ու Շաքեի հայ բնակչության մասին Յովհաննես Դրասխանակերտցին։ Հայոց կաթողիկոսը վկայում է, որ տեղի բնակչությունն «ի ժողովրդենէն մերմէ և խաշն արօտի մերոյ» էր³, ըստ որում, «ի ժողովրդենէն մերմէ» արտահայտությունը տեղի բնակչության հայ լինելու մասին է, իսկ «խաշն արօտի մերոյ»-ն՝ դրա հայադավանության մասին։ Ինչպես տեսանք, հայ բնակչություն ուներ նաև Հերեթը։ Այդ իրողությունը մեծապես նպաստեց IX դ. երկրորդ կեսին Համամ թագավորի գլխավորությամբ Աղվանից թագավորության կազմավորմանը, որի կորիզն էին կազմում հիշյալ հայաբնակ գավառները⁴։

Աղվանից ցեղեր։ Դեռևս հույն աշխարհագրագետ Ստրաբոնը և մյուսները մանրամասն տեղեկություններ են հաղորդել Բուն Աղվանից աշխարհի բնակչության մասին։ Ստրաբոնը, խոսելով Աղվանից աշխարհի (Աղվանքի կամ Ալբանիայի) խայտաբղետ ցեղերի մասին, հավաքական անվանումով նրանց կոչում է «ալբանացիներ»։ Նա հաղորդում է, որ «ալբանացիներն ավելի շատ հակված են դեպի անասնապահությունը և ավելի մոտ են կանգնած վաչկատուն ցեղերին, բայց նրանք այդքան վայրենի և, հետևաբար, այնքան էլ ռազմաշունչ չեն։ Նրանք ապրում են իբերացիների և Կասպից ծովի միջև. արևելքում նրանց երկիրը սահմանակցում է ծովին, իսկ արևմուտքում՝ իբերացիներին։ Ինչ վերաբերում է մյուս սահմաններին, ապա հյուսիսայինը եզերված է Կով-

¹ Տե՛ս Լ. Մելիքսեթ-Քեկ, Վրաց աղբյուրները..., հ. Ա, էջ 98:

² Ամդ, էջ 46-47:

³ Տե՛ս Յովհաննես Դրասխանակերտցի, էջ 220:

⁴ Տե՛ս Մովսես Կաղանկատվացի, էջ 335: Տե՛ս Դ. Мускелашвили, նշվ. աշխ., էջ 406:

կասյան լեռներով, իսկ...[հարավային] կողմում գտնվում է Հայաստանը, որը սահմանակցում է նրան»¹: Հեղինակը, ապա, նկարագրելով հավաքական անունով «ալբանացիներ» կոչվող ցեղերին, տեղեկացնում է, որ «նրանց թագավորները...հրաշալի են: Այժմ...մեկ թագավոր է տիրում բոլոր ցեղերին, իսկ նախկինում այլալեզու ամեն մի ցեղի կառավարում էր իր թագավորը: Նրանք 26 լեզու ունեն, որի պատճառով դժվար են միմյանց հետ հաղորդակցվում»²: Մենք արդեն անդրադարձել ենք այն փաստին, որ «Աղվանք»-ը էթնիկական անուն չէր, այլ նշանակում էր դաշտ կամ հարթավայր: «Աղվան»-ն էլ ցեղանուն չէր, այլ նշանակում էր «դաշտում կամ հարթավայրում բնակվող ժողովուրդ»: Այդ է պատճառը, որ «Աղվանք» անվանումը, սկզբնապես վերաբերելով Կուրի ծախսափնյակի որոշ երկրամասերի, հետագայում հեշտությամբ տարածվեց նաև Կուրի աջափնյա հայոց աշխարհների վրա, որոնց «Առան» անվանումը նույնպես դաշտ կամ հարթավայր էր նշանակում և մեզանում այժմ էլ օգտագործվում է որպես այդ բառերի հոմանիշ:

Առաջին Արմինիայի հյուսիսային մասում՝ Կովկասյան լեռների արևելյան հատվածի շրջանում նախկինում բնակվող ցեղերի մանրամասն թվարկումը պահպանվել է «Աշխարհացոյց»-ի՝ Ասիական Սարմատիայի վերաբերյալ բաժնում: Այստեղ մանրամասնորեն մեջ ենք բերում այդ հատվածի՝ մեզ հետաքրքրող մասը՝ կարծիք կազմելու այդ երկրամասի էթնիկ կազմի խայտաբղետության մասին: «Աշխարհացոյց»-ը երկրորդ Արմինիայի մեջ մտնող Դիդոյքից հետո թվարկում է հետևյալ ցեղերին. «...Լեկք, ապա Տապոտարանք, ապա Յաղուտականք, ապա Խենալք, ապա Շիղաք, ապա ճիղքք, ապա Փւիք: Եւ ապա Կաւկասս բաժանի յերկուս բազուկս, միմն գմայ դէպ ուղիղս կոյս, յորում Շուան եւ Խսրան ազգ՝ մինչեւ ցխորսվեն. եւ միւս բազուկն արծակէ նախ վտակ մի գլրմ գետ, որ է դէպ ուղիղ 'ի հիւսիսի՝ յԱթլ գետ, եւ ապա նոյն բազուկն գմայ գելիւք հիւսիսոյ, յորում բնակեալ են Թաւասպարք, Հեծմատակք, Իժմախք, Փասխք, Փուսխք, Փւքանակք, Բագանք, ուստի առնու պարիսպն երկայն՝ որ կոչի Ապգուտկաւատ՝ մինչեւ Աղմինոն մօրս եւ ցժով: Որոյ ըստ հիւսիսոյ Մասքութան ազգն բնակեալ են, 'ի Վարդանեան դաշտին, ցԿասբից ծովն, յոր բազուկն Կաւկասայ հայի»³:

Բուն Աղվանից աշխարհի բնակչության խայտաբղետության մասին հաղորդում են նաև արաբ հեղինակները: Աղվանից մարզպանության տարածքում Խոսրով Անուշիրվանի գործունեության մասին խոսելիս,

¹ Страбон, XI, IV, 6.

² Անդ:

³ «Աշխարհացոյց Մովսեսի Խորենացոյ», էջ 26-27:

Բալագուրին հաղորդում է, թե «Անուշիրվան արքան թագավորներ նշանակեց և ամեն մեկին շահություն(իմա՝ թագավորություն-Ա.Ե.) տվեց մի [առանձին] երկրի վրա: Նրանցից էր Ջաբալի(իմա՝ լեռան-Ա.Ե.) խականը, որը Սահիբ աս-Սարիրն է և որի կոչումը Վահրարգանշահ է, նրանցից էր Ֆիլանի թագավորը, որը Ֆիլանշահն է, նրանցից էին Թաբարսարանշահը, ալ-Լաքզի արքան՝ Ջարշանշահ տիտղոսով, Մասկաթի արքան, որի թագավորությունն այժմ գոյություն չունի, Լիրանի արքան՝ Լիրանշահ տիտղոսով և Շարվանի արքան՝ Շարվանշահ տիտղոսով. [նշանակեց նաև] Սահիբ Բուխին՝ Բուխի վրա և Սահիբ Ջարիքիրանին՝ իր երկրի վրա: Եվ հաստատեց Կաբկ լեռների թագավորներին իրենց թագավորություններում»¹: Աղվանից մարզպանության տարածքում Դարբանդյան ամրությունների պահպանության նպատակով Սասանյանների կատարած վերաբնակեցման մասին հիշատակություն է պահպանել Յակուտ ալ-Ջամալին: Արաբ հեղինակը, խոսելով այն մասին, որ Դարբանդի հարևան լեռնային շրջաններում բնակվում են ավելի քան 70 ցեղեր, որոնք առանձին լեզուներ ունեն և իրար չեն հասկանում, պատմում է, որ նրանց թվում էին նաև Սասանյանների կողմից Դարբանդի շրջակայքում, այն պահպանելու նպատակով, վերաբնակեցված մի քանի ցեղեր: Վեջիններս իրենց բնակության այդ նոր շրջանները ստացել էին որպես սեփական իշխանություն: Յակուտ ալ-Ջամալին հաղորդում է, որ այդ վերաբնակեցման նպատակը կարևորագույն այդ շրջանում վստահելի պաշտպանություն ունենալն էր: Վերաբնակեցվածների կողքին բնակվում էին Թաբարսարան, Ֆիլան և Լաքզ ցեղերը: Բացի սրանցից, այդ շրջանում էին բնակվում նաև Լիրան(լիհիններ) և Շիրվան կոչվող ցեղերը²:

Արաբ պատմիչ Իբն ալ-Ասիրը, խոսելով Մարվան իբն Մուհամմադի կողմից Առաջին Արմինիայի հյուսիսային շրջանների նվաճման մասին, մանրամասնորեն հիշատակում է այդ շրջանի ցեղերին ու դրանց իշխանությունները: Դրանցից էին Սարիրը, որտեղ բնակվում էին ալանական ծագում ունեցող սավիարներն, ինչպես նաև ավարները³, Տունանը, որը, ինչպես ցույց տվեցինք, ամենայն հավանականությամբ, համապատասխանում է լակերի ցեղի երկրին, Ջարիքիրանը, Ջամզինը, Սուղդանը, ալ-Լաքզը, ադ-Դուդանիան, Ազրուբիթորանը, Մասդարան, Քիրանը, Թաբարսարանը՝ թավասպարների կամ թաբասարանների երկիրը, Ֆիլանը և այլն⁴:

¹ Տե՛ս بِلَادِي، I, էջ 233:

² Տե՛ս Jacut, I, էջ 438-439:

³ Տե՛ս Ա. Եղիազարյան, Արաբական աղբյուրների Սարիրի թագավորությունը, էջ 103:

⁴ Տե՛ս ابن الاثير، IV, էջ 216:

Ինչպես գիտենք, Կասպից ծովի արևմտյան ափամերձ շրջանը զբաղեցնում էին Բազկանը, Շիրվանը և Մազքթաց աշխարհը մինչև Դարբանդ, իսկ նրանց հարևանությամբ գտնվում էին Լևինաց և ճղբաց երկրները, Աբխազ թագավորությունը¹, ինչպես նաև այլ ցեղերի բնակության շրջանները:

Արաբներ: Առաջին Արմինիայի էթնիկ կազմը զգալի փոփոխություններ կրեց արաբ վերաբնակիչների հաստատումից հետո: Արաբների վերաբնակեցումն Արմինիայում խալիֆայության համար ուներ ինչպես քաղաքական, այնպես էլ՝ ռազմավարական կարևոր նշանակություն: Բացի այն, որ, այդպիսով, հեշտամուն էր երկրում խաղաղության ապահովումը, հնարավոր էր դառնում նաև Բյուզանդիայի դեմ ավելի ակտիվ պայքարելը²:

Արաբական ցեղերը, ըստ ծագման, բաժանվում էին երկու մեծ խմբերի՝ հյուսիսային և հարավային: Առաջինն իր ցեղապետ Նիզար իբն Մաադդի անունով կոչվում էր Նիզար, իսկ երկրորդը կոչվում էր Եմենի ցեղախումբ: Մեզ առավել հետաքրքրող հյուսիսային կամ Նիզար ցեղախումբը (քանի որ հիմնականում դրա հատվածներն էին տեղափոխվել Արմինիա) բաժանվում էր երկու մեծ ենթախմբերի՝ Մուդար և Ռաբիա: Մուդար ցեղախմբի մեջ էին մտնում Կայս-այլան և Կուրայշ ցեղերը: Կայս-այլանի մաս էր կազմում Սուլայմ (սեռ.՝ Սուլամի) ցեղը, որի մի հատվածը կայսիկներն էին: Ըստ երևույթին, Սուլայմ ցեղի մասն էին կազմում ջահաֆյանները և ութմանիկները³: Կուրայշ ցեղից էին

¹ Կովկասյան լեռների արևելյան հատվածի հյուսիսային Կողքային լեռնաշղթան, որտեղ մենք տեղադրեցինք Աբխազ թագավորությունը, գրեթե համապատասխանում է այն լեռնաբազկին, որի շրջանում «Աշխարհացոյց»-ը հիշատակում է Գեճմատակ, Իժմախ, Փասխ, Քոսխ, Փոքունակ, Բաքան, Մազքութ ցեղերին (տես **Ա. Արքահամյան**, նշվ. աշխ., էջ 347, «Աշխարհացոյց Սովսեսի հորեմացոյ», էջ 27): Այդ լեռնաբազուկը, ըստ «Աշխարհացոյց»-ի ընդարձակ խմբագրության, «գնայ զելիւք հիւսիսոյ, յորում բնակեալ են Թաւապարք, Գեճմատակք, Իժմախք, Փասխք, Փուսխք, Փլքանակք, Բազանք, ուստի առնու պարիսպն երկայն որ կոչի Ապգուտկաւատ» («Աշխարհացոյց Սովսեսի հորեմացոյ», էջ 27): Ապգուտկավատ կոչվող պարիսպը Ս. Երեմյանը տեղադրում է Շապորան գետի (Շաբրան-չայ) և Վելվելի-չայի միջև (տես **Ա. Երեմյան**, նշվ. աշխ., էջ 37): Այսինքն՝ այդ լեռնաբազուկը, սկսելով Թավասպարների երկրից, ձգվում էր մինչև Շապորան գետի և Վելվելի-չայի միջագետքը: Ինչպես տեսնում ենք, դրա նույնացումը հիշյալ Կողքային լեռնաշղթային համոզիչ է: Աբխազ անվանման առաջացումը մենք բացատրում ենք այդ անվանը փաստերի անվան նմանությամբ («փասխ» անվանումն արաբերենում պետք է ինչեր «ալ-բասխ» ձևով) և հիմնականում Արմինիայում չճանապարհորդած արաբ հեղինակների՝ դրանք միմյանց հետ շփոթելու հավանականությամբ (տես **Ա. Եղիազարյան**, Արաբական աղբյուրների Աբխազ թագավորությունը, էջ 221-222):

² Տես **J. Laurent**, նշվ. աշխ., էջ 317-331 :

³ Տես **Ա. Տեր-Ղևոնդյան**, Արաբական ամիրայությունները..., էջ 63:

սերել Մուհամմադն ու Ալի¹։ Նիզար ցեղախմբի մյուս ճյուղը Ռաբիան էր, որի մի հատվածն էր Ուայլ ցեղախումբը։ Վերջինի մեջ էին մտնում Բաքր և Տադլիբ ցեղերը։ Բաքրի մի հատվածն էին Շալբանիները, որոնք Աբբասյանների կողմից որպես ժառանգական տիրույթ ստացան Շիրվանը, իսկ IX դ. կեսերից կանգնեցին նաև Տփղիսի ամիրայության գլուխ։

Արաբները սկզբում նվաճված երկրների բոլոր քաղաքներում և ամրոցներում կայազորներ էին հաստատում, որոնց խնդիրն էր խալիֆայության դիրքերի պահպանումն ու ամրապնդումը, սահմանների պաշտպանությունը և տեղի բնակչության հնարավոր ելույթների ճնշումը։ Այս կայազորները (արաբերեն՝ *رباط*-րաբաթ) տներով ապահովվում էին տեղի բնակչության հաշվին, որը պարտավոր էր դրանց ապահովել անհրաժեշտ ամեն ինչով²։

Արաբները նվաճված երկրներում կայազորներ առաջին հերթին հաստատում էին ամենակարևոր կետերում։ Նրանք, գրավելով Այսրկովկասի մերձկասպյան շրջանները, հասան մինչև Դարբանդ։ Արաբներին անհրաժեշտ էր սահմանային այդ կարևորագույն ռազմավարական հենակետում մշտական ու մեծաթիվ կայազոր պահել։ Բալազուրիի հաղորդմամբ՝ VIII դ. սկզբին Մասլամա իբն Աբդ ալ-Մալիք զորավարը, երբ գրավեց Դարբանդը, այնտեղ բնակվում էր հազար խազարական ընտանիք։ Արաբ զորահրամանատարը քչեց նրանց Դարբանդից և այնտեղ տեղավորեց հարավային ցեղախմբին պատկանող 24 հազար արաբներից բաղկացած մի կայազոր³։ Բալազուրին վկայում է, որ հարավցի արաբներից բաղկացած Դարբանդի կայազորը մույնիսկ IX դարում թույլ չէր տալիս ոչ մի նորանշանակ ոստիկանի մտնել քաղաք, եթե վերջինը բերած չլիների այն դրամը, որը խալիֆայությունը պարտավոր էր վճարել նրան⁴։

Արաբական կայազորներ էին հաստատվել նաև Դարբանդից դեպի արևմուտք ընկած սահմանային ամրությունների գոտում, որոնց մասին տեղեկություն է պահպանել ալ-Իսթախրին. «Բաբ ալ-Աբվաբի լեռներում կան ամրոցներ...։ Այդ ամրոցներում ապրում են ցեղեր, որոնք բնակեցվել են...ճանապարհների պահպանության համար...։ Գոյություն ունեն այդպիսի 14 ամրոցներ, որտեղ բնակվում են ցեղեր Մոսուլից, Դիար Ռաբիայից և Ասորիքից, և դրանք հայտնի են այդ ցեղերի անուններ-

¹ St u W. Montgomery Watt, Kuraysh, Encyclopaedia of Islam, V:434a.

² St u بلاذري, I, էջ 238:

³ Անդ, էջ 244:

⁴ Անդ:

րով»¹: Փաստորեն, Դարբանդի շրջակայքում բնակեցվել էին ինչպես հարավային, այնպես էլ հյուսիսային ցեղախմբին պատկանող արաբներ, քանի որ Մոսուլում ու Դիար Ռաբիայում վերաբնակեցվել էին հյուսիսային ցեղախմբին պատկանող արաբներ²:

Դատելով արաբ հեղինակների հաղորդումներից՝ Օմայանների ժամանակ, Դարբանդից բացի, հարավային ցեղախմբին պատկանող արաբներից բաղկացած կայազորներ էին հաստատվել նաև Առաջին Արմինիայի բոլոր մեծ քաղաքներում, օրինակ՝ Պարտավում, Բայլականում, Կապադակում և այլուր³:

Առաջին Արմինիայում հաստատվող արաբական կայազորների զինվորները սկզբում գալիս էին առանց ընտանիքների: Դա դարձավ երկրամասի գաղութացման հիմք, քանի որ հետագայում այստեղ էին գալիս նաև նրանց ընտանիքները:

Հարուն ալ-Ռաշիդ խալիֆայի օրոք(786-809) սկսվեց Արմինիայում արաբական ցեղերի զանգվածային վերաբնակեցումը: Յակուբին հաղորդում է, որ Յուսուֆ իբն Ռաշիդ աս-Սուլամի ոստիկանը(787 թ.) Արմինիա տեղափոխեց Նիզար ցեղախմբին պատկանող այնքան արաբներ, որ վերջիններս տիրապետող դիրքի հասան: Պատմիչը հավաստում է, որ մինչև այդ Արմինիայում(Առաջին Արմինիա) տիրապետող դիրք ունեին հարավցի արաբները⁴: Բնական է, որ վերջինները թշնամաբար ընդունեցին իրենց հարևանությամբ և նաև իրենց հաշվին բնակեցվող հյուսիսցի արաբներին: Աբբասյանների զորքերին այդպես ընդունեցին Բայլականի, Պարտավի, Կապադակի, Դարբանդի և այլ վայրերի բնակիչները⁵:

Հարուն ալ-Ռաշիդի օրոք ոստիկանները նշանակման երկիր էին ժամանում իրենց ցեղակիցների բազմությամբ: Ինչպես տեսանք, Յուսուֆ իբն Ռաշիդ աս-Սուլամիին(787) Արմինիա եկավ նիզարների ցեղի մեծ բազմության հետ, որի մեջ, ամենայն հավանականությամբ, մեծ թիվ էին կազմում նրա ցեղակից սուլամիները: Հարուն ալ-Ռաշիդի նշանակած հաջորդ ոստիկանը՝ Յազիդ իբն Մազյադ աշ-Շաբբանին(787-788), Միջագետքից հավաքեց և Արմինիա փոխադրեց Ռաբիա ցեղի մարդկանց, որոնք տիրապետող դիրքի հասան Առաջին Արմինիայում վերաբնակեցված հյուսիսային ցեղերի մեջ և այդ դիրքը պահպա-

¹ Al-Istakhri, էջ 192:

² Տես Ա. Տեր-Ղևոնդյան, Արաբական ամիրայությունները..., էջ 51-54:

³ Տես یعقوبی II, էջ 426-428, بلاذري, I, էջ 246:

⁴ Տես یعقوبی II, էջ 426:

⁵ Անդ, էջ 426-428: Տես նաև بلاذري, I, էջ 246:

նում էին նույնիսկ IX դ. վերջերին¹: Արմինիայում հաստատված արաբական հարավային ու հյուսիսային ցեղերի միջև թշնամությունն ընդհատեց ոստիկան Յազիդ իբն Մազյադ աշ-Շայբանին, երբ նրանց իրավունքներով հավասարեցրեց միմյանց²: Արմինիայի հաջորդ ոստիկանն իր հետ Արմինիա գաղթեցրեց Դիար Մուդար ցեղին, սակայն մնաց միայն չորս ամիս և հեռացավ³:

Հարուն ալ-Ռաշիդից հետո Առաջին Արմինիայում արաբական ցեղերի մեջ քանակական առումով գերակշռող էր Ռաբիա ցեղը: VIII դ. վերջից Շիրվանին տիրեցին Ռաբիա ցեղին պատկանող Շայբանիները: Սրանցից առաջինը, որն Արմինիայում ոստիկանի պաշտոն վարեց՝ Յազիդ իբն Մազյադ աշ-Շայբանին էր, որը Հարուն ալ-Ռաշիդ խալիֆայի օրոք երկու անգամ նշանակվեց այդ պաշտոնին(787-788, 799-801)⁴: Այդ ժամանակ խալիֆայությունը Արմինիայում արաբական ցեղերի վերաբնակեցում էր իրականացնում: Յազիդը, իր առաջին կառավարման ժամանակ, ինչպես տեսանք, Ռաբիա ցեղախմբից այնքան արաբներ բերեց ու բնակեցրեց Արմինիայում, որ նրանք այնտեղ արդեն մեծամասնություն կազմեցին: Խոսքն այստեղ, հավանաբար, վերաբերում է նրա ցեղակից շայբանիներին: Պետք է ընդգծել, որ Հայաստանում, ինչպես հայտնի է, արաբները երբեք մեծամասնություն չեն կազմել, իսկ Երկրորդ Արմինիայում, ինչպես կտեսնենք, Տփղիսի ամիրայության գլուխ Շայբանիները կանգնեցին միայն IX դ. կեսին, այնպես, որ այնի տեղեկությունը, ամենայն հավանականությամբ, վերաբերում է Առաջին Արմինիային, ավելի որոշակի՝ Շիրվանին, ուր Յազիդ իբն Մազյադի հաջորդների օրոք IX դարում հիմնադրվում է Մազյադյանների իշխանությունը: Յազիդը երկրորդ անգամ ոստիկան դարձավ 799 թ.: Նրա մահից հետո ոստիկան դարձավ նրա որդին՝ Ասադը (801-802), ապա, մահ մյուս որդին՝ Մուհամմադը (802-803): Ա. Տեր-Ղևոնդյանն այն կարծիքն է հայտնում, որ Մուհամմադը՝ տիրելով Շիրվանի Շամախի ամրոցին, ամրացավ այդ նահանգում, որից հետո արդեն Առաջին Արմինիայի այդ հատվածը դարձավ Մազյադյանների ժառանգական տիրույթներից մեկը: Մուհամմադի որդի Հայսամը, որպես Շիրվանի տեր, արդեն կոչվում էր Շիրվանշահ, իսկ նրա ժառանգները հայտնի էին Շիրվանի Մազյադյանների հարստություն անունով, որը այնտեղ իշխեց մինչև 1027 թ.,

¹ Տե՛ս یعقوبی, II, էջ 426-428:

² Անդ, էջ 428:

³ Անդ, էջ 426:

⁴ Տե՛ս А. Тер-Гевондян, նշվ. աշխ., էջ 276, 278:

երբ նրան փոխարինեցին Քեսարանիները¹: Շիրվանի և Դարբանդի պատմությունն ուսումնասիրող Վ. Մինորսկին այն տեսակետն է արտահայտում, թե Շիրվանի Մազյադյանների հարստության հիմնադիրը հանդիսացել է Խալիդ իբն Յազիդ իբն Մազյադը²: Հարկ ենք համարում ընդգծել, որ Մազյադյան-Շիրվանշահերն անկախություն ձեռք բերեցին Մուտավաքիլի խալիֆայության ժամանակ: «Շիրվանի և ալ-Բարի պատմության»³ մեջ պատմվում է, որ Խալիդի որդի Հայսամը տիրում էր Շիրվանին՝ կրելով Շիրվանշահ տիտղոսը: Մուտավաքիլի սպանությունից հետո հիջրայի 247 թ.(861-862) խռովություններ սկսվեցին, Հայսամը «Շիրվանի գործերում անկախություն ձեռք բերեց»⁴: Այսպիսով, ամփոփելով վերոբերյալը, նշենք, որ Շայբանի-Շիրվանշահերի իշխանության հիմքը դրեց Յազիդ իբն Մազյադը՝ Շիրվանում բնակեցնելով իր ցեղակիցներից այնպիսի մի բազմություն, որ վերջիններս տեղի այլ էթնիկական խմբերի նկատմամբ քանական առավելություն ձեռք բերեցին: Դրանից հետո նրա հետնորդները կարողացան ժառանգական իշխանություն ձեռք բերել Շիրվանում, որը 860-ական թթ. սկզբին անկախացավ:

Հայոց Արևելից կողմանց երկու աշխարհներում՝ Արցախում և Ուտիքում արաբական ցեղերի վերաբնակեցման մասին պատմում է Մովսես Դասխուրանցին: Պատմիչը տեղեկացնում է, որ հայոց 200 թ.(751) «եղև այս տանս Աղուանից զրկանք մեծապես, զի զմայրաքաղաքն Պարտաւ խլեցին յիշխանացն Աղուանից Տաճիկք ըստ իւրեանց անառակ ազգաշաղախութեանն»⁵: Պատմիչն ապա պատմում է, որ Պարտավում հաստատված արաբները դուրս էին գալիս Պարտավից և թալանի մատնում շրջակա բնակավայրերը⁶: Արաբ վերաբնակիչներ կային նաև Բայլականում: Դատելով արաբ պատմիչների հաղորդումներից՝ տեղի արաբները, որոնք պատկանում էին հարավային ցեղախմբին, իրենց բավական ամուր էին զգում: Երբ Աբբասյանները սկսեցին հյուսիսից արաբների բնակեցնել Օմայյանների օրոք վերաբնակեցված Բայլականի հարավ-ցիների կողքին, վերջինները զենքը ձեռքերին դիմավորեցին նրանց⁷:

Արաբական ցեղերի հոսքը դեպի Արմինիա Հարուն ալ-Ռաշիդ խալիֆայից հետո համարյա ընդհատվեց: Յակուբին միայն հպանցիկ ներ-

¹ Տես Ս. Տեր-Ղևոնդյան, Արաբական ամիրայությունները..., էջ 56-57:

² Տես Վ. Минорский, նշվ. աշխ., էջ 40, ծանոթ. թիվ 76:

³ Այս երկի արաբերեն թարգմանությունը տես Վ. Минорский, նշվ. աշխ., էջ 43-105:

⁴ Տես Վ. Минорский, նշվ. աշխ., էջ 47:

⁵ Մովսես Կաղանկատվացի, էջ 325:

⁶ Ամր, էջ 326:

⁷ Տես یعقوبی II, էջ 426:

կայացնում է, որ Մամուլնի նշանակած ոստիկան խալիդ իբն Յազիդ իբն Մազյադ ոստիկանը Իրաքի բանտերից հանեց իր ցեղակիցներին, նրանց հետ միասին շարժվեց Ջազիրա, որտեղ նրանց միացավ Ռաբիա ցեղից մեծ բազմություն: Ոստիկանն այսպիսի խառնամբոխով մտավ Արմինիա¹:

Խազարներ: Դեպի Դյուսիսային Կովկաս կատարվող արշավանքների ժամանակ արաբները երբեմն այնտեղից Առաջին Արմինիա էին տեղափոխում խազարների: Բալազուրին, խոսելով Շամքոր քաղաքի մասին, պատմում է, որ այն շատ հին քաղաք էր: Այն ծաղկում ու հարուստ քաղաք էր մինչև այն ժամանակ, երբ «սավուրդիա»-ցիները (الساوردية) գրավեցին ու ավերեցին այն: Պատմիչը, սակայն, հաղորդում է, որ Շամքորի այդ ամայի և ավեր վիճակը պահպանվեց մինչև այն ժամանակ, երբ Բուղան այնտեղ բնակեցրեց խազարների այն մասին, որը հովանավորության խնդրանքով դիմել էր նրան, քանի որ ցանկանում էր մահմեդականություն ընդունել²: Ըստ «Քարթլիի մատյանի»՝ Բուղան Շամքորում բնակեցրել է 300 խազար ընտանիքների³: Բալազուրին տեղեկացնում է նաև, որ երբ Մարվան իբն Մուհամմադը ջախջախիչ հարված հասցրեց խազարներին, նրանց խաքանը պարտավորվեց մահմեդականություն ընդունել: Դրանից հետո «Մարվանը բազմաթիվ խազարների հետ շարժվեց առաջ և բնակեցրեց նրանց Սամուրի և Շաբիրանի միջև [գտնվող] հովտում՝ լաքգերի երկրում»⁴:

Այսպիսով՝ Առաջին Արմինիայում արաբների կողմից խոշոր վերաբնակեցում էր իրականացվել: Հիմնականում Առաջին Արմինիա էին բերվել հյուսիսային ցեղախմբի արաբներ և, մասնավորապես, Շայբանիներ: Ինչ վերաբերում է հարավային ցեղախմբերի արաբներին, ապա նրանց գերիշխող դիրքը կարճատև եղավ՝ ընդգրկելով միայն Աբբասյանների խալիֆայության սկզբնական շրջանը:

Երկրորդ Արմինիա: Համարյա ամբողջությամբ համընկնում էր Սասանյանների կազմավորած Վրաց մարզպանությանը և ներառում էր երեք մեծ էթնիկ խմբեր՝ հայեր, վրացիներ, ծանարներ, ինչպես նաև բազմաթիվ մանր ցեղեր:

Դայեր: Սասանյանների տիրապետության ժամանակ կազմավորված Վրաց մարզպանությանը միացվել էր Գուգարաց բղեշխությունը,

¹ Անդ, էջ 463-464:

² Տե՛ս بلاذري, I, էջ 240:

³ Տե՛ս «Матиане Картлиса», էջ 30:

⁴ Տե՛ս بلاذري, I, էջ 245:

որը, ինչպես տեսանք, իր տարածքով համապատասխանում էր Մեծ Հայքի Գուգարք աշխարհին: Մովսես Խորենացին, ներկայացնելով հայ ժողովրդի ու հայոց լեզվի տարածման սահմանները Վաղարշակ թագավորի օրոք, պատմում է, որ դրանցում ընդգրկված Գուգարքը Հայոց արքայի կողմից որպես ժառանգություն հանձնվեց հայկազուն Գուշարին, որը Շարայի որդիներից էր¹: Գուգարքը, ըստ Ստրաբոնի՝ հայաբնակ ու հայախոս այն շրջաններից էր, որոնք մեկ թագավորության մեջ միավորեց Արտաշես Ա-ն²: Սկզբնաղբյուրների հիշյալ հաղորդումները ցույց են տալիս, որ Գուգարքը մշտապես աչքի էր ընկնում միատարր հայ ազգաբնակչությամբ:

Վրացիներ: Վրացիները բնակվում էին Գուգարքից հյուսիս՝ տարածվելով մինչև Ծանարների երկիրը: Վրացիներին արաբներն անվանում են քուրջ³:

Ծանարներ: Ինչպես վերև արդեն ցույց տվեցինք, ծանարները բնակվում էին Դարիալի ամրությունների հարևանությամբ՝ Թերեք գետի ակունքների շրջանում: Բացի ծանարներից, Կախեթում բնակվում էին էլի մի քանի ցեղեր: Երկրամասի դաշտավայրային մասում բնակվում էին գլխավորապես քարթլեական(վրացական) կախերի և կուխերի ցեղերը, իսկ լեռնային մասում՝ ծանարները, գարդաբանցիները, փխովելները կամ փշավները, սվանները, թուշերը և այլ ցեղեր⁴:

Արաբներ: Ըստ աղբյուրների հաղորդած տեղեկությունների՝ երկրորդ Արմինիա երկրամասում, որ տարածքով զիջում էր Առաջին, երրորդ և Չորրորդ Արմինիաներին, արաբական ցեղերի մասսայական վերաբնակեցում տեղի չէր ունեցել: Սակայն, վերոասացյալը բոլորովին էլ չի նշանակում, թե Երկրորդ Արմինիան ընդհանրապես զերծ մնաց արաբ վերաբնակիչներից: Ինչպես իրենց նվաճած այլ երկրներում, այնպես էլ այստեղ արաբներն ի սկզբանե ձեռնամուխ եղան երկրի մեծագույն քաղաքներում և ամրոցներում կայազորների հաստատմանը: Մասուդին հաղորդում է, որ արաբական տիրապետության ժամանակաշրջանում Երկրորդ Արմինիայի տարբեր քաղաքներում արաբները կայազորներ ունեին⁵: Տփղիսում արաբներ բնակեցվեցին դեռևս VIII դ. սկզբին, որոնք քաղաքում կառուցեցին իրենց մզկիթները: «Քարթլի մատյան»-ը հաղորդում է, որ արաբները, գրավելով Տփղիսը, այն վերա-

¹ Մովսես Խորենացի, էջ 128:

² Տե՛ս **Страбон**, XI, XIV, 4:

³ Տե՛ս **Jacut**, I, էջ 78, 857-859 և այլն:

⁴ Տե՛ս **Г. Мкртумян**, Грузинское феодальное княжество Кахети в VIII-XI вв. и его взаимоотношения с Арменией, Ереван, 1983, с. 30-32.

⁵ Տե՛ս **مسعودي**, էջ 204-205:

բնակեցրին իրենց ցեղակիցներով՝ վերածելով մահմեդական քաղաքի¹: Հետագայում, ինչպես Դվինում և Պարտավում, այնպես էլ Տփղիսում, տեղի արաբ վերաբնակիչները ստեղծեցին իրենց ամիրայությունը²: Մասուդիի մի հաղորդումից երևում է, որ Երկրորդ Արմինիայում բնակեցվել էին արաբական տարբեր ցեղեր: Խոսելով Տփղիսի ամիրա Իսհակ իբն Իսմայիլի ապստամբության մասին, արաբ աշխարհագետը տեղեկացնում է, որ «իր մոտ եղած մուսուլմանների հետ մա կարողացավ իրեն ենթարկել շրջապատում բնակվող ցեղերին:...Նրան հպատակ էին այստեղի(իմա՝ Երկրորդ Արմինիա-Ա.Ե.) բոլոր ցեղերը, քանի դեռ Մուսավաքբիլը չէր ուղարկել Բուղային»³: Դատելով Մասուդիի մի վկայությունից՝ Բուղայի արշավանքներից հետո Տփղիսի մուսուլմանները կորցրել են իրենց ազդեցությունը⁴:

Երկրորդ Արմինիայում կարևոր հենակետային ամրոց էր Բաբ Ալանը (Ալանաց դուռ), որտեղ արաբներն իրենց կայազորը հաստատել էին դեռևս VIII դ. սկզբին, երբ Մասլամա իբն Աբդ ալ-Մալիքը նվաճել էր այն: Դրանից հետո արաբ նվաճողները հյուսիսային սահմանային ամրությունների գոտում գտնվող այդ կարևոր հենակետում մշտական կայազոր էին պահում⁵: Աբու Ջաֆար ալ-Մանսուր խալիֆայի օրոք(754-775), երբ ծանարներն ապստամբեցին խալիֆայության դեմ, Յագիդ իբն Ուսայդ ոստիկանը(Արմինիայի ոստիկան է եղել երեք անգամ՝ 752-754, 759-769, 775-780թթ.) կրկին խալիֆայությանը ենթարկեց նրանց երկիրը, վերանվաճեց Ալանաց դուռը և այնտեղ բնակեցրեց խալիֆայության դիվանում գրանցված մարդկանց⁶:

Ամիրաժեշտ է անդրադառնալ ևս մեկ կարևոր իրողության: Հայտնի է, որ VIII դ. սկզբին արաբները նվաճել էին համարյա ողջ Այսրկովկասը՝ բացառությամբ Սև ծովի ափամերձ որոշ շրջանների: Նրանց կայազորներն այդ ժամանակաշրջանում տեղակայված էին Եգերքի, Ափշիլքի և Ափխազքի ամրոցներում: Այսպես. արաբական կայազորներ էին հաստատվել Եգերքի մայրաքաղաք Արքեոպոլսում և Կողորի լեռնանցքի մի քանի ամրոցներում⁷: Կային նաև ամրոցներ, որոնց պաշտպանությունն

¹ Տե՛ս «Матигане Картлиса», էջ 28:

² Տե՛ս **Ա. Բոցերաձե**, նշվ. աշխ., էջ 179:

³ مسعودي, էջ 203:

⁴ Անդ, էջ 203-204:

⁵ Անդ, էջ 194: Բալազորին վկայում է, որ Ալանաց դուռը գրավել էր նաև Հաբիր իբն Մասլաման, սակայն, ըստ երևույթին, մա այնտեղ արաբական կայազոր չէր հաստատել (տե՛ս Բլաճրի I, էջ 239):

⁶ Տե՛ս Բլաճրի I, էջ 246: اهل الديوان - Դիվանի մարդիկ. դրանք այն զինվորներն են, որոնք խալիֆայության գանձարանից թոշակ էին ստանում՝ ըստ այնտեղ պահվող ցուցակի:

⁷ Տե՛ս **Մ. Լորձքիպանիձե**, նշվ. աշխ., էջ 249:

արաբները հանձնարարում էին իրենց վասալ տեղացի իշխաններին: Այսպես, օրինակ՝ միսինիացիների երկրի գլխավոր ամրոց Ձախարի պաշտպանությունը, որն իր ամրության պատճառով կոչվում էր «երկաթյա», արաբների կողմից հանձնվել էր ոմն Փաբեսամանի¹: Սակայն, հայտնի է նաև, որ այս իրավիճակը շարունակվեց մինչև VIII դ. 30-ական թվականները, երբ Լևոն Իսավրացի կայսրն արաբներին դուրս մղեց Եգերքից, Ափշիլքից և Ափսագքից²:

Արաբական կայազորները, այսպիսով, տեղակայված էին Երկրորդ Արմինիայի համարյա բոլոր նշանակալից քաղաքներում և ամրոցներում³: VIII դարում մի շարք շրջաններում սկսում են ստեղծել ամիրայություններ: Բացի Թիֆլիսի Շուալթաններից, ամիրայական տներ ստեղծվեցին Ռուսթավում և Դմանիսում⁴: Տփղիսի ամիրայական տունն արաբական աղբյուրները կոչում են Շուալթ և տալիս դրա առաջացման վերաբերյալ մի պատմություն: Յակուբին, խոսելով այն մասին, թե Ամին խալիֆան Արմինիայի ոստիկան է կարգում Ասադ իբն Յազիդ իբն Մազյադին (809-811), պատմում է, որ այդ ժամանակ Երկրորդ Արմինիայի տարբեր շրջանների տիրում էին Յահիյա իբն Սալիդը և Իսմայիլ իբն Շուալթը⁵: Իսմայիլ իբն Շուալթի մասին կովկասագետ Վ. Մինորսկին այն կարծիքն է հայտնում, թե նա ազգական էր Օմայաններին⁶: Սակայն, հազիվ թե դա ճիշտ է, քանի որ Յակուբին նրա մասին հաղորդում է, թե նա Մարվան իբն Մուհամմադի ազատագրած ստրուկն էր⁷: Ըստ երևույթին, Շուալթ անվանումը⁸ (شعيب, ամենայն հավանականությամբ, شعب (հոգ. شعوب) - ժողովուրդ բառից) այդ տանը տրվել է՝ նկատի ունենալով նրա հասարակ ծագումը: Արաբական այդ ամիրայական տունը Թիֆլիսում իշխեց ընդհուպ մինչև Բուղայի արշավանքը, երբ այդ տան ներկայացուցիչ Իսհակ իբն Իսմայիլ իբն Շուալթն ապստամբեց խալի-

¹ Տե՛ս Թեոփանես Խոստովանող, էջ 104: Տե՛ս նաև **A. Борзевадзе**, նշվ. աշխ., էջ 174:

² Տե՛ս **A. Борзевадзе**, նշվ. աշխ., էջ 175:

³ Տե՛ս **М. Лордкипанидзе**, նշվ. աշխ., էջ 340:

⁴ Անդ, էջ 341:

⁵ Տե՛ս یعقوبی II, էջ 435:

⁶ **В. Минорский**, նշվ. աշխ., էջ 39:

⁷ Տե՛ս یعقوبی II, էջ 435: Ինչ վերաբերում է Մարվան իբն Մուհամմադի և Իսմայիլ իբն Շուալթի ապրած ժամանակների ակնառու անհամապատասխանությանը, ապա պետք է նշել, որ կամ վերջինը Մարվանի կողմից մանուկ հասակում էր ազատագրվել ստրկությունից, կամ էլ ազատագրվողը նրա հայրն էր եղել, որին Յակուբին նույնացրել է որդուն:

⁸ Շուալթը Դուրանի մարգարեներից մեկի անունն է, որը, կարծում ենք, կապ չունի Տփղիսի Շուալթյանների հետ (տե՛ս **A. Rippin**, Shu'ayb, Encyclopaedia of Islam, IX:491a).

Ֆայության դեմ, սակայն, ծանր հարված ստացավ¹: Տփղիսի հաջորդ ամիրան՝ Մուհամմադը, արդեն պատկանում էր Շայբանիների տանը²:

Արաբների կողմից Չյուսիսային Կովկասից վերաբնակեցված ցեղեր: Ինչպես Առաջին Արմինիայի պարագայում, այնպես էլ Երկրորդ Արմինիայում, արաբները վերաբնակեցնում էին այլ էթնիկ խմբերի ներկայացուցիչների: Այսպես. Բալազուրին մի տեղեկություն է պահպանել այն մասին, թե ինչպես Մարվան իբն Մուհամմադը դեպի Խազարական թագավորություն կատարած արշավանքի ժամանակ հարձակվեց այդ ժամանակ այնտեղ գտնվող սլավոնների (صقالبة) վրա և գերի վերցրեց նրանցից 20 հազար ընտանիք և բերեց, բնակեցրեց Խախիթում (Կախեթ-Ա.Ե.): Դետո այս սլավոնները փախուստի դիմեցին, բայց Մարվանը հասավ նրանց ետևից և բոլորին կոտորեց³: Այսինքն՝ սլավոնների վերաբնակեցումն անհաջողության մատնվեց: «Քարթլիի մատյանի» մեջ հիշատակված է, որ Բուղան անցավ Դարիալը և բերեց ու Վիրքի Դմանիս քաղաքում բնակեցրեց 100 օս(ալան) ընտանիքների⁴:

Այսպիսով՝ Երկրորդ Արմինիայում տեղի չունեցավ արաբների այն զանգվածային վերաբնակեցումը, ինչ Առաջին Արմինիայում: Այստեղ ևս, դատելով այն փաստից, որ IX դ. կեսերին Տփղիսի ամիրայության գլուխ կանգնեցին Շայբանիները, հիմնականում վերաբնակեցվել էին հյուսիսային ցեղախմբի և, մասնավորապես, Շայբանի ցեղի արաբները:

Արմինիա ոստիկանության մեջ ընդգրկված մյուս հայկական հողերը մտնում էին Երրորդ և Չորրորդ Արմինիաների մեջ:

Երրորդ Արմինիա

Չայեր: Հայտնի է, որ Հայաստանը մշտապես աչքի էր ընկնում իր միատարր հայ ազգաբնակչությամբ⁵: Արաբները միատարր ազգաբնակչություն ունեցող երկրում կարիք ունեին հուսալի հեմարանի, այսինքն՝ արաբական գաղութների: Դրանց կարիքը նրանք հատկապես զգացին 774-775 թթ. ապստամբության ժամանակ, երբ Հայաստանում նրանց ունեցած ուժերն ապստամբությունը ճնշելու համար բավարար չեղան:

Արաբներ: Երրորդ Արմինիայում արաբների վերաբնակեցման մասին սկզբնաղբյուրների տեղեկություններն այնքան էլ հարուստ չեն: Սկզբնաղբյուրների հաղորդումներից երևում է, որ VIII դ. սկզբին արդեն

¹ Տե՛ս بلاذري, I, էջ 248:

² Տե՛ս М. Лордкипанидзе, նշվ. աշխ., էջ 348:

³ Տե՛ս بلاذري, I, էջ 244-245:

⁴ Տե՛ս «Матиане Картлиса», էջ 30:

⁵ Տե՛ս «Հայ ժողովրդի պատմություն», ՀՍՍՀ ԳԱԱ հրատ., հ. I, Ե., 1971, էջ 707:

Հայաստանի քաղաքներում արաբական կայազորներ կային: Օրինակ, երբ 703 թ. հայ նախարարներից ոմանք հեռանում էին դեպի Բյուզանդիա, «գորքն Իսմայելի, որ էին ի Նախջաւան քաղաքի՝ յարծակեցան զկնի մոցա և ոչ մեկնեցան ի հետոց մոցա. քանզի էին աւելի քան եո՛ւ և կամէին կենդանւոյն կլանել զնոսա»¹: Ճիշտ է, Հայաստանի քաղաքներում հաստատվող արաբական կայազորների զինվորները սկզբում գալիս էին առանց ընտանիքների, սակայն, դա դառնում էր գաղութացման հիմք, քանի որ ժամանակի ընթացքում Հայաստան էին տեղափոխվում նաև նրանց ընտանիքները: Այդ է պատճառը, որ, նախքան Հարուն ալ-Ռաշիդի օրոք սկիզբ առած մեծ վերաբնակեցումը, դատելով Ղևոնդի տեղեկություններից, Հայաստանում արաբական գաղութներ կային: Պատմիչը վկայում է, որ արաբ զորավար Ջառահի՝ Խազարների երկրում պարտություն կրելուց հետո Սեթ Հարաշին(մույն ինքը՝ Արմինիայի ոստիկան Սաիդ իբն Ամրու ալ-Հարաշին (730-731)-Ա.Ե.) հարծակվում է Արմինիա ներխուժած խազարների վրա ու հաղթում նրանց՝ առանց սպասելու խալիֆայի կողմից օգնության ուղարկված Մսլիմին: Վերջինս գալիս, խստորեն պատժում է Սեթին և մույնիսկ ցանկանում սպանել նրան: Այդ ժամանակ, ինչպես հաղորդում է Ղևոնդը, «ազգատոհմն մորա (իմա՝ Սեթի-Ա.Ե.) յարուցեալ բարձրացուցանէին զաղաղակ»²: Այսինքն՝ Սեթ Հարաշին Հայաստան էր տեղափոխել իր ցեղը: 774-775 թթ. ապստամբության նախօրեին արաբ վերաբնակիչներ էին հաստատվել նաև Դվինում: Ըստ Ղևոնդի, երբ 774 թ. ապստամբություն բարձրացավ արաբական տիրապետության դեմ, Դվինի արաբները՝ «արք և կանայք», խուճապահար եղան³: Հետագայում արաբները Դվինում սեփական ամիրայությունը ստեղծեցին⁴:

Դատելով սկզբնաղբյուրների վկայություններից՝ արաբական գաղութ էր հաստատվել նաև Նախճավանում: Բուղայի արշավանքի ժամանակ Նախճավանի Աբրահամ(Իբրահիմ) անունով ամիրան Սմբատ սպարապետից լուր ստացավ Վասպուրականի զորքերի հարձակման մասին, ճակատամարտ տվեց նրանց, բայց պարտություն կրեց⁵: Այսինքն՝ Նախճավանում հաստատված արաբ վերաբնակիչներն այնտեղ սեփական ամիրայությունն էին ստեղծել:

Սենք արդեն ցույց ենք տվել, որ, երբ Արմինիայի այս կամ այն մա-

¹ Ղևոնդ, էջ 24:

² Ամդ, էջ 101-103:

³ Ղևոնդ, էջ 141:

⁴ Տես Ա. Տեր-Ղևոնդյան, Դվին քաղաքի ժամանակագրությունը 9-11-րդ դարերում, - ՀՍՍՀ ԳԱԱ «Տեղեկագիր», 1957, թիվ 10, էջ 13-15:

⁵ Տես Թովմա Արծրունի և Անանուն, էջ 304:

սում հաստատվում էին արաբ վերաբնակիչներ և հիմնադրում իրենց իշխանությունները, նրանք վարչականորեն ենթարկվում էին Արմինիայի ոստիկանին ու, այդ իսկ պատճառով, ավելի ուշ, Հայոց թագավորներն ու իշխաններն իրենց իրավունքն էին համարում նրանց իրենց ենթարկելը: Օրինակ՝ Աշոտ Ա-ի իշխանությունն ընդունում էին Հերի և Սալամասի (Սալմաստ) արաբական ամիրայությունները¹: Բայց արաբների հաստատումն Արմինիայի տարբեր մասերում փոփոխություններ էր մտցնում ժամանակակիցների մտածողության մեջ: Այն ստիպում էր, որ այլ աղբյուրներում Պարսկահայքի հյուսիսային գավառները համարվեն Ատրպատականի մաս: Ղևոնդն, օրինակ՝ նկարագրելով արաբների անընդհատ սաստկացող բռնությունները, պատմում է, թե VIII դ. կեսերին Գագիկ Արծրունին հավաքեց իր զորքը և «ելեալ ասպատակ սփռել զկողմանք Ատրպատական աշխարհին, ի Ջարևանդ գաւառ, ի Բուտակս և Ջիղռոյ, ի Տասուկ, ի Գազնակ, ի Յորմի, ի Սուրենապատ և յայլ ևս մերծակայ գաւառսն... և գայր հասանէր ի գաւառն Հէր»²: Վերոհիշյալ պատճառով VIII դ. կեսերին Ղևոնդի կողմից Պարսկահայքի կենտրոնական և հյուսիսային գավառների հիշատակությունն Ատրպատականի կազմում մենք համարում ենք այդտեղ արաբական գաղութների հաստատման հետևանք³:

Դատելով սկզբնաղբյուրների տեղեկություններից՝ արաբական գաղութներ էին հաստատվել Հերում, Ջարևանդում, Սալմաստում և Մարանդում: Հովհաննես Դրասխանակերտցին տեղեկացնում է, թե Վասպուրականի Գագիկ թագավորն անընդհատ կռիվներ էր մղում Հերի, Ջարևանդի, Մարանդի և Նախճավանի շրջաններում հաստատված արաբական ամիրայությունների դեմ⁴: Իսկ Անանուն Ջրուցագիրը պատմում է, թե Վասպուրականի Դերեն (Դերենիկ) իշխանը (874/875-885) նվիրակ է ուղարկում Հերի ամիրայի որդիների մոտ, հաղորդելով, որ ինքը կամենում է գնալ և որս անելու նպատակով ձմեռել նրանց մոտ, քանի որ Մարանդի կողմերը որսաշատ են⁵: Ընդ որում, նա հաղորդում է, թե Մարանդի ամիրայությունը Դերեն իշխանի օրոք միացվել էր Հերի ամիրայությանը⁶: Պատմիչի այլ հաղորդումները ցույց են տալիս, որ Հերի ամիրայության կազմում ընդգրկված էր ինչպես Մարանդը, այնպես էլ

¹ Տես Կոստանդին Ծիրանածին, էջ 10:

² Ղևոնդ, էջ 133-134:

³ Տես Ա. Եղիազարյան, Արմինիա ոստիկանության սահմանները, էջ 248:

⁴ Տես Հովհաննես Դրասխանակերտցի, էջ 290-292:

⁵ Տես Շապուհ Բագրատունի, էջ 68-69:

⁶ Անդ, էջ 64:

Սալմաստը¹: Դատելով մեր վերոհիշյալ այն կարծիքից, թե Ղևոնդի կողմից Պարսկահայքի հյուսիսային գավառները VIII դ. կեսերին Ատրպատականի կազմում հիշատակելու պատճառն այդ գավառներում արաբական գաղութների հաստատումն էր, վերջինները հիշյալ շրջաններում հաստատվել են նախքան 774-775 թթ. ապստամբությունը: Արաբ վերաբնակիչները, հավանաբար, այդ շրջաններ էին ներթափանցել Ատրպատականի ոստիկանությունից: Եթե ճիշտ է մեր եզրակացությունը, ապա նրանք պատկանում էին արաբական հյուսիսային ցեղախմբին, քանի որ Աբբասյանների գահակալության նախօրյակին Ատրպատականում մեծավ մասամբ հյուսիսային ցեղախմբին պատկանող արաբական ցեղեր էին վերաբնակեցվել²:

Երրորդ Արմինիայի տարածքում էին գտնվում նաև Ութմանիկ կոչվող արաբական ցեղի տիրույթները, որոնք ևս, ամենայն հավանականությամբ, պատկանում էին արաբական ցեղերի հյուսիսային խմբին: Ա. Տեր-Ղևոնդյանը կարծում է, թե ութմանիկները Չայաստան են տեղափոխվել Չարուն ալ-Ռաշիդի օրոք իրականացված մեծ վերաբնակեցման ընթացքում³: Սակայն, սկզբնաղբյուրների հաղորդած տեղեկություններից դատելով՝ ութմանիկները Չայաստան էին տեղափոխվել նախքան 774-775 թթ. ապստամբությունը: Թովմա Արծրունին հաղորդում է, թե ութմանիկներն իրենց կալվածքները հայ նախարարներից խլել էին 860-ական թվականների վերջի և 870-ական թվականների սկզբի իրադարձություններից հարյուր տարի առաջ, այսինքն՝ նախքան 774-775 թթ. ապստամբությունը⁴: Այդ ժամանակ նրանք պետք է, որ տիրած լինեին Աղիովիտի մի մասին, իսկ հետագայում սկսեին քայլ առ քայլ իրենց տիրույթներից դուրս մղել Գնունիներին: Ապստամբության պարտությունից հետո նրանք կարողացան գրավել նաև Բերկրի քաղաքը: Գնունիները ստիպված օգնության խնդրանքով դիմեցին Չայոց իշխան Աշոտ Բագրատունուն, որը հազար հոգուց կազմված մի զորագնդով գնաց Աղիովիտ գավառը և այնտեղից Տայք տեղափոխեց նրանց⁵: Գաղթեցված Գնունիների հողերին, ամենայն հավանականությամբ, ամբողջովին տիրեցին ութմանիկները⁶: Ութմանիկները, օգտվելով այն իրավիճակից, որը ստեղծվել էր Բուղայի կողմից Արծրունիներին պարտության

¹ Անդ, էջ 47:

² Տես Ի. Ե. Երևանցի, II, էջ 371:

³ Տես Ա. Տեր-Ղևոնդյան, Արաբական ամիրայությունները..., էջ 84-85:

⁴ Տես Թովմա Արծրունի և Անանուն, էջ 333:

⁵ Վարդան վարդապետ, էջ 83:

⁶ Տես Թովմա Արծրունի և Անանուն, էջ 306, 332:

մատնելուց հետո, որին մասնակցել էին նաև իրենք¹, տարածվեցին մինչև Ամյուկ բերդն ու հասան Վարագ²: Թովմա Արծրունին, որ ութմանիկներին պարգապես անվանում է «Բերկրու քաղաքացիներ»³, խոսելով 868 թ. գերութունից վերադարձած Աշոտ Արծրունու գործունեության մասին, հաղորդում է, թե նա «զմացեալ տալ պատերազմ ընդ ծովեզրեցիսն որք Ութմանիկ կոչին, որք ամրանային ի յԱմիկ անկասկածելի քարանձաւին»: Սակայն, տեսնելով, որ ամրոցն անառիկ է, Աշոտը բավարարվեց միայն Վարագը (հավանաբար, պատմիչը նկատի ունի Վարագա լեռան շրջակայքը-Ա.Ե.) նրանցից ազատագրելով⁴:

Երրորդ Արմինիայում արաբ վերաբնակիչներ հաստատվեցին նաև Բուղայի արշավանքի ժամանակ: Թովմա Արծրունին տեղեկացնում է, թե երբ Բուղան ավեր սփռելով անցնում էր Հայաստանով, նրա հետ էին «Տաճիկք Հայաստանեայց, որ բնակեալ էին ի կողմանս կողմանս աշխարհիս՝ առաջնորդէին Բուհայի ի մուտ և ելս աշխարհիս»⁵: Վերջինս իր հետ բերել էր նոր արաբ գաղթականների իրենց ընտանիքներով: Պատմիչը հաղորդում է, թե «սկսան այնուհետև աներկիւղ համարձակութեամբ սփռել տարածանել ի վերայ երեսաց երկրիս ամենայն ազգքն Տաճկաց, որ ելեալ էին զհետ նորա(իմա՝ Բուղայի-Ա.Ե.) ընտանեօք իւրեանց, և ձեռնամուխ եղեն բաժանել զերկիրն յինքեանս. և արկանէին վիճակս և լարս ձգէին ի վերայ սահմանաց և բնակէին յամուրս աշխարհիս աներկիւղս»⁶: Ինչպես տեսնում ենք, Բուղայի բերած վերաբնակիչներն անմիջապես հաստատվում էին երկրում, միմյանց միջև բաժանում հողերը, սահմանազատում կատարում և կայագործներ հաստատում ամրոցներում:

Փաստորեն, արաբական գաղութներ էին հաստատվել Երրորդ Արմինիայի հարավ-արևելյան հատվածում, Դվինում և Վանա լճի արևելյան ափին:

Չորրորդ Արմինիա

Արաբներ: Վերին Միջագետքը կամ, ինչպես արաբներն էին այն անվանում, Ջազիրան(արաբ. կղզի) նվաճեց Իյադ իբն Ղանմը 639-640թթ.⁷: Վերին Միջագետքի նվաճմանը հաջորդեց արաբական ցեղերի կողմից

¹ Անդ, էջ 306:

² Անդ, էջ 306, 332-334:

³ Անդ, էջ 306:

⁴ Անդ, էջ 332:

⁵ Անդ, էջ 206:

⁶ Թովմա Արծրունի և Անանուն, էջ 238:

⁷ Տես Ե. Բլանդրի, I, էջ, 204-215:

այդ երկրամասի գաղութացումը: Վերին Միջագետքը, որը հյուսիսում սահմանակցում էր Չորրորդ Արմինիային, իր վերաբնակիչներով վճռական ազդեցություն ունեցավ վերջինի քաղաքական կյանքի հետագա ընթացքի վրա: Սկզբում Վերին Միջագետք եկան արաբական հյուսիսային ցեղախմբին պատկանող Տաղլիբ և Բաքր ցեղերը: Տաղլիբը հաստատվեց Մոսուլի շրջանում, որը կոչվեց Դիար (ديار-երկիր, տուն) Ռաբիա, քանի որ Տաղլիբը Ռաբիա ցեղի մեջ էր մտնում, իսկ Բաքրը (մասնավորապես, Շայբանը) շարժվեց դեպի Տիգրիսի վերին հոսանքն ու տիրեց Մեծ Զայթի Աղծնիք աշխարհին: Բաքր ցեղի անունից այս կողմերը կոչվեցին Դիար Բաքր: Այդ անվանումը մինչև օրս պահպանել է Ամիդ քաղաքը(Դիարբեքիր): Վերին Միջագետքի այն հատվածը, որը հնում հայտնի էր Օսրոյենե անունով¹, բնակեցվեց Կայս-այլան ցեղի կողմից: Սրա գրաված հողերը Վերին Միջագետքում, որոնք տարածվում էին Եփրատ գետի միջին հոսանքի ավազանում՝ Կիրկեսիոնից մինչև Սամոսատ, կոչվեցին Դիար Մուդար, քանի որ Կայսը պատկանում էր արաբական ցեղերի Մուդար ենթախմբին²:

Արաբները՝ Բյուզանդիայի դեմ հաջող պատերազմներ մղելու անհրաժեշտությունից ելնելով, աստիճանաբար գաղութներ էին ստեղծում Չորրորդ Արմինիա երկրամասում: Այստեղ հաստատվեց Սուլայմ ցեղը, որի մասնակցությունը մեծ էր Մեծ Զայթի արևմտյան աշխարհների գրավման գործում: Երբ արաբական զորքերը նվաճեցին Վերին Միջագետքը՝ Մուավիան Զաբիբ իբն Մասլամային և Սաֆվան իբն Մուաթթալ ալ-Սուլամիին ուղարկեց Եփրատն ի վեր Բյուզանդական զորքերին ետ մղելու: Սրանք գրավեցին Շիմշաթը, բարձրացան մինչև Կամախ, որը գրավել նրանց չհաջողվեց: Կամախը գրավեց մեկ այլ Սուլամի՝ Ումայր իբն ալ-Յուբաբը³: Մուավիան Շիմշաթի կառավարիչ նշանակեց Սաֆվան իբն Մուաթթալ ալ-Սուլամիին, որն այդ պաշտոնում մնաց ցմահ⁴: Բալազուրին հաղորդում է, որ VIII դ. կեսին Կոստանդին Կոպրոնիմոսի արշավանքի ժամանակ Կամախին տիրում էր Աբու Քարիմ անունով մեկը, որը Սուլայմ ցեղից էր⁵:

Հայաստանում Սուլայմ ցեղի հաստատմանը նպաստեց նաև այն, որ այդ ցեղի որոշ ներկայացուցիչներ զբաղեցրել են նաև Արմինիայի ոստիկանի պաշտոնը: Օրինակ՝ Յազիդ իբն Ուսայդ աւ-Սուլամին այդ

¹ Տես Ս. Երեմյան, Մարզպանական Հայաստանը և հարևան երկրները 387-628 թթ., քարտեզ:

² Տես Ա. Տեր-Ղևոնդյան, Արաբական ամիրայությունները..., էջ 51-54:

³ Տես بلذري, I, էջ, 219:

⁴ Անդ:

⁵ Անդ, I, էջ 236:

պաշտոնը զբաղեցրել է 3 անգամ (752-754, 759-769, 775-780թթ.)¹: Իր առաջին կառավարման շրջանում Յազիդը վերականգնեց բյուզանդական գործերի կողմից ավերված Կարնո քաղաքը և այնտեղ վերաբնակեցրեց արաբների իրենց ընտանիքներով²: Ամենայն հավանականությամբ, նա Կարնո քաղաքում վերաբնակեցրել էր իր ազգական սուլամիներին: Յակուբին, պատմելով Հարուն ալ-Ռաշիդի նշանակած ոստիկանների և նրանց գործունեության մասին, նրանց թվում հիշատակում է նաև Յազիդի երկու որդիներին, որոնք նույնպես վարել են ոստիկանի պաշտոնը Արմինիայում: Խալիդ իբն Յազիդը ոստիկան է եղել 794 թ., իսկ Ահմադ իբն Յազիդը՝ 796-797³: Յազիդի ընտանիքից բացի Արմինիայում ոստիկաններ են եղել նաև այլ Սուլամիներ: Հայտնի է Յուսուֆ իբն Ռաշիդ աս-Սուլամին (787), որը, ինչպես տեսանք, նպաստեց դեպի Արմինիա (այս դեպքում, ամենայն հավանականությամբ, Հայաստան իմաստով-Ա.Ե.) արաբական ցեղերի գաղթին:

Չորրորդ Արմինիայում արաբների առաջին վերաբնակեցումը տեղի ունեցավ Կարնո քաղաքում Հաբիբ իբն Մասլամայի կողմից 655 թ. արշավանքի ժամանակ: Գրավելով քաղաքը՝ Հաբիբը մի քանի ամիս մնաց այնտեղ: Շուտով նրան հայտնեցին, որ Արմանիակուսի իշխանը (բաբրիկ) զորք է հավաքում մուսուլմանների դեմ և, որ նրան են միացել զորաջոկատներ «Ալլանի, Աֆխազի»⁴ և խազարական Սամանդարի բնակիչներից»⁵: Հաբիբն օգնության խնդրանքով դիմեց խալիֆա Օսմանին (644-656), իսկ վերջինն էլ հանձնարարեց Մուավիային՝ Հաբիբին օգնության ուղարկել Ջազիրայի և Ասորիքի այն արաբներից, որոնք կցանկանային մասնակցել պատերազմին և բաժին ունենալ ավարից: Մուավիան Հաբիբին ուղարկեց երկու հազար տղամարդ, այսինքն՝ զինվոր, որոնց նա տեղավորեց Կարնո քաղաքում և հողեր տրամադրեց⁶: Դատելով այն փաստից, որ Հաբիբը արաբ զինվորներին հողեր տրամադրեց, նրանք, հավանաբար, Հայաստան էին եկել ընտանիքներով: Այս եզրակացությունը կարելի է բխեցնել նաև Ղևոնդի մի վկայությունից, որը վերաբերում է VIII դ. կեսերին, երբ Բյուզանդիայի կայսր Կոստանդինը գրավեց Կարնո քաղաքը և «զգօրսն քաղաքին և զբնակեալսն ի նմա Սառակինոսս բառնայր մոցին ընտանեօքն յաշխարհն Յունաց»⁷:

¹ Տե՛ս **А. Тер-Гевондян**, նշվ. աշխ., էջ 274-275:

² Տե՛ս **Ղևոնդ**, էջ 130:

³ Տե՛ս یعقوبی II, էջ 426-428: Տե՛ս նաև **А. Тер-Гевондян**, նշվ. աշխ., էջ 277-278:

⁴ Ըստ երևույթին, պետք է լինի Աբխազ:

⁵ بلاذري, I, էջ 234:

⁶ Անդ:

⁷ **Ղևոնդ**, էջ 129:

Բյուզանդական գորքերի նահանջից հետո Յազիդ իբն Ուսայդ ոստիկանը, ինչպես տեսանք, վերականգնեց Կարմո քաղաքն ու նոր արաբ վերաբնակիչներ բերեց, հավանաբար, սուլամիներ: Փաստորեն, արաբներն ի սկզբանե Կարմո քաղաքում արաբական գաղութ էին հաստատել: Դատելով Մեծ Հայքի արևմտյան աշխարհների գրավման գործում Սուլայմ ցեղի ակտիվ դերակատարությունից՝ պետք է կարծել, որ Հաբիբը Կարմո քաղաքում հենց սուլամիների էր վերաբնակեցրել: Արաբական գաղութ էր ստեղծվել նաև Շիմշաթում, որն Չորրորդ Արմինիայի կազմում վարչականորեն առանձին միավոր էր համարվում և ուներ առանձին զինվորական կառավարիչ¹: Այստեղ ևս, ամենայն հավանականությամբ, հաստատվել էին սուլամիները:

Չորրորդ Արմինիայի արևելյան հատվածում, դատելով սկզբնաղբյուրների տեղեկություններից, հաստատվել էին Սուլայմ ցեղի մաս կազմող կայսիկները: Չնայած Ա. Տեր-Ղևոնդյանի հայտնած այն կարծիքին, թե արաբական կայսիկների ցեղը Հայաստան է տեղափոխվել Հարուն ալ-Ռաշիդ խալիֆայի օրոք (786-809) սկիզբ առած մեծ վերաբնակեցման ժամանակ², հավանական է նաև, որ կայսիկները, կամ, որ առավել իրական է, նրանց մի հատվածը, Հայաստանում հաստատված պետք է լիներ նախքան այդ: Մենք դեռ մանրամասնորեն կանդրադառնանք կայսիկների ցեղին պատկանող Ջահապի տան անդամների գործունեությանը, սակայն, այժմ պետք է անդրադառնալ նրանց վերաբերող մի կարևոր իրողության: 775 թ. Արծնիի ճակատամարտում ընկել էր 774-775թթ. ապստամբության կազմակերպիչ և ղեկավար Մուշեղ Մամիկոնյանը՝ թողնելով երկու որդի և չորս դուստր: Վարդան Արևելցին հաղորդում է, որ սրանք «անկան յերկիրն Վասպուրական. զորս եսպան զերկոսին Մեհրուժան Արծրունի, որպես թե 'ի պատճառս հօրն նոցա եղև աղէտն մեծ. և մի 'ի քերց նոցա ետ զինքն յամուսնութիւն Ջահապի ունեմն իսմայելացոյ»՝ թիկունս առնելով զնա³: Ջահապը՝ ամուսնանալով Մամիկոնյան օրիորդի հետ, ցանկանում էր նրա ժառանգական իրավունքով տեր դառնալ Մամիկոնյանների տիրույթներին⁴: Պարզ է, որ Հարուն ալ-Ռաշիդի օրոք Հայաստան տեղափոխված Ջահապը չէր կարող այդքան արագ ակտիվանալ՝ 774-775 թթ. ապստամբությունից մի փոքր անց հավակնություններ ցուցաբերելով ոչ վաղ անցյալում երկրի խոշոր հողատերերից մեկի ժառանգության նկատմամբ՝ պայքարի մեջ մտնելով Բագրատունիների հետ: Սուլայմ ցեղից որոշ անձինք Ար-

¹ Տե՛ս Բաճրի, I, էջ 220, 240: Տե՛ս նաև Ibn Khordadbeh, էջ 122:

² Տե՛ս Ա. Տեր-Ղևոնդյան, Արաբական ամիրայությունները..., էջ 96:

³ Վարդան վարդապետ, էջ 83:

⁴ Ամդ:

մինիայի ոստիկանի պաշտոնը վարել են: Ինչպես տեսանք, ոստիկան Յազիդ իբն Ուսայդ աս-Սուլամին վերականգնեց Կարնո քաղաքը և այնտեղ, ամենայն հավանականությամբ, վերաբնակեցրեց իր ցեղակից սուլամիներին: Վերջինների մեջ պետք է լինեին, ամենայն հավանականությամբ, կայսիկները և ութմանիկները: Այս տեսակետի օգտին է խոսում այն փաստը, որ, ըստ Թովմա Արծրունու՝ ութմանիկներն իրենց կալվածքները հայ նախարարներից խլել էին նախքան 774-775թթ. ապստամբությունը: Կայսիկները հաստատվել էին ութմանիկներին պատկանող Աղիովտից դեպի արևմուտք՝ տիրելով Խլաթին: Հենց այստեղ՝ իր ցեղակից կայսիկների մոտ հեռացավ պարտված Սևադա Ջահաֆյանը¹: Կայսիկների և ութմանիկների՝ Վանա լճի հյուսիսային ափերին նախքան 774-775 թթ. ապստամբությունը հաստատված լինելու իրողությունն ապացուցում են նաև Ղևոնդի վկայությունները: Պատմիչը հաղորդում է, որ 774-775 թթ. ապստամբությունը ճնշելու համար Հայաստան արշավող Ամր գորավարը նախապես եկավ Խլաթ և այնտեղի քաղաքացիներից հավաքեց իրեն անհրաժեշտ բոլոր տեղեկությունները հայ ապստամբական զորքի և նրա ղեկավարների մասին²: Թերևս, սխալված չենք լինի, եթե այն կարծիքն արտահայտենք, որ Ամրին տեղեկություններ տվողները տեղի արաբ վերաբնակիչներն են եղել: Մեր կարծիքը հաստատում է նաև Ղևոնդի մյուս վկայությունը, թե հայ ապստամբները կեղծ համարեցին այդ ժամանակ Խլաթում գտնվող Աշոտ Բագրատունու ուղարկած լուրը թշնամու հարձակման մասին, կարծելով, թե այդ կերպ նա կամենում է փրկել քաղաքը հայ ապստամբների կողմից պաշարումից³: Ավելին, Ղևոնդի հետագա տեղեկություններից պարզվում է, որ այդ ժամանակ արաբ վերաբնակիչներ կային նաև Արծեշում: Պատմիչը հաղորդում է, թե երբ 774-775 թթ. ապստամբության ժամանակ Արծրունյաց իշխաններն արշավեցին Արծեշի ուղղությամբ՝ կամենալով «բրել գնա ի հիմանց և զգօրսն որ ի նմա՝ հարկանել սրով», Արծեշի քաղաքացիներն այդ մասին արագ լուր տվեցին Խլաթ⁴: Պարզ է, որ բացի Արծեշում տեղակայված արաբական զորքից, որը հայ ապստամբները ցանկանում էին կոտորել, քաղաքում բնակվում էին նաև վերաբնակիչ արաբներ («բնակիչք քաղաքին»): Ուստի և կարծում ենք, որ նախքան 774-775 թթ. ապստամբությունը Վանա լճի հյուսիսային ափերին արդեն հաստատված արաբական գաղութներ կային, որոնց վրա հենվելով՝ Ջահաֆյան ակտիվ գործունեություն էր ծավալել Հայաստանում:

¹ Տե՛ս یعقوبی, II, էջ 463:

² Տե՛ս Ղևոնդ, էջ 145:

³ Ամր, էջ 145-146:

⁴ Ամր, էջ 146-147:

Կայսիկները, ինչպես ութմանիկները, կարողացան մեծապես օգտվել Բուղայի արշավանքից: Նրանց այդ ժամանակ հաջողվեց տիրել արաբ հեղինակների աշխատություններում Բաջունայս անվամբ հանդես եկող Ապահունիքին և ձեռք գցել մեծ կարևորություն ունեցող Մանազկերտ քաղաքը¹: Խալիֆայությունում իրավիճակը անչափ բարդ էր, ուստի և խալիֆաները մեծամեծ խոստումներ էին տալիս նրանց, ովքեր կկարողանային տեղերում պահպանել արաբական իշխանությունը: Խալիֆան նույնիսկ Աբուսեթի որդի Յուսուֆ ուստիկանին խոստացել էր, թե հաջողության դեպքում «քեզ և զաւակի քում տաց զերկիրն զայն (իմա՝ Արմինիան-Ա.Ե.) ի ժառանգություն»²:

Ջահաֆյանները, հավանաբար, Սուլայմ ցեղից էին: «Ջահաֆյաններ» անունով Ջահապի կամ Ջահաֆի տոհմը կոչում է Յակուբին³, իսկ Վարդանն այն «Ջահապի տուն» է անվանում⁴: Վերջինիս քաղաքական ասպարեզում հայտնվելը կապված է 774-775 թթ. ապստամբությունից հետո Մամիկոնյանների թուլանալու, Կամսարականների՝ քաղաքական ասպարեզից հեռանալու և նրանց տիրույթների նկատմամբ տարբեր իշխանական տների ունեցած հավակնությունների հետ: Ա. Տեր-Ղևոնդյանը կարծում է, թե Ջահաֆյանները Չայաստան են տեղափոխվել Չարուն ալ-Ռաշիդի օրոք⁵: Սակայն, արդեն պարզաբանեցինք այն իրողությունը, որ նրանք Չայաստանում հաստատվել էին նախքան 774-775 թթ. ապստամբությունը: Ջահապի մասին ոչինչ հայտնի չէ, բացի Վարդանի այն տեղեկությունից, թե նա «յափշտակեալ էր մասն ինչ յԱրշարունեաց»⁶: Ջահապը՝ ամուսնանալով Մամիկոնյան իշխանադստեր հետ⁷,

¹ Տես **Թովմա Արծրունի և Անանուն**, էջ 334, 348:

² Անդ, էջ 184:

³ Տես **بيحوقوي** II, էջ 463:

⁴ **Վարդան վարդապետ**, էջ 85, 86:

⁵ Տես **Ա. Տեր-Ղևոնդյան**, Արաբական ամիրայությունները..., էջ 66:

⁶ **Վարդան վարդապետ**, էջ 83:

⁷ Մ. Օրմանյանի կարծիքով, եթե Ջահապը միտք ուներ կնոջ միջոցով տիրելու Արշարունիք գավառին, նա պետք է գործ ունենար Բագրատունիների հետ, քանի որ Արշարունիքն այդ ժամանակ Բագրատունիների ձեռքում էր: Ըստ այդմ, Ջահապի կինը պետք է ոչ թե Մամիկոնյան լիներ, այլ Բագրատունի: Հավանաբար, նա Բագրատունի Աշոտի և Շապուհի քույրն էր, այլ ոչ թե Մամիկոնյան Շապուհի և Վարդի քույրը (տես **Մ. Օրմանյան**, Ազգապատում, հ. Ա, Կոստանդնուպոլիս, 1913, էջ 909-910): Օրմանյանի այդ կարծիքի կողմնակիցն է Ա. Ալպոյաճյանը (տես «Պատմական Չայաստանի սահմանները», Կահիրե, 1950, էջ 181): Հավանաբար, այդ կարծիքի համար հիմք է դարձել Վարդանի այն վկայությունը, թե Արշարունիքի մի մասին տիրող «[Ջահապը] խորհեր տիրել ի ձեռն կնոջն բուլոր աշխարհին» (Վարդան վարդապետ, էջ 83): Այդ արտահայտությունը հասկացվել է այնպես, իբր Ջահապը կամենում էր ամբողջովին տիրել Արշարունիք գավառին: Այս տեսակետը մերժելի է, քանի որ, նախ՝ հիշյալ արտահայտությունը նշանակում է, որ Արշարունիքի մի մասին տիրող Ջահապը կնոջ ժառանգական իրավունքի հիման վրա ցանկա-

«խորհէր տիրել ՚ի ձեռն կնոջն բոլոր աշխարհին»¹: Իսկ ո՞վ էր այդ Ջահապը, որ այդքան համարձակ մի գործ էր ձեռնարկել՝ ձեռնոց նետելով հզորացող Բագրատունյաց տանը, որն իր հերթին աչք ուներ քաղաքական ասպարեզում ակտիվությունը կորցրած և միայն տեղ-տեղ իրենց գոյությունը պահպանող Մամիկոնյանների ժառանգության վրա: Անկասկած, նա արաբական որևէ հզոր ցեղի անդամ պետք է լիներ: Ա. Տեր-Ղևոնդյանը, ելնելով Հովհաննես Դրասխանակերտցու այն հաղորդումից, թե Ջահաֆի տոհմից Սևադան «ի պարսիկ տոհմէ» էր², ենթադրում է, թե հնարավոր է Ջահաֆյանների քրդական ծագումը: Դատելով Ստեփաննոս Օրբելյանի և Մովսես Դասխուրանցու երկերում նույն Սևադայի «Աւարանշան» մականունից³, հեղինակը հավանական է համարում այդ տոհմի նաև իրանական ծագումը: Հեղինակը որևէ կոնկրետ կարծիք չի հայտնում, թե հատկապես որ տեսակետի կողմնակիցն է ինքը, սակայն, ընդգծում է, որ Յակուբին Ջահաֆյաններից մեկին կոչում է Սուլամի (այսինքն՝ Կայսիկ)⁴: Ի վերջո, նա գրում է, որ «այս բոլորից կարելի է եզրակացնել, որ Ջահաֆյանները գուցե ոչ-արաբական ծագում ունեին, բայց արաբացած լինելով հանդես էին գալիս նույնիսկ որպես սուլամի, կապված լինելով Կայսիկ տան հետ»⁵: Նա դժվար ընդունելի է համարում որոշ ուսումնասիրողների կողմից կայսիկների և Ջահաֆյանների նույնացումը, բայց, նշում է, որ «այնուամենայնիվ, անժխտելի է, որ Ջահաֆյանները Սուլամյան ցեղի հետ սերտ կապ ունեին»⁶: Այդ պնդմանն ի վկայություն Ա. Տեր-Ղևոնդյանը բերում է այն իրողությունը, որ «եթե 860-ական թվականներին Աշոտ Բագրատունին խիստ պայքար էր մղում վերջին Ջահաֆի դեմ, ապա գրեթե նույն ժամանակ նա ճանաչել էր Աբու-լ-Վարդ Կայսիկի ժառանգական իշխանությունը Մանազկերտի վրա»⁷:

Ջահաֆյանների ծագման վերաբերյալ որոշակի կարծիք կազմելու համար անհրաժեշտ ենք համարում այստեղ մեջ բերել նրանց մասին

նում էր տիրել Մամիկոնյանների ժառանգությանը, հետո՝ 774-775 թթ. անմիջապես հետո Արշարունիքը դեռ չէր պատկանում Բագրատունիներին, այն Կամսարականներից գնեց Հայոց իշխան Աշոտ Մսակեր Բագրատունին (790-826): Այնպես, որ մենք ճիշտ ենք համարում պատմիչի վկայությունը:

¹ Վարդան վարդապետ, էջ 83:

² Հովհաննես Դրասխանակերտցի, էջ 116:

³ Տես Մովսես Կաղանկատվացի, էջ 326, Ստեփաննոս Օրբելյան, էջ 158: Սյունյաց պատմիչի երկում Սևադան հանդես է գալիս Մարվան անվամբ:

⁴ Տես یعقوبی II, էջ 462:

⁵ Տես Ա. Տեր-Ղևոնդյան, Արաբական ամիրայությունները..., էջ 67:

⁶ Անդ:

⁷ Անդ, էջ 96-97:

հայ պատմիչների հիշատակությունները: Եթե Ջահապի ծագման մասին սկզբնաղբյուրները լռում են, ապա նրա ժառանգների և, հատկապես, Սևադայի մասին դրանց հաղորդած տեղեկությունները հնարավորություն են տալիս որոշելու նրա ով լինելը: Մովսես Դասխուրանցին Սևադայի մասին տեղեկացնում է, որ նա աշխարհավեր տաճիկ էր և կրում էր «Աւառանշան» մականունը¹: Հովհաննես Դրասխանակերտցին, ինչպես տեսանք, տեղեկացնում է, որ նա «ի պարսիկ տոհմէ» էր, իսկ Ստեփաննոս Օրբելյանը նրան կոչում է «ի կայսերական տոհմէ Սևադայ անուն»²: Ջահապի տան քրդական կամ իրանական ծագման վերաբերյալ տեսակետը կարելի է մերժել Մովսես Դասխուրանցու հիշյալ տեղեկությամբ, թե Սևադան տաճիկ էր, իսկ այդ ժամանակ տաճիկ կոչում էին արաբներին³: Բացի այդ, Վարդան Արևելցին Ջահապին կոչում է «իսմայելացի» (այսինքն՝ արաբ-Ա.Ե.)⁴: Հետևաբար, ավելորդ ենք համարում խոսել նրա քրդական կամ իրանական ծագման մասին: Ինչ վերաբերում է Ստեփաննոս Օրբելյանին, ապա նա պարզապես չի հասկացել «կայսիկ»-ի իմաստը և այն դարձրել է «կայսերական»: «Պարսիկ», «կայսերական», «տաճիկ» և «իսմայելացի» անվանումների համադրումը ցույց է տալիս, որ Ջահապն արաբ էր, և նրա ցեղի վերաբերյալ հիշյալ տեղեկությունները պարզապես աղավաղված ձևերն են Սուլայմ ցեղի մի հատվածն հանդիսացող կայսիկների ցեղին նրա պատկանելու իրողության: Ակնհայտ է, որ Մամիկոնյանների ժառանգությանը կարող էր հավակնել միայն այնպիսի մի հզոր ցեղի անդամը, ինչպիսին կայսիկներն էին: Բացի այդ, Ջահապի կայսիկ լինելն ապացուցում է թեկուզ այն փաստը, որ Ջահաֆյաններից մեկին, ինչպես տեսանք, Յակուբին անվանում է Սուլամի: Ի մի բերելով քնությունը՝ նշենք, որ, ամենայն հավանականությամբ, Ջահապի տունը կայսիկների ցեղի մի հատվածն էր կազմում, այսինքն՝ Ջահաֆյանները ևս Սուլայմ ցեղից էին:

Ջահապի տան ներկայացուցիչներն, ինչպես տեսանք, հափշտակել էին Արշարունիք գավառի մի մասը: Սրանք մի պահ նույնիսկ տիրեցին Դվինին, իսկ հետո Սևադան գործունեություն ծավալեց Սյունիքում: Ջահապի նվաճողական նկրտումների դեմ հենց սկզբից էլ դուրս եկավ Բագրատունյաց տունը՝ հանձին Արծնիի ճակատամարտում ընկած Սմբատ Բագրատունու որդի Աշոտ Մսակերի (790-826): Վերջինս շրջահայաց քաղաքական գործիչ էր և, փոխանակ բացահայտորեն խալիֆա-

¹ Տե՛ս Մովսես Կաղանկատվացի, էջ 326:

² Ստեփաննոս Օրբելյան, էջ 167:

³ Տե՛ս Թովմա Արծրունի և Անանուն, էջ 206:

⁴ Վարդան վարդապետ, էջ 83:

յության դեմ դուրս գալու, առանց ավելորդ աղմուկի իր տոհմի տիրապետությանը ենթարկեց Մամիկոնյանների տիրույթները: Նա կարողացավ տիրել վերջիններին պատկանող Տարոնին ու Տայքին և Կամսարականներին պատկանող Շիրակին ու Աշոցքին¹: Նա գնեց նաև Կամսարականներին պատկանող Արշարունիք գավառը և, շուտով, Բագրատունիների նստավայրը Դարյունքից տեղափոխեց այնտեղ²: Իր այս քաղաքականության իրականացման ճանապարհին թե՛ Տարոնում և թե՛ Արշարունիքում Աշոտ Մսակեր Բագրատունին, ինչպես հասկանալի է, բախվեց Ջահապի հետ և պարտության մատնեց նրան³: Տեսնելով, որ չի կարողանում մրցել Բագրատունյաց տան ներկայացուցիչների հետ, Ջահապին որոշեց իր տան համար Հայաստանում պատառ պոկել ոչ թե հայ նախարարների, այլ Արմինիայի ոստիկանների տիրույթներից: Իր որդի Արդ ալ-Մալիքի հետ 813 թ. նա արշավեց Դվին քաղաքի վրա և գրավեց այն⁴: Հայտնի է, որ թեև Դվինն այդ ժամանակ դադարել էր ոստիկանի միակ նստավայրը լինելուց, և արաբ ոստիկանները առավելապես նստում էին Պարտավում, սակայն, Դվինն իր նշանակությունը չէր կորցնում և շարունակում էր մնալ իբրև ոստիկանի երկու նստավայրերից մեկը: Իսկ այդպիսի քաղաքի գրավումը հարվածում էր ոստիկանի հեղինակությանը: Այդ ժամանակ դրությունն անկայուն էր խալիֆայության ներսում, և գահին նոր-նոր բազմած Մամուն խալիֆան (813-833) գերադասեց սրված իրավիճակը հարթել Ջահապի որդուն ոստիկան նշանակելով (813): Սակայն, այդպիսի իրավիճակում ոստիկան դարձած Արդ ալ-Մալիքը խալիֆայությանը ձեռնտու չէր, և, այդ իսկ պատճառով, նրա իշխանությունը մի քանի ամիս տևեց, որից հետո ոստիկան նշանակվեց Թահիր իբն Մուհամմադ աս-Սամանիին (813): Արդ ալ-Մալիքը սրա դեմ ապստամբեց և, նույնիսկ, պաշարեց նրան Պարտավում, բայց, ի վերջո, պարտություն կրեց և ստիպված հպատակություն հայտնեց⁵: Շուտով Դվինի բնակիչները, չհանդուրժելով Արդ ալ-Մալիքի իշխանությունը, հարձակվեցին նրա վրա և սպանեցին⁶: Պետք է նշել, որ մինչև իր պարտությունն Արդ ալ-Մալիքը ցանկացել էր տիրել Տարոնին, բայց պարտություն էր կրել: Վարդան Արևելցին հաղորդում է, որ «տունն Ջահապայ գօրացեալ 'ի Դուին, իբրև հինգ հազարաւ կամեցան գնալ 'ի Տարօն, յիշխանութիւնն Աշոտոյ որդւոյ Սմբատայ. իսկ Վեր-

¹ Վարդան վարդապետ, էջ 83:

² Տես Ասողիկ, էջ 106:

³ Տես Վարդան վարդապետ, էջ 83-84:

⁴ Անդ, էջ 83:

⁵ Տես یعقوبی II, էջ 462:

⁶ Տես Վարդան վարդապետ, էջ 84:

ջինը]...երկերիւր հեծելօք և երեքհարիւր հետևակօք ել ընդդէմ նոցա...և կոտորեաց 'ի նոցանէ զերեք հազարսն, և հասեալ 'ի բանակս նոցա՝ էառ զամենայն մեծութիւնս նոցա»¹:

Ակտիվություն ցուցաբերած հաջորդ Ջահաֆյանը Սևադան էր, որին Յակուբին անվանում է Սավադա իբն Աբդ ալ-Յամիդ ալ-Ջահաֆի (այսինքն՝ Ջահաֆյան)²: Այս նոր Ջահաֆյանը չնայած, որ սկզբում բախվեց Աշոտ Մսակերի և նրա եղբոր՝ Շապուհի հետ ու պարտություն կրեց³, հետո հանդես եկավ արդեն որպես Բագրատունիների փեսա և դաշնակից⁴: Հովհաննես Դրասխանակերտցին հաղորդում է, որ սա «առեալ էր իւր կին զԱրուսեակ 'ի Բագրատունի տանէ և 'ի ձեռն այնորիկ զյուլմ մասն երկրիս բռնակալեալ սեպհականաբար իմն տիրէր»⁵: Այս Սևադան, ըստ երևույթին, օգտվել էր խալիֆայության թուլացումից և կամ խալիֆաների բարեհաճությունից: Այսպես թե այնպես, Սևադան իրեն այնքան ամուր էր զգում, որ, ըստ Վարդանի՝ նույնիսկ Սմբատ Բագրատունին «առնու 'ի նմանէ զպատին հայրենի սպարապետութեան»⁶: Եվ, ահա՛, այսչափ իրեն վստահ զգացող Սևադան փորձեց չենթարկվել նոր ոստիկան Հուլին (Խալիդ իբն Յազիդ իբն Մազյադ աշ-Շայբանի (829-832)): Ամեն ինչ որոշվեց Կավակերտի ճակատամարտում, որտեղ Հուլը պարտության մատնեց միմյանց հետ դաշնակցած Սևադայի, Սմբատ սպարապետի և Սյունյաց Սահակ իշխանի միացյալ զորքերին⁷: Սևադան փախուստ տվեց և, ըստ Մովսես Դասխուրանցու՝ հաստատվեց Սյունյաց Ծղուկ գավառի Շադատ բերդավանում՝ ցանկանալով տիրել երկրամասին: Սյունյաց Վասակ իշխանը դիմեց Բաբելին և նրա օգնությամբ քչեց Սևադային, որը Սյունիքում ասպատակություններով էր զբաղվում⁸: Յակուբին այս պատմությունը այլ կերպ է նկարագրում. ըստ նրա Արմինիայի ոստիկան Իսա իբն Մուհամմադը՝ գալով Արմինիա, Սևադային առաջարկեց ոստիկանի պաշտոնը: Սակայն, վերջինը մերժեց այդ գալթակղիչ առաջարկը, հավանաբար, դրանում ծուղակ կանխագգալով: Դրանից հետո Իսան հարձակվեց նրա վրա և պարտության մատնեց⁹: Ինչպես տեսնում ենք, հայ և արաբ պատմիչնե-

¹ Անդ:

² Տե՛ս یعقوبی II, էջ 463:

³ Տե՛ս Վարդան վարդապետ, էջ 85:

⁴ Տե՛ս Հովհաննես Դրասխանակերտցի, էջ 116:

⁵ Անդ:

⁶ Վարդան վարդապետ, էջ 85:

⁷ Տե՛ս Հովհաննես Դրասխանակերտցի, էջ 116:

⁸ Տե՛ս Մովսես Կաղանկատվացի, էջ 326:

⁹ Տե՛ս یعقوبی II, էջ 463:

րը երկու տարբեր ուստիկանների են վերագրում Սևադային պարտության մատնելու գործը: Այստեղ առավել ընդունելին Հովհաննես Դրասխանակերտցու պատմածն է, քանի որ հենց ինքը՝ Յակուբին քիչ անց հաղորդում է, որ Խալիդ իբն Յազիդը, գալով Խլաթ, ապահովության թուղթ է տալիս իրեն ընդառաջ ելած Սևադային¹: Հնարավոր է նաև, որ այնպիսի մի արկածախնդիր, ինչպիսին Սևադան էր, ապստամբած լինի երկու անգամ՝ առաջինն Իսայի օրոք (820-823), իսկ երկրորդը՝ Խալիդի (829-832): Այդ դեպքերից հետո Սևադան քաշվեց Վանա լճի հյուսիսարևմտյան գավառները՝ իր ցեղակից կայսիկների մոտ, ուր նա Յուսուֆ ուստիկանի օրոք (851-852) դեռ կենդանի էր²:

Բացի Սևադայից, այդ տարիներին Ջահապի տան այլ ներկայացուցիչներ էլ ի հայտ եկան. Վարդան Արևելցին հաղորդում է, որ Բաբեկի ձերբակալությունից հետո «յաւուրսն յայնոսիկ Աբլիերթ ոմն ՚ի տանէն Ջահապայ, ել չորիւք հազարօք յերկիրն Սիւնեաց, և ել Բաբգէն ընդդէմ նորա երկերիւրօք, և ջնջեաց զնա իսպառ»³: Այսինքն՝ Աբլիերթ Ջահաֆյանն իր նախորդի օրինակով նույնպես ցանկանում էր հաստատվել Սյունիքում: Հայաստանում սեփական տիրույթ ձեռք բերելու մղումով էր լեցուն նաև Սևադայի որդին՝ կրտսեր Ջահաֆը: Սա հանդես եկավ այն ժամանակ, երբ գերի տարված Սմբատ Բագրատունուն հաջորդել էր որդին՝ Աշոտը, որն իր եղբայր Աբասի հետ ամրապնդեց Բագրատունիների դիրքերը երկրում: Ասողիկը տեղեկացնում է, որ հայոց ՅժԲ թվականին (863) Շահապը(այսինքն՝ Ջահապը կամ Ջահաֆը)՝ Սևադայի որդին, «գայ յերկիրս Հայոց»⁴: Դժվար է այստեղ միանշանակ պնդել, թե Շահապը դրսի՞ց էր եկել արդյոք: Վերևում մենք արդեն տեսանք, որ նրա հայր Սևադան Յուսուֆ ուստիկանի օրոք դեռևս բնակվում էր Հայաստանում: Շահապը հանդես եկավ «ամբոխասաստ զօրու...աւերել գերել գերկիրս կամելով»⁵: Նրան, ինչպես և իր անվանակից նախնուն գրավում էր Արշարունիքը և, ահա՛, նա բանակ դրեց Արշարունիքի Քառասունք կոչվող վայրում: Նրան ընդառաջ ելավ Աբաս սպարապետը 40 հազարանոց բանակով և պարտության մատնեց նրան, որից հետո Շահապը մեծ դժվարությամբ կարողացավ փախուստի դիմել ու փրկվել⁶: Դրանից անմիջապես հետո (865 թ.) Թաբարին հիշատակում է Ջահաֆ իբն Սևադային որպես Մալաթիայում արաբական զորքի հրամանա-

¹ Անդ, էջ 464:

² Տե՛ս طبري, VI, էջ 45:

³ Վարդան վարդապետ, էջ 85:

⁴ Ասողիկ, էջ 110:

⁵ Անդ:

⁶ Անդ:

տար¹: Ամենայն հավանականությամբ, Ջահապի տան ներկայացուցիչներն այդ ժամանակ մեկընդմիջտ հրաժարվեցին Հայաստանում տիրույթ ձեռք բերելու հավակնությունից և արդեն բախտները փորձում էին Սահմանային ամրությունների գոտում:

Այսպիսով՝ Ջահապը, իսկ նրանից հետո նաև նրա ժառանգները, բազմիցս փորձեցին պայքարի մեջ մտնել մերթ տեղի հայ իշխանների, մերթ էլ խալիֆայության հետ ու Հայաստանում իրենց համար առանձին իշխանություն ստեղծել, սակայն, ի վերջո, պարտություն կրեցին:

Ամիրաժեշտ է ընդգծել, որ խալիֆայությունը Հայաստանում որոշակի արաբական զանգված ունենալու խիստ անհրաժեշտության առաջ կանգնեց 774-775 թթ. ապստամբությունից հետո, երբ արաբներին ապստամբությունը ճնշելու համար երկրում ունեցած ուժերը բավարար չեղան: Եվ ստիպված «գունդ կազմել իշխանն Իսմայելի ի վերայ երկրիս Հայոց, և գունարէր զընտիրս հեծելոց իբրև արս ԼՈՒ ընտիր երկվարաւ և կուռ սպառազինութեամբ ի տոհմէ Խորասան գնդին»²: Մինչ այդ, ինչպես տեսանք, արաբներն Արմինիայում զանգվածային վերաբնակեցում կատարել էին միայն այն վայրերում, որտեղ դրա անհրաժեշտությունը տվյալ պահին կար: Այսպես, օրինակ՝ Դարբանդում Մասլամա իբն Աբդ ալ-Մալիք զորավարը բնակեցրեց 24 հզ սիրիացիների (իմա՝ Ասորիքի արաբներ)³: Նման անհրաժեշտության առաջ, ինչպես տեսանք, արաբները կանգնեցին նաև Կարնո քաղաքի դեպքում: Արմինիա ոստիկանության հյուսիսային և արևմտյան սահմաններին գտնվող այդ երկու հզոր ամրոցներն արաբների համար առաջնային նշանակություն ունեին: Ինչ վերաբերում է VIII դ. երկրորդ կեսին իրականացված զանգվածային վերաբնակեցմանը, ապա Յակուբին պատմում է, թե երբ Հարուն ալ-Ռաշիդը Խուզայմա իբն Խազիմի փոխարեն ոստիկան նշանակեց Յուսուֆ իբն Ռաշիդ աս-Սուլամիին (787), վերջինն Արմինիա եկավ նիզարների ցեղի մեծ բազմության հետ: Պատմիչը տեղեկացնում է, որ սրանք տիրապետող դիրքի հասան Արմինիայում ու հետզհետե բազմացան նորանոր եկվորների հաշվին⁴: Հասկանալի է, որ Սուլամի ոստիկանը Հայաստան էր բերելու առաջին հերթին իր ազգակիցներին:

Ոսումնասիրողներն Արզնում և Բաղեշում հաստատված արաբական Ձուրարիկ ցեղը, աղբյուրների անբավարար տեղեկությունների պատճառով, դժվարացել են արաբական այս կամ այն ցեղախմբին վերագրել:

¹ Տե՛ս طبري VI, էջ 45-46:

² Ղևոնդ, էջ 145:

³ Տե՛ս بلذري I, էջ 244:

⁴ Տե՛ս ينعقوبي II, էջ 426:

Ա. Տեր-Ղևոնդյանը ենթադրում է, որ նրանք Բաքր ցեղախմբին էին պատկանում¹: Իսկ Ս. Շլեպչյանն ընդհանուր առմամբ կարծում է, որ զուրարիկները պետք է պատկանեին արաբների հյուսիսային ցեղախմբին²:

Սեր կարծիքով, եթե զուրարիկները Բաքր ցեղին պատկանեին, ապա թշնամական հարաբերությունների մեջ չէին լինի իրենց հարևանությամբ բնակվող Բաքր ցեղի մյուս հատվածի՝ Շայբանի հետ, որոնցից նրանք ծանր հարված ստացան հայոց Սմբատ Ա թագավորի օրոք (890-914 թթ.)³: Բացի այդ, քանի որ նրանց տիրույթներն Արմինիայի մեջ էին մտնում և, ամենայն հավանականությամբ, Չորրորդ Արմինիայի մաս կազմում, ապա առավել հավանական է, որ նրանք Սուլամի լիճին, քանի որ, ինչպես քննությունը ցույց տվեց, Երրորդ և Չորրորդ Արմինիաներում մեծ մասամբ, եթե չասենք՝ բացառապես, Սուլայմ ցեղի հատվածներն էին վերաբնակեցվել: Ուստի և կարծում ենք, որ զուրարիկները Սուլայմ ցեղին էին պատկանում:

Արաբական գաղութները, փաստորեն, ցրված էին ողջ Չորրորդ Արմինիայի տարածքում: Նրանք հաստատվել էին Վանա լճի հյուսիսային ափերին ու Ապահունիք գավառում: Արաբական գաղութներ էին հաստատվել Սահմանային ամրությունների գոտու հարևանությամբ գտնվող շրջաններում և, մասնավորապես, այնպիսի կարևորագույն հենակետերում, ինչպիսիք էին Կարնո քաղաքը և Շիմշաթը:

Երրորդ և Չորրորդ Արմինիաներում, այսպիսով, հիմնականում հաստատվել էին հյուսիսային ցեղախմբին պատկանող արաբներ: Երրորդ Արմինիայում հաստատվել էին Սուլայմ ցեղի մեջ մտնող ութմանիկները: Երկրամասի հարավարևելյան հատվածում, ամենայն հավանականությամբ, նույնպես հաստատվել էին հյուսիսիցի արաբներ, որոնք այստեղ էին ներթափանցել Ատրպատականի ոստիկանությունից: Արաբական գաղութներ էին ստեղծվել նաև Դվինում ու Նախճավանում: Չորրորդ Արմինիայում՝ Սահմանային ամրությունների գոտու հարևանությամբ, հաստատվել էր Սուլայմ ցեղը: Այդ ցեղի մաս կազմող կայսիկները տարածվել էին դեպի արևելք՝ տիրելով Վանա լճի հյուսիսային ափամերձ շրջաններին: Ինչ վերաբերում է ծագումով կայսիկ Ջահապի տանը, ապա նրա ջանքերը՝ մայր ցեղից անկախ իշխանություն հիմնելու, ի չիք դարձրեցին հզորացող Բագրատունիները: Արաբական ցեղերի ստեղծած ամիրայությունները շարունակեցին գոյատևել նաև Բագրատունիների կողմից Հայաստանի քաղաքական անկախության վերականգնումից հետո:

¹ Տես Ա. Տեր-Ղևոնդյան, Արաբական ամիրայություններ..., էջ 63, 81:

² Տես Ս. Շլեպչյան, նշվ. աշխ., էջ 149:

³ Տես Հովհաննես Դրասխանակերտցի, էջ 176:

ՎԵՐՋԱԲԱՆ

Սասանյանների տիրապետության ժամանակաշրջանում ձևավորվել էին Հայոց, Վրաց և Աղվանից մարզպանությունները: Հայոց մարզպանության մեջ էին մտնում Այրարատ, Վասպուրական, Տայք, Տուրուբերան, Մոկք, Սյունիք աշխարհները, Պարսկահայքի ու Կորճայքի հյուսիսային գավառները: Սյունիքը 571 թ. ապստամբության նախօրեին առանձնացվել էր Հայոց մարզպանությունից ու միացվել Ատրպատականի աշխարհագրին: Համազասպ Մամիկոնյանի իշխանության տարիներին (654-661) հնարավոր եղավ այն միացնել Հայոց իշխանապետությունը: Վրաց մարզպանությունը կազմված էր Գուգարաց բղեշխությունից ու Վրաց թագավորության տարածքներից, իսկ Աղվանից մարզպանության մեջ մտնում էին Մեծ Հայքի Արցախ և Ուտիք աշխարհները, Բուն Աղվանից աշխարհը, Կուր գետի ստորին հոսանքի և Դարբանդի միջև տարածվող մերձկասպյան երկրներն ու Կովկասյան լեռների արևելյան հատվածը: Մեծ Հայքի մերձփրատյան գավառները նախքան արաբական նվաճումները գտնվում էին Բյուզանդական տիրապետության ներքո: Հայաստանի և Վիրքի 591 թ. բաժանման ժամանակ այդ երկրների մեծ մասն անցավ Բյուզանդիային: Վարչա-քաղաքական այդ իրավիճակն էր տիրում խնդրո առարկա տարածաշրջանում, երբ արաբները սկսեցին իրենց արշավանքները:

Արաբական առաջին արշավանքների ժամանակ Հայաստանի՝ պարսկական ու բյուզանդական տիրապետության ներքո գտնվող հատվածները միավորվեցին Թեոդորոս Ռշտունու իշխանության ներքո, իսկ շուտով արաբները Հայոց իշխանի գերիշխանությունը ճանաչեցին նաև Այսրկովկասյան երկրների վրա: Նախքան Արմինիա ոստիկանության ձևավորումն արաբներն Այսրկովկասյան երկրները միավորում էին Հայոց իշխանի գերիշխանության ներքո:

Արաբները Հայաստանն ու Այսրկովկասյան երկրները վերջնականապես նվաճեցին 700 թ. և կազմավորեցին Արմինիա ոստիկանությունը՝ Դվին կենտրոնով: Շարունակում էր գործել Հայոց իշխանի ինստիտուտը, որը ստորադասված էր երկրամասի արաբ ամիրային (ոստիկան):

Արմինիա ոստիկանությունը բաղկացած էր չորս մասից, որոնք կոչվում էին Առաջին, Երկրորդ, Երրորդ և Չորրորդ Արմինիաներ:

Առաջին Արմինիայի կազմում ընդգրկված էին Կասպից ծովի արևմտյան ափին գտնվող երկրները՝ Բազկանը, Խուրսանը(Խայզան), Շիրվանը և Մազքթագ աշխարհը, Մեծ Հայքի Սյունիք, Արցախ և Ուտիք աշխարհները, Բուն Աղվանից աշխարհը, որի տարածքում արաբական տիրապետության օրոք գոյություն ուներ Շաքե-Կամբեճանի իշխանությունը, Աբխազ երկիրն ու Լփինք-Լիրանը: Փաստորեն, Առաջին Արմինիան մեծավ մասամբ համընկնում էր Սասանյանների տիրապետության շրջանի Աղվանից մարզպանությանը: Արմինիայի հյուսիսային սահմանին խազարների հետ անընդհատ պատերազմների հետևանքով ձևավորվել էր սահմանային ամրությունների մի գոտի, որը տարածվում էր Դարբանդից մինչև Դարիալի կիրճ: Այս սահմանային ամրությունների գոտու մեծագույն մասը, որի մեջ մտնում էին Դարբանդը՝ շրջակա ամրություններով, Թաբարսարանը, Ֆիլանը, Ջարիքիրանը, Տունանը (լակերի երկիր) և Սարիրի թագավորությունը, մտնում էր Առաջին Արմինիայի մեջ:

Երկրորդ Արմինիայի մեջ մտնում էին Վիրքը, Գուգարքը, Ծանարաց երկիրն ու Դիդյոքը: Գուգարքի Կղարքը գավառը VIII դ. վերջում՝ 774-775թթ. ապստամբությունից հետո, դարձավ Բագրատունյաց նախարարական տան մի ճյուղի ապաստանը: Երկրորդ Արմինիայի կազմում արաբական աղբյուրները հաճախ հիշատակում են աս-Սանարիա երկիրը (Ծանարաց երկիր), որը գտնվում էր Ալանաց դռան ամրությունների և Թերեք գետի ակունքների շրջանում: Երկրորդ Արմինիայի մեջ էր մտնում նաև արաբա-խազարական սահմանային ամրությունների գոտու արևմտյան հատվածը, որտեղ գտնվում էր Դիդյոյների երկիրը (ադ-Դուլանիա): Երկրորդ Արմինիան համարյա ամբողջությամբ համընկնում էր Սասանյանների տիրապետության շրջանի Վրաց մարզպանությանը:

Արմինիա ոստիկանության մեջ մտնող Հայաստանի մյուս տարածքներն ընդգրկված էին Երրորդ և Չորրորդ Արմինիաների կազմերում:

Երրորդ Արմինիայի մեջ ընդգրկված էին Այրարատը, Վասպուրականը, Մոկքը, Կորճայքի ու Պարսկահայքի հյուսիսային հատվածները, իսկ Չորրորդ Արմինիայի մեջ՝ Տուրուբերանը, Բարձր Հայքի ու Ծոփքի արևելյան հատվածները և Աղձնիքի հյուսիսային գավառները: Աստիճանաբար քաղաքական ասպարեզից հեռանում են նախկինում ազդեցիկ Կամսարականները, իսկ Մամիկոնյանները կորցնում են նախկին կշիռը: Նույն ժամանակ Բագրատունիները, Սյունիները և Արծրունիներն ավելի են հզորանում: Բագրատունիներին հաջողվում է ձեռք գցել վերոհիշյալ երկու նախարարությունների տիրույթները՝ իրենց իշխանության սահ-

մաններն ընդարձակելով ընդհուպ մինչև Զազիրա ոստիկանության Դիար Բաքր երկրամասը, որից նրանց հաջողվեց բաժանել և սեփական տիրույթներին կցել Սասունի լեռնային շրջանը: Փաստորեն, Բագրատունիներն հողեր են ձեռք բերում և՛ Երրորդ, և՛ Չորրորդ Արմինիաների տարածքներում: Քաղաքական ասպարեզում ակտիվանում են նաև Արծրունիները, որոնք, բացի Վասպուրականից, տիրում էին նաև Կործալքի հյուսիսային գավառներին: Հզորանում է նաև Սյունյաց մախարական տունը, որի տիրույթներով էր անցնում Արմինիայի ոստիկանի երկու մստավայրերը՝ Դվինն ու Պարտավն իրար կապող առևտրական ճանապարհը:

Չորրորդ Արմինիայի մեջ մտնող Տուրուբերան աշխարհի Ապահունիք և Աղիովիտ գավառներում արաբական գաղութներ հաստատվեցին: Նման ճակատագիր ունեցան նաև Ծոփք և Բարձր Հայք աշխարհների արևելյան գավառները, որոնք սահմանակցում էին արաբա-բյուզանդական անընդհատ պատերազմների պատճառով ձևավորված սահմանային ամրությունների գոտուն: Ծոփքում արաբների կարևորագույն հենակետը բյուզանդացիների դեմ մղվող պայքարում Արշամաշատ քաղաքն էր (Շիմշաթ): Նմանատիպ հենակետ էր նաև Կարնո քաղաքը (Կալիկալա) Բարձր Հայքում: Այս երկու քաղաքները գտնվում էին սահմանային ամրությունների գոտու անմիջական հարևանությամբ: Մեծ Հայոց մերձեփրատյան գավառները, գտնվելով մասամբ այդ սահմանային ամրությունների գոտու մեջ, մասամբ էլ դրա սահմանակցությամբ, հաճախ էին բյուզանդական զորքերի հարձակումների ենթարկվում: Պատահական չէ, որ այդ շրջաններն ի սկզբանե դարձան արաբ գաղթականության հաստատման համար կարևորագույն տարածքներ: Ամենայն հավանականությամբ, վերոհիշյալ տարածքներում արաբ տարրի հաստատմամբ էր պայմանավորված Չորրորդ Արմինիա վարչական շրջանի գոյությունը:

Արաբական տիրապետության հաստատմամբ և արաբա-բյուզանդական ու արաբա-խազարական հաճախակի պատերազմների պայմաններում դեպի արևմուտք և դեպի հյուսիս գնացող առևտրական ճանապարհները կորցրեցին իրենց նշանակությունը, և Արմինիայի ժողովուրդները առևտրական հարաբերություններ էին պահպանում միայն խալիֆայության մեջ մտնող երկրների հետ: Այդ իրողությունն արտացոլված է արաբ հեղինակների հիշատակություններում: Վարդանակերտ-Պարտավ ճանապարհն Արմինիան խալիֆայության մյուս երկրներին կապող հիմնական ուղիներից մեկն էր: Դվին-Մարանդ ճանապարհն Արմինիան կապում էր Թավրիզի, վերջինով նաև՝ Խորասանի ու Միջին

Ասիայի երկրների հետ: Արմինիայում գործում էին նրա կենտրոններն իրար կապող Պարտավ-Դվին, Պարտավ-Տփղիս և Պարտավ-Դարբանդ ճանապարհները: Հայտնի էր Պարտավը Բաբելի Բադդ քաղաքին կապող ճանապարհը: Գործում էր նաև Հեր-Դարբանդ ուղին, որն անցնում էր Հայաստանով, Վիրքով և Աղվանից աշխարհով: Դատելով Ղևոնդի հաղորդումներից, բանուկ էր նաև Հայոց հիմնավորց մայրաքաղաքներ Արտաշատն ու Տիգրանակերտը միմյանց կապող Արքունի պողոտան, չնայած, որ Տիգրանակերտն արդեն վաղուց գոյություն չուներ: Հայոց մայրուղին Հայաստանը կապում էր Դամասկոսի, Երուսաղեմի և Մերծավոր Արևելքի մյուս առևտրական կենտրոնների հետ:

Խալիֆայության վարած քաղաքականության համար բնութագրական էին արաբական ցեղերի մասսայական վերաբնակեցումները: Սկզբնապես Արմինիային հարավից հարևան ոստիկանությունները՝ Ջազիրան ու Ատրպատականը, զաղութացվել էին արաբական ցեղերի կողմից, որտեղից նրանք անցան Արմինիայի սահմանը: Արաբական աղբյուրները մանրամասն տեղեկություններ են պահպանել Արմինիայի տարածքում վերաբնակեցված ցեղերի մասին, որոնցից հնարավոր է հետևություններ անել, թե հատկապես ո՞ր ցեղը կամ ցեղախումբն էր հաստատվել Արմինիայի այս կամ այն մասում: Տեղեկությունները համեմատաբար սակավ են Երկրորդ Արմինիայի պարագայում: Առաջին Արմինիայի ընդգրկած տարածքը նախքան արաբական նվաճումն աչքի էր ընկնում խառը էթնիկ կազմով: Առաջին Արմինիայի մեջ մտնող Մեծ Հայքի Սյունիք, Արցախ և Ուտիք աշխարհները, ի տարբերություն Կուր գետից հյուսիս ընկած շրջանների, աչքի էին ընկնում միատարր հայ ազգաբնակչությամբ: Հայ ազգաբնակչություն ուներ նաև Շաքե-Կամբե-ճանի իշխանությունը: Առաջին Արմինիայում հիմնականում վերաբնակեցվեց Շայբան ցեղը, որի գլխավոր զաղութը Շիրվանն էր: Խառն ազգային կազմով աչքի էր ընկնում նաև Երկրորդ Արմինիան, որտեղ բնակվում էին երեք մեծ էթնիկ խմբեր՝ հայեր, վրացիներ ու ծանարներ, ինչպես նաև բազմաթիվ ցեղեր: Երկրորդ Արմինիայի մեջ մտնող Գուգարքում բնակվում էր միատարր հայ ազգաբնակչություն: Ծանարները բնակվում էին Թերեք գետի ակունքների և հարակից շրջաններում: Երկրորդ Արմինիայում վերաբնակեցված արաբների ցեղային պատկանելիության մասին միայն ենթադրություններ կարելի է անել, քանի որ արաբ հեղինակներն պարզորոշ ոչինչ չեն հիշատակում: Սակայն, ելնելով այն իրողությունից, որ հասարակ ծագում ունեցող Շուայբյաններից հետո Թիֆլիսում ամիրաներ դարձան Շայբանները, պետք է կարծել, որ Երկրորդ Արմինիայում ևս, ինչպես Առաջին Արմինիայում, արաբ վերա-

բնակիչների մեջ գերակշռում էին հենց նրանք: Երրորդ և Չորրորդ Արմինիաներում, որոնք մշտապես հայտնի էին իրենց միատարր հայ ազգաբնակչությամբ, հիմնականում վերաբնակեցվել էր Սուլայն ցեղը: Երրորդ Արմինիայում արաբական գաղութներ էին հաստատվել երկրամասի հարավարևելյան հատվածում, Դվինում և Վանա լճի արևելյան ափին, իսկ Չորրորդում՝ Վանա լճի հյուսիսային ափերին՝ Ապահունիք, Աղիովիտ գավառներում, և սահմանային ամրությունների գոտու հարևանությամբ գտնվող շրջաններում:

Ի վերջո, նշենք, որ Մեծ Հայքի ժայռամասային աշխարհները, փաստորեն, նրանից անջատվել էին Սասանյանների տիրապետության ժամանակաշրջանում, և վարչա-քաղաքական այն իրադրությունը, որը գոյություն ուներ արաբական տիրապետության շրջանում, արտացոլում էր նախորդ շրջանի պատկերը:

АДМИНИСТРАТИВНАЯ ЕДИНИЦА АРАБСКОГО ХАЛИФАТА АРМИНИЯ (ИСТОРИКО-ГЕОГРАФИЧЕСКОЕ ИССЛЕДОВАНИЕ)

Резюме

В период господства Сасанидов большая часть Великой Армении, Грузия, Албания и Южный Дагестан входили в составы трех административных единиц (марзбанств) Сасанидского государства. Западные области Великой Армении входили в состав Византийской империи и были завоеваны арабами к концу VII века.

Сохранив в общих чертах административное деление Сасанидского государства, арабы внесли в неё и существенные изменения. Так, наместничество Арминия Арабского Халифата состояло из четырех частей - Первой, Второй, Третьей и Четвертой. Первая Арминия была почти идентична Албанскому марзбанству, Вторая Арминия – Грузинскому, а Третья Арминия - Армянскому. Четвертая Арминия включала земли Великой Армении, прежде находившиеся под господством Византии.

В Первую Арминию входили Арцах, Утик, Сюник, Албания, прикаспийские земли от нижнего течения реки Кур до Дербенда и восточной части Кавказского хребта, во Вторую Арминию - Гугарк, Грузия и страны племен Цанаров и Дидоев, в Третью Арминию - Васпуракан, Айрарат, Тайк, Могк и северные части Парскаайка и Корчайка, в Четвертую Арминию - Туруберан, северная часть Алдзника и восточные части Барцр Айка и Цопка.

В Халифате в первой половине VIII века из-за непрерывных военных действий были невозможны активные торговые отношения, которые стали возобновляться во второй половине VIII века при относительном мире. В это время Армения и страны Закавказья вошли в активные торговые отношения с другими странами Халифата, пути же, ведущие в Византию и Хазарское царство, закрылись надолго.

Арминия с другими странами Халифата сообщалась дорогами, ведущими из Двина, Партава и Тифлиса. Эти пути также связывали Арминию с Хорасаном, Средней Азии и со странами Ближнего Востока, а через них со странами Северной Африки и Персидского залива.

Первую Арминию населяли различные народы и народности. В Арцахе, Утике, Сюнике и в большей части Албании жило исконное армянское

население, в других частях - табасараны (таваспары), пасхи, массагеты, ширваны, хайзаны и другие племена.

Пестрым было население и Второй Арминии. В Гугарке жили армяне, севернее - грузины и цанары, по соседству с которыми обитало множество горных племен.

Третья и Четвертая Арминии, изначально выделялись однородным армянским населением.

Вскоре после завоевания Армении, Грузии и Албании, Халифат начал колонизацию этих стран, переселяя в них арабские племена. На территорию Первой Арминии была переселена часть северного арабского племени Рабия-Шайбаниды, которая освоила Ширван. В Дербенд были переселены южные племена, по соседству с которыми обосновались северные.

Колонии южных племен стали расселяться также в Партаве, Байлакане и Кабале. Шайбаниды обосновались также в городах Второй Арминии. В Третьей и Четвертой Арминии укрепились Сулаймиды, которые относились к северным арабским племенам. Свои колонии они создали на северных и восточных берегах озера Ван, в северных областях Парскаайка, в сопредельных с последними частях Васпуракана, в Нахиджеване, Арзне и Балеше, в восточных областях Барцр Айка и Цопка.

ARMINIA ADMINISTRATIVE REGION OF THE ARABIAN CALIPHATE (HISTORICO-GEOGRAPHICAL STUDY)

Summary

During domination of the Sasanids the biggest part of Greater Armenia, Georgia, Albania and Southern Dagestan were part of three administrative units (marsbanity) of the Sasanids' Empire. The western parts of Greater Armenia were under domination of Byzantium, which were conquered by the Arabs in the end of the VII century.

In general, Arabs kept the administrative division of the Sasanids' Empire, but also brought changes. Arminia consisted of four parts, which in sequence were named the First, the Second, the Third and the Fourth. The First Arminia was almost identical to the Albanian province, the Second – to the Georgian and the Third – to the Armenian. The Fourth Arminia included those territories of Greater Armenia, which earlier were under the domination of Byzantium.

The First Arminia included Artsakh, Utik, Syunik, Albania, and the areas neighboring the Caspian Sea, from bottom watercourse of the river Kur up to Derbend and the eastern part of the Caucasian ridge. The Second Arminia included Gugark, Georgia and countries of Tzanars and Didoyes tribes, the Third Arminia - Vaspurakan, Ayrarat, Tayk, Mogk and northern parts of Parskahayk and Kordchayk, the Fourth - Turuberan, northern part of Aghdznik and the eastern parts of Bardzr Hayk and Tzopk.

In the first half of the VIII century there were almost impossible trade relations in the Caliphate due to continuous wars. In the second half of the VIII century, at the relative peace, Armenia and Transcaucasian countries were included in active trade relations with other countries of the Caliphate. The roads leading to Byzantium and the Khazar kingdom were closed for a long time.

Arminia was related with the other countries of the Caliphate by the roads led from Dvin, Partav and Tbilisi. By those roads Arminia was also in trade relations with the countries of the Middle East and through the Middle East with the countries of North Africa, Persian Gulf, Khorasan and Central Asia.

The First Arminia had a diverse population. Artsakh, Utik, Syunik and the biggest part of Albania were inhabited by homogeneous Armenian population,

other parts of the First Arminia by Tabasarans (Tavasparans), Paskhs, Mazkuts, Shirvans, Khaizans and other tribes.

The Second Arminia had a diverse population as well. Armenians lived in Gugark, Georgians and Tzanars to the north of them, while the neighboring lands were inhabited by other tribes. The Third and Fourth Arminias were inhabited by homogeneous Armenian population.

Soon after the conquest of Armenia, Georgia and Albania the Arabian Caliphate began the colonization of these countries by the Arabian tribes. Shaibanids, which were part of the Arabian Rabia tribe, were primarily moved to the territory of the First Arminia and conquered Shirvan. Some Arabian southern tribes were moved to Derbend, and northern ones to the neighboring lands. Colonies of the Arabian southern tribes were based also in Partav, Baylakan and Kabala. Shaibanids were moved to the cities of the Second Arminia. Sulamids which were part of the Arabian northern tribes were settled in the Third and Fourth Arminias. They based their colonies on the northern and eastern coasts of the Lake Van, in the northern areas of Parskahayk, in the adjacent parts of Vaspurakan, in Nakhidjevan, in Arzn and Baghesh, and in the eastern regions of Bardzr Hayk and Tzopk.

ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ

Սկզբնաղբյուրներ

Հայկական.

1. «Աշխարհացոյց Մովսեսի Խորենացւոյ յաւելուածովք նախնեաց», հրատ. Ա. Սուքրեան, Վենետիկ, 1881:
2. «Աշխարհացոյց Վարդանայ վարդապետի», քննական հրատարակութիւն Հ. Պէրպերեանի՝ համեմատութեամբ 24 ձեռագրի եւ տպագրի, Բարիզ, 1960:
3. **Եղիշէ**, Վասն Վարդանայ և Հայոց պատերազմին, թարգմանությունը և ծանոթագրությունները Ե. Տեր-Մինասյանի, Երևան, 1989:
4. **Թովմա Արծրունի և Անանուն**, Պատմութիւն տանն Արծրունեաց, բնագիրը Վ. Վարդանյանի, Երևան, 1985:
5. «Հաւաքումն պատմութեան Վարդանայ վարդապետի», Վենետիկ, 1862:
6. «Ղազարայ Փարպեցւոյ Պատմութիւն Հայոց, թուղթ առ Վահան Մամիկոնեան», քննական բնագիրը Գ. Տեր-Սկրտչյանի և Ստ. Մալխասյանի, Երևան, 1982:
7. «Մատթէոսի Ուռհայեցւոյ Ժամանակագրութիւն», գրաբար բնագիրը Մ. Մելիք-Աղամյանի և Ն. Տեր-Միքայելյանի, Երևան, 1991:
8. **Մովսէս Կաղանկատուացի**, Պատմութիւն Աղուանից աշխարհի, քննական բնագիրը և ներածությունը Վ. Առաքելյանի, Երևան, 1983:
9. **Մովսէս Խորենացի**, Ազգաբանութիւն տոհմին Յաբեթեան, Վենետիկ, 1752:
10. «Մովսիսի Խորենացւոյ Պատմութիւն Հայոց», քննական բնագիրը Մ.Աբեղյանի և Ս. Յարութիւնեանի, Երևան, 1981:
11. **Յովհան Մամիկոնեան**, Պատմութիւն Տարօնոյ, աշխատությամբ Ա. Աբրահամյանի, Երևան, 1941:
12. «Յովհաննու կաթողիկոսի Դրասխանակերտցւոյ Պատմություն Հայոց», աշխարհաբար թարգմանությունը և ծանոթագրությունները Գ. Թոսունյանի, Երևան, 1996:
13. «Պատմութիւն Հայոց արարեալ Կիրակոսի վարդապետի Գանձակեցւոյ», Թիֆլիս, 1909:
14. «Պատմութիւն Ղեւոնդեայ Մեծի վարդապետի Հայոց», Ս. Պետերբուրգ, 1887:
15. «Պատմութիւն նահանգին Սիսական, արարեալ Ստեփաննոսի Օրբէլեան արքեպիսկոպոսի Սիւնեաց», Թիֆլիս, 1910:
16. «Պատմութիւն Շապիոյ Բագրատունւոյ», ի լոյս ածին Գ. Տեր-Սկրտչեան եւ Մեսրոպ եպիսկոպոս, Էջմիածին, 1921:

17. «Պատմութիւն Սեբեոսի», աշխատասիրությամբ Գ. Աբգարյանի, Երևան, 1979:
18. «Սամուէլի քահանայի Անեցւոյ Հաւաքմունք ի գրոց պատմագրաց», յառաջաբանով, համեմատութեամբ, յաւելուածներով եւ ծանօթութիւններով Ա. Տէր-Միքէլեանի, Վաղարշապատ, 1893:
19. «Ստեփանոսի Տարօնեցւոյ Ասողկան Պատմութիւն տիեզերական», հրատ. Սո Մալխասեանց, Ս. Պետերբուրգ, 1885:
20. «Սիրոյ իօրն մերոյ Սովսէսի Խորենացւոյ Մատենագրութիւնք», Վենետիկ, 1865:
21. «Փաւստոսի Բիւզանդացւոյ Պատմութիւն Հայոց», բնագիրը Բ. Պատկանյանի, Երևան, 1987:
22. **Патканов К.**, Армянская география VII века по П. Х. (приписывавшаяся Моисею Хоренскому), Санктпетербург, 1877.

Արաբական.

1. **Արու ալ-Հասան Ալի իբն ալ-Հուսայն իբն Ալի ալ-Մասուդի**, Ոսկու մարգագետիններ և գոհարների հանքեր, Ցուցումների և դիտարկումների գիրք:- Թարգմանեց և հրատարակության պատրաստեց Ա. Եղիազարյանը, Ե., 2007:
2. «Արաբական աղբյուրները Հայաստանի և հարևան երկրների մասին», Յակուտ ալ-Համափի, Արուլ-Ֆիդա, Իբն Շադդադ, կազմեց Հ. Նալբանդյան, Երևան, 1965:
3. «Եագուպի արաբ պատմագիրը եւ հայերը», թարգմ. Հ. Ադամյան:-«Բազմավեպ», 1957, թիվ 7-8, էջ 155-159, թիվ 9-10, էջ 207-212, թիվ 11-12, էջ 262-266, 1958, թիվ 3-5, էջ 96-104:
4. **Խալաթեանց Բ.**, «Արաբացի մատենագրեր Հայաստանի մասին», Բելազորի, Իբն Մասկավայ, Տաբարի, Յակուբի, Իբն էլ-Աթիր, Վիեննա, 1919:
5. «Օտար աղբյուրները Հայաստանի և հայերի մասին», 11, «Արաբական աղբյուրներ», Բ, Իբն ալ-Ասիր, թարգմանությունը բնագրից, առաջաբանը և ծանոթությունները Ա. Տեր-Ղևոնդյանի, Երևան, 1981:
6. «Օտար աղբյուրները Հայաստանի և հայերի մասին», 16, «Արաբական աղբյուրներ», Գ, Արաբ մատենագիրներ, Թ-Ժ դարեր, ներածությունը և բնագրերից թարգմանությունները Ա. Տեր-Ղևոնդյանի, Երևան, 2005:
7. **Абу Мухаммад Ахмад ибн А'сам ал-Куфи**, Книга завоеваний, перевод З. Буниятова, Баку, 1981.
8. Из соч. Баладзори "Книга завоевания стран", текст и перевод П. Жузе, Баку, 1927.
9. **Караулов Н.**, Сведения арабских писателей о Кавказе, Армении и

Адербейджане.-«Сборник материалов для описания местностей и племен Кавказа», вып. 29, стр. 1-73, вып. 31, стр. 1-57, вып. 32, стр. 1-63, вып. 38, стр.1-129, Тифлис, 1901-1908.

10. **Abū 'L-Kāsim Ibn Haukal al-Nasībī**, Kitāb surāt al-ard.-Bibliotheca geographorum arabicorum, editio III, p. II, Lugd. Bat., 1967.
11. **Al-Istakhri**, Kitāb masālik al-mamālik.-BGA, editio III, p. I, Lugd. Bat., 1967.
12. **Al-Kufi**, Kitāb'l-futūh, I-VIII, Hyderabad, 1968-1975.
13. **Al-Moqaddasi**, Kitāb ahsān at-tākasim fi ma'rifat al-akālim.-BGA, editio III, p. III, Lugd. Bat., 1967.
14. "Excerpta e Kitāb al Kharadj auctore Kudama-ibn Dja'far".-BGA, editio II, p. VI, Lugd. Bat., 1967.
15. **Ibn Khordādbēh**, Kitāb al-masālik wa'l-mamālik.-BGA, editio II, p. VI, Lugd. Bat., 1967.
16. **Ibn al-Fakih al-Hamadani**, Kitāb al-boldān.-BGA, editio II, p. V, Lugd. Bat., 1967.
17. **Jacut's Geographisches Wörterbuch aus den Handschriften zu Berlin, St. Petersburg und Paris herausgegeben von Ferdinand Wüstenfeld, Leipzig, 1924(in sechs Bänden).**
18. «Kitāb al-a'lāk an-nafīsa auctore Abū-Ali Ahmad-ibn-Omar ibn Rosteh et Kitāb al-Boldān auctore Ahmed ibn Abī Jakūb ibn Wādhīh al-Kātib Al-Jakūbī».-BGA, editio II, p. VII, Lugd. Bat., 1967.
19. "Kitāb at-tanbīh wa'l ischrāf auctore al-Masūdī".-BGA, editio II, p. VIII, Lugd. Bat., 1967.
20. ابن الاثير، الكامل في التاريخ، ١-٩، بيروت، ١٩٦٧.
21. بلاذري، كتاب فتوح البلدان، ١-٣، القاهرة، ١٩٥٨-١٩٥٦.
22. تاريخ الطبري، ١-٩، بيروت، ١٩٦٧.
23. تاريخ اليعقوبي، ٢، بيروت، ١٩٧٠.
24. مسعودي، مروج الذهب و معادن الجواهر، ١-٢، القاهرة، ١٩٤٨.

Պարսկական.

1. **Hudūd al-'Ālam**, «The regions of the world», A Persian geography 372 A.H-982 A.D., translated and explained by V. Minorsky, London, 1937.

Վրացական.

1. **Մելիքսեթ-բեկ Լ.**, Վրաց աղբյուրները Հայաստանի և հայերի մասին, Խ. Ա, Երևան, 1934:
2. «Ջուանշերի պատմչի համառօտ պատմութիւն վրաց», Վենետիկ, 1884:
3. «Քարթլիս Ցխովրեբայի կամ վրաց պատմության հին հայերեն թարգմանությունը», լույս ընծայեց Ի. Արուլաձեն, Թիֆլիս, 1953:
4. Вахушти Багратиони, История царства Грузинского, перевод Н. Накашидзе, Тбилиси, 1976:
5. «Матиане Картлиса», перевод, введение и примечания Лордкипанидзе М., Тбилиси, 1976:

Բյուզանդական.

1. «Օտար աղբյուրները Հայաստանի և հայերի մասին», «Բյուզանդական աղբյուրներ», Բ, Կոստանդին Ծիրանածին, թարգմ. բնագրից, առաջաբան և ծանոթ. Հ. Բարթիկյանի, Երևան, 1970:
2. «Օտար աղբյուրները Հայաստանի և հայերի մասին», «Բյուզանդական աղբյուրներ», Դ, Թեոփանես Խոստովանող, թարգմ. բնագրից, առաջաբան և ծանոթ. Հ. Բարթիկյանի, Երևան, 1983:

Ասորական.

1. **Пигулевская Н.**, Сирийские источники по истории народов СССР, Москва, 1941.

Հուլա-հռոմեական.

1. **Страбон**, География, в 17 книгах, перевод, статья и комментарии Г. Стратановского, Москва, 1964.
2. Pliny Natural history, with an English translation by H. Rackham, in ten volumes, vol. II, Great Britain, 1947.

1. **Աբրահամյան Ա.**, Անանիա Շիրակացու մատենագրությունը (ուսումնասիրություն), Երևան, 1944:
2. **Ադոնց Ն.**, Հայաստանը Հուստինիանոսի դարաշրջանում, թարգմ. ռուսերենից Ա. և Է. Խոնդկարյանների, Երևան, 1987:
3. **Ադոնց Ն.**, Պատմական ուսումնասիրություններ, Փարիզ, 1948:
4. **Ալիշան Ղ.**, Այրարատ, Վենետիկ, 1890:
5. **Ալիշան Ղ.**, Սիսական, Վենետիկ, 1893:
6. **Ալպոյաճյան Ա.**, Պատմական Հայաստանի սահմանները, Կահիրե, 1950:
7. **Աճառյան Հ.**, Հայերեն արձատական բառարան, հ. Բ, Երևան, 1973:
8. **Այվազյան Ա.**, Նախնականի պատմա-ճարտարապետական հուշարձանները, Երևան, 1978:
9. **Բարխուտարեանց Մ.**, Աղուանից երկիր եւ դրացիք(Միջին Դաղստան), Թիֆլիս, 1895:
10. **Բարխուտարեանց Մ.**, Արցախ, Բաքու, 1895:
11. **Բարխուտարեանց Մ.**, Պատմութիւն Աղուանից, հ. Ա, Վաղարշապատ, 1902:
12. **Դանիելյան է.**, Հայաստանի քաղաքական պատմությունը և հայ առաքելական եկեղեցին(VI-VIII դարեր), Երևան, 2000:
13. **Երեմյան Ս.**, Հայաստանը ըստ «Աշխարհացոյց»-ի, Երևան, 1963:
14. **Ինճիճյան Ղ.**, Հնախօսութիւն աշխարհագրական Հայաստանեայց աշխարհի, հ. Ա, 476 էջ, հ. Գ, 393 էջ, Վենետիկ, 1835:
15. **Ինճիճյան Ղ.**, Ստորագրութիւն հին Հայաստանեայց, Վենետիկ, 1822:
16. **Իսկանյան Վ.**, Հայաստանը IV-VIII դդ., Երևան, 1991:
17. **Լեո**, Հայոց պատմություն, միջին դարեր:-Երկերի ժողովածու, հ. Բ, Երևան, 1967:
18. **Լիսիցյան Ստ.**, ՀՍԽՍՀ ֆիզիկական աշխարհագրություն, Երևան, 1940:
19. **Հակոբյան Թ.**, Հայաստանի պատմական աշխարհագրություն, Երևան, 1984:
20. **Հակոբյան Թ.**, Սյունիքի թագավորությունը (պատմաաշխարհագրական առումով), Երևան, 1966:
21. **Հակոբյան Թ. և ուրիշներ**, Հայաստանի և հարակից շրջանների տեղանունների բառարան, հ. 1, Երևան, 1986, 991 էջ, հ. 3, Երևան, 1991:
22. «Հայ ժողովրդի պատմություն», ՀՍՍՀ ԳԱԱ հրատ., հ. Ա, Երևան, 1971, հ. Բ, Երևան, 1984:
23. «Հայկական սովետական հանրագիտարան», հ. 1-12, Երևան, 1974-1986:
24. **Հարությունյան Բ.**, Մեծ Հայքի վարչա-քաղաքական բաժանման համակարգն ըստ «Աշխարհացոյց»-ի, մաս Ա (Արևմտյան և հարավային աշխարհ-

մեր), Երևան, 2001:

25. **Հարությունյան Հ.**, Հայաստանն Արաբական խալիֆաթի տիրապետության ժամանակ (640-856), Երևան, 1946:
26. **Հյուբշման Հ.**, Հին Հայոց տեղւոյ անունները, թարգմ. Հ. Պիլեզիկճեան, Վիեննա, 1907:
27. **Մանանդյան Հ.**, Երկեր, հ. Գ, Երևան, 1977:
28. **Մանանդյան Հ.**, Երկեր, հ. Զ, Երևան, 1985:
29. **Մանանդյան Հ.**, Հին Հայաստանի գլխավոր ճանապարհները, Երևան, 1936:
30. **Մանանդյան Հ.**, Արաբական արշավանքները Հայաստանում:-Երկեր, հ. Բ, մաս Ա, Երևան, 1978:
31. «Մառը և հայագիտության հարցերը», Երևան, 1968:
32. **Մելիք-Բախշյան Ստ.**, Հայաստանը VII-IX դարերում, Երևան, 1968:
33. **Մնացականյան Ա.**, Աղվանից աշխարհի գրականության հարցերի շուրջը, Երևան, 1966:
34. **Նալբանդյան Հ.**, Արաբների վարչական և հարկային քաղաքականությունը Հայաստանում, պատմ. գիտ. թեկնածուի գիտ. աստճանի հայցման ատենախոսություն, Երևան, 1950:
35. **Շելպյան Ս.**, Արաբական խալիֆաթի վարչական քաղաքականությունը Հայաստանում (7-9 դդ.), պատմ. գիտ. թեկնածուի գիտ. աստճանի հայցման ատենախոսություն, Երևան, 1954:
36. **Չամչեանց Ս.**, Պատմութիւն Հայոց, հ. Բ, Երևան, 1984:
37. **Ջալալեանց Ս.**, ճանապարհորդութիւն ի մեծն Հայաստան, մասն Բ, Տփլիս, 1858:
38. **Տեր-Ղևոնդյան Ա.**, Արաբական ամիրայությունները Բագրատունյաց Հայաստանում, Երևան, 1965:
39. **Տեր-Ղևոնդյան Ա.**, Հայաստանը VI-VIII դարերում, Երևան, 1996:
40. **Տեր-Ղևոնդյան Ա.**, Հոդվածների ժողովածու, Երևան, 2003:
41. **Ուլուբաբյան Բ.**, Դրվագներ Հայոց արևելից կողմանց պատմության, Երևան, 1981:
42. Ուլուբաբյան Բ., Խաչենի իշխանությունը X-XVI դարերում, Երևան, 1975:
43. **Օրմանյան Ս.**, Ազգապատում, հ. Ա, Կոստանդնուպոլիս, 1913:
44. Азербайджанская ССР, административно-территориальное деление, Баку, 1964:
45. **Артамонов М.**, История Хазар, Ленинград, 1962:
46. **Ашурбейли С.**, Государство Ширваншахов, Баку, 1983:
47. Большая Советская Энциклопедия, т. 18, Москва, 1974:
48. **Бунятов З.**, Азербайджан в VII-IX вв., Баку, 1965:

49. **Волкова Н.**, Этнонимы и племенные названия Северного Кавказа, Москва, 1973.
50. **Джалагания И.**, Монетные клады Грузии, I, Тбилиси, 1975.
51. «История Византии», том I, Москва, 1967.
52. «История, география и этнография Дагестана 18-19 вв.», архивные материалы, Москва, 1958.
53. **Минорский В.**, История Дербенда и Ширвана IX-XI вв., Москва, 1963.
54. **Мкртумян Г.**, Грузинское феодальное княжество Кахети в VIII-XI вв. и его взаимоотношения с Арменией, Ереван, 1983.
55. **Мкртчян Ш.**, Историко-архитектурные памятники Нагорного Карабаха, Ереван, 1988.
56. Налбандян А., Административная и налоговая политика арабов в Армении, (с начала VIII в. До середины IX в.), автореферат, Ереван, 1950.
57. «Народы мира», этнографические очерки, «Народы Кавказа», том I, Москва, 1960.
58. **Орбели И.**, Синхронистические таблицы хиджри и европейского летосчисления, М.-Л., 1961.
59. «Очерки истории Грузии», т. II (Богверадзе А., Раннефеодальные Грузинские государства в VI-VIII вв., Мухелишвили Д., Историческая география Грузии IV-X вв., Лордкипанидзе М., Возникновение новых феодальных государств), Тбилиси, 1988.
60. **Пахомов Е.**, Монетные клады Азербайджана..., вып. I-IX, Баку, 1926-1966, № 386-388.
61. **Тер-Гевондян А.**, Армения и Арабский халифат, Ереван, 1977.
62. **Тревер К.**, Очерки по истории культуре Кавказской Албании VI в. до н.э.-VII в. н.э., Москва-Ленинград, 1959.
63. **Ghazarian M.**, Armenien unter der arabishchen Herrschaft bis zur Entstehung des Bagratidenreiches, Marburg, 1903.
64. **Laurent J.**, L'Arménie entre Byzance et l'Islam depuis la conquête arabe jusqu'en (Nouvelle édition revue et mise à jour par M. Canard), Lisbonne, 1980.
65. **Minorsky V.**, Abu Dulaf, Cairo, 1955.
66. The Encyclopaedia of Islam, CD-ROM edition, v.1.0 © 1999 Koninklijke Brill NV, Leiden, The Netherlands.

1. **Առաքելյան Բ.**, Ժամանակագրական դիտողություններ:-«Տեղեկագիր» ՍՍՌՍ ԳԱ Հայկ. ֆիլիալի, Երևան, 1941, թիվ 1(6):
2. **Դանիելյան Է.**, Արևելյան Հայաստանի վարչատարածքային բաժանումը (591-629):-«Լրաբեր(հաս. գիտ.)», 1986, թիվ 8, էջ 55-67:
3. **Դանիելյան Է.**, 647 թ. արաբական արշավանքը Հայաստան:-«Պատմա-բանասիրական հանդես», 1982, թիվ 2, էջ 106-116:
4. **Եղիազարյան Ա.**, Արաբական աղբյուրների Արխազ թագավորությունը:-«Լրաբեր(հաս. գիտ.)», 2005, թիվ 2, էջ 218-226:
5. **Եղիազարյան Ա.**, Արաբական աղբյուրների Սարիրի թագավորությունը:-«Գիտության գլոբուս», 2004, հ. 4, էջ 99-106:
6. **Եղիազարյան Ա.**, Արաբների արշավանքը Ատրպատականի վրայով դեպի Հայաստան:-«Տարեգիրք», 2005, էջ 88-98:
7. **Եղիազարյան Ա.**, Արաբների կողմից Հայաստանի նվաճման թվականի շուրջ,-«ԲԵՀ», 2008, թիվ 1, էջ 161:
8. **Եղիազարյան Ա.**, Արմինիա ոստիկանության սահմանները:-«Պատմա-բանասիրական հանդես», 2005, թիվ 1, էջ 243-258:
9. **Եղիազարյան Ա.**, Հաբիբ իբն Մասլամայի և Սալման իբն Ռաբիայի արշավանքները Հայաստան և Այսրկովկասյան երկրներ,-«Լրաբեր (հաս. գիտ.)», 2008, թիվ 2, էջ 68-77:
10. **Եղիազարյան Ա.**, Հեր(Խուռայր)-Դարբանդ(Բաբ ալ-Աբվաբ) ճանապարհն ըստ արաբ աշխարհագետ ալ-Մուկադդասիի:-«Պատմա-բանասիրական հանդես», 2005, թիվ 3, էջ 149-159:
11. **Երեմյան Ս.**, «Աշխարհացոյցի» սկզբնական բնագրի վերականգնման փորձ:-«Պատմա-բանասիրական հանդես», 1973, թիվ 2, էջ 261-274:
12. **Իսկանյան Վ.**, Հայ-բյուզանդական հարաբերությունները VII դարում` արաբական առաջին արշավանքների ժամանակ:-«Պատմա-բանասիրական հանդես», 1971, թիվ 4, էջ 61-80:
13. **Կարագոյյան Հ.**, Արևելյան Հայաստանի Ուրարտական տեղանունները:-«Լրաբեր (հաս. գիտ.)», 1978, թիվ 10, էջ 55-76:
14. **Հարությունյան Բ.**, Արցախի, Հայոց Արևելից կողմերի և Ղարաբաղի տարածքի հարցի շուրջ:-«Պատմա-բանասիրական հանդես», 1994, թիվ 1-2, էջ 256-266:
15. **Հարությունյան Բ.**, Դվին-Պարտավ ճանապարհի Sīsajān-Gēlakunī գծանալը:-«Պատմա-բանասիրական հանդես», 1968, թիվ 1, էջ 212-220:
16. **Հարությունյան Բ.**, Լփինքի տեղադրության հարցի շուրջը:-«Բանբեր Երևանի Համալսարանի», 1981, թիվ 1, էջ 108-124:

17. **Հարությունյան Բ.**, Մեծ Հայքի Գուգարք աշխարհը ըստ «Աշխարհացոյց»-ի: «Բանբեր Երևանի Համալսարանի», 1977, թիվ 2, էջ 176-197:
18. **Հարությունյան Բ.**, Մեծ Հայքի թագավորության հյուսիսարևելյան մարզերի վարչա-քաղաքական կացությունը 387-451 թվականներին: «Բանբեր Երևանի համալսարանի», 1976, թիվ 2, էջ 77-95:
19. **Հարությունյան Բ.**, Մեծ Հայքի Սոկք աշխարհն ըստ «Աշխարհացոյցի»: «Պատմա-բանասիրական հանդես», 1990, թիվ 1, էջ 41-52:
20. **Հարությունյան Բ.**, Մեծ Հայքի Վասպուրական աշխարհը ըստ «Աշխարհացոյց»-ի: «Բանբեր Երևանի Համալսարանի», 1983, թիվ 3, էջ 110-139:
21. **Ղարազյոզյան Ա.**, Սիսաջան և Նակորզան քաղաքների տեղադրությունը: «Լրաբեր» (հաս. գիտ.), 2001, թիվ 1, էջ 135-142:
22. **Մարկվարտ Դ.**, Պարսկահայք նահանգը: «Պատմա-բանասիրական հանդես», 1961, թիվ 1, էջ 185-207:
23. **Մինասյան Է., Եղիազարյան Ա.**, Հայ դիվանագիտությունը VII դարում, «Լրատու» Մեսրոպ Մաշտոց Համալսարանի, Ստեփանակերտ, 2008, էջ 6-24:
24. **Սկրտումյան Դ.**, Ծանարների ցեղը և նրանց դերը Պարյալի լեռնանցքի պահպանության գործում: «Լրաբեր» (հաս. գիտ.), 1972, թիվ 6, էջ 85-89:
25. **Մուշեղյան Խ.**, Արևելյան դրամների գանձերը և Հայաստանի տնտեսական կապերի հիմնական ուղղությունները VIII-X դարերում: «Պատմա-Բանասիրական հանդես», 1978, թիվ 3, էջ 217-234:
26. **Նալբանդյան Դ.**, Արաբացի ոստիկանները Հայաստանում: Առանձնատիպ ՀՍՍՌ ԳԱ «Տեղեկագիր», 1956, թիվ 8, էջ 105-124:
27. **Տեր-Ղևոնդյան Ա.**, Արաբական սահմանային ամրությունների գոտին (Սուղուր): «Պատմա-բանասիրական հանդես», 1981, թիվ 2, էջ 134-149:
28. **Տեր-Ղևոնդյան Ա.**, Դվին քաղաքի ժամանակագրությունը 9-11-րդ դարերում: ՀՍՍՀ ԳԱ «Տեղեկագիր», 1957, թիվ 10, էջ 85-98:
29. **Տեր-Ղևոնդյան Ա.**, Հայաստանի վարչական բաժանումները ըստ արաբ աշխարհագիրների: ՀՍՍՌ ԳԱ «Տեղեկագիր», 1961, թիվ 5, էջ 63-72:
30. **Տեր-Ղևոնդյան Ա.**, «Հայոց իշխան»-ը արաբական տիրապետության ժամանակաշրջանում: «Պատմա-բանասիրական հանդես», 1964, թիվ 2, էջ 121-134:
31. **Տեր-Ղևոնդյան Ա.**, Սասունի 749-752 թվականների անհայտ ապստամբությունը խալիֆայության դեմ: «Պատմա-բանասիրական հանդես», 1971, թիվ 3, էջ 196-202:
32. **Տեր-Ղևոնդյան Ա.**, Քուստ-ի Կապկոհ վարչական միավորի վերապրուկները խալիֆայության ժամանակ: ՀՍՍՌ ԳԱ «Տեղեկագիր», 1958, թիվ 9, էջ 73-77:

33. **Ուլուրարյան Բ.**, «Ալբանիա», «Աղվանք» և «Առան» տեղանունները: - «Պատմա-բանասիրական հանդես», 1971, թիվ 3, էջ 115-126:
34. **Ուլուրարյան Բ.**, Պատմա-աշխարհագրական ճշգրտումներ: - «Բանբեր Երևանի Համալսարանի», 1971, թիվ 1, էջ 176-186:
35. **Арутюнян Б.**, Административное деление закавказских владений Сасанидского Ирана согласно труду Елишэ.- «Кавказ и Византия», вып. I, Ереван, 1979, էջ 19-35:
36. **Еремян С. Т.**, Моисей Каланкатуйский о посольстве албанского князя Вараз-Трдата к хазарскому хакану Алп-Илитверу.- Записки института востоковедения АН СССР, т. VII, 1939, էջ 129-155:
37. **Еремян, С. Т.**, Торговые пути Закавказья в эпоху Сасанидов по Tabula Peutingeriana.- «Вестник древней истории», 1939, N 1, էջ 79-97:
38. **Март Н.**, Кавказские племенные названия и местные параллели.- «Труды комиссии по изучению племенного состава населения России», N 5, Петроград, 1922, էջ 1-39:
39. **Мнацаканян А., Севак П.**, По поводу книги З. Буниятова «Азербайджан в VII-IX вв.».- «Պատմա-բանասիրական հանդես», 1967, թիվ 1, էջ 177-190:

ՔԱՐՏԵԶՆԵՐ

1. Ցարական Ռուսաստանի բանակային շտաբի հինգվերստանոց քարտեզի Ж.6., Ж.8., 3.7. 3.8., И.7. պլանշետներ:
2. Ցարական Ռուսաստանի բանակային շտաբի տասվերստանոց քարտեզի թիվ 100 և 118 պլանշետներ:
3. **Երեմյան Ս.**, Մեծ Հայքը ըստ «Աշխարհացոյց»-ի, Երևան, 1963:
4. **Երեմյան Ս.**, Հայաստանը և հարևան երկրները 855-953թթ., Երևան, 1976:
5. **Երեմյան Ս.**, Հայաստանը IX-XI դարերում, Երևան, 1987:
6. **Երեմյան Ս.**, Սարգսյանական Հայաստանը և հարևան երկրները 387-628թթ., Երևան, 1980:
7. **Երեմյան Ս.**, Վասպուրականի թագավորություն (908-1021 թթ.), քարտեզ: - «ՀՍՀ», հ. 11, Երևան, 1985:
8. Հայկական լեռնաշխարհ և հարակից շրջաններ, ֆիզիկական քարտեզ: - «ՀՍՀ», հատ. 2, Երևան, 1980, էջ 176:
9. **Հարությունյան Բ.**, Հայաստանն ըստ «Աշխարհացոյց»-ի և այլ աղբյուրների, Երևան, 2001:
10. Атлас Азербайджанской ССР, Баку-Москва, 1963. 214 էջ:

11. Атлас СССР, Кавказ, карта, Москва, 1985. 260 тг:
12. Дорожная карта Кавказского края, составлена и литографирована в военно-типографическом отделе Кавказского военного округа, 20 верст в дюйме, Тифлис, 1870:
13. Карта Кавказского края с показанием густоты армянского населения, издание Бакинского Армянского Культурного Союза, Баку, 1908.
14. Этническая карта Дагестанской АССР.-“Народы мира”, этнографические очерки, том I, “Народы Кавказа”, Москва, 1960, тг 416:

ԲՈՎԱՆԴԱԿՈՒԹՅՈՒՆ

ՆԵՐԱԾՈՒԹՅՈՒՆ	3
ԳԼՈՒԽ ԱՌԱՋԻՆ. ԱՐՄԻՆԻԱ ՈՍՏԻԿԱՆՈՒԹՅԱՆ ԿԱԶՄԱՎՈՐՈՒՄԸ	17
ԳԼՈՒԽ ԵՐԿՐՈՐԴ. ԱՐՄԻՆԻԱ ՈՍՏԻԿԱՆՈՒԹՅԱՆ ՎԱՐՉԱԿԱՆ ԲԱԺԱՆՈՒՄԸ	31
ԳԼՈՒԽ ԵՐՐՈՐԴ. ԱՐՄԻՆԻԱ ՈՍՏԻԿԱՆՈՒԹՅԱՆ ԱՌԵՎՏՐԱԿԱՆ ՃԱՆԱՊԱՐՅՆԵՐԸ	89
ԳԼՈՒԽ ՉՈՐՐՈՐԴ. ԱՐՄԻՆԻԱ ՈՍՏԻԿԱՆՈՒԹՅԱՆ ԷԹՆԻԿ ԿԱԶՄԸ	131
ՎԵՐՋԱԲԱՆ	166
Резюме	171
Summary	173
ՕԳՏԱԳՈՐԾՎԱԾ ԳՐԱԿԱՆՈՒԹՅԱՆ ՑԱՆԿ	175

ԱՐՄԱՆ ՍԱՄՎԵԼԻ ԵԴԻԱԶԱՐՅԱՆ

ԱՐԱԲԱԿԱՆ ԽԱԼԻՖԱՅՈՒԹՅԱՆ ԱՐՄԻՆԻԱ ՎԱՐՉԱԿԱՆ ՇՐՋԱՆԸ

(ՊԱՏՄԱԱՇԽԱՐՀԱԳՐԱԿԱՆ ՈՒՍՈՒՄՆԱՍԻՐՈՒԹՅՈՒՆ)

Կազմի ձևավորումը՝ **Գ. Վ. Մարիկյանի**
Հրատ. խմբագիր՝ **Մ. Գ. Յավրյան**
Տեխ. խմբագիր՝ **Վ. Զ. Բոդյան**
Համ. ձևավորումը՝ **Ա. Աղուզումցյանի**

Ստորագրված է տպագրության՝ 01.06.2010 թ.:
Թուղթ՝ օֆսեթ: Տպագրություն՝ օֆսեթ: Չափսը՝ 60x84 1/16:
Հրատ. 10.3 մամուլ, տպագր. 12.0 մամուլ + 3 քարտեզ =
= պայմ. 11.2 մամուլի: Պատվեր՝ 38: Տպաքանակ՝ 300:

ԵՊՀ հրատարակչություն, Երևան, ԱԼ. Մանուկյան 1

ԵՊՀ տպագրատուն, Երևան, Աբովյան 52

**«Գալուստ Կիլպէնկեան հիմնարկութեան հայկական մատենաշարով»
Երևանի պետական համալսարանի հրատարակչությունը լույս է
ընծայել հետևյալ գրքերը**

1. **Թ. Չակոբյան, Ստ. Մելիք-Բախշյան, Յ. Բարսեղյան** - Հայաստանի և հարակից շրջանների տեղանունների բառարան, հատոր 3, 1998:
2. **Թ. Չակոբյան, Ստ. Մելիք-Բախշյան, Յ. Բարսեղյան** - Հայաստանի և հարակից շրջանների տեղանունների բառարան, հատոր 4, 1998:
3. **Թ. Չակոբյան, Ստ. Մելիք-Բախշյան, Յ. Բարսեղյան** - Հայաստանի և հարակից շրջանների տեղանունների բառարան, հատոր 5, 2001: (Բառարանը 2002 թ. արժանացել է ՀՀ նախագահի մրցանակին՝ «Մարդկային զարգացման և հումանիտական արժեքների, այդ թվում՝ հումանիտար գիտությունների զարգացման բնագավառում ձեռք բերված նվաճումների համար»):
4. **Ստեփանոս Տարոնեցի Ասողիկ** - Տիեզերական պատմություն (աշխարհաբարի վերածեց Վ. Վարդանյանը), 2000 թ.:
5. **Հրաչյա Գաբրիելյան** - Հայկական լեռնաշխարհը, 2000 թ.:
6. **Ալեքսանդր Մարգարյան** - Հայերենի հոլովները, 2000 թ.:
7. Նահապետ Զուլալի բանաստեղծական աշխարհը, աշխատասիրությամբ ակադեմիկոս **Հրանտ Թամրազյանի**, Եր., 2001 թ.:
8. Շարական (ժողովածու) - Աշխարհաբարի վերածեցին **Ա. Մադոյանը և Գ. Մադոյանը**, 2001 թ.:
9. **Հրաչյա Միրզոյան** - Հովհաննես Մրջուզ Ջուղայեցի, 2001 թ.:
10. **Ռուբեն Ղազարյան** - Միջին գրական հայերենի բառապաշարը, 2001 թ.:
11. **Բաբկեն Հարությունյան** - Մեծ Հայքի վարչա-քաղաքական բաժանման համակարգն ըստ «Աշխարհացոյցի», 2001 թ.:
12. **Վարդան Արևելցի** - Տիեզերական պատմություն (աշխարհաբարի վերածեց Գ. Թոսունյանը), 2001 թ.:
13. **Գևորգ Մադոյան** - Գրիգոր Անավարզեցին շարականագիր, 2001 թ.:
14. **Գևորգ Արզարյան** - Հայ տպագրության նախապատմություն, 2001 թ.:
15. **Փայլակ Անթապյան** - Հովհաննես սարկավագ Իմաստասեր, 2001 թ.:
16. **Յոզեֆ Կարստ** - Կիլիկյան հայերենի պատմական քերականություն, 2001 թ.:
17. **Ռաֆայել Մաթևոսյան** - Կուբան ապագայի որոնումներում. իրադարձություններ և դասեր, 2001 թ.:
18. **Խաչիկ Բաղիկյան** - Ուսումնական դարձվածաբանական բառարան, 2002 թ.:
19. **Հրաչյա Գաբրիելյան** - Հայոց բնաշխարհը (դասագիրք), 2002 թ.:
20. **Էդուարդ Աղայան** - Լեզվաբանական հետազոտություններ, 2003 թ.:

21. **Արտակ Սովսիսյան** - Նախամաշտոցյան Հայաստանի գրավոր մշակույթը, 2003 թ.:
22. **Հրաչյա Աճառյան** - Քննություն Կիլիկիայի բարբառի, 2003 թ.:
23. **Պիոն Հակոբյան** - Գիտական ուսումնասիրություններ, 2003 թ.:
24. **Աշոտ Սուքիասյան** - Հայոց լեզվի հոմանիշների բացատրական բառարան (2004 թ. արժանացել է ՀՀ նախագահի մրցանակին՝ «Սարդկային զարգացման և հումանիստական արժեքների, այդ թվում՝ հումանիտար գիտությունների զարգացման բնագավառում ձեռք բերված նվաճումների համար»), 2003 թ.:
25. **Երջանիկ Գևորգյան** - Հայոց շարժումային լեզվի բացատրական բառարան (Շարժութարան), արժանացել է Վահան Թեքեյան մրցանակի, 2003 թ.:
26. **Հայրիխ Հյուբշման** - Հայերենի քերականություն, առաջին մաս, Հայերենի ստուգաբանություն, 2003 թ.:
27. **Հայրիխ Հյուբշման** - Հայագիտական ուսումնասիրություններ, 2004 թ.:
28. **Ալեքսանդր Մարգարյան** - Հայոց լեզվի քերականություն (Ձևաբանություն) 2004 թ.:
29. **Ռամազ Գորգաձե** - Հայերեն-վրացերեն զրուցարան, 2004 թ.:
30. **«Ժուռնալ Ազիատիկ»** հանդեսի հայագիտական նյութերի ծանոթագրված մատենագիտություն, 2004 թ. (ռուսերեն):
31. **Հրաչյա Աճառյան** - Հայոց պատմություն, հյուսված ընդհանուր պատմության հետ, 2004 թ.:
32. **Յովհաննես Սարկալազ Իմաստասեր** - Լուծմունք «Սահմանագ գրոց», 2004 թ.:
33. **Սանդրո Սարդարյան** - Հայաստանը քաղաքակրթության օրրան, 2004 թ.:
34. **Կարոն Իզբաշեան** - Սևարայրի ճակատամարտից դեպի Նուարսակի պայմանադրությունը, 2005 թ.:
35. **Հարություն Դելլալյան** - Ժողովածու, 2005 թ.:
36. **Բախտիար Հովակիմյան** - Հայոց ծածկանունների բառարան, 2005 թ.:
37. **Գառնիկ Անանյան** - Ակնարկներ հայոց հին և միջնադարյան հրապարակախոսության, 2005 թ.:
38. **Վահան Տեր-Ղևոնդյան** – Կիլիկյան Հայաստանը և Մերձավոր Արևելքի արաբական երկրները (1145-1226 թթ.), 2005 թ. (ֆրանսերեն):
39. **Գառնիկ Ստեփանյան** – Երզնկա (Հնագույն դարերից մինչև մեր օրերը), 2005 թ.:
40. **Հրաչյա Աճառյան** - Լիակատար քերականություն հայոց լեզվի համեմատությամբ 562 լեզուների. Իմաստաբանություն, Բառաքնություն, Շարահյուսություն, 2005 թ.:
41. Օտար աղբյուրները Հայաստանի և հայերի մասին. 16-րդ հատոր: Արաբ մատենագիրներ Թ-Ժ դարեր: Ներածությունը և բնագրերից թարգմանությունները **Արամ Տեր-Ղևոնդյանի**, 2005 թ.:
42. **Սահակ Բազյան** - Խաչատուր Աբովյանը առակախոս-բանաստեղծ և դրամատուրգ, 2005 թ.:
43. **Ռամազ Գորգաձե** - Վրացերեն-հայերեն բառարան, 2005 թ.:
44. **Պավել Շարաբխանյան** - Հանգաբանություն, 2005 թ.:

45. **Ռուբեն Ղազարեան** - Գրաբարի հոմանիշների բառարան, 2006 թ.:
46. Գրիգոր Զօհրապը ժամանակակիցների յուշերում եւ վկայութիւններում: Աշխատասիրութեամբ **Ալբերտ Շարուրեանի**, 2006 թ.:
47. **Նիկողայոս Աղոնց** - Երկեր, հինգ հատորով, հատոր Ա, Պատմագիտական ուսումնասիրություններ (հրատ. պատրաստեց Պ. Հովհաննիսյանը), 2006 թ.:
48. **Հ. Պողոս Գոճանեան** - Ուղեցոյց դասական ուղղագրութեան, 2006 թ.:
49. **Հայկազ Ժամկոչյան** - Հայ ժողովրդի պատմություն, 2006 թ.:
50. Հայ հմայական և ժողովրդական աղոթքներ: Աշխատությամբ **Ս. Հարությունյանի**, 2006 թ.:
51. **Սաթենիկ Գեջյան** - Անի: Մատենագիտություն, 2006 թ.:
52. **Հարություն Մ. Վենետիկյան, Զերալդ Ա. Ուորֆիլդ** - Համաշխարհային առևտրի ֆինանսավորում, 2006 թ.:
53. **Շահե Արքեպիսկոպոս Աճեմեան**, Հայերեն Աստուածաշունչը, 2006 թ.:
54. **LA MINIATURE ARMENIENNE** - Collection du Matenadaran, 2006 թ., «Նաիրի» հրատարակչության հետ համատեղ
55. Արևելագիտության հարցեր (Հոդվածների ժողովածու, հատոր VI), 2006 թ.:
56. **Հակոբ Սիմոնյան** - Վերին նավեր, գիրք Ա, (1976-1990 թթ. պեղումների արդյունքները), 2006 թ.:
57. **Նիկողայոս Աղոնց** - Երկեր, հինգ հատորով, հատոր Բ, Պատմա-բանասիրական ուսումնասիրություններ (հրատ. պատրաստեց Պ. Հովհաննիսյանը), 2006 թ.:
58. **Լիլիթ Զաքարյան** - Աղջոց սուրբ Ստեփանոս, 2007 թ.:
59. **Ալբերտ Խառատյան** - Կոստանդնուպոլսի հայ գաղթօջախը (XV-XVII դարեր), 2007 թ.:
60. **Մատենագիրք Հայոց** - մատենաշար, Զ հատոր, Ը դար, տպագրվել է Անթիլիասում (Լիբանան), 2007 թ.:
61. **Մատենագիրք Հայոց** - մատենաշար, Է հատոր, Ը դար, տպագրվել է Անթիլիասում (Լիբանան), 2007 թ.:
62. **Մատենագիրք Հայոց** - մատենաշար, Ը հատոր, Շարական, տպագրվել է Անթիլիասում (Լիբանան), 2007 թ.:
63. **Հայ ժողովրդի պատմության քրեստոմատիա** (Հնագույն ժամանակներից մինչև Բ. հ. 298 թվականը), հատ. 1, 2007 թ.:
64. **Ռուբեն Ղազարեան, Հենրիկ Ավետիսեան** - Նորայայտ բառեր գրաբարում, 2007 թ.:
65. **Ֆելիքս Հայրապետյան** - Ֆենոլոգիայի հայերեն-ռուսերեն-անգլերեն բա-ցատրական բառարան, 2007 թ.:
66. **Ցուցակ ձեռագրաց** Մաշտոցի անուան Մատենադարանի, հատոր Գ, (կազմող Արմեն Մախասեան), 2007 թ.:
67. **Դեմի դը Ռուժմոն** - Սերը և Արևմուտքը (թարգմ. **Ալ. Թովչյանի**), 2007 թ.
68. **Սերոբ Ղազարյան** - Հայոց լեզվի պատմություն, 2007 թ.:
69. **Լաւրենտի Յովհաննիսեան** - Հայ թարգմանական գրականութեան բառապաշարը (V դար), Ազգային Մատենադարան, հ. ՄԽ, 2007 թ.:
70. **Համաստեղ** - Մոռացված էջեր, հատոր Դ, 2007 թ.:

71. **Գրիգոր Միքայելյան** - Կիլիկիայի հայկական պետության պատմություն, 2007 թ.:
72. **Նիկողայոս Ադոնց** - Երկեր, հինգ հատորով, հատոր Գ, Հայերենագիտական ուսումնասիրություններ (հրատ. պատրաստեց Պ. Հովհաննիսյանը), 2008 թ.:
73. **Աելիտա Դուլխանյան** - Ֆրեդերիկ Ֆեյդին հայագետ, 2008 թ.:
74. **Ստեփան Պողոսյան** – Հայոց ցեղասպանության պատմություն, հատ. 1 2008 թ.:
75. **Ժիրայր Անանյան** - Պիեսներ, Ընտրանի, 2008 թ.:
76. **Մատենագիրը Հայոց** - մատենաշար, Թ հատոր, Թ դար, տպագրվել է Անթիլիասում (Լիբանան), 2008 թ.:
77. **Մատենագիրը Հայոց** - մատենաշար, ԺԲ հատոր, Ժ դար Գրիգոր Նարեկացի, տպագրվել է Անթիլիասում (Լիբանան), 2008 թ.:
78. **Մատենագիրը Հայոց** - մատենաշար, ԺԳ հատոր, Գանձեր I մաս, տպագրվել է Անթիլիասում (Լիբանան), 2008 թ.:
79. **Մատենագիրը Հայոց** - մատենաշար, ԺԴ հատոր, Գանձեր II մաս, տպագրվել է Անթիլիասում (Լիբանան), 2008 թ.:
80. **Խաչիկյան Լևոն** - Աշխատություններ, հատոր Գ, («Նաիրի» հրատարակչության հետ համատեղ), 2008 թ.:
81. **Հարությունյան Հ. Մ.** - Նոր Բայազետի գավառը 1828-1913 թթ., 2008 թ.:
82. **Գրիգոր Ղափանցյան** - Արմատական բառարանի առթիվ դիտողություններ, ԸՐՈ կրպակի ընդհանուր ՎՈՒՏՑՁՏՐՖի պրսին ՏոՐՈՋ ց ՈՐՎՎ, 2008 թ.:
83. **Բաբկեն Հարությունյան** - Խորհրդահայ թատրոնի տարեգրություն, հատոր III, 2008 թ.:
84. **Վահրամ Արախանյան** - «Գալուստ Կյուլպենկյան» հիմնարկության հայա-նպաստ գործունեությունը. 1956-2006 թթ., 2008 թ.:
85. **Ավետիք Իսահակյան** - Երկերի լիակատար ժողովածու, հատոր IV - Պոեմներ, 2008 թ.:
86. **Չրաչյա Հարությունյան** - Շուշի, XVIII-XIX դդ. տապանագրեր, 2008 թ.:
87. **Գառնիկ Ստեփանյան** - Ակնարկներ սփյուռքահայ թատրոնի պատմության, Գիրք 2, Ամերիկահայ թատրոնի պատմություն, 2008 թ.:
88. **Մայր ցուցակ** հայերեն ձեռագրաց Մաշտոցի անուան Մատենադարանի, հատոր Դ., 2008 թ.:
89. **Ալեքանդեան Նարեկ եպս.** - Հայաստանեայց առաքելական եկեղեցու պատասխանները ոչ-ուղղափառ առարկություններու, 2009 թ.:
90. **Հրաչիկ Սիմոնյան** - Հայերի զանգվածային կոտորածները Կիլիկիայում (1909 թ. ապրիլ), 2009 թ.:
91. **Ստեփան Տ. Մելիք-Բախչյան** - Հայոց պաշտամունքային վայրեր, 2009 թ.:
92. **Աշոտ Սուքիասյան** - Հայոց լեզվի հոմանիշների բացատրական բառարան, 2009 թ.:
93. **Ստեփան Պողոսյան** - Հայոց ցեղասպանության պատմություն, հ. 2, «Հայաստան» հրատարակչության հետ համատեղ, 2009 թ.:
94. **Պերոն Զեյթունցյան** - Ապրենք տասը պատվիրաններով, 2009 թ.:
95. **Հակոբ Չոլաքյան** - Քեսապի բարբառը, 2009 թ.:
96. **Հրանտ Թամրազյան** - Երկեր, հ. 2, 2009 թ.:

97. **Արամ Բարլեզիզյան** - Հայերեն - ֆրանսերեն բառարան, 2009 թ.
98. **Հրաչիկ Սիմոնյան** - Ազատագրական պայքարի ուղիներում, 2009 թ.
99. **Գառնիկ Ստեփանյան** - Մղձավանջային օրեր, 2009 թ.
100. **Արամ Սիմոնյան** - Ջանգեզուրի գոյամարտը, 2010 թ.:
101. **Գուրգեն Մահարի** - Սիրիական, 2009 թ.:
102. **Ռուբեն Ղազարյան, Հենրիկ Ավետիսյան** - Միջին հայերենի բառարան, երկրորդ հրատարակություն, 2009 թ.:
103. **Հրաչյա Աճառյան** - Պոլսահայ անգիր բանահյուսություն, 2009 թ.:
104. Մատենագիրք Հայոց - մատենաշար, Ժ հատոր, Նարեկյան դպրոց, տպագրվել է Անթիլիասում (Լիբանան), 2009 թ.:
105. **Նիկողայոս Ադոնց** - Երկեր հինգ հատորով, հատոր Դ, 2009 թ.:
106. **Մայր ցուցակ** հայերեն ծեռագրաց Մաշտոցի անուան Մատենադարանի, հատ. Ե, «Նաիրի» հրատարակչության հետ համատեղ, 2009թ.:
107. **Հակոբ Մանանդյան** - Երկեր, Բանասիրական ուսումնասիրություններ, հատոր Է, 2010 թ.:
108. **Արման Եղիազարյան** - Արաբական խալիֆայության Արմինիա վարչական շրջանը (պատմաաշխարհագրական ուսումնասիրություն), 2010 թ.:

ան սահմանները
անապատները
արարական տիրապետության
ել

ՈՆՏԱԿԱՆ

ԾՈՎ

ԱՆՆԱԿԱՆ

Անապատ

ԽԱՉԱՐԱԿԱՆ ԽԱՔԱՆՈՒԹՅՈՒՆ



Սամանդար
(Սմընդո)

Վառաչան
(Բալանջա՞ր)

Հումրաթ
(Հումրաթ)

Խումզախ
(խայզախ)

Հումիթ

Ջարիքիրան

Դարբանդ
(Բաթալ-Արվար)

Ջիսր Մամուր

Արխազ

Շիրվան

Շաքե

Կապադակ
(Կաթակա)

Պարտակ
(Բարդա)

Գանձակ
(Ջանջա)

Կաղկաթույթ
(Կալկաթու)

Սողքի լ-ջր
(Ղառմիս)

Հաթերթ
(Հատրիս)

Գեղարունի
(Բի-Բու)

Յունան

Բարգանջ
(Բարդիթ)

Գեղամա ծով

Սոդիկ-ջր

Անի

Կարս

Որադե

Իշխան

Փանասկերտ

Թուխարթ

Արտանուջ

Արտահան

Տրապիզոն
(Տարաբազունդա)

Համամաշեն

Սպեր

Բաթերթ

Սեբաստուպոլիս

ԱՋԻԿԱ
(ԵԳԵՐ)

Արբեռարիս

Քուբայիս
(Կոտայիս)

Փուլթ
(Փասիս)

Բաթ Սամաթի
(Սամցխեի դուռ)

Սուրամ

Ուփլիսցիս

Տփլիս
(Տիֆլիս)

Կալա Իրմ
Քանդաման

Հումարակերտ
(խուման)

Խաղիսաղ

Շամքոր

Գանձակ

Կաղկաթույթ

Սողքի լ-ջր

Հաթերթ

Պարտակ

Գեղարունի

Յունան

Բարգանջ

Գեղամա ծով

Սոդիկ-ջր

Անի

Կարս

Որադե

Թուխարթ

Փանասկերտ

Արտանուջ

Արտահան

Տրապիզոն
(Տարաբազունդա)

Համամաշեն

Սպեր

Բաթերթ

Սեբաստուպոլիս

ԱՋԻԿԱ
(ԵԳԵՐ)

Արբեռարիս

Քուբայիս
(Կոտայիս)

Փուլթ
(Փասիս)

Բաթ Սամաթի
(Սամցխեի դուռ)

Սուրամ

Ուփլիսցիս

Տփլիս
(Տիֆլիս)

Կալա Իրմ
Քանդաման

Հումարակերտ
(խուման)

Խաղիսաղ

Շամքոր

Գանձակ

Կաղկաթույթ

Սողքի լ-ջր

Հաթերթ

Պարտակ

Գեղարունի

Յունան

Բարգանջ

յան սահմանները
յան չորս վարչական
րը
յանությունում վերաբնակեցված արաբական ցեղեր,
ցված շրջաններում փոքրամասնություն էին կազմում
ան դիվանում գրանցված զինվորներ, որոնք
ել էին Արմինիայում
միջ Արմինիայում վերաբնակեցված ցեղեր
ն երկրներում բնակվող ցեղեր և ցեղային տարածքներ

ն կայազորներ էին հաստատվել
վերաբնակիչներ էին հաստատվել

ՆՏԱԿԱՆ ԾՈՎ

ԱՆ ԴԱԿԱՆ

Ի Թ Յ Ո Ւ Ն

